

HERMANNI VENEMAE PRAELECTIONES

D E

METHODO PROPHETICA

S E U

DE ARGUMENTO PROPHETIARUM VETERIS
ET NOVI TESTAMENTI

A C

UTRIUSQUE PERIODIS

QUIBUS ACCEDUNT

SERMONES ACADEMICI QUATUOR

1. *De Charactere Antichristi.*
 2. *De Methodo Quaestionis de Antichristo tractandae, et Periodo Antichristiana.*
 3. *De fraudulenta et violenta Religionis tuendae vel propagandae methodo, vero Charactere Satanae.*
 4. *De Periculo, Ecclesiis Protestantium a Papismo, sed qua Antichristiano, imminente.*
-

L E O V A R D I Æ,

Apud ABRAHAMUM FERWERDA, Bibliopolam,
M D C C L X X V.


BT214

V45

1775

c.1


Rare



LECTORI BENEVOLO

P. S. D.

H. VENEMA.

 Ractatui, quem oculis tuis subjicio,
et judicio tuo aequo submitto,
Praelectionum praefixi titulum,
cum quod inde originem repetat,
in usum enim studiosae Juventutis, ut ali-
quam in manibus habeant prophetiarum in-
telligendarum ac explicandarum methodum,
compositus fuit, tum quod eum conspectum
et scopum ei relinquendum esse censuerim;
ut et Tibi B. L. eum praestet usum; sal-
tem,

tem, qua ratione Prophetias tractare soleam, ac exponendas censeam, inde constat. Unde est, quod, brevitati studens, Tuis quoque commodis litans, a fusiore seu Historiae, seu Prophetiarum particularium, deductione abstinuerim, loca Script. S. citasse, paucis exceptis, de quibus mentem paulo productius exposui, et facta historica digito monstrasse, passim contentus. Quod eo magis feci, et facere licuit, quia Cl. Vitrinae commentarii ad Jes. et Apocal., quos prae reliquis magni facio et sequi passim, nec tamen ubique, ut ex hoc quoque intelliges opusculo, soleo, in omnium sunt manibus; mei quoque vel in publicum prodierunt, uti ad Jeremiam, Danielelem et Malachiam, vel, siue me vivo siue mortuo, lucem videbunt, saltem eo parati sunt, uti ad Ezechielem, et reliquos Prophetas minores, ut adpellantur, omnes. Historiae vero notitiam in Lectoribus meis supposui, vel aliunde facile ab iis petendam censui. Quem in finem Institutiones meas Historicas, Ecclesiae V. ac N. T., praelo destinatas suo tempore, Deo volente, oculis Tuis usurpare

pare poteris. Id praecipue intendi, et operam dedi, ut fata populi Israelitici ordine recense-rem, in vero conspectu collocarem, et prophetias ad ea pertinentes monstrarem; periodos vero Ecclesiae Christianae et certius demonstrarem, et veros earum characteres distinguentes ex Historia primum, dein Prophetiis, in primis Apocalypsi, luci exponerem, simul ex harmonia fatorum V. et N. T. illustrarem, denique mentem de omnibus divini istius libri Apocal., qui vel sola pietate fervida ac mascula, quam ubique spirat, veritatem revelationis proclamat, partibus Tecum communicarem, et dijudicandam traderem. Subjunxi, ad Periodi Antichristianae, quae maximam constituit Apocalyps. partem, simul prae reliquis periodis eminet, singularemque meretur animadversionem, certiolem demonstrationem, ac uberiolem dilucidationem, quatuor meos Sermones Academicos occasione *Reſtoratus* depositi habitos, de *charac-tere* Antichristi, *periodo* Antichristiana, *methodo* Satanica religionem tuendi seu propagandi, denique *periculo* Ecclesiis Protestan-

* 3

tium,

tium, adhuc ab Antichristianismo Papiſtico imminente, et in ejus totalem deſtructionem exituro, ſed hunc ultimum longe amplio- rem, quam eum pronunciavi. Verſatus quidem in his omnibus ſum libere et ſincere, ut veri, et verbi Prophetici ſtudioſum decet, attamen prudenter, ut nemini offenſionis anſam praeſtiterim, quantum novi, ſimul modeſte, nec plus meis cogitatis, quam rationes productae poſtulant, tribuens, mihi- que non nimium fidens, qui, quam facile in hiſce aberrari poſſit, probe ſciam. Veteres de ſep- tem periodis Eccleſiae, antea non ſine fer- vore utrinque agitatae, quaefſiones et lites, tantum abeſt ut reſuſcitare in animo fuerit, qui ab omnibus rixis et diſputationibus ſum, ut fui ſemper meque praeſtiti, alieniſſimus, ut eas ſi pote ſopitas voluerim, via ſtrata ad partium diſſidentium reconciliationem. Peritorum, ac veri amantium, mea non ſo- lum trado examini, ſed et illud mihi gratum fore profiteor, in primis circa ea, quae de pe- riculo Proteſtantibus imminente in medium produxi, cum ejus naturae illa ſit materia,
quae

quae haud uno nomine severiorem meretur disquisitionem; uti facile ad eam adtendenti patet, paratus rectiora docenti cedere. Deprecor tantum sinistras suspiciones, a me alienissimas, et violentas oppositiones, aut inanes et seditiosos clamores; quibus nec veritas nec pietas promovetur, potius laeditur et destruitur, nihilque aliud apud me efficietur, quam ut eorum, qui ita instituunt, sortem deplorem, simul, ne mea turbetur tranquillitas, per Dei gratiam curem, causam Deo commendasse contentus, qui etiam suo tempore omnia in lucem proferet. Liberum cuique relinquamus super uno eodemque fundamento, quod Christus, Filius Dei, isque crucifixus est, aedificare; videat quisque, quid, et quo modo, id faciat: Deus suo tempore, dijudicabit, et cuique reddet secundum opera ejus. Libertati prophetandi in primis obicem non ponamus, ut tandem verbi Prophetici intellectus fiat et solidior et uberior; cuius ingens ad Ecclesiae instructionem, ac consolationem, redundare potest fructus. Est enim illud, ut 2 Pet. I. habetur, *longe fir-*

misimum, cui recte feceritis, si mentem adplicueritis tanquam lucernae in obscuro loco, donec dies adlucescat &c. Errata exstantiora ad calcem videbis emendata, reliqua Tu facias.

*Dabam Franequerae
d. 1 Jul. 1775.*



PRAELECTIONES DE METHODO PROPHETICA

S E U

DE ARGUMENTO PROPHETIARUM V. & N. T.
AC UTRIVSQUE PERIODIS.



PARS I.

De Prophetiarum respectu ad OEconomiam V. T.

PROLEGOMENA.

§. I. **N**on est propositum nostrum, quicquid ad intellectum Prophetiarum pertinet, proferre: plura requiruntur in Verbi Prophetici interprete, quae aliunde petenda sunt; et quae ad Prophetas, ad Canones prophetiarum interpretandarum, ad studium linguarum, Antiquitatum etc. pertinent. Quare commendo Typ. Doctr. Prophet. Cl. Vitringae, et Gurtleri Syst. Prophet. quibus addi debent Ult. Mos. Cocceji.

A

Nobis

Nobis tantum in animo est, *argumentum* totius Verbi prophetici in luce collocare, et ea occasione praecipuas Prophetias, quoad veram hypothesein, exponere: quo facto et bene percepto; Clavis ad totum Verbum Prophet. referandum erit cuique in manibus; et nil amplius ab ipso requiretur, quam ut peritus sit Linguarum, Historiae et Antiquitatum, et Verbum Propheticum continuo legat, et meditatione sua subigat. Ut autem de argumento Verbi Prophetici rectius constet, quaedam praemittenda de Prophetiarum V. T. vero conspectu et Muneris eorum genuino scopo: unde judicandum est de argumento Verbi Prophetici, quod Prophetarum conspectui & scopo muneris eorum respondere debet.

§. II. Respicit autem Munus Prophet. primo ad *Veterem*, secundo ad *Novam OEconomiam*. Primo directa eorum relatio fuit ad OEconom. V., sub qua vixerunt, conciones ad Populum habuerunt, Moſen exceperunt, et ad Legem ejus populum instruxerunt, ut est Mal. III. Lex quoque et Prophetæ ubique jungi solent. Praeterea, Vaticinia eorum non ad sua, sed ad remotissima tempora respicere, nec ad se pertinere, perversum olim fuit Judaeorum praesudicium, ab Ezech. fervere reprehensum Cap. XII: 26. Sed OEconomiae V. cui infervierunt illi, cujusque naturae et scopo se accommodarunt, duplex est conspectus, *literalis et spiritualis*, seu *Legalis et Gratiæ*. Prior externas leges atque promissa continebat: Foedus Sinaiticum externum et typicum pro directo scopo habebat separationem Populi Israelis a Gentibus ac Idololatria, et consecrationem Deo vero, ut vera Religio facta tecta maneret. Sed ultimo ad Messiam respiciebat, ut eum definiret et expingeret cum omnibus Bonis et Legibus N. T. de quo disse- rui ad Daniel. et in Diff. Sacris. Spiritualis autem hujus OEconomiae conspectus Gratiâ quoque Evangelii, licet parciore mensura et minus pure, dispensabat per anticipationem: Quae nota sunt ex Theol., et fusius de hoc utroque conspectu egi in Differt. S.

§. III. Hinc nunc Prophet. muneris natura et scopus facile elucescit.

elucescit. *Primo* Conciones eorum eo tendunt, ut ad literalem Legis observantiam populum compellerent: legis praecepta ubique inculcant; transgressoribus mala minantur, sed observatoribus Bona promittunt temporalia; Vitam et Mortem proposuerunt ad exemplum Moſis: Conf. Jes. III: 10, 11. Ezech. XVIII. et ubique. Hinc vera ratio repetenda, quare prophetici Sermones in Bonis et Malis temporalibus versentur totum. Et sane Populi Israel. intererat, harum rerum praedictiones habere in manibus: *imo*, ut scire possent, Bona et Mala illa sibi a Deo evenire, non casu: et quidem *ado*, respectu observantiae vel transgressionis Legis. vid. Amos. III. ubi Propheta id agit et de illo scopo clare testatur. Hinc et populus saepe dicitur inde perspicere posse, Jehovah esse Deum veracem, justum et bonum Deut. XXXII: 39. Et secundum hunc Prophetarum conspectum liber Jonae relatus est inter libros propheticos, prophetarum quoque fuit flagrans studium in Remp. et Ecclesiam, et commiseratio malorum summa: quod recte notavit Chrysost. proem. in Jes. oper. t. VI. Ceterum praedictiones hujus generis vel sunt *conditionatae* vel *absolutae*: sed quae posteriores conditionem praestitam supponunt et comprehendunt. *Prioris* generis exemplum est Ezech. XVIII. et in praedicatione Jonae; Generalis autem illa Regula traditur Jerem. XVIII. sed *posterius* gen. sunt, quae fata populi repraesentant, quae passim in promissionum et minarum Legis vicissitudine sita sunt. Mala, quae annunciant, futura, consistunt in populi afflictionibus, seu a Deo immediate per famem, pestem etc. seu a Gentibus vicinis infligenda, adeoque a Deo per gladium. Sunt autem ea judicia per Gentes inflicta, praecipue Assyrii. Babylii. Epiphan. atque Romana; quibusque vicinae gentes opitularentur, ad Judaeos opprimendos. Bona vero opposita facile elucescunt. Sed Mala praedicta pro hypothese habebant obdurationem populi, qui Prophetarum monita spreverit, quare Prophetae, non obstantibus illis vaticiniis, continuo adhuc perseverarunt in populo admonendo et reprehendendo. Bona vero praedicta resipiscentiam Populi praesupposuerunt, ut Deut. XXX. diserte dicitur, et saepe quoque

quoque alibi. Denique hinc ratio elucescit, quare in fatis vicinorum populorum memorandis Prophetæ quoque versentur: partim ut Judæi veritatem et justitiam Dei in illis quoque perspicerent, Am. I. II. partim ut Bona destinata consequi possent, quum illæ Gentes iis se opponere solerent; partim ut conspiceretur, Deum populum suum castigando non abjicere: id enim in vindicta ab hostibus illis sumta clare in oculos incurrerat. Haec observata egregiam lucem infundunt Verbo Prophet. et viam ad verum ejus sensum aperiunt.

§. IV. Verum præter literalem hunc Prophetiæ quoque inferviunt *mystico* OEcon. V. intellectui, dum ineptitudinem Legis ad Salutem inculcant, et peccatores ad gratiam in Messia amplectendam compellunt: sic Jes. I. Mich. VI. Habac. II. Ps. XL et L et alibi: huc et descriptiones Messiae ejusque OEconomiae tendebant: denique Psalmorum plurium hic scopus est. Porro Prophetæ OEconomiam V. referre solent ad ultimum suum complementum, Messiam sc: ejusque OEconomiam, quod et ex fine OEconomiae V. cujus modo memini, sponte elucet. Hinc est:

1. Quod in Messia ejusque Regno describendo saepe omni occasione occupati sunt: ut dicitur 1. Petr. I: 10, 11. Act. X: 43. Sic Lex et Prophetæ dicuntur ad Johannem fuisse Matth. XI. Conf. quoque Luc. I: 69, 70. XXIV: 25. Act. II: 24. Sic Dan. IX: 24. Ubi hac occasione notandum, lucem Propheticam hac parte fuisse per gradus multiplicatam: generalissimum erat primum aenigma ad Messiam respiciens Gen. III: 15. *de semine mulieris* etc. cum *contritione proprii calcanei*; mysticum quoque Lamechi vaticinium de Noacho Gen. V. sed promissum Abrahæ factum restrinxit Messiam ad semen illius: simul quoque Gentibus salutem esse dandam declaravit. Sed vaticinium Jacobi Gen. XLIX. revocavit promissum de Messia ad Judam; et tempus apparitionis ejus notavit, uti constat ex vers. 10. Tandem illud promissum restrictum est ad familiam Davidis 2 Sam. VII. et ab hoc tempore Messiae notitia facta est evidentior per varios Davidis Psalmos

Psalms, et dein Prophetarum Conciones. Ceterum Prophetiae de illo ejusque OEconom. vel sunt *Generales* vel *Speciales*: quarum si quis velit Catalogum, adeat Bocharti Epistol. de Divinit. S. S. ad calcem Geogr. S., Huet *Demonstr. Euangel.* Propos. X., Gurtler. l. c. et praecipue Cl. Vitr. *Typ. Doctr. Proph.* Plurimas Prophetias ex mente Judaeorum ad Messiam pertinentes habet Raimundus in *Pugione Fidei* P. II. C. 9.

§. V. II. Prophetae Messiam ejusque OEconomiam considerant ut fundamentum OEconomiae V. et causam omnium liberationum, quae populo sub illa contigerunt: quae ratio est, quare Jes. Cap. VII. Regi Judae hoc signum dedit, Messiam esse ex virgine nasciturum, ut inde populus intelligeret, fieri non posse, ut deleteretur Regnum Judae. Egregius hanc in rem est locus Mich. V: 1, 2. ubi cum nativitas Messiae in Bethlehemo esset praedicta v. 1., sequitur, *propterea dabit eos* &c. vel *iis*; i. e. faciet Deus ut populus maneat, et Bonis (quae ibi sequuntur) gaudeat, scilicet ob Messiam nasciturum. Haec et ratio est, quare mediis subinde promissis temporalibus inferatur promissum de Messia, ut Joel II: 23. Praeterea, quare mox praedictioni de Exilio Babyl. subjungatur, et reliquis fatis laetis post id exilium praemittatur, Mich. IV. 1 seqq.

III. Considerarunt Prophetae OEconomiam N. tanquam antitypum et complementum OEconomiae V. quod et liquet ex N. T. *Finis Legis Christus est* Rom. X: 4. Unde phrasibus, V. Testamento propriis, uti solent ad res N. T. explicandas: imo vero, haec ratio est, quare de V. T. Bonis et praerogativis in populum Israelis conferendis tam magnifice loquantur, ut in externo populo non habuerint implementum. Voluerunt simul Bona N. T. illis comprehendere: unde oritur duplex Verbi Prophetici passim explicandi ratio: *literalis* sc. et *Mystica*: quae passim jungi solent.

§. VI. IV. Postremo tempus Messiae considerant Prophetae ut ultimum OEconomiae V. finem et terminum: ad quod tempus Messiae fata populi Judaici respexerunt tanquam *signa*, quae illud definiverunt, et Populum ad illa tem-

pora praepararunt: Et hinc oritur nova Methodus Prophetica de signis Temporum Matth. XVI. in initio: XXIV: 32. 1 Petr. I: 10.

Sed haec merentur latius deduci: ut ergo signa dicta Temporum clarius intelligamus, ad sequentia attendi volo.

A. Tempus Messiae esse omnium illustrissimum a *quantitate* et *qualitate* sua definitum, quod OEconomiae Divinae integrum adferret mutationem. S. S. appellat *χρῖστος* Gal. IV. *καὶ πῦρ* Rom. III. 1 Tim. II. Tit. I. itaque tempora definita et qualitativis suis opportuna: Quo tempore N. Foedus pactum, novum Coelum et Terra conditum dicitur Jerem. XXXI: 31. Hagg. II. coll. Hebr. XII.

B. Hoc tempus esse ultimum OEconomiae V. adeoque promissorum et prophetiarum complementum et terminum 1 Petr. I. Act. X. Matth. XI. Dan. IX. 2 Cor. I: 20. Ex hoc observato magni momenti sequentia derivo corollaria:

§. VII. 1. Populum Judaeum a tempore Messiae, incredulum et obstinatum, non amplius pro Populo Dei, sed hoste Ecclesiae haberi: de quo egi in Not. ad Cant. Mos. in fine; et Comm. ad Mal. in fine.

2. Tempora Messiae haberi pro ultimis: quemadmodum Tempora Epiphanica ultimis et fini temporum alligantur apud Dan. ut ibi tradidi.

3. Fata Populi ulterius non solere pertexi apud Prophetas: Vid. Dissert. ult. ad Vif. Emblem. Dan.

4. Phrasin in Verbo Prophet. de Templo; Populo Dei, foedere Sinaitico in *secula* et *aeternum* duraturo, ulterius non extendi, quam ad finem OEconomiae V. et Novae initium aut introductionem.

§. VIII. C. Tertium observatum est; Aetates varias, seu Casus illustriores varios, quos Ecclesia V. T. subiret ad tempus Messiae usque; tempus illud ultimum, tanquam *signorum* illius habuisse conspectum ita ut ex illis cognosci poterit,

tuerit, quam longe aut prope a temporibus Messiae abessent; fere ut Via per lapides aliave signa describitur; uti annus ex 4 tempestatibus constat, quarum alia aliarum sunt signa. Prophetæ ergo hic tanquam in specula stantes occurrunt Hab. II. Et hæc sunt signa Temporum, quæ duplicis sunt generis: *Alia* tempus ultimum jam adesse declarant: *alia* autem, quam longe aut prope ab eo absint. *Posteriora* illa, (de quibus hic agemus,) signa prognostica seu significantia, varii sunt Casus illustres, sibi invicem successuri ad ultimum id tempus usque. Quæ Methodus Verbi Prophet. pertractandi valde utilis est: *imo*. Eventus eo ordine digesti, faciliorem reddunt Prophetiarum intellectum: generales sæpe phrasæ, quæ variis casibus aptari possunt, sic restringuntur ad certos casus: e. gr. Deut. XXX. promissum de multiplicatione supra Patres pertinet ad Tempora Epiphanica. *2do*. Judicium de singulis casibus respectu temporis Messiae, hinc dependet; et quid de Aetatibus seu mutationibus Ecclesiae judicandum sit, hinc perspicitur.

§. IX. Casus vero illustriores, qui Messiae adventum præcesserunt, et a Prophetis cum signis præcedentibus et concomitantibus describuntur, sunt ex nostra hypothese sequentes:

1. Exilium Assyriæ et Babylon. post præcedentem corruptionem, quod LXX annos duraret.

2. Liberatio ab illo exilio et instauratio Populi, post signa præcedentia: *1mo*, Conversionis Populi in Exilio. *2do*. Destructionis Regni Babyl. *3tio*. Gentium vicinarum depressionis variae per Nebucadnezarem; quod erat signum remotius.

3. Afflictio Epiphanica post corruptionem gravissimam tanquam signum antecedens, quæ in univ. XXVI annos duravit.

4. Libertatis omniumque rerum perfecta instauratio per Maccabæos, eamque secuta magna felicitas, per Gentium vicinarum subjugationem, multitudinem incolarum et omnium rerum abundantiam et gloriam.

7. Subjugatio nova per Romanos cum depravatione totali in Vita et Moribus.

§. X. Cl. Coccejus et ejus asseclae paulo aliter hos casus digerunt, et in universum VI. signa temporum tribuunt OEconom. V. sic vocari solita: Benedictionis, Maledictionis, Conversionis in Exilio, Liberationis ex eo, Benedictionis et Multiplicationis supra Patres. Quae omnia hausta sunt ex Deut. XXX: 1---10. et unice eo in loco fundata. Verum haec Methodus se tueri nequit:

8. Usque ad Exilium Babylon. qua ratione Benedictionis nomen omnibus temporibus praecedentibus conveniat, plane non intelligo. Gavisi sunt Judaei illa benedictione sub Davide atque Salomone, non ante nec post, imo quaevis mala saepe experti sunt, excepta plenissima destructione et exilio; gravissime quoque corrupti: Benedictionis et Maledictionis nomina restringi nequeunt ad solum Exilium Babylonicum.

3. Conversio in Exilio fuit vero suo conspectu liberationis signum antecedens, non novam Periodum constituens. Exilium adhuc fuit et mansit, licet conversio obtineret; unde itaque nova Periodus formari non debet a Liberatione distincta.

3. Benedictio et Multiplicatio pertinent ad eandem felicitatis Periodum; non ergo diversas Periodos constituere possunt.

7. Afflictio Epiphan. hic male omittitur, aequae enim ac Exilium Babyl. hic locum habere debet.

7. Novae quoque Servitutis et corruptionis sub adventum Christi mentio hic neglegi non debebat.

§. XI. Quod vero ad Locum illum Deut. XXX. attinet; licet concederetur, Mosén Fata Ecclesiae V. praecipua ibi recensere usque ad Mesiae adventum, adeoque terminum illum ibi significari per circumcisionem cordis; notandum tamen.

8. Fata altius non repeti, quam ab Exilio Babyl.

Babylon.; nomina Benedictionis et Maledictionis sunt generalia, quae varias ad Exilium Babyl. usque habuerunt vices, ita ut nunc benedicti nunc maledicti fuerint, donec Maledictio summum attigerit gradum per Exilium Babyl. Hinc ergo Moses repetit fata populi, et, quae post ipsi contingerent, exponit.

3. Conversio in exilio hic diserte memoratur ut conditio tantum praecedanea liberationis; quod nexus orationis clare indicat.

4. Moses hic non omnia fata recenset, sed tantum quae Bona expectanda sint a conversione populi: Ergo ad summum tria tantum fata hic memorantur: Liberatio ab exilio, Benedictio ac Multiplicatio sub Maccabaeis, et denique Bonum Euangelicum, si eo pertineat circumcisio cordis.

§. XII. Verum dabo hac occasione accuratiorem conspectum Capp. XXIX et XXX. Deut. quibus Concio habetur super pactione Foederis Moabitici jam facta, ad illud illustrandum et confirmandum, quod descriptum erat Capp. XXVII et XXVIII. Sunt vero concionis, Capp. XXIX et XXX contentae, sequentes Partes:

1. Prima exponit rationes hujus foederis petitas a summis Beneficiis populo concessis, quae sicut fundamentum Foederis continent, ita, irrito effectu, necessitatem novi et severioris modi Foedus Sinait. ineundi imponebant per expressionem Maledictionum, Cap. XXIX: 1----8. Foedus enim id Moabiticum erat Sinaiticum renovatum, sed per Maledictionum formulam confirmatum.

2da Pars continet Foederis propositionem cum toto populo pangendi, non illius tantum aetatis, sed et sequentium; v. 9---16.

3tia Dehortationem a Foedere rumpendo, et annunciationem Fatorum, 1mo. tristiorum; 2do. laetorum; quae Populo evenirent, prout primo foedus violaret, et deinde se converteret Cap. XXIX: 17. - --- Cap. XXX: 10. Ubi

a. Occurrit Dehortatio a criminibus Foedus rumpentibus, et a principiis profanis ac impiis, quae execrationem

tionem Dei conjunctam habent, nec remittuntur a Deo :
v. 17, 18. Tum

b. Sequitur Praedictio Fatorum: *imo*. tris-
tium v. 19---fin. Cap.; *2do*. laetorum Cap. XXX: 1---10.
Quae omnia impleta sunt in conversione populi in Exilio,
et instauratione Civitatis et Ecclesiae post Exilium Babyl.
(1) Quod Maledictio ad ea mala pertinet; (2) Quod de con-
versione ad Foedus Sinait. et Legem ibi agitur; (3) Quod in
Canan. reducerentur, et Bonis illius Foederis gauderent;
(4) Tristia fata ferirent populos, qui eos opprefferant;
(5) Accedit testimonium Nehem. Cap. I. quae verba eo sunt
referenda. Tantum notetur, tempus post Exilium Babylon.
late sumendum, et ad tempora Maccabaica extendendum esse,
quando haec omnia impleta sunt, nec ulterius se porrigunt.

Quod vero ad Circumcisionem Cordis attinet,
quae a Cl. Coccejo ad OEcon. N. ejusque Bona refertur,
non videtur eo pertinere:

α. Quia circumcisio et conversio Populi eadem
erat.

β. Conversio in Exilio simili phrasi propo-
nitur Lev. XXVI: 41.

γ. Circumcisio cordis cum observantia Legis
Mosis connectitur: Partic. ergo γ. in verbo *et circumcidet* v. 6.
vertitur recte *nam, enim*, ut ratio reddatur benedictionis po-
pulo reddendae. Est autem non superflua sed emphatica re-
petitio conversionis populi per hanc phrasin, qua quid plus
dicitur, scilicet conversionem fore durabilem, qua in perpe-
tuum renunciarent Idololatriae, Legi affixi: quare additur
cor tuum et seminis tui.

Ceterum promissum id circumcisionis non
est ad singulos extendendum, sed involvit: (1) Studium Le-
gis in populo semper futurum esse, absque ut deficiat, ut
antea: (2) Non defore id eximium Legis studium; (3) Non,
nisi quo tempore finiretur OEconom. V., populum a Deo
denuo totaliter defecturum esse.


§. XIII. Pe-

§. XIII. Periodis ergo nostris; quas Historia nobis clare exhibet, inhaeremus: verum praeter Ecclesiae fata *Signorum* quoque conspectum praeferebant apud Prophetas Mutationes Mundi: quare Regnorum Mundi fata ad Mesiam usque hic non sunt omittenda, sed ab illis Ecclesiae probe distinguenda: Ubi observandum, duplici de ratione Orbis Fata descripta esse a Prophetis: *imo*. Ut, Ecclesiae hostes a Deo esse puniendos, adeoque felicitatis Populi Dei obstacula removenda esse, Ecclesia intelligeret: Quo pertinent Assyriorum, Babyloniorum, Syrorum, Idumaeorum, Moabitarum, aliarumque Gentium vicinarum fata, ipsius quoque Regni Persici, quatenus Montis conspectum praeferebat Zach. IV. quo et Emblemata Cornuum spectat. cap. II. *2do*. Ut signa adventus Mesiae constarent, quo pertinet *quatuor* Regnorum Successio Dan. II et VII. Zach. VI et IX. 1---9.



TRACTATIO IPSA

DE PROPHETIS AD V. T. PERTINENTIBUS.

§. XIV.  Aec cum generale constituent prophetiarum argumentum, Prophetiae ad illud sunt in certas Classes digerendae et ordinandae, ut systema aliquod Propheticum certo ordine dispositum quis in promptu habeat. Dabo hujus Systematis Specimen, quod a quolibet continua Prophetiarum meditatione augeri potest et debet. Praemittendae sunt Prophetiae, quae Fata Ecclesiae continent, et tum subjungendae, quae ad Mundi fata respiciunt.

I. *Prioris* generis Prophetiae iterum sunt duplicis generis: aliae *Generaliores*, aliae *Specialiores*. *Prior*es aut omnia, aut plurima Ecclesiae fata complectuntur. *Posterior*es in hac illave Periodo describenda versantur.

A. Meditatio Prophetica incipit a *Generalioribus*, inter quas primum locum damus *Pericopae Deut. XXX. primis vers. et Cantico Moysi Cap. XXXII.* quae prophetiae secum comparandae sunt. Prior beneficiorum post Exil. Babyl. contextit seriem, posterior autem Judiciorum Dei ad peccatorum Populi Israelis punitionem.

Ex *prima* discimus sequentia Fata:

1mo. Exilium.

2do. Populi conversi liberationem.

3tio. Perfectam instaurationem et felicitatem, quam in Cananaea consequeretur. Sed

Canticum Moysi 1mo. rationes Judicii Dei in Judaeos: 2do. ipsum Judicium exponit.

8. Ut ratio Judicii Divini pateat;

a. Beneficiorum textitur Catalogus v. 6--14.

b. Peccata populi, quae ea beneficia secuta sunt, recensentur V: 13--19. Tum

9. Sequuntur Judicia ipsa hoc ordine:

a. Summus eorum gradus ob oculos ponitur, quo tandem omnia reciderent, et Decretum Dei enarratur v. 20--23. Dein

b. Quo ordine ea Judicia infligerentur;

α. Inciperet Deus cum levioribus malis, et populum mitteret in exilium, sed non in omnes angulos terrae, v. 24: 27. Dein

β. Cum Populus sese ad saniozem mentem serio et constanter non reciperet, et magis corrumperetur, Deus plenariam ejus destructionem tandem exsequeretur ultimo per Romanos: ubi supponitur, populum esse ex exilio liberandum, et in felicitatem revocandum; sed cum in pessimam reciderent corruptionem, totaliter esse destruendos. Quae ultima
Pericopa

Pericopa omnia Dei judicia continet Judaeis post Exilium inflicta, Epiphanica et Romana, quae in genere ut sibi similia proponuntur.

Has duas ergo Prophetias si inter se compareremus, sequentia hic invenimus fata:

¶ Prosper foret et benedictus Populi status usque ad finem Regni Salomonis, ad quod se extendunt Beneficia, non quod interea status saepe non sit immutatus, Deus enim eo tempore populum tentare et purgare voluit Judic. II: 22. III: 3. sed quod beneficia ea tempore Salomonis consecuta sunt complementum et gradum summum.

¶ Sequitur status defectionis a Deo, sed per varias vicissitudines tandem ad summum gradum adducendus tempore Exilii Assyri. et Babyl. Vid. quoque Jerem. II: 32.

¶ Excepit tunc duplex Exilium Assyri. et Babylon. hanc totalem corruptionem.

¶ Secuta est Liberatio Populi, et Reipublicae ac Ecclesiae instauratio.

¶ Judicium in Populum foedifragum per Syro-Macedones, et terrae purgatio ab impiis.

¶ Benedictio et Multiplicatio supra Patres. Sic haberemus VI. Periodos a Mose ad Christum: verum duae primae conspectum Periodorum vix ferre possunt, quod per varias vices tum obtinuerunt Benedictio et Maledictio. Quibus Periodis si addas

¶ Novam subjugationem a Romanis, et corruptionem, quae in totalem destructionem exiret, haberemus VII Periodos: quam Methodum si quis velit, non repugno.

§. XV. Pergamus ad *Jesaiam*; et nonnullis ejus Prophetiis Thefin de generalibus Periodis illustremus:

Cap. Imo usque ad v: 24. Hypocrysis Populi et alia ejus crimina tempore ipsius Hiskiae depinguntur: Dein v: 24. Exilium Babylonicum: v. 25. Purgatio Ecclesiae liberatae: v. 26. Instauratio Politiae illius Ecclesiae, maxime sub Maccabaeis, v. 26 in fine et vs. 27. denique Re-

demptio spiritualis per Mesſiam; et tandem finale Excidium per Romanos; v. 28 ad finem.

Caput V. fere respondet per omnia Canticum Moſis: Parabola illa a Vineâ deſumpta (1) Beneficia, (2) Peccata Populi, (3) Judicia Dei complectitur. Quae duo poſtrema capita, ſcil. Peccata et Judicia, latius mox explicantur: *imo*. Crimina populi ad v. 24 uſque; *2do*. Judicia magna tria ſibi ſucceſſura, Babyloniorum v. 24; Syrorum v. 25, Romanorum v. 26 ad finem. Quod ultimum Judicium mox latius cum cauſis ſuis exponitur Cap. VIto.

Capite XXVIII primis 4 verſibus explicatur Excidium Samariae et Hieroſolymae, ſeu Ephraimitarum et Judaeorum, judicio Dei excoecatorum, et auxilium humanum quaerentium: deinde v. 5 et 6to promiſſum Reipublicae in ſtaurandae et defendendae per Maccabaeos: tum a v. 7. ad finem nova corruptio, quae poſt ea tempora Judaeos occuparet, et Judicium per Romanos exſequendum repreſentatur; quare apte immiſcentur Prophetiae de Meſſiae adventu v. 16.

Capp. XXXI---XXXIII continuo repraeſentantur Fata a Clade Ephraimitarum per Salmanaſſarem ad tempus Chriſti uſque (1) Ephraimitarum ab Aegyptiis auxilium petentium deſtructio deſcribitur Cap. XXXI: v. 1 et 4. per Salmanaſſarem: (2) Hieroſolymae liberatio a Senacheribo et illius clades; ſimul felix Reipublicae conditio ſub Hiſkia ut Typus Eccleſiae Chriſtianae, v. 5---Cap. XXXII. 8. (3) Judaeorum in eadem peccata incidentium deſtructio per Babylonios, ſed cum laetiſſima cataſtrophe per Meſſiam, v. 9---20. Quam tamen (4) felicitatem non attingerent Judaei niſi poſt Judicium Epiphanicum, quod toto Capite XXXIII. depingitur.

§. XVI. Pergo ad *Jeremiam*, et quidem ad duo illa ſelectiſſima ora Capita XXX et XXXI; ad quorum intellectum in genere obſervandum, hic in unum quaſi volumen compingi varias Revelationes variis temporibus Jeremiae factas, ut liquet ex principio Cap. XXXmi. Continentur ergo in iis Capp. variae Pericopae, quae vel omnia, vel nonnulla fata Judaeorum comprehendunt

hendunt post Exilium Babylonicum: quarum Pericoparum Character est Formula praemissa: *sic dixit Dominus*, unde semper nova incipit. Propositum non est, omnes illas percurrere, quod in comment: ad Jeremiam feci: sed aliquas tantum ad scopum nostrum feligam.

Capite XXX a v. 18 ad finem, Liberatio Populi ex Exilio Babylónico, ejusque Fata usque ad Destructionem per Romanos ordine repraesentantur.

Capitis XXXI Pericopâ ima v. 2---6 habemus Reductionem Populi ab Exilio, ejusque instaurationem et felicitatem sub Maccabaeis, terminandam in Nova Oeconomia. Secundae Pericopae v. 7---14 partes sunt sequentes: (1) Liberatio publice proclamatur, et omnes Gentes ad eam celebrandam provocantur v. 7---11. quia manifestatio Mesiae a Populi Liberatione pendebat, et haec Redemptionis spiritualis typus erat, et haec illius complementum. (2) Summa Gentis prosperitas, qua suo frueretur tempore, exhibetur v. 12---14. Tertia Pericopa v. 15---22. continet (1) lugentium in Exilio consolationem per Promissum Liberationis v. 15---20. (2) Adhortationem Reliquiarum in Exilio ad Lares patrios repetendos v. 21, 22. ratione quoque ultimo petita a Christi manifestatione in illa Terra. Quarta Pericopa v. 23---34. Liberationem ab Exilio, perfectam instaurationem, et Oeconomiae Novae Erectionem et Complementum ordine recenset.

§. XVII. Ex Ezechiele unicum proferam exemplum Cap. XXXIV. (1) v. 1---11. Corruptio Populi, et praecipue Regum Judae, tum et dispersio et Posterorum Excidium, adeoque Calamitas in Babylon. Exilio terminata, explicatur. (2) v. 11---15. Reductio in terram, et perfecta instauration sub Maccabaeis. (3) Benedictio populi illis temporibus v. 14---16. (4) Nova corruptio et secuturum Judicium per Romanos v. 17---21. (5) Denique Liberatio spiritualis per Mesiam.

§. XVIII. Reliquis missis, quae directe ad scopum non faciunt, pergo ad *Joëlem*; ut illius Libri generalem dem con-

spectum. De horribili Calamitate per Locustas in Canaane, et insigni Benedictione secutura, tum temporali, tum spirituali per Messiam, agitur III. primis Capp. et haec est *prior* Concio Prophetica. *Posterior* tum hostium post Exilium Babyl. Populum Judaeum affligentium destructionem, tum Temporum eorum felicitatem describit cum complemento sub Messia, Capite IV. Propositum non est, diu hic morari, quod scopus non permittit, et in Comment. ad Proph. minores feci. Tantum dicam, per Locustas intelligi utroque Capite hostes et eorum Expeditiones. Habemus secundum hanc Hypothesin sequentia Fata ordine successura, tribus *primis* cap. (1) Judicium per Assyrios, cui tamen Judaei sunt erepti; quod est argumentum Cap. imi. (2) Captivitas Babylonica Cap. II: 1---11. (3) Conversio et Liberatio Populi v. 12---14. (4) Calamitas Epiphanica v. 15---17. (5) Liberatio per Maccabaeos v. 18---20. (6) Felicitas Populi sub Maccabaeis v. 21---27. (7) Novi Testamenti introductio, Cap. III: 1, 2. (8) Tandem ultima et finalis OEconomiae Veteris Destructio, v. 3 ad finem.

§. XIX. Notabilis hanc in rem quoque est secunda *Michae* Concio omnia fere Fata Israelitarum ordine comprehendens, Capp. III---V. Tres sunt hujus Libri in totum Conciones Propheticae, quarum *prima* Capp. I et II do. cum contestatione adversus peccata populi incipit, et in luculento promisso Liberationis et Prosperitatis restituendae. desinit. Dein *secunda* Concio Cap. III---V has habet partes: (1) Crimina magna Populi, falsorum Prophetarum, et Judicia illis incumbentia depinguntur Cap. III: 1---8. (2) Destructio Hierosolymae per Babylonios v. 9---12. (3) Per parentheses inserto luculento promisso Messiae ejusque Regni suo tempore inter Reduces erigendi, ut fundamento et complemento omnium promissorum. Cap. IV: 1---8. pergit Propheta in enarrandis Fatis Populi, et Liberationem ejus ac instaurationem clare praedicat v. 9, 10. (4) Calamitas Epiphanica v. 11. (5) Illustissima vindictio Populi, et vicinorum hostium destructio per Maccabaeos

baeos v. 12, 13. (6) Nova Subjugatio a Romanis v. 14. (7) Luculentum adventus Messiae promissum Cap. V: 1--3. Quae dein subjunguntur inde a v. 4, pertinent ad Tempora Maccabaica illustranda, de quibus strictim tantum egerat.

§. XX. Pergo ad *Habakukum*: cum Cap. I. et II^{do} de Corruptione Populi Judaici, Judicio Divino in illos per Chaldaeos exsequendo, ac Babyloniorum destructione, inserto obiter promisso Messiae, egisset; dein Cap. III^{tio} insigni Ode Populi Liberationem a Chaldaeis, Syris et Romanis praenunciat: sunt autem ejus Partes sequentes: (1) Liberatio ab Exilio Babyl. proponitur v. 2^{do}. (2) Illustratur ex comparatione cum apparitione Dei in Sinai ejusque consequentibus, v. 3---11. (3) Specialius proponitur respectu hostium debellandorum; et quidem Babyloniorum v. 12, 13. Syrorum v. 14. Romanorum v. 15. quocum conferri meretur Jes. XLIII: 16. (4) Epilogus complexus, a. commotionem; b. Patientiam et Spem; c. Laetitiam postea, v. 16 usque ad finem.

§. XXI. Finem denique huic Tractationi Generali imponat celeberrima illa Ode, quae Doctorum ingenia valde torfit, necdum tamen intellecta, *Psalms. CVII*, ad cujus intellectum observanda: (1) Psalmum in Exilio Babyl. videri conscriptum, ut ex initio, praecipue v. 6^{to}, et ex fine Psalmi praecedentis, praecipue v. 47, liquet. (2) Psalmum Fata sequentium temporum complecti usque ad plenissimam Ecclesiae verae a falsa separationem cum hujus destructione plenaria. Tres Psalmi CV, CVI et CVII omnino secum cohaerent, ab uno Auctore eodem tempore compositi, ut eorum Meditatio unumquemque docebit. Cum autem duobus praecedentibus Beneficia praeterita in Judaeos collata usque ad Exilium Babylonicum essent celebrata, fundamenti loco ea substernuntur, quibus expectatio futurarum liberationum inniti posset, et spes Ecclesiae fulciri; Hic ergo Psalmus Beneficia Dei in Ecclesiam usque ad plenissimam ejus a Judaeis carnalibus separationem ordine recenset. (1) Liberatio ab Exilio Babyl. et Reductio in Cananaeam, v. 1---9. (2) Vindicatio ab Afflictione Epi-

phanica v. 10---16. (3) Restitutio Ecclesiae corruptae in integrum per Evangelium v. 17---22. (4) Liberatio Ecclesiae ex horribili tempestate, quae Rempubicam Judaicam destruxit, v. 23---32. (5) Diverlissima Judaeorum et Christianorum conditio ad finem Psalmi. Vid. Comment. noster.

Praeter hunc Psalmum possem afferre *Pf. LXVIII*; sed cum ejus exegefin in Comment. dederim, eum nunc missum facio.

§. XXII. B. Pergo itaque ad *Tractationem particularem*, quae ad singulas V. T. Periodos pertinet. Septem supra recensui Periodos: sed duae primae hic a nobis praetermittuntur, quia Prophetiae, qui nobis supersunt, post Periodum I vixerunt maximam partem; *II*da. autem Periodus ubique per omnes Prophetias sparsa est: corrupti enim Populi Israelis et Judae mores ante Exilium Assyrii et Babylii ab omnibus protracti sunt Prophetis in lucem. Ergo reliquas Periodos V. nunc investigabimus, quantum ad intellectum Verbi Prophetici sufficit.

N. Quod ergo ad *Periodum III* attinet; Prophetias, quae Calamitates Israeli et Judae ab Assyriis et Babylo-niis illatas describunt, si quis in ordinem et certas Classes redigere velit, illi duo agenda sunt: (1) ipsa Fata cum causis et circumstantiis illustranda sunt e Prophetiis; (2) Fati illius tristici verus conspectus in lucem proferendus est.

a. Quod ad prius: (1) ad ipsam afflictionem pertinent Mala partim divinitus inflata, ut fames, sterilitas &c. partim ab hominibus, ut Bellum, Vastatio, Urbium desolatio, Hierosolymae et Templi destructio, Populi deportatio in exilium, adeoque totius Regni Excidium. (2) Causae efficientes sunt Assyrii et Babylo-nii; impellentes autem defectio Judaeorum ab illis, et praecipue eorum hostium ambitio. (3) Circumstantiae sunt Loci, et Temporis, tum initii, tum durationis: Quae omnia a Verbi Prophetici studiose accurate cognosci, et ei in promptu esse debent.

§. XXIII. b. Ad Calamitatis conspectum verum pertinet, relatio-

relationem ejus ad Deum et Populum, ipsamque ejus conditionem, et effecta quoque, considerasse. Methodus autem a Verbi Prophetici studio haec non sine fructu observari poterit, ut singulas Prophetias ad hanc Periodum Calamitatis Assyri. et Babyl. pertinentes collectas, accurata subigat meditatione, et quid singulae de ea Periodo habeant, probe adnotet, et hac ratione generalia constituat Capita, ad quae Prophetias ejusdem generis referat. Nos autem hanc Methodum nunc seponemus. Prophetias, quae ad ipsam Calamitatem ejusque causas et circumstantias pertinent, plurimas collegit Clar. Gulichius Per. IV. Artic. 65. ne alios memorem; quibus plures addi possunt: sed illae cum omnibus sint obviae, nec adeo difficiles, moras hic non traham. Verum, quod ab aliis neglectum, et tamen maximi usus est, versabimur accurate in demonstrando hujus Calamitatis vero *conspectu* secundum Verbum Propheticum. Unde et illa carpetur utilitas, quod instar Characteris sit, ad Prophetias varias, quae de illa agunt, explicandas et dijudicandas. Habent Prophetiae inter alia et hunc insignem usum, quod in verum Fatorum intellectum et conspectum ducere nos soleant.

*α. Primo Destructionem Regni Israelis et Judae, eamque subsecutum Exilium, declarant Prophetiae emanasse ex ira et excandescencia Dei; ut Zach. I: 2, 12, 15. Sic et Cap. VIII: 14. saepeque alibi: Et quidem ex magna Dei ira, Jerem. XXI: 5. XXXII: 37. Thren. V: 22. Quo et pertinet (quod non ita vulgatum est) Phrasis Summum irae Dei, quemadmodum verti debet, אַנּוּן לַעֲמָלִים 2 Reg. XXIV: 20. Jerem. XXXII: 31. Adhiberi quoque solet Phrasis Occultationis faciei Dei, et discessus Dei a populo: Prior Jes. LIV: 8. Deut. XXXII: 20. Sic Deus apud Hoseam Cap. IX: 12. dicit: *vae illis, quum ab illis discessero.* Fuit ergo vero conspectu Judicium Dei gravissimum, et ex ejus justitia profectum, quo peccata Populi non amplius ferenda vindicavit, illumque gravissime afflixit ut Judex. Sed*

β. Tamen non iram puram, sed longanimitate
C 2 *temperatam*

temperatam declarant Prophetæ produxisse hanc Afflictionem: sic Jef. LIV: 8. Zach. I: 15. Memorant quidem plenissimam iram; sed moderatus est Deus ob promissa Patribus facta; ne ad Nominis Dei contumeliam Gentes id traherent; Deut. XXXII: 27. Ezech. XXXVI: 21, 22. Unde

γ. Sponte colligitur, Judicium id Dei habuisse temperamentum, et consummatam non attulisse ruinam; ut Prophetæ quoque prædixerunt, Jerem. IV: 27. V: 10, 18. XXX: 11. XLVI: 28. et alibi; Amos IX: 7 *segg.*

§. XXIV. δ. Judicium itaque illud conspectum castigationis seu correctionis severissimæ, et purgationis, refert secundum Prophetias: sic Jerem. XXX: 12. XLVI: 28. Ita ut impiorum et impenitentium interitum, et reliquorum conversionem, et Populi ab Idololatria purgationem, apporaret, quod clare dicitur Jef. I: 24, 25. *hui! consolationem capiam super hostibus meis, et vindicabor ab inimicis: et referam manum meam super te; purgabo ad liquidum scoriæ tuam, et auferam omne stannum tuum.* Sic de Impiorum excidio Ezech. XI: 21. XXXVI: 21. Levit. quoque XXVI: 38. Sic destructio Regni Israelis foret perpetua Amos. I: 8. Reliquum autem Populum ab Idololatria ad verum Deum se conversurum esse, multa docent Vaticinia: Moses ejus jam meminit Deut. XXX: 2. sic Jef. II: 20. XXX: 22. Jerem. III: 21---25. sic cap. XXIV. sub Emblemate duarum corbium, quarum altera bonarum, altera malarum ficum plena erat, diversa Populi, impenitentium et poenitentium, in Exilio conditio repræsentatur; et ex Cap. XXIII liquet, tempore Jechoniae abductos Exules fuisse reliquis meliores, in quibus hæc vaticinia impleverunt. De hac conversione quoque egregie Jerem. XXXI: 9, 18, 19. sic et Cap. L: 4. Ezech. VI: 9. Hof. II: 16. V: 15. XIV: 2. Sed conversionem hanc Psalm. XC quoque luculenter demonstrat: compositus quidem ille, teste inscriptione, est a Mose, circa finem moræ XL annorum in deserto, de quo criteria in Psalmo obvia unumquemque facile convincent, attamen ipse ille
Psalmus

Psalmus a Viro pio, qui Psalmos collegit, praecedenti, tanquam ejus Appendix, est subjunctus, et ad extrema Exilii Babylon tempora accommodatus in signum animi poenitentis, quem Populus in Exilio demonstravit. Vid. quoque Ps. CXV et CXXXVII. Sed, quod negligi non debebat, eo quoque retulerim Pericopam Jes. LXIII: 7----fin. Cap. LXIV. illa enim, licet a Cl. Vitringa referatur ad conversionem Judaeorum generalem, ultimis temporibus adhuc exspectandam, ex nostra opinione non eo, sed ad conversionem Judaeorum in Exilio Babyl. pertinet: (1) quia in Beneficiorum Catalogo, quocum incipit haec Pericopa, nulla fit mentio Liberationis ex Exilio Babylon. aut Calamitate Epiphonica, nulla quoque Messiae. (2) Quia destructio Hierosolymae praecipue urg. tur tanquam Ratio, Deum ad liberandum Populum movere apta, quod non convenit in Judaeos tempore praesentis Exilii, sed unice Exilii Babyl. ut Prophetiae ubique demonstrant. (3) Quod Populum Dei se adhuc ibi demonstrent Israelitae, et qua tales Deum orent; sed desinunt esse Populum Dei post Destructionem Romanam; de quo pluribus disserui ad Malach. in fine.

§. XXV. ε Pergo ad ultimum, seu quintum, attributum hujus dispersionis Assyriacae et Babylon. quod probe advertendum; scil. *Universalitatem* illius; ita ut in Septentrionem quidem praecipue, sed et in reliquas Coeli plagas, ut Austrum seu Aegyptum, Orientem per Populos vicinos, Moabitas, Arabes &c. et Occidentem, seu Maris insulas, Graeciam, Italiam, Asiam minorem &c. dispersi sint, partim mox, partim progressu temporis, occasionem dante Exilio Assy. et Babyl. sic Zach. II: 10. *heu! fugite e Terra Septentrionali, dicit Dominus, quoniam in quatuor Coeli Plagas disperferim vos: Supple, et ex reliquis Coeli Plagis fugite.* sic Deut. XXX: 3. Jerem. XXXI: 8. XVI: 15. XXIII: 8. Ezech. XVII: 21. *in omnem ventum*; Cap. XXXIV: 4, 6. de Phrasi hic obvia conf. Jerem. XLIII: 5.

§. XXVI. ζ Sequitur *Periodus IV.* quae Populi Liberationem ab Exilio, et Rerum instaurationem, simul Populi instaurati

rati Statum usque ad Tempora Epiphanica, complectitur. Suppono, omnia, quae ad Historiam spectant, esse nota, vel ex institutionibus nostris Historicis. Nostrum hic fuerit, ejus Periodi verum conspectum e Verbo Prophetico illustrasse: hinc enim passim pendet Applicatio vera Prophetiarum ad hanc Periodum.

a. Primo ergo notandum, Liberationem Populi, quae Misericordiae Dei passim tribuitur, opposita ad Exilium; irae speciem praeferens, ut supra demonstravi, repraesentari passim solere phrasibus *Vivificationis* et *Recollectionis*.

α. Appellatur *Vivificatio*; (1) quod ex Destructione, quae instar mortis erat, est in integrum restitutio; (2) quia populus conversus est et nova Vita donatus; (3) quod Deo ejusque Spiritui hic effectus adscribendus est: ut est Zach. IV. *non vi aut robore, sed Spiritu meo*; quemadmodum Deus ipse Cyrum dicitur excitasse, Jes. XLIV: 28.

β. Dicitur et *Recollectio*, qua nil est frequentius; sic Deut. XXX: 3. Jerem. XXIII: 3. XXIX: 14. Ezech. XI: 17. XX: 34. XXVIII: 25. sed id ubique recurrit. Eo autem epitheto venit *triplici* sensu, corporali, spiritali et politico, quod probe notandum ad intellectum Verbi Prophetici, et multas difficultates removendas. (1) *Corporalis* Recollectio foret, quia redierunt in unam terram, quotquot reversi sunt. (2) *Spiritalis* est vel Religiosa, qua ad unum Cultum, unam Religionem redierunt omnes; quam communionem quoque Judaei et Israelitae, qui in terris peregrinis manserant, demonstrare solebant in Festis solemnibus, quo respicitur Zeph. III: 10. sic et Zach. VI. id satis clare significatur. (3) *Politica*, qua in unam Politiam vel societatem civilem, imo in unum quoque nomen *Judaeorum* coalescerent: sic Ezech. XXXVII: 16 *seqq.* Hof. II: 2. Mich. II: 12. de quo et suo loco.

§. XXVII. b. Secundum Attributum Liberationis est *Universalitas* hujus Recollectionis: Prophetae ubique de ea loquuntur ut universali; quod probe tenendum, quum passim hic errarunt,

errarunt, cum inde collegerunt, Prophetias non ad hanc spectare Recollectionem. Sed ita ubique; Deut. XXX: 3, 4. Jerem. XXIX: 14. XXIII: 3. XXXII: 37. Ezech. XXVIII: 25. XXXVI: 24. Mich. II: 12. IV: 10. et de *decem* tribubus Israelis Hof. II et III. de quo egi in nota Diss. S. de *ultima conversione Judaeorum* edit. nov. subjuncta, vid. quoque Loca modo ad primum attributum citata. Sed hae Prophetiae non eo sensu intelligendae, ac si omnes omnino Exules corporalem illam Recollectionem acciperent et redirent; id enim Historiae non tantum, sed et Verbo Prophetico contrarium est, e. gr. Jerem. III: 14. sed hoc sensu: (1) quod ex omnibus Tribubus aliqui redirent, Jerem. III: 18. L: 4. (2) Quod Politica et Religiosa Recollectio universalis foret. (3) Quod mandatum revertendi fuerit universale, et omnibus concessa potestas; unde est, quod illi, qui in Exilio manserunt, reprehendantur a Prophetis; sic Jes. XLVIII: 20. Jerem. XX: 8. XXXI: 6, 21, 22. Hof. IX: 3, 4. Zach. II: 10.

§. XXVIII. c. Tertium attributum est, Liberationis et Recollectionis beneficium a Prophetis considerari solere ut connexum cum adventu Messiae, quem passim illi subjungere solent, Jerem. III: 14---16. XVI: 16, 19. XXIII: 4 *seqq.* XXIV: 6, 7. XXX: 9. XXXII. XXXIII: 15. L: 20. Ezech. XI: 17 *seqq.* XXXVI: 24 *seqq.* Hof. III: 5. II: 13, 14. sed haec ubique in Verbo Prophetico occurrunt. Quae vero Rationes hujus rei? quare Messiae adventus, qui a Liberatione hac longe distabat, cum ea connectitur?

a. Quia Christus ejusque OEconomia consideratur in Verbo Prophetico, uti vere erat, Liberationis hujus fundamentum et complementum; imo vero omnium Liberationum, quae Populo Judaico contigerunt: quo conspectu venit Prophetia de Messia ex Virgine nascituro Jes. VII: 14. instar signi, quod Achazo datur, ad eum convincendum de inutili invasione Regum Syriae et Israelis ad Regnum Judae delendum. Quod signum probe est ab alio, mox sequente, distinguendum; Duo enim signa dantur, unum Messiae eo

tendens, ut OEconomiae V. perpetua cum sede ejus Hierosolyma duratio ad Messiam usque, ejusque fundamentum, ad firmaretur, alterum Filii ipsius Prophetae, quem secum duxit, ut est vers. 3. eo collineans, ut cita Liberatio Hierosolymae a praesente infestatione hostili repraesentaretur; quo pertinent vers. 15 et 16. qui jungendi sunt, et ad illum Jesaiae filium unice referendi, uti ex vers. 16 ubi הנער adpellatur, et cap. VIII: 4. patet. Quod clarius conspicitur, si vox הנער statuatur loco mota, comed et post וכל et vers. 15. ponatur.

β. Quia Messias inter Judaeos in ea Terra Cananaea degentes, absque ut novum Exilium intercederet, appareret: Exilium Babyl. propterea consideratur ut medium duorum annorum, Habak. III. in initio.

γ. Quia Ecclesia Judaica post Exilium sensim praepararetur ad Messiae adventum, ut ab eo tempore omnia fere spectare coeperint ad illustrem illum adventum, et Populum praeparaverint. (1) Populus per Exilium jam purgatus erat ab omni Idololatria et ad Deum conversus, adeoque maximo hoc Messiae Beneficio non indignus. (2) Studium Legis floretet magis. (3) Gratia Sp. s. illustrior foret; Doctores insignes Spiritu Dei animati excitarentur. (4) Synagogae erigerentur, in quibus spiritualior obtineret Cultus. (5) Regimine Monarchico abolito, Duces succederent, in quibus Dei Regimen, ut olim, clarius eniteret. Ecclesia itaque post Exilium ita institueretur, ut ad Messiae OEconomiam propius accederet: quae et Ratio est, sed probe notanda, quare Phrasibus iisdem de Liberatione Populi et conditione post Exilium, utantur Prophetae, quibus OEconomia Nova describitur, quippe quae Phrasēs complementum haberent in OEconomia Nova. Conf. Jes. IV: 2. XXVIII: 5, 6. XXIV: 23. XXXII: 15, 20. XXXIII: 22. Jerem. XXXVI: 28. Ezech. XXXIV: 11---17. XXXVI: 24---38. XXXVII: 21 seqq. Mich. II: 13. Amos. IX: 6 et alibi.

§. XXIX. a. Quarto, ne Prophetias de Statu Reducum magnificas perversè interpretemur, ac si ea conditio mox post Exilium

Exilium per illas Prophetias depingeretur, cum partim in Ecclesia Maccabaica, partim Apostolica, complementum ultimum consecutae sint: ne quis hic haereat, observandum, Prophetas eum Statum Reducum tanquam tenuem et minus prosperum depingere; Populum quoque cito in corruptos mores delapsurum esse, praedixisse: unde genuinus Reducum conspectus sub hac Pericopa in luce collocatur. Sic Zach. I: 8. Ecclesia Reducum assimilatur *myrtaeo in profundo*: Cap. IV: 10. *dies parvorum* memorantur; *Tempus angustiae* Dan. IX: 25. quo urbs reaedificaretur: Hinc Regnum Persicum venit sub imagine *Montis applanandi* Zach. IV: 7. Et inter *Cornua arietantia* contra Judaeos referendi, tum Babylonii minitantes seque erigentes, tum vicini Populi Regum Persiae Edictis armati, Zach. II. et hinc *equus niger* adjungitur currui Persico a Zacharia viso Cap. VI. et luctus non nisi tempore Maccabaico abstergeretur, Jerem. XXXI: 13. Ps. CXXVI: 5, 6. Hof. XI: 7. Sed et corrupti Mores, quos hoc tempore induerent, et per quos severissimum Judicium, per Antiochum Epiphanem exsequendum, provocarent, clare satis descripti sunt: E. gr. Zach. V: 1 seqq. Dan. VIII: 23. praedicitur, *Regem facie fortem Surrecturum esse, cum Praevaticatores &c. i. e. Judaei*. Sed status is nusquam plenius quam apud Malachiam depingitur; qua occasione de Hypothesi Libri hujus interpretandi disputandum foret, nisi id jam factum esset in Commentario meo ad illum.

§. XXX. 3. *Periodus Vta* complectitur gravissimam Afflictionem et Persecutionem quoque Religionis causa ab Antiocho Epiphane et Syro-Macedonibus, de qua Prophetae saepe et luculenter vaticinati sunt. Praeter Generales Prophetias supra prolatas huc referendae, et accurata meditatione subigendae sunt sequentes Prophetiae: Jes. XXIV. XXXIII: 7 Seqq. LIV: 8. Dan. VIII: 9---14, 17. XI: 37 Seqq. Ps. X. XLII. XLIII. et LXXIV. LXXIX. LXXX. Nos pro more quaedam Observata ex Prophetiis proferemus ad verum hujus Periodi conspectum in luce ponendum et Characteres suppeditandos,

tandos, e quibus haec Periodus in Verbo Prophetico dignosci potest. Huc sequentia praecipue ad Verbi Prophetici interpretationem multum faciunt.

a. Afflictionem fore quidem gravissimam, quae Rempublicam et Religionem subverteret, Judaeos partim terra expelleret, partim occideret, partim in cavernas terrae propelleret, omnia longe lateque vastitate et miseriis repleret; attamen quae Hierosolymae et Templi destructionem non afferret, nec et Exilium Populi, in quo haec Afflictio differt a Babylonica et Romana: Conf. Pf. LXXIV et LXXIX, et LXXX. Jes. XXIV. XXXIII. et Dan. VII, VIII. Quo et pertinet, quod Antiochus dicatur *effractor*, Mich. II: 12.

§. XXXI. b. *Secundus* Character est, Calamitatem non diu duraturam: sic Jes. LIV: 8. *pauzillo irae exundantis abscondi faciem meam momento abs te*: Sic antea Cap. XXVI: 20. *latita popule mi! paululum, donec transeat exandescencia*. Et hoc criterium est hujus afflictionis, quo differt a Babylonica et Romana; haec adhuc durat; illa per LXX annos duravit, nec de ea haec phrasis usurpatur, nisi quis Jes. LIV: 7. eo referre velit; quod non necesse. Ceterum Afflictio Epiphonica, si eam late sumas, duravit annos XXIV, ab initio profanati Templi usque ad initium Simonis Ethnarchae. Sed proprie tempus Templi polluti, cum vis Afflictionis praecipue incubuit, tantum III annos et dimidium duravit; quod e Josepho constat et Libr. Maccab.; Anno enim Aerae Seleuc. CXLV incepit, et anno CXLVIII repurgatum est Templum; imo temporis ab Edicto Regis de abneganda Religione, cum proprie institui coepit Persecutio ob Religionem, ad initium vindictae, quam Judas Maccabaeus coepit exsequi, spatium tantum unius anni lapsum est: Edictum enim alligatur anno Seleucid. Aerae CXLV, et initium Judae anno sequenti. Daniel autem bis durationem ejus Afflictionis definivit, Cap. VIII: 14. et XII: 7, et circa finem: sed haec in Diss. et Comment: ad Dan. fusius exposui.

§. XXXII. c. *Tertium* Criterium hujus temporis, quod
licet

licet aliis quoque Judiciis Dei adscribatur, huic tamen in emphasi vindicatur, est, quod Severissimae Irae Dei fuerit tempus, quo Deus tum Hypocritas delevit, tum populum suum castigavit severissime: sic Jes. XXVI: 20. et LIV: 8. ut modo habuimus. Sed clarissime Character hic consignatus est Dan. VIII: 19. ubi Gabriël ad Danielelem: *ecce notum tibi facio id quod futurum est in extremi temporis severitate; quod finis erit statuto tempore.* Tempus severitatis continet omne tempus, quo Populus ab exteris Principibus afflictus est; sed extremum ejus faceret Calamitas Epiphanica. Sic et Dan. IX: 36. de Antiocho: *et prospere aget usque quo consummata fuerit severitas.* Sic quoque Psalmi citati id innuunt: et Historia ipsa id agnoscit, ut 1 Maccab. II: 49. 2 Maccab. VII: 38. Tamen.

d. Hujus severitatis duplex foret conspectus: alter impiorum destructionem, alter piorum castigationem continet. Afflictio sc. illa per gravissima crimina secundum Verbum quoque Propheticum provocaretur, et in capita impiorum praecipue recideret ad eos delendos: sic Jes. XXIV: 5. et LVI. LIX. Zach. v: 1. Quod ipsum quoque Deut. XXXII. repraesentatur, ubi Israel foedifragus comparatur cum Vite Sodomitica.

§. XXXIII. e. *Quinto*, nullus hujus temporis Character magis insignis esset eo, quem Persecutionis conspectus exhibet: Judaei enim hoc tempore tentarentur, explorarentur per idololatriae introductionem publicam in terram, et, si Patriae Religioni renunciare nollent, gravissime vexarentur; quod novum erat Afflictionis genus, cujus ad id usque tempus in orbe non fuerat exemplum: sic diserte Pf. XLIV: 23. *Tui causa occidimur, mactamur omni die; et reputamur ut oves mactationi destinatae.* Sic et Pf. LXXIX: 2, 10, 11. XCIV. et alibi.

f. *Sexto*, hoc Tempus, tanquam quo vera Religio atque Populus Dei publicae contumeliae exponeretur, consideratur in Verbo Prophético. Velamen quasi omnibus

tandos, e quibus haec Periodus in Verbo Prophetico dignosci potest. Huc sequentia praecipue ad Verbi Prophetici interpretationem multum faciunt.

a. Afflictionem fore quidem gravissimam; quae Rempublicam et Religionem subverteret, Judaeos partim terra expelleret, partim occideret, partim in cavernas terrae propelleret, omnia longe lateque vastitate et miseriis repletet; attamen quae Hierosolymae et Templi destructionem non afferret, nec et Exilium Populi, in quo haec Afflictio differt a Babylonica et Romana: Conf. Ps. LXXIV et LXXIX, et LXXX. Jes. XXIV. XXXIII. et Dan. VII, VIII. Quo et pertinet, quod Antiochus dicatur *effractor*, Mich. II: 12.

§. XXXI. b. *Secundus* Character est, Calamitatem non diu duraturam: sic Jes. LIV: 8. *pau-xillo irae exundantis abscondi faciem meam momento abs te*: Sic antea Cap. XXVI: 20. *latita popule mi! paululum, donec transeat excandescencia*. Et hoc criterium est hujus afflictionis, quo differt a Babylonica et Romana; haec adhuc durat; illa per LXX annos duravit, nec de ea haec phrasis usurpatur, nisi quis Jes. LIV: 7. eo referre velit; quod non necesse. Ceterum Afflictio Epiphanica, si eam late sumas, duravit annos XXIV, ab initio profanati Templi usque ad initium Simonis Ethnarchae. Sed proprie tempus Templi polluti, cum vis Afflictionis praecipue incubuit, tantum III annos et dimidium duravit; quod e Josepho constat et Libr. Maccab.; Anno enim Aerae Seleuc. CXLV incepit, et anno CXLVIII repurgatum est Templum; imo temporis ab Edicto Regis de abneganda Religione, cum proprie institui coepit Persecutio ob Religionem, ad initium vindictae, quam Judas Maccabaeus coepit exsequi, spatium tantum unius anni lapsum est: Edictum enim alligatur anno Seleucid. Aerae CXLV, et initium Judae anno sequenti. Daniel autem bis durationem ejus Afflictionis definivit, Cap. VIII: 14. et XII: 7, et circa finem: sed haec in Diss. et Comment: ad Dan. fusius exposui.

§. XXXII. c. *Tertium* Criterium hujus temporis, quod licet

licet aliis quoque Judiciis Dei adscribatur, huic tamen in emphasi vindicatur, est, quod Severissimae Irae Dei fuerit tempus, quo Deus tum Hypocritas delevit, tum populum suum castigavit severissime: sic Jes. XXVI: 20. et LIV: 8. ut modo habuimus. Sed clarissime Character hic consignatus est Dan. VIII: 19. ubi Gabriël ad Danielelem: *ecce notum tibi facio id quod futurum est in extremi temporis severitate; quod finis erit statuto tempore.* Tempus severitatis continet omne tempus, quo Populus ab exteris Principibus afflictus est; sed extremum ejus faceret Calamitas Epiphanica. Sic et Dan. IX: 36. de Antiocho: *et prospere aget usque quo consummata fuerit severitas.* Sic quoque Psalmi citati id innuunt: et Historia ipsa id agnoscit, ut i Maccab. II: 49. 2 Maccab. VII: 38. Tamen.

d. Hujus severitatis duplex foret conspectus: alter impiorum destructionem, alter piorum castigationem continet. Afflictio sc. illa per gravissima crimina secundum Verbum quoque Propheticum provocaretur, et in capita impiorum praecipue recideret ad eos delendos: sic Jes. XXIV: 5. et LVI. LIX. Zach. v: 1. Quod ipsum quoque Deut. XXXII. repraesentatur, ubi Israel foedifragus comparatur cum Vite Sodomitica.

§. XXXIII. e. *Quinto*, nullus hujus temporis Character magis insignis esset eo, quem *Persecutionis* conspectus exhibet: Judaei enim hoc tempore tentarentur, explorarentur per idololatriae introductionem publicam in terram, et, si Patriae Religioni renunciare nollent, gravissime vexarentur; quod novum erat Afflictionis genus, cujus ad id usque tempus in orbe non fuerat exemplum: sic diserte Ps. XLIV: 23. *Tui causa occidimur, mactamur omni die; et reputamur ut oves mactationi destinatae.* Sic et Ps. LXXIX: 2, 10, 11. XCIV. et alibi.

f. *Sexto*, hoc Tempus, tanquam quo vera Religio atque Populus Dei publicae contumeliae exponeretur, consideratur in Verbo Prophetico. Velamen quasi omnibus

Gentibus impositum Religionis Israelitarum respectu, quatenus de ea ex hac Afflictione sinistre judicare deberent, quod velum ablatum dicitur per illustrem Liberationem, Jef. XXV: 7. et v. 8. diserte dicitur: *opprobrium Populi Sublatum esse*: Conf. et Ps. XLIV: 14. LXXIV: 10, 18, 22. LXXXIX: 4, 10. Tandem.

g. *Septimo* observandum; hanc ipsam Afflictionem considerari ut ultimam, Scil. usque ad finem OEconomiae Vet. Post non alia foret, donec cessaret illa OEconomia. Vid. Joel II: 19, 27. Amos. IX: 15. Jef. LI: 22. Jerem. XXX: 8, 11. Joel. IV: 17. Seqq. Mich. IV: 5, 7.

§. XXXIV. 7. Sequitur *Periodus VI*ta, quae Populi Judaei, post gravissima certamina, gloriosissimam Liberationem per Maccabaeos Heroas complectitur; ejusque Populi in longe excellentiorem Statum instaurationem repraesentat. Haec Periodus a Judae Maccabaei tempore se extendit ad Hyrcanum et Aristobulum fratres, Alexandri Jannaei filios, quorum lites occasionem dederunt Romanis Judaeam subigendi per Pompejum Magnum; a quo tempore Res Judaeorum coeperunt vergere ad finem. Initium et finis hujus Periodi minus laeta fuerunt: in initio sub Juda et Jonathane continuo cum hostibus certare debuerunt; a Simone autem Libertas, et a Joh. Hyrcano praecipue Prosperitas repetenda est. Sub finem autem Periodi corruptio jam coepit Populum occupare sub Alexandro Jannaeo. Haec Periodus, quae dici solet *Maccabaica*, meretur accuratorem Tractationem, quam hic praestare possumus. Multae ad eam pertinent Prophetiae et Psalmi, quae vel integram Periodum illustrant, vel aliquam partem; sive vindicationem in libertatem, et hostium Strages per Maccabaeos ob oculos fiant, sive multiplicationem Populi supra Patres, sive prosperitatem Reipublicae et Ecclesiae exhibeant. Dabo aliquem Catalogum Prophetiarum, quae hanc in rem accuratam merentur meditationem: Jef. XXV. XXVI. XXX: 19.---finem. XXXIII. XLI: 8---14. XLIII: 2. XLV: 14. LI: 17---23. Jerem.

III:

III: 16. XII: 16, 17. XXX. XXXI. Hof. II: a v. 17. XI: a v. 8. XIV: 5---fin. Mich. II: 12, 13. IV: 11---v. 4---apud Zach. ubique; Psalmi X, LIII. LXVIII: 22---fin. LXXXV. LXXXVII. Sensu fecundario, LXXXIX. XCI---XCIII. XCVIII. XCIX. CVII: 10---16. CXI---CXIII. CXV. CXVIII. CXXI. CXXIII. CXXV. CXLVI---CL. Alia Loca in ipsa Tractatione occurrent, vel attento Lectori sponte in mentem venient. Nos pro more praeceptos hujus Periodi Characteres e Verbo Prophético protrahemus in lucem, ut verum ejus conspectum pandamus.

§. XXXV. a. Sicut Liberatio ex Exilio Babyl., ita et haec Populi vindicatio dicitur *Recollectio* Mich. II: 12. sed in specie *Vivificationis* et *Resuscitationis* sub imagine occurrit: sic Jes. XXVI: 19. *vivent mortui tui*, (tui scil. causa occisi,) *vivent*, (sc. in Populo restituto,) *resurgent*; *expergiscimini et cantate habitatores pulveris*; *quia ros olerum ros tuus, et terra mortuos suos edet*. Ubi vid. Cl. Vitringa. Hof. VI: 1, 2. ubi *primus dies* est, ad Exilium Babylon. *secundus*, ad Afflictionem Epiphanicam, *tertius*, ad Messiam. Sic Ps. LXXXV: 7. Et clarissime Dan. XII: 2. Conf. quoque Efr. IX: 8. Ratio ejus phraseos e dictis ad Period. Vtam et Historia Maccabaica clare elucet. Vid. quae dixi ad Dan. 1. c.

b. Liberatio contingeret per vindictam ab hostibus sumendam ab Heroibus Spiritu Dei actis, cum claris auxilii Divini signis, adeoque gloriosissime, licet non sine lucta: sic Jes. XXV: 4, 5. XXVI: 1, 12. et ubique id opus Deo tribuitur; Cap. XXVIII: 6. *Jehova dicitur futurus in fortitudinem retundentibus bellum versus portam*; scil. hostium. Grassarentur illi Heroës ad Damascum vel Antiochiam usque, Syros in ipsa illorum Terra invasuri: Cap. XXXIII: 10, 11. XLI: 8---13. Clare Mich. II: 13. IV: 13. V: 4 *seqq.* Sic Zach. IX: 13. X: 5. Vid. et Cap. XII. et ubique in Zach. Sunt etiam illi e Fabrorum numero, qui cornua hostium retunderent, Zach. II. Ex Psalmis praecipue vid. CXVIII. et CXLIX. Huc et pertinet Lapis in *imaginem irruens*, Dan. II. et Judicii Di-

vini descriptio Cap. VII. Vid. Diff. nostrae ad visa Dan. Vid. et Cap. XI et XII. de quibus egi ad Danielelem.

§. XXXVI. Certamine hoc cum Persecutoribus Syris gloriose ad finem perducto per Maccabaeos

c. Respublica et Ecclesia in gloriosissimo et felicissimo collocaretur Statu, qui nunc ex Verbo Prophetico in lucem proferendus:

α. Huc pertinet, quod Populus in immensum excresceret numerum, et supra ipsos Patres multiplicaretur, secundum praedictionem Moſis Deut. XXX. ita ut extra fines Cananaeae longe lateque proſerperet, et ſe in quaſvis terras diſſeminaret: vid. Jeremiae III: 16. XXIII: 3. XXX: 19. Ezech. XXXVI: 10 *ſeqq.* Hoſ. I: 10. Mich. II: 12. quo et tendit Viſum Zachariae Cap. II. de menſuranda Hieroſolyma. Vid. quoque Pf. LXXXVII: 5. CXXVIII. de multiplicatione proliſ: CXLVII: 13. De implemento conſul. Gurtlerus Cap. XX. et hiſt. noſtra Eccleſ. V. T.

β. Regnum Populi Iſraelis ac dominium ſe longius extenderet, quam unquam fecerat: Populos vicinos ſibi ſubjiceret, Philiſthaeos, Phoenices, Moabitas, Ammonitas, Idumaeos &c. Sic Jeſ. XXVI: 15. *addidiſti huic Genti &c.* Vid. et Obadj. v. 18 *ſeqq.* Mich. IV: 13. V: 7, 8. Zach. IX: 1 *ſeqq.* in ſpecie de Idumaeis Numer. XXIV: 18. Obadj. v. 21. Ezech. XXV: 14. XXXV. et Malach. I: 4. De Ammonitis Jerem. XLIX: 2. De Moabitis et Ammonitis Zeph. II: 8, 9. Sed de Moabitis, cum quibus hoc tempore confuſi Ammonitae, qui communi Arabum nomine veniebant, clarum Vaticinium extat Jeſ. XXV: 10, 11. ubi vid. Cl. Vitringa, de Tyriis, Sydoniis et Palaſtiniſ Joel IV: 4 *ſeqq.* et Zach. IX. ut et Zeph. II: 7. Et de generali implemento ad hoſce Populos pertinente egregius extat Joſephi locus Antiquitat. L. XIII: Cap. 23.

§. XXXVII. γ. Multitudo Profelytorum, qui Religionem Judaicam ſuſciperent, tum valde inſignis foret; eſtque id luculentum Temporis Maccabaici criterium apud Prophetas:
Vid.

Vid. Jerem. XII: 16, 17. de Aegyptiis, Cuschaeis, Zabaeis Jes. XLV: 14. in specie de Aegyptiis Jes. XVIII: 7. XIX: 18 *seqq.* ubi vid. Cl. Vitr. de implemento: de Idumaeis Obadj. v. 21. De Phoeniciorum et Tyriorum conversione Jes. XXIII: 18. et Zach. IX. Quae omnes Prophetiae summum quidem complementum sub Euangelio consecutae, sed anticipatam habuerunt in Ecclesia Maccabaica.

3. Alii Populi, qui Religionem Judaicam quidem non profiterentur, revereri tamen eam inciperent, et Gloria Dei iis innotesceret, ita ut Dominum Deum Israelis inciperent colere, et Populum Dei honorarent. Opprobrium enim per Afflictionem Epiphanicam inflictum auferretur, et nomen Dei innotesceret Gentibus; de quo egregius locus est Jes. XXX: 3. *propterea te honorabit Populus validus, Civitas Gentium violentarum reverebitur te*: Quod de Romanis, Syris aliisque verum esse deprehensum, probavit Cl. Vitranga. Ceterum de Templo et Religione Judaica a Romanis, in specie Augusto, honoratis, videatur *Philonis Legatio*. Plura produxit Walaeus ad Joh. XII: 20. Seldenus de Jure N. et G. L. III. C. 4. Pfannerus Theol. Gentil. Cap. XXII.

§. XXXVIII. 2. Omne genus Bonis corporalibus, quae Benedictionis nomine veniunt sub Vet. OEconomia, adfluerent, et ea ratione supra Patres opibus, gloria, et omnium copia abundarent, sicut promissum Moysi habet Deut. XXX. quod Prophetae saepe promiserunt diserte, ut Jerem. XXXI. per totum fere Caput; Mich. V: 6. Amos. IX: 13. Joel III: 18. Vide quoque Jes. XXX: 23 *seqq.* Ezech. XXXVI: 28 *seqq.* Hof. II: 22. Zeph. III. et huc pertinent quinque ultimi Psalmi inde a CXLVIto.

3. Inter ea Bona in specie memoratur longaevas et securitas, seu longa et firma Pax; Vid. Jes. XXVI: 1. 12. XXXIII: 9, 11. Jer. XXXI: 13. XXXII: 37. Zeph. III: 14. Joël IV: 17. Zach. II: 9. VIII: 4. De implemento I Maccab. XIV: 6.

4. Huc et pertinet, Judaeorum et Ephraimitarum

tarum distinctione et aemulatione sublata, unum Populum fore, et omnes in unam Societatem Politicam et Religiosam coalescentes esse: Vid. Ezech. XXXVII. 15 *seqq.* Mich. II: 12. et egregie Zeph. III: 10, 11. loco notabili, paucis illustrando. Verba ita habent: *tunc enim vertam ad populos labium purum, quo omnes invocent nomen Jehovae, ipsique serviant humero uno: e trans fluvios Cuschitidis supplices mei, filia disperforum meorum adferent munus meum.* Quae hac paraphrasi illustrare liceat. Dixi, vos, o pii de populo meo! expectaturos esse donec dies generalis iudicii mei adluxerit; nec frustra id dixi; nam post illud iudicium laetiora vobis adfulgebunt tempora, quibus cultus meus in toto populo primum instaurabitur, faciam enim, ut populi nunc divisi, et impuris labiis praediti, *labium consequantur unum et purum*, quo nomen meum unitis animis et vocibus sunt invocaturi, mihiq; uno humero servituri. Et si enim diffitis in locis multi sint mansuri, illi nihilominus unionem sunt demonstraturi animorum. Qui enim trans fluvios Cuschi sunt versaturi in Aegypto, et Assyria seu Transeuphraten-sibus regionibus (de his enim cogitare etiam licet, phrasi permittente, cum, quod Euphrates Arabiam, seu Cusch, terminet, tum, ubi se in sinum Persicum exonerat, *alveus* dicitur, qui adluit terram Cusch Gen. II.) munera deferent Hierosolymam, meque colent. Cohæret Pericopa cum initio vers. 9ni, ubi dixerat Deus *expectate me*: quod beneficium a Deo praestandum involvebat; cuius hic rationem reddit et bonorum illorum catalogum texit. Interpretes de Gentium conversione sub Euangelio interpretari solent, sed obstat 1. quod עַמִּים hic adpellentur, et vers. 9. גוֹיִם indicio alios hic intelligi, ac vers. 9. 2. Populi absolute vocentur sine ullo addito epitheto, secus ac vers. 20. ubi *populi terrae* memorantur. 3. Populi sint, qui antea Deum verum quidem invocaverant, sed *labio impuro* et animis divisis; qui illud in posterum unitius et purius facerent: quod in Gentes non quadrat. 4. Cum in seq. de Judaeorum instauracione agatur, quae post exilium inciperet Babylonicum, ut ex cunctis istius pericopae parti-

partibus patet, minus apte utique eam inchoaret prophetia de conversione Gentium, non nisi post omnia illa beneficia locum habitura. Denique 5. quod rem conficit, qui hic populi adpellantur mox vers. 9. *filiae disperforum* epitheto insigniuntur, qui, e *trans fluvios Cuschitidis munus ad* Jehovaham deferrent; dispersi itaque Judaei et Israelitae, seu eorum posterii: ut seq. etiam docent.

Ex mea itaque opinione de Judaeis et Israelitis agitur, qui populi adpellantur, quia hoc tempore erant divisi et regno, et animis et religione, de quibus hic dicitur, eos in unam societatem esse reduniendos, et *politicam* et *Ecclesiasticam*, ita ut post exilium Babyl. unus fierent populus, et unius ejusdemque religionis cultores. Ne autem huic unioni multorum dispersiorem quis putaret obstare, addit Prophetia, ipsos quoque illos dispersos Jehovaham esse veneraturos, suamque communionem per dona et munera, Hierosolymam mittenda vel deferenda, esse demonstraturos, uti exemplum est Zach. VI: 9. quod et ab aliis fuit praedictum Prophetis, uti praeter loca hic citata Hof. II: 2. Jes. XI: 12, 13. Jer. L: 4, 5. ubi vid. Comm. noster. Reliqua, ad totam Pericopam explicandam pertinentia, peti possunt ex Comm. nostro ad Proph. min. cum in publicum fuerit missus.

§. XXXIX. 9. Populus hoc tempore immediate magis a Deo penderet, quam antea: Regnum Dei hoc tempore magis conspicuum foret in medio populi; ut est Obadj. V. ultimo. Jes. XXXIII: 22. XXIV: 23. XXVIII: 5. Ezech. XXXIV: 11 seqq. Mich. II: 13. IV: 8. Forma Regiminis, quae tunc obtinuit, sic fuit instituta, ut Dei Regimen praecipue enituerit: per Duces non tantum, sed et Sacerdotes regebatur Populus, Personas Deo Sacras; ut est Zach. III: 7. Accessit, illos passim fuisse a Spiritu Dei animatos; adeo ut nonnulli quoque Spiritu Prophetico gavisi sint; quod de Johanne Hyrcano dicitur. Deus quoque se variis suae potentiae Speciminibus et Benedictionibus demonstravit Populo praesentem. Sed qua ratione haec Forma brevi obscurata sit, non tam per

Monarchicum Regimen, quam corruptionem Populi, et novam subjugationem, mox videbimus.

§. XL. d. Tandem ad Prophetiarum, quae de Periodo Maccabaica agunt, meliorem intellectum observandum, illa Tempora imaginem praeferre duorum Temporum OEconomiae Novae, Apostolicorum scilicet, et Ecclesiae ultimi temporis, quae post similem luctam gloriosissime florebit. Hinc est, quod Prophetiae, de Maccabaicis Temporibus magnifice loquentes, summum implementum partim in Ecclesia Apostolica consecutae sint, partim in ea ultimi temporis consequentur. Quo pertinet, Ecclesiam Maccabaicam considerari ut Primitias Ecclesiae Christianae; ut Dan. II: ubi Lapis crescere dicitur in Montem: et Messiae adventus quoque saepe cum Ecclesia Maccabaica connecti solet; ut Hof. II: 3, 11 in fine, Obadj. v. 21. Eo et pertinet, quod Regnum Dei in Ecclesia Maccabaica aeternum appelletur, Mich. IV: 7. Zeph. III: 17. Interpres igitur hunc conspectum Ecclesiae Maccabaicae semper in oculis habere debet. Si quis velit Exempla Prophetiarum de Ecclesia Maccabaica cum Apostolica connexa, legat Jes. XXX: inde a v. 19. &c. coll. Zach. X: 1 *seqq.* Quod ad posteriorem conspectum, vid. Jes. LIX: 15. LXIII: 1. *seqq.* conf. Jes. XXV, XXVI, XXVII.

§. XLI. 7. Sequitur *Periodus VII.* quae ab altera parte novam et summam Populi corruptionem ac novam subjugationem a Romanis complectitur; ab altera credentium in Messiam manifestatum liberationem ac felicitatem, et incredulorum et totius Populi plenarium excidium per Romanos, et repudiationem a Deo, una cum OEconomiae Veteris fine. Vero ergo suo conspectu haec Periodus est *Praeparatio* tum ad Populi rejectionem ac destructionem, et OEconomiae Vet. abolitionem; tum ad Ecclesiae Christi erectionem. Ad priorem conspectum pertinet Defectio totalis Populi a Deo et vera Religione, et subiectio Romanis.

a. De nova Subjugatione luculentum extat Vaticinium Mich. IV: 14. quod fieri coepit tempore Pompeji;
ut

ut in Historia traditur. Vid. Comment. noster ad Gen. XLIX: 10. Quartum beneficium capite IVto Michae memoratum est Messiae tanquam veri Domini ac Regis populi ortus, una cum signo temporis, seu posteaquam populus a turma latronum fuisset invasus et arcta inclusus custodia, Rectores quoque et Judices ignominiose fuissent tractati: vers. 14. et V: 1. Status afflictus, qui praemittitur, sicut et superiora beneficia post mala antecedentia esse repraesentanda, praedixerat Propheta, et cum עתה *nunc* inceperat; situs est in nova servitute, in quam inciderent Judaei paulo ante adventum Messiae c. v. 1. descriptum, his verbis expressa vers. 14. *Nunc turmatim invades*, vel *invadet mihi* (י enim in חתנדי cum emphasi, ut modo in חרמתי et alibi, sicut Lat. *mihi* abundat.) *filia turmae* (h. e. globus aliquis quasi latronum globatim invadet: quae est radicis גדר significatio) *munitionem posuit contra nos*, (Hierosolymam obsidendo et praesidium militare in arce ejus ponendo; ut Romani sub Pompejo fecerunt, et cum Judaea in formam provinciae Romanae est redacta) *virga percutient maxillam judicum Israelis*, vel *Judicis Israelis* (Judices et Rectores Judaeorum ignominiose erunt tractandi, quippe omni autoritate et gloria privati et Romanorum virgis subiecti, ac in servitutem, populo Judaeo adeo ignominiosam, peregrinorum redacti.) Plura non addo, in Comm. nostro ad Proph. min. obvia, maxime cum in hanc meam mentem locum docte jam illustraverit Cl. meus Nepos J. H. Verschuier in peculiari Diff., quae prostat.

b. Accessit Subjugationi dura servitus, qua Procerum Judaeorum libidini inservire debuerunt, et a profanis Principibus duriter tractati sunt, et in Traditionum molestarum carcerem conjuncti; quo pertinet Jes. LII: 3---5. et *fovea sine aqua* Zach. IX: 11. De quo in Comm. ad Zach. fusius egi.

§. XLII. c. Condicio ergo Pastorum, Principum et Sacerdotum foret corruptissima; partim quod, Clavi cognitionis ablata, ineptis rebus Populum detinerent, et variis quaestioni-

bus agitent, ac Traditionibus onerarent; *partim* quod hypocrysi inflati animam Religionis corrumpere, quae Phariseorum est descriptio: *partim* quod, spe melioris Vitae abnegata, sese carni secure traderent, qui Sadducaeorum est conspectus: *partim* denique, quod curam Populi negligerent. Prophetiae hanc Pastorum corruptionem describentes sunt praecipuae, Jes. XXVIII: 7, 14, 15. XXIX: 10, 15. Ezech. XXXIV: 18---22. Zach. XI: 1, 2. Mal. III.

d. In Specie de Principibus observandum, illos, Ducum dignitate non contentos, revocasse Majestatem Regiam, et ita Regiminis Dei speciem obcurasse; Vid. Ezech. XXI: 26, 27. *Sic dixit Dominus Jehova: removebo fasciam auferam coronam* (sacerdotalem simul regiam, tunc unam eandem) *haec non haec est* (corona memorata *haec* non est *haec*, seu non vera Davidica, qualis esse debebat, nec firma et perrennis.) *humilem exaltabo, altam humiliabo* (ita soleo, ita faciam: regnum Judae, sacerdotale regium, quoque excelsum et fastosum, ad nihilum redigam, et regnum humiliatum seu Davidicum, obscuratum nunc et depresso, in sublime feram, scilicet in Messia) *Contorsionem, contorsionem, contorsionem ponam ipsam* (notam ei infamiae inurendo, vel et in eam irruendo: quae utraque potestas radici **שום** et **שם** inest, *causam* everisionis exhibet vox **עיה** proprie *distorsio*, usu vero *iniquitas*, quae est aequi ac iusti *distorsio*, cui mox opponitur jus et iudicium in eo, cui corona erat danda; *Trina* coronae corruptio et everasio, sicut emphasin augeat, gravitatem ac certitudinem denotans, ita se transferri patitur ad Tsedekiam Aristobulum, primum ex Maccabaecis regem et Pontificem, ac Herodem M.) *etiam haec non erit, donec venerit, cujus est iudicium, et dederim illi* (ipsa illa corona humilis exaltanda non habebit locum, nisi cum *iustus* ille advenerit, cui jus in eam est, cuique eam dabo.) Pericopa haec itaque externi regni Davidici, tanquam fastosi et corrupti, destructionem, nunc in Tsedecia, postea in aliis regibus denuo exortis, faciendam, et spiritalis regni in Messia, genuino Davidis filio, regni vero veritatis

et

et justitiae erectionem, vivis depingit coloribus: uti in Comm. ad Ezech. exposui, et meis sub auspiciis olim fuisse et egregie executus quoque est discipulus meus egregius *Radbodus*, nimis cito e vivis abreptus, in Diff. Academ. cujus honoris causa mentionem facio.

e. Populi universi corruptissimus foret Status; absque quo tamen Semen sanctum deficeret, sed quod omni vigore careret, et animum despondens prope a morte abesset: Sic Ecclesia illa afflicta erigitur consolatione, Jes. XL: 27. XLIII: 22. LII: 1, 5.


Hujus Periodi exitus foret duplex, alter *laetus*, respectu credentium; alter *tristis* relate ad Populum incredulum, qui totalem destructionem Reipublicae secum trahe- ret. Sed haec pertinent ad Fata OEconomicae Novae.

§. XLIII. II. *Verbo adhuc* monendum restat de Prophe- tiis, quae agunt de Fatis Populorum vicinorum: Sunt illae par- tim *Generales*; partim *Speciales*.

A. Prioris generis non sunt adeo multae: praecipuae Dan. II et VII, quae secum comparandae sunt: Cum autem Comm. noster ad Dan. in omnium manibus sit, non opus est, in tanta rerum copia hic morari, sed ad Differ- tationes illas ad Dan. ablegari debent, qui accuratius instrui volunt.

B. Posterioris generis Prophetiae sunt variae; de Philisthaeis, Idumaeis, Moabitis, Arabibus, Tyriis, Sido- niis, Assyriis, Babyloniis, Aegyptiis et Syro-Macedonibus; quo- rum tum Judicia, tum Conversiones ubique praedictae sunt: de quibus leg. Cl. Vitringa ad Jes. et commentar. noster ad Jer. et minores Prophetas, adeoque nec hic morabimur.


FINIS PARTIS PRIMAE.



PARS POSTERIOR.

*De Prophetiarum respectu ad OEconomiam
Testamenti Novi.*

PROLEGOMENA.

§. I.  ergo ad Prophetiarum respectum ad OEconom. N. quæ Tractatio nos diutius detinebit. Prophetiae, quæ ad OEcon. N. pertinent, partim sub V. partim N. T. editae sunt.

I. Posteriores partim *Parabolas*, partim Christi Vaticinio Matth. XXIV, praecipue vero Apocalypsi comprehensae sunt: licet hic illic in Epistolis Apostolicis nonnulla quoque extent, ut 2 *Thess. II.* Sunt quidem, qui *Parabolas* non alium ac *Moralem* tribuunt sensum, nullum *Propheticum*, saltem qui *Fata N. T.* contineat. Sed licet *Parabola*e plures *Veritatem* tantum *Euangelicam* illustrarint; illae tamen, quæ *Singulares Casus* et *Fata* nonnulla complectuntur, necesse est sint *Propheticae*, nisi quis *Christum* multa sine certo sensu protulisse velit, quod *Sapientiae* ejus detraheret; Et *Casus* nonnulli sibi ordine succedentes aliquando in illis enarrantur, ut in *Parabola* de *Zizaniis*, aliisque: Accedit, *Christum Regni Coelorum* conditionem variam illustrasse per illas; et hinc earum *Cognitionem* dici complecti thesaurum *Veterum* et *Novorum*, Matth. XIII. Et si *Fata Ecclesiae* cum *Parabolis* aliquibus comparentur, convenientia nimis clara deprehenditur, quam ut Dominum

Dominum illa in oculis habuisse, negari possit. Sed haec latius non exequar: extat enim Comment. Cl. Vitringae ad Parabolas, cui tamen per omnia non adfentior.

§. II. II. Quod ad Prophetias V. T. illae duplicis sunt generis; *aliae* directe et sensu primo; *aliae* indirecte et sensu secundo Res N. T. explicant.

A. Posterioris generis Prophetiae primo sensu pertinent ad OEconom. Vet. et Ecclesiae Judaicae Fata describunt: sed dein ad Ecclesiam Christianam duplici conspectu se transferri patiuntur; *vel* in genere ad Ecclesiam Christianam tanquam Vet. OEconomiae complementum; *vel* in specie ad diversa Ecclesiae N. T. tempora et Fata, quae Veteris Ecclesiae respondent. Fata utriusque Ecclesiae sibi respondentia *vel* generaliora et absoluta, *vel* ordini Temporum adstricta sunt: E. gr. Tempora Maccabaica Ecclesiae Apostolicae in genere, sed et Ecclesiae ad complementum suum sub finem temporum propius accedentis, figuram gesserunt. Sic quoque Liberatio ex Babele tum in genere Ecclesiae Liberationem e Servitute Peccati, tum in specie ex Antichristianismo repraesentat. Qui ergo in Verbi Prophetici intellectum vult penetrare, is hanc Fatorum utriusque Ecclesiae Harmoniam perspectam habere debet. Qua de re pluribus egi in Praefat. ad Comment. Cl. Vitr. de Miraculis, et specimen dedit ipse in Comm. ad Zach. in Proleg. Quare et hic nihil dicam: maxime, quum postea ad Singulas Periodos illam Harmoniam sim traditurus. Ceterum de sensu Prophetiarum, et *litterali* et *mystico* non male in genere differuit Lanfantius in Epist. quae extat in *histor. crit. reip. litter.* tom. VI. cuius autor et ipse in praecedentibus explicationem litteralem Psalmorum, exemplis Bucerii, Pellicani, Musculi et Calvinii justificavit. Conferri etiam meretur Cl. *Ernesti narratio critica* de Interpret. Prophetiarum Messiae in Ecclesia Christiana, Opusc. Theolog. p. 493.

§. III. B. Prophetiae autem V. T. quae ad Res N. T. directe respiciunt, maximam partem *generaliores* sunt, quaeque N. T. initium et finem magis repraesentant, quam Fata in-

termidia: ita ut ex illis ordo Fatorum, aut Periodorum Characteres frustra peterentur; qua de re paulo distinctius agendum: Quaeritur sc. quo usque se extendant Praedictiones V. T.? sunt qui ad Johannis et Christi tempora usque, ex Matth. XI: 13., sunt qui ad omnia Ecclesiae N. T. fata porrigunt, et Periodorum definitiones ex iis quoque repetunt. Quod ad nos:

❧. *Priorem* opinionem vix dignam puto refutatione, quum nihil certius sit, quam Christi Personam, Fata, Regnum Christi ejusque propagationem, Prophetas luculenter descripsisse. Dictum autem Christi l. c. tantum abest, ut obstaret, ut contra clare confirmet nostram Sententiam: *Prophetiae* enim, qua tales, eo dicto extenduntur ad Johannem usque; ergo ante id tempus implementum non sunt consecutae, sed ab eo demum: cessarunt enim esse Vaticinia, cum impleta sunt: impleri ergo coeperunt ipso tempore Johannis.

§. IV. 1. An ergo in hodiernorum interpretum, maxime Cocceji, magni et eruditi viri, ac adseclarum, castra eundum erit, et Vaticinia V. T. dicendum, Fata N. T. ordine recensere? Nec id ob varias rationes statuere licet:

a. Prophetiae ad ipsum Populum Judaicum primam habuerunt et praecipuam relationem, ac OEconomiae Vet. inservierunt: Novam tantum tanquam in typo expingit OEconomia Vetus; sed ipsa per se subsistit; quare Vaticinia sensu secundo ad OEconom. N. recte referuntur, non passim primo.

b. Prophetae Fatorum Catalogum passim per texere solent ad Christi tempus usque, quod tamquam complementum considerant; ut vidimus supra.

c. Prophetiae de OEconomia Christi passim generalius loquuntur; ut de illius Propagatione, Hostibus, Restitutione felici.

d. Ultimum Mundi tempus passim connectunt cum Christi tempore, de Fatis intermediis minus solliciti. Regnum Christi in summo splendore describere solent,
uti

uti existeret sub finem temporum. Vid. Jes. II. XI. XXV. XXX. XXXV. LIV. LX &c. Quod ipsum ansum praebuit opinandi, finem instare Mundi, cum Christus adveniret. Adventum autem Messiae primum et secundum secum a Prophetis connecti, docent multa; de quo egi, ubi hanc Hypothesin probavi, ad Dan., ubi de Regno quinto dixi. Nec repugnat, felicia illa tempora mox non adluxisse, sed post longam demum fatorum seriem futura esse: (1) quod illud inobedientiae Populi tribuendum est, ut liquet ex Act. III: 19 *seqq.* et Rom. XI. quemadmodum et Judicia aliquando per Poenitentiam differuntur, ut in Ninevitis: sic et Jerem. XXVI. Mich. III: 12. (2) Quia Judaei Populi fata intermedia nulla forent inter duplicem illum adventum Christi, sed perseverarent in eodem statu; Prophetae autem V. T. agunt de Fatis Ecclesiae, quae respiciunt ad Judaicam. Fata Ecclesiae Christi, qua talis, tunc non fuerunt revelata; quare Prophetae de Fatis Ecclesiae Christi silent, Judaeorum destructionem totalem descripsisse contenti. (3) Quod Prophetae tempora Messiae in genere depingunt; absque quo dicant, quo praecise tempore illa repraesentarentur.

e. Prophetae maxime versantur in initio et fine OEconomiae Novae depingendo: quod ex argumento Prophetiarum non tantum, sed et ex disertis N. T. locis liquet; 1 Petr. I: 12. Act. III: 18. Apoc. X: 7. Quare conversio Judaeorum generalis fuit mysterium, Rom. XI. ut et Revelatio Antichristi, 2 Theff. II.

f. Idem facile colligitur e Scopo Apocalypseos, quae data est, ut hunc defectum Prophetiarum V. T. suppleret: cum enim Deus nihil facturum sit secundum Amos. III: 7. nisi antea voluntatem revelaverit Prophetis, Apocalypsis data est, ut Ecclesiae N. T. constaret de suis fatiis; sicuti Prophetae V. T. de Fatis Ecclesiae Judaicae egerunt: si autem Fata illa N. T. jam antea essent a Prophetis descripta, non tam nova foret Revelatio Johanni facta. Novi quidem, VII *Periodos* N. T. hic illic ordine digestas reperiri ab
f
inter.

interpretibus in V. T., imo in multis Prophetiis V. T. Sed mihi nondum licuit tam esse perspicaci, ut eas detegere potuerim; id contra vidi, multa miserrime huc detorqueri, et pro interpretum lubitu exponi.


§. V. Interea a. Non nego, quin affirmo,

a. Prophetias, sensu *indirecto*, multa N. T. Fata ob oculos ponere, etiam ex mente Spiritus S., quippe translatum illum sensum aequae ac primum intendentis; quod idem quoque e multis locis Apocal. colligi potest, in quibus respicitur ad Prophetias V. T.

b. Prophetias V. T. hos illosve casus N. T. directe quoque et primo sensu praedixisse; sed in genere tantum, ut de Vocatione Gentium, Reipublicae Judaicae destructione, hostibus Ecclesiae, et Persecutione eorum: Sed

c. Prophetiae V. T. passim haerent in generalibus: nusquam VII Periodi N. T. definiuntur; nusquam Periodorum proprii Characteres signantur: una Apocalypsis eos exhibet.

Finis Prolegomenorum.



TRACTATIO GENERALIS.

§. VI.



T jam ad argumentum illarum Prophetiarum pergam, ad examen revocanda est Hypothesis de VII Periodis N. T. Quae quaestio cum Theologos, praecipue Seculi superioris, et interpretes valde diviserit, et magnis motibus agitata sit, nec hodie cesset, licet modera-

moderatiuſ agitur, et magnum habeat in Verbi Prophetici interpretationem influxum, illa cum aliqua accurratione hic ventilanda eſt; et inquirendum in fundamenta huius Hypotheſeos, ut pateat, quid certi et incerti habeat.

§. VII. Obſervo itaque, argumenta, quae a numero ſeptenario in S. S. uſitato petuntur, validam non habere demonſtrationem, unam ſi excipias Apocalypſin: Rationes ſunt:

I. Numeri ſeptenarii promiſcuus eſt in V. T. uſus, ſine ullo huius myſterii reſpectu; ſive rei perfectionem tantum denotet, ſive numerum incertum. *Septenarius* numerus in Script. V. eſt, ἀδιόριςτος πληθος σημαντικός *indefinitae multitudinis ſignificatio*, inquit Chryſoſtom. or. VIII. contra Iudaeos oper. t. V. ed. novae. Vid. et Caſſiodor. Liber. litt. in praefatione. Loca hanc in rem ſunt clara: Gen. IV: *Cain ſeptupliciter vindicabitur*: Levitic. XXVII: *Deus ſeptupliciter punit populum*: Job. II: 13. Vid. quoque Pf. XII: 7. LXXIX: 12. Jeſ. IV: 1. XV: 9. XXX: 26. Prov. VI: 31. XXVI: 16. XXIV. 17. Eccl. XI: 2. Quibus, et Similibus ex locis, ni fallor, clarum eſt, Numerum ſeptenarium vulgaris fuiſſe et promiſcui uſus apud Veteres: unde colligo, huius Numeri uſum per ſe nos ad tale myſterium non ducere; ſed alias debere accedere rationes, quae illum numerum ad Fata N. T. reſtringant. Si enim perfectionis, vel generalis et indefiniti Numeri tantum ſit indicium in locis multis, quare non in aliis quoque? Si ſolus ergo Numerus ſeptenarius alicubi occurrat, nihil eum reſtringat, myſterium non evincit.

§. VIII. II. Myſtici huius Numeri intellectus, qui N. T. Fata repraeſentat, duplex tantum dari poteſt ratio: *vel* quod frequentis ejus uſus alia non ſit origo, vel eſſe poſſit; *vel* quod Res ipſae, quibus hic Numerus applicatur, hoc myſterium requirant. Dicamus de utraque hac ratione, et videamus, quid ponderis inſit.

A. Prior Ratio ſi vera foret, demonſtraret quidem, hoc Numero illud Myſterium comprehendendi, ſed quibus in locis, nondum determinaret: uſus enim, licet origo ejus

forte mystica sit, factus vulgatus solet carere mysterio: accedit, saepe promiscue usurpari sine mysterio: Tantum ergo haec Ratio demonstraret, VII dari Periodos, sed nil in specie definiret: nec, hoc Mysterium in S. S. per illum Numerum indicari, affirmaret. At num haec Numeri septenarii origo mystica certis nixa sit fundamentis, dubito valde; nam

N. Nusquam occurrit in S. S.

2. Numeri in vulgus currentis aliae possunt esse rationes: e. gr. Numerus duodenarius, ob Jacobi Sobolem, est in S. S. decantatus, ut demonstrat Grotius ad Apocal. VII. Numeri quoque denarii frequens est apud Judaeos usus, ut videri potest in *Pirke Avoth*. Sic, quod Jes. IV. dicitur VII, Zach. VIII. dicitur X.

3. Septenarii Numeri origo quoque aliunde peti potest; Scil. a Creatione VII dierum: unde primum usus hebdomadarum, et ad alias quoque res facilis factus transitus. Quae origo et inde firmatur: (1) Quod Sabbathum Septimo die recurrens fuit Creationis monumentum; unde, Septenarii numeri usus non potuit non esse frequentissimus; (2) Numerus Septenarius in computo temporum jam usitatus fuit aetate Patriarcharum, Gen. VIII: 10, 12. XXIX: 18, 27. imo Numerus Septenarius Orientalibus et Aegyptiis, aliisque, quoque sanctus fuit et singulari in honore, origine ducta a VII Planetis: de quo vid. Cl. Jablonski *Panth. Aegypt. Prolegom.* p. 52.

§. IX.

Sed ad ipsius Creationis VII. diebus absolutae mysterium nos revocant Docti, et inde Numeri Septenarii mysterium repetendum esse opinantur: Verum

a. Si mysticus Creationis intellectus obtineat, unde liquet Numerum Septenarium ex mystico illius sensu, et non literali, fuisse derivatum; Numerus Septenarius ex Creatione venire potuit in usum frequentem, absque ut Mysterii Creationis habeatur ratio. Sit ergo VII dierum in Creatione mystica ratio, indene Septenarii Numeri, in aliis casibus usurpati, mysterium solide colligi potest?

b. Dubium

b. Dubium eſt, num ſeptem dies Creationis in myſtico Creationis intellectu pertineant ad totidem Eccleſiae Fata? num myſterium aliquod aliud habeant praeter perfectionis argumentum? Si reſſeras, quare ergo ſex dies creationi inſumti, et Deus ſeptimo die quievit? Quid ſi me ignorare reſponderem? Sed de Creationis myſterio mox.

§. X. B. Solidior autem foret Ratio quae ab ipſis Rebus, quibus numerus ille applicatur, derivat ejus myſterium, ſi Res ipſae ad Fata Eccleſiae diverſa, ſibi ſuccedentia, pertineant, ſic Numerus ſeptenarius VII Fata luculenter demonſtraret. Inquirendum itaque, num tales res, quae numerum ſeptenarium ita definiunt, alicubi exſtent?

Hic primum ſibi jure vindicat locum Creatio VI diebus abſoluta, ut Septimus ſit Sabbathum, cui inſtitutionem et conſummationem Novae OEconomiae reſpondere ſtatuitur ſecundum allegoricam Creationis contemplationem. Cum autem Sex dierum diſtinſta ſint opera, totidem quoque Fata neceſſe eſt locum habeant in Eccleſia N. T. Hic ergo aliquid habere videmur, quod Numerum Septenarium ad VII Fata reſtringit. Recepta eſt haec Hypotheſis, quae a Doctiſſimis Viris in omni luce collocata eſt; quaeque et nobis antea placuit; ſed in qua accuratior meditatio inſuperabiles reperit difficultates. Intellectum Creationis myſticum, tum generalem, qui opus Gratiae in ſingulis hominibus comprehendit, tum ſpecialem, qui ad Eccleſiam in ſpecie N. T. reſpicit, non negaverim, cum illum ex Stylo S. S. et accurata convenientia Docti clare demonſtrarint. Verum num VII Dierum opera totidem diſtinſtas Eccleſiae Periodos ſe mutuo excipientes, ſeu totidem Fata, quae Periodos conſtituunt, repraeſentent, mihi valde dubium eſt:

¶. Quod Creationis coeli et terrae emblemata ad tales res myſticas in S. S. referatur, in quibus diſtinſta illa dierum ſuccellio locum non habet. Unde oritur dubium, num in Eccleſiae N. T. conſtructione ad Creationem relata, id attendi debeat? Regenerationis et Sanctificationis opus per

Creationem expictum in singulis hominibus id sine dubio non admittit; nec ultimum tempus Ecclesiae consummatae, quae sub nomine Creationis Coeli et Terrae venit, Jes. LXVI. 2 Petr. III. complectitur tot sibi succedentia opera et fata: Cum ergo duobus ex Exemplis pateat, Operum et Dierum successionem in typica Creationis significatione in censum non venire, quae Ratio erit, id in typo Ecclesiae N. T. quaerendi? illa ratio non a Creatione ipsa est repetenda, sed aliunde. Accedit, Ecclesiam V. T. quoque Coeli et Terrae nomine insignitam, ad Creationem applicatam, totidem Opera succedentia non demonstrare.

§. XI. 2. Opera singulorum dierum in Creatione longe alium praeferunt conspectum, quam quae in Ecclesia illis respondentia locum habuerunt: unde colligendum, in hoc typo ad illa fata non respici; conspectus enim Rerum typicorum et mysticarum non potest esse diversus et sibi oppositus. Jam operum Creationis duo sunt characteres, *alter*, quod opera Dei sint, adeoque bona; *alter*, quod opera permanentia sint, et quamdiu Coelum et Terra subsistunt, durantia. Sed haec criteria observari nequeunt in sensu allegorico: E. gr. Coeli purgatio die *secundo* solet referri ad Doctrinae salutaris purgationem ab opinionibus Gnosticorum falsis Seculo II et III. Sed puritas illa non duravit. Die quarto creatus est Sol et Luna: Sol solet transferri ad Caesares Franciae, Luna ad Papam: sed Sol occurrit tanquam luci primi diei succedens, eamque complexus: ergo Christi Emblema esse deberet: dein Caesarum et Paparum ortus non est opus Dei. Ergo haec non cohaerent.

§. XII. 2. Opera singulorum dierum ejusmodi Fata repraesentare deberent, quae Periodorum Ecclesiae possent esse Criteria, et quae Ecclesiae faciem eo tempore distinguere poterant, et separatim exhibere. Si enim eo scopo Deus VI dies Creationi impendisset, ut Ecclesiae vicissitudines, quibus ea consummanda erat, expingerentur, talia fata, quae Ecclesiam characterizabant, delineata fuissent: sed opera singulorum

rum dierum talia fata non sistunt, quae Periodos Apocal. distinguunt; deberet autem inter has et illa opera conspicua esse convenientia. Nec Historicis Periodorum Criteriis respondent illa opera; E. gr. Purgatio Ecclesiae ab erroribus, secundi diei operi respondens secundum hanc hypothesein, non constituit Characterem. Seculi II et III, sed potius IV et Vti. Dein Terrae elevatio supra aquas et fructificatio licet tempora Constantini M. recte statuatur designare, Characterem tamen illius Periodi non sistit. Sic in reliquis.

7. Noctes quoque ad Ecclesiae vicissitudines applicari deberent, quae tamen nullum fatum distincte comprehendunt; alias XIV essent Periodi.

7. Nusquam Scriptura V. et N. T. ad Opera singulorum dierum, totidem Fata designantia, alludit; sed Solis, Lunae, avium, piscium etc. Emblemata, solet in genere referre ad Res mysticas, non ad hoc vel illud tempus. Nec quoque Apocal. ea Emblemata hac ratione interpretata est. Cum ergo in S. S. hujus Hypotheseos non sit fundamentum, nemo aegre feret, si nos eam suo loco relinquamus.

§. XIII. Sed quid habendum de mystico creationis intellectu?

8. Creatio in genere ob oculos ponit Novae OEconomiae erectionem, in quo praecipua forent illa opera, quae in Creatione physica, Lux, Sol, Luna, Stella, Terra supra aquas, fructificatio, Aves, Pisces, Homo tandem: hanc Ecclesiam esse a Deo condendam et consummandam, ita ut Deus aliquando ab Operibus Gratiae quiescat, in genere ostendit mystica Creatio, absque ut operum et dierum successio in censum veniat. Haec mihi certa videntur. Sed

2. Quod ad Numerum septenarium; *Vel* dicendum est, eum tantum pertinere ad Creationem Physicam, et a Deo ob ignotas rationes electum esse; *Vel* Deum eo numero voluisse insinuare, Ecclesiam per tot Periodos esse consummandam, absque quo singulorum dierum opera singulas praebeant conspiciendas; nisi forte, quod illis quoque Periodis

Opera illa singulari ratione in Ecclesia exstarent, absque quo Periodorum Characteres designent. Sed illa omnia tantum non habent soliditatis, ut in iis tuto acquiesci possit, et a posteriore tantum aliquid probabilitatis acquirunt.

§. XIV. Haec lucam egregiam reliquis Locis, in quibus occurrit Numerus Septenarius, inspergunt. Cum enim VII dierum Creatio frequentem Numeri Septenarii produxerit usum, illeque Numerus in ipsa creatione ad totidem Ecclesiae Fata non pertineat, aliis in casibus eum usum quoque habere non poterit, nisi peculiaris ratio adsit, quae id postulat. Quid vero in Festis, Sacrificiorum numero, aliisque Ritibus, significet ille numerus, qua literaliter, qua mystice, non adeo obscurum est. *Literaliter* veri Dei, Creatoris Coeli et Terrae, argumentum est: Numerus enim Septenarius in memoriam Creationis introductus, ut liquet e die Sabbathi, alium, ac quem dixi, finem habere non potuit. Ad *mysticum* intellectum quod attinet, duo Significavit, Veteris OEconomiae consummationem, et Novae absolutam perfectionem: est enim Numerus Septenarius partim Operis absoluti, partim perfectionis indicium, quod opus, ad finem adductum, perfectum est. *Prior* Significatus elucet e mystico Sabbathi intellectu; cum enim dies Sabbathi sit Novae OEconomiae imago, Hebr. IV. illeque sit quietis et absolutionis operis istius Septimanae dies, utique Novam OEconomiam esse Veteris consummationem, indicat. Quod idem mysterium in reliquis festis similibus quaerendum est. Sed quod ad *alterum*; cum Festa nonnulla duraverunt per VII dies, eaque ad N. T. quoque pertineant, quid eo in casu tum denotavit Numerus Septenarius? An VII Ecclesiae Fata? Ejus rei nullum est argumentum: nec enim Numerus ipse, nec res, cui additus est, eo nos ducit. Numeri Septenarii usus promiscuus est, ut vidimus, ex quo per se nihil colligitur. Res autem ipsa est unius seriei, unius festi per tot dies continuatio; quae ergo diversa Ecclesiae fata expingere non potest. Praeterea Ecclesia V. T. numerum illum admittit sine mysterio in illis casibus, in quibus Sabbathum est Novae OEconom.

nom. Typus: num ergo in Nova OEconomia numerus ille reſpiciat ad Fata, ad quae in V. T. non pertinet, quiſque videt, maximopere eſſe dubium. Sed quid tum myſterii hoc numero in talibus comprehenſum? Videtur mihi unice perfectionis Eccleſiae N. T. eſſe indicium; cujus has habeo rationes:

1. Quod Lux VII dierum tribuitur OEconomiae Novae Jeſ. XXX: 26. quo nihil aliud indicatur, quam Lucem illam fore perfectam.

2. Numerus Septenarius in Sacrificiis manifeſte adhibetur ad perfectionem Sacrificii notandam, ut clare liquet ex ultimo die Feſti Tabernaculorum, quo die, cum numerus ſacrificiorum diebus reliquis eſſet inſtabilis, VII juvencae erant offerendae: Vid. et Ezech. XLV: 23. Job. XLII: 8. ad quem locum ipſe Coccejus: *jubentur VII juvencoſ et VII arietes pro ſe offerre; quo docemur, non remitti peccata ſine perfecto Sacrificio.* Sic Virgil, Aeneid. L. VI.

Nunc grege de intacto Septem maſtare Juvencoſ
Praeſtiterit, totidem lectoſ de more bidentoſ.

3. Aliis quoque in Ritibus Numerus Septenarius argumentum eſt perfectionis; ut in conſecratione Sacerdotum, ſeptem dieſ durante, Levit. VIII. adſperſione Sanguiniſ, ib. Cap. IV. Sic Pf. XII. *purgatum Septies.* E quibus colligimus, Numerum Septenarium in Feſtiſ, myſtico intellectu, proponere perfectum N. T. Statum.

4. Quod e Feſto Tabernaculorum, ultimae Periodi Eccleſiae N. T. Symbolo, (Zach. XIV.) ulterius confirmatur; cum enim in ultima Periodo VII utique fata non ſint futura, alio pertinere nequit ille Numerus, quam ad perfectionem Eccleſiae ejus Periodi expingendam.

§. XV. Sed alia adhuc Loca examinanda ſunt, in quibus Numerus Septenarius ad haec Fata referri ſolet: ubi nobis occurrit locus in celebri Hannae Cantico 1 Sam. II: 5. ubi *Steriliſ* dicitur *Septem paritura*, i. e. dicunt, Eccleſia per VII Periodoſ procreatura liberoſ. Sed ille Commentariuſ e

Textu erui non potest, nec innititur fundamento: contra, certum est, Septem hic in genere sumi pro multitudine: ipse Coccejus *Septem, i. e. multos, dicit*: quod sequentes rationes probant:

1. Quod dicitur, *et abundans liberis &c.* ubi Septem et multi sibi respondent.

2. Solennis fuit usus formula apud Judaeos, quae exprimit multitudinem; ut egregie liquet ex Jerem. XV: 9. *languescet quae pariebat Septenos &c.* Sic et Jes. IV: 1. *mulieres Septem.*

3. Redditur quoque illa Phrasis sensu mystico per multos Jes. LIV: 1.

4. Totum id Canticum male refertur ad N. T. quod ut clarum fiat, obiter conspectum ejus dabo. Ad id intelligendum maxime observandus est conspectus et Hanae et Samuelis, tanquam Prophetæ et Judicis futuri, qui formam Regiminis mutaret, et Davidem ungeret Regem. Hic conspectus maxime attendendus est, ne quis cum Chaldaeo et Coccejo extra oleas vegetur, et cum illo ad diversa Israelis fata, cum hoc, ad Christianae Ecclesiae Fata successiva usque ad finem Mundi, Canticum referat. Hanna scilicet, suo et filii Statu ad animum revocato, excitata est ad hoc Canticum componendum, adeoque eo praecipue respexerit, necesse est. Hanna consideranda hic est, tanquam quae natura Sterilis, et propterea a Peninna ejus socia elusa et exacerbata, precibus et voto, quo filium Deo consecravit, hunc impetravit a Deo; Samuel vero, tanquam qui singulari Dei cura ex Sterili matre natus, in summam dignitatem Muneris Prophetici et Judicis evectus, ruinam domui Eli denunciaret, populum liberaret; Davidem post Saulum ungeret, qui Populum collocaret in summa prosperitate, et Pater Messiae foret. Haec simul Clavem exhibent Cantici explicandi. Dividit id se in tres Partes.

a. Prima testificationem continet laetitiae exuberantis Hanae, v. 1.

b. Secunda singulares vias Providentiae Dei, quas

quas tenere solet, recenset v. 2---8. in qua Parte, praemissa descriptione Dei, et admonitione ad impios et elatos, v. 2 et 3. depingit eleganti Oratione singulares Providentiae Dei Regulas in vicissitudinibus hominum conspicuas, v. 4---8. ubi primo occurrit Rerum humanarum vicissitudo, v. 4, 5. Secundo refertur ad Deum, ut Supremum Autorem, v. 6---8.

§. XVI. c. Tertia Pars continet Regularum Providentiae Dei applicationem ad Subjecta, v. 9, 10. ubi.

a. In genere Pii, et Deo consecrati, ac Impii, occurrunt, v. 9. quorum illos Deus conservat, hos, quam firmissime quoque stantes, praecipitat. Impii hic non tantum in genere ut tales considerantur, sed et, ut opibus et gloria excellentes, firmo, ut putabant, stantes talo; quod ex ultimo membro liquet, *quia vir non valet robore*; quae ratio ut intelligatur, Oratio praecedens sic supplenda: *Impii in tenebris conticescent*, [*licet vel firmissime stent*,] *quia* etc. Verba, quae generalem Regulam Providentiae Dei continent, primum implementum consecuta sunt in Samuele et filiis Eli, Saulo et Davide.

ß. Adduntur Litigatores cum Deo prosternendi, cum Deus fines terrae judicabit, et uncto Regi suo robur dabit, ejusque cornu elevabit, v. 10. Sensus esse videtur; Jehovaham hostes suos, et Populi, qui de divinitate summa Jehovahae litem movebant, et, illius non habita ratione, populum ejus cum Religione extinctum volebant, contritum esse cum clarissima Majestatis suae demonstratione; et hoc facto, Terram plene vindicaturum et recturum esse per Regem, cui robur datur, et cujus cornu elevatur. Quae omnia in tempora Davidis et Salomonis quadrant: ita tamen ut simul ad Messiae Regnum antitypicum ejus respiciant; utique se eo referri patiantur.

§. XVII. Ad Numerum Periodorum septenarium firmandum produci quoque solent VII Columnae Domus a Sapientia conditae, Prov. IX: 1. quod quis merito miretur: nam Columnae sunt ejusdem generis res, quae diversas Eccle-

suae mutationes apte expingere nequeunt. Praeterea sunt domus firmamenta, quibus innititur; quod quo sensu Periodis applicari possit, non video: sunt enim varia Fata accidentalia Ecclesiae, non ejus sustentacula; sunt Ecclesiae variationes et vicissitudines, Ecclesia ipsa, longe alio fundamento superstructa, durante. Phrasis ergo *vel* perfectae firmitatis signum est, ut septem Columnae sint firmissimae; *vel* in genere est indicium multitudinis; *vel* tot Virtutes significantur, quibus Ecclesia innititur, quaeque a Sapientia praecipue profluunt; quae alibi septem Dona Sp. S. Jes. XI: 1. memorata, septem oculi agni, in Apocal., septem *Lapides*, Zach. III: 9. quippe quae dona Christus communicet cum suis.

An ergo VII oculi in lapide Zach. I. c. non notabunt Ecclesiae, in VII Periodos distinctae, oculos? equidem non putaverim: nam septem oculi diversas Ecclesiae Periodos, variasque ejus vicissitudines expingere nequeunt: nec sunt oculi Ecclesiae, sed ipsius Lapidis, seu lapidi insculpti, iidem ac septem oculi Domini Zach. IV. qui cum VII lampadibus comparantur; quique VII oculi agni dicti in Apocal., VII Spiritus Dei Jes. XI.

Reliqua levioris momenti pro VII Periodis allata praetereo, cum ex dictis facile explicantur.

§. XVIII. Pergo ergo ad Apocalypsin, ut Numeri Septenarii in ea frequenter adhibiti mysterium pandam. Qui attente divinum hunc Librum, talem enim esse adsumo, licetque post tot Doctorum demonstrationes, pervolverit, is *imo* numerum Septenarium ad diversa et successiva Fata applicari; *2do* ea fata ab initio Apocalypseos ad finem Mundi extendi, deprehendet facile. E quibus duabus hypothesibus Numeri Septenarii usus historicus in Apocal. elucet; adeoque VII Ecclesiae N. T. vicissitudines futuras esse, evincitur. Quae nunc verbo demonstranda sunt:

Ima Hypothesis est; Numerum Septenarium ad Successivas Ecclesiae vicissitudines applicari: quae e Libro VII Sigillorum, VII Tubiciniis, et totidem Phiolis, sponte sua se

se produnt: novae quippe res identidem apparent, nova Fata, diversi Casus, nec simultanei, sed successivi: *primo* quod VII Sigilla successive aperta sunt, ergo tot eventuum successiones comprehendunt. Sic et Angeli tubicines alii prodierunt post alios. Phiolae aliae post alias effusae sunt. *Secundo*, Casus itidem complectuntur diversos, eidem tempori non convenientes; modo Persecutiones, modo Judicia Dei, modo laeta, modo tristia praedicunt; quae ex ipsis Emblematis ab unoquoque facile derivantur.

§. XIX. *Ista* Hypothesis est; Fatorum initium sumi ab edita Apocal. usque ad ultimum et gloriosum Ecclesiae Statum.

A. De initio Sigillorum dubium esse non potest ex Cap. I: 19. et IV: 1., de Tubiciniis controversum: de Phiolis exploratum, initium sumendum esse ab ortu Bestiae; ergo ex his non argumentandum. Sufficit de Sigillis rem esse indubiam, cum Ecclesiae Fata proprie in illis explicentur: Phiolae partem tantum eorum attingunt, et annexae sunt Regno Bestiae. Tubiciniis initium ab eodem tempore, ac Sigilla incipimus; et calculum addimus demonstrationi Cl. Vitrinae, qui ea Sigillis non esse subordinanda, sed eandem factorum seriem pertexere, evicit ad Cap. VI: 1, 2.

B. De Fine Sigillorum et Tubiciniis res videtur certa. Sunt quidem, qui Sigilla temporibus Constantini M. statuunt terminari, et tum incipere VII Tubicinia usque ad finem Mundi. Quo admissio, VII Periodi demonstrari non possent ex Apocal. Sed eam Hypothesin rejicimus. Vid. Cl. Vitrina l. c.

§. XX. Ex his nunc duabus Hypothesibus quae fluant Confectaria, superest explicemus. VII illa Fata, quae ab initio Apocal. ad finem Mundi sibi ordine succederent, duplicis possunt esse generis; *vel* transitorii et singulares Casus esse; *vel* continui aut permanentes, qui Ecclesiae faciem definiunt, et illius sunt Characteres. *Prius* si obtineat, VII Periodi inde non noscentur; sed peculiares tantum erunt Casus transitorii;

qui faciem Ecclesiae non definiunt, nec se presse excipiunt, sed tantum pro brevi tempore eam faciem vel deturpant vel glorificant: saepe et magnum inter eos casus potest esse intervallum. Sed *posterius* si obtineat, tum ordine sibi succedentes *Periodos* nobis exhibebunt, quarum Characteres distinguentes per illa Fata explicantur. Quod discrimen hic probe observandum: in una enim eademque Periodo multi concurrere possunt Casus singulares, absque ut illi Ecclesiae conditionem ob oculos ponant, eamque a reliquis omnibus temporibus distinguant: E. gr. Sec. IVto varii acciderunt Casus; Paganismus subjectus est, Imperatores Christiani facti, ortus est Monachatus, Splendor externus Ecclesiam occupavit, Haereses ortae, Ariana grassata est et Vandalica Persecutio, Barbari Christianos graviter afflixerunt &c. Hi sunt varii Casus ejus seculi, sed Periodum non constituunt, i. e. Ecclesiae faciem non characterizant. Character enim Periodi (quod probe observandum) tale quid sit oportet, quod per totum id tempus, vel longe maximam partem, dominatur, et quod nullo alio tempore tam fuit conspicuum in Ecclesia, ex quo ergo de Ecclesiae facie ejus temporis judicium ferendum est, quod in oculis maxime incurrit, et signum temporis constituere potest. Talis Character Ecclesiae seculi IV et V. fuit in Litibus et dissensionibus ac vexationibus mutuis, ob opiniones de Religione: de quo postea-plura.

§. XXI. Cum ergo duplicis generis Fata sint, quaeritur, qualia in Apocalypsi praedicantur?

A. Posterioris generis Fata Periodorum Characteristica per Librum Sigillorum praeannunciari, omnino puto:

N. Quod Numeri Septenarii alias nulla foret ratio, cum multi alii Casus in Ecclesia fuerint, quare quaeeso tantum septem electi sunt? id non nisi ex Hypothesi nostra explicari poterit, quod tot sint Casus characteristici et dominantes.

1. Casus sibi succedunt; quod casibus transitoriis non convenit; Septem enim tales Casus censeri nequeunt implere posse totum tempus N. T.

2. Ca-

¶ Casus saepe iidem recurrunt, et aliis quoque temporibus extiterunt; e. gr. Persecutio ob Religionem, Propagatio Euangelii. Ergo Characteres Periodorum sint necesse est, quippe qui, licet Casus repetantur, tamen non redeunt; iidem quidem Casus repetuntur, non vero Casus characteristici. Quod non observatum maximam peperit objectionem contra Doctrinam hanc. Sed idem casus alio tempore Character Ecclesiae esse potest, alio non, cum scilicet alius est Character dominans.

¶ Scopus Apocalypseos est Ecclesiae Fata illustriora depingere, quorum cognitio maximam praestaret Ecclesiae utilitatem: sed huic scopo longe convenientius est, Characteristica Tempora et Fata explicare, quam ut quicunque alii Casus semper recurrentes repraesententur.

¶ Ipsorum Emblematum contemplatio, et cum Historia comparatio, hanc Hypothesin confirmat: quod postea per partes identidem probabimus.

§. XXII. B. Sed cum Tubicinia mixti generis Fata videantur complecti, i. e. singularia Dei Judicia, quae in Ecclesia et Mundo maxime forent conspicua, quaeque temporis illius Characteres constituerent, ac novum Periodorum cursum ostenderent; ita ut sicut Ecclesiae VII forent Periodi, sic et Iudiciorum Dei, quibus Civitas illa, in qua est Ecclesia, vel cuius partem facit, aut ad quam pertinet, et arctam habet relationem, affligeretur: patet, Tubicinia ea non nisi Judicia complecti: cum autem septem sint Tubicinia, e Numero septenario, tot fore Judicia, colligendum, quae sibi succederent; ut Casus quidem sint transitorii, sed durationis majoris, simul tempora characterizantes: ita ut sicut VII sunt Ecclesiae Periodi, ita quoque VII illustrium Dei Iudiciorum Periodi, ad quae aliqua est Ecclesiae relatio. Quae omnia ex Tractatione ipsa fient clariora.

§. XXIII. C. Superest de VII Epistolis dicamus, quarum sensus Emblematicus investigandus: easdem quidem ac Sigilla Periodos describunt, sed interioris conditionis Ecclesiae respectu, cum Sigilla ad externum ejus statum pertineant. Quae Hypo-

thesis est Clar. Vitringae, certis rationibus innixa; quae inde sunt repetendae.

§. XXIV. Habemus ergo solidum in Apocal. fundamentum, cui Doctrina de VII Periodis Ecclesiae innititur; principium quoque et fontem, e quo eruendae sunt Periodi: Epistolae scil. et Sigilla eas definiunt; Historia autem eas exhibet. Quae comparatio rite instituta hanc Hypothesin illustrabit et demonstrabit; de quo videbimus mox in seqq. in Tractatione speciali. Ceterum in Periodis illis constituendis non ad quoscunque Casus et Fata adtendendum est, sed ad Casus exstantiores et illustriores, qui characterem temporis continent; hoc enim solum est Periodi alicujus indicium. Quae Observatio nos a magna difficultate liberat, qua hoc Systema premi solet: eadem enim saepe Fata per omnia Ecclesiae tempora recurunt: E. gr. Propagatio Evangelii, Persecutio, Haereses et Schismata, Superstitio et Corruptio; qua ergo ratione dicemus, Periodos per illa Fata distingui? Resp. ab hoc vel illo Characterem dominante: licet enim idem Fatum alio quoque tempore locum tenuerit in Ecclesia, primum tamen locum semel tantum obtinuit in sua Periodo, alio tempore secundarium in Periodo aliena, quippe quae illustriorem habebat Notam: E. gr. Propagatio Evangelii, quae Notam constituit Periodi I. obtinuit etiam Seculo IV, VIII, IX et X. sed aliud erat illis temporibus Character Ecclesiae distinguens, vel Schismata, vel Corruptio, quum *Ima* Periodo Euangelium pure sit propagatum, et cum puritate Ecclesiae conjuncta fuerit. Sic egregiam praestat haec Hypothesis utilitatem, tum in conditione Ecclesiae dijudicanda, tum in Verbo Prophetico explicando, quod solet res in vero suo conspectu proponere, et veras earum imagines pingere: modo caveamus a perversa illorum Methodo, qui has Periodos ordine suo ubique inveniunt; ac si Prophetae V. T. hoc Periodorum Systema aequaeclare ac illi N. T. intellexissent: a qua opinione longe absum.

§. XXV. Characteres jam illi dominantes secundum nostram hypothesein in clariore luce collocandi sunt, qui Periodos

dos constituunt. Vel respiciunt ad Ecclesiae *Partes essentielles*, vel *accidentales*. *Essentiales* sitae sunt in Confessione Fidei, Cultu externo, Regimine et Disciplina, Vita ac Moribus. *Accidentales* sunt, quae vel Ecclesiae statum sui ipsius respectu, vel Mundi, comprehendunt: *Sui* ipsius respectu continent Gloriam et Pacem Ecclesiae, vel Obscuritatem ac Schismata et Haereses. Sed *Mundi* respectu consistunt in Propagatione Evangelii, et Pace aut afflictionibus. Ab his omnibus Notae Periodorum Characteristicae desumi possunt, prout hoc vel illud in Ecclesia maxime conspicuum fuit et eminens. *Essentialia* Ecclesiae usque ad Sec. XII. notabilem mutationem non subierunt, ita ut prae aliis casibus in oculos se ingesserint. Sed *Accidentalia* Characterem absolverunt: ut Propagatio Ecclesiae Periodo I ad Decium usque. Persecutio, usque ad Constantinum M., Lites et Schismata ad Sec. XI. Ab eo autem tempore exterior Ecclesiae facies multum immutata, praecipue respectu Regiminis, quod tum vertit in Tyrannidem: Tyrannis caput erexit inde a Sec. XII. quae se conspiciendam praebuit in piorum vexatione, et Similibus. Haec cum ex Historia nota sint, Periodorum series nunc sponte sua elucescet.

§. XXVI. *Ima* Periodus est Ecclesiae alas per Orbem quaquaverfum expandentis, usque ad medium Sec. III. seu Decium Imperat. ut *Sigillum* primum quoque ob oculos ponit.

Ilda est Ecclesiae gravissimis vexationibus, a Paganis inflctis, obnoxiae, et per patientiam cum Paganismo luctantis, et denique vincentis: usque ad Constantinum M. quo *Sigillum* Secundum tendit.

*III*ta est Ecclesiae in sua propria viscera per Lites et Schismata saevientis, formulas fidei cudentis, aliisque praescribentis per continuas Synodos, salva tamen Doctrina fundamentali; a tempore Constantini M. ad Sec. XI. qui est conspectus *Sigilli III.*

*IV*ta est Ecclesiae sub Tyrannide Papali gementis, a Sec. XII usque ad Reformationem, quae est hypothesis *Sigilli IV*ti.

Vta est Reformationis in Papatu, secundum
Sigillum V.

VIta est Ecclesiae Papalis destructio et perfectio Reformationis, ejusque Propagatio per totum Orbem: *Sigillo* Sexto.

VIIma est Gloriosus Ecclesiae Status, quo perfecta gaudebit Pace ad Judicium ultimum usque per *Silentiū* Semihorae in Coelo significatum *Sigillo* Septimo.

§. XXVII. Haecenus omnia limpido fluxerunt: verum ad Epistolarum Apocal. intellectum perveniendi via videtur difficilior; quod Epistola *VIIma* Ecclesiam in minus laudabili conditione repraesentat: et alia quoque habent Epistolae, quae eisdem Periodorum Characteres designare non videntur. Novi quidem, quid Docti ad primam difficultatem respondeant, Spiritum scil. S. aliquando antecedentia cum consequentibus, et vice versa, connectere. Hinc Judicia divina in Hostes ad *VIIam* Periodum referunt, ut in Tubicinio VII; et gloriosum Ecclesiae statum ad VI Periodum, ut in Sigillo VI.; ita quoque in Epistola *VIIma* Ecclesiam depingi, qualis foret ante felicia illa tempora ultima. Verum licet gloriosus Ecclesiae status per anticipationem possit enarrari sub Sigillo VI, quippe quando inciperet, tamen status Ecclesiae Periodi VI vix sine insigni confusione depingi poterit in VII Periodo Ecclesiae describenda: hoc enim si admittas, Periodorum distinctio manibus elaboratur et pereat, necesse est; et gloriosae conditionis Ecclesiae mentio praetermitti omnino non posset, si Epistola VII ad eam pertineat. Accedit, Epistolas interiorum Ecclesiae conditionem depingere, non aliquos Casus; quare confundi non debent Periodi Epistolarum et Sigillorum; Epistola ad gloriosam Ecclesiam directa, ejusque Statum descriptura, cujus nulla facta mentio, in superiore Periodum Ecclesiae tota rejiceretur secundum hanc Hypothesin, quod ab omni vero abhorret. Quid ergo? suo loco relinquamus Hypothesin de VII Periodis Sigillorum, quarum ultimus est gloriosus Ecclesiae Status, et Statuamus, Epistolarum diversum esse scopum, adeoque VII Ecclesiae

clēſiae Periodos aliter contexi in Epistolis, ac in Sigillis; quod Epistolae ad *interiorem* Ecclesiae conditionem praecipue respiciant, Sigilla ad *exterioſem*. Exterior conditio characteristica eodem in ſtatu continuare poteſt, dum interior aliquam ſubit mutationem: unde patet, Periodos Sigillorum et Epistolarum prudenter ſecum eſſe comparandas, ne et rei ipſi et Historiae vis inferatur: VII Periodi inventae ſunt ob res, quia illae ad Septenarium numerum referri poſſunt: non autem res ob Numerum ſeptenariū: Ergo Res ipſae definire debent VII Periodos. Proferamus itaque aliam hypotheſin.

§. XXVIII. **N.** Tenendum, Epistolae ad interiorem Ecclesiae conditionem, vel potius ſtatum Moralem, ad verae Ecclesiae diverſas Conditiones internas, praecipue reſpicere: Quam hypotheſin Cl. Vitringa jecit et probavit. Materia Epistolarum id clariſſime evincit. Ipſa quoque rei natura id confirmat, cum alias in tota Apocal. ſtatus Ecclesiae Moralis vix ulla extaret mentio.

3. Interiorem Ecclesiae ſtatum, quem Vitia definiunt et Virtutes, reſpectu *exterioris* conditionis Ecclesiae deſcribi: quae ratio eſt, quare illarum mutationum exterioris conditionis Ecclesiae hic illic mentio fiat in Epistolis; ut Afflictionum, Corruptionis, Haereſium &c.

4. Epistolae hac parte comparari poſſe cum Sigillis; ſed abſque ut Periodi omnes ſibi accurate annectantur, cum Res ipſae eas definire debeant.

7. Scopus Epistolarum eſt, partim ejus Periodi, ad quam Epistola aliqua pertinet, delineare ſtatum Ecclesiae interiorem; partim etiam, ſalutaria dare monita et conſilia in futurum; ſive ut muniantur contra afflictiones, ſive ad Reſiſcentiam compellantur.

7. Ex quo colligitur, non quicquid in Epistolis occurrit, ad ejus in ſpecie Periodi Ecclesiam pertinere; ſed et quaedam continere poſſe, quae pertinent ad Periodum ſequentem. Cum enim Ecclesia Catholica ſit una, et diverſae ſint ejus Periodi, certe unius Periodi Ecclesia recte de

futurae Periodi eventu admoneri, et contra eum muniri potest. Quod observatum est magni momenti: e. gr. Epistola secunda ad Smyrnenſes memorat Persecutionem X annorum, sed futuram, quae ad illius Periodi Ecclesiam non pertinet, sed sequentis: Unde ergo male passim colligitur, Ecclesiam Smyrnenſem figurasse Ecclesiam post medium Seculi III. quod tum afflictiones maxime ingruerunt. Simile quid in aliis Epistolis observandum.

§. XXIX. Periodi Ecclesiae itaque in Epistolis ex sequentibus sunt eruendae criteriis. *Primum* Criterium ex Judicio Domini de Statu Ecclesiae lato, quo vel vituperat, vel laudat Ecclesiam, derivandum est. *Secundum* e casibus connexis externis, ad quos illa vitia vel virtutes pertinent. *Tertium* e temporis praesentis, praeteriti et futuri mutatione; cum Dominus utatur vel Praes. vel Praeter. vel Fut. temporis verbis. Illustrabo haec exemplo: Sumam Ecclesiam Thyatirae Cap. II: 18., laudatur illa a charitate, fide, ministerio et tolerantia: Sed culpatur, quod Doctrinae, quae ad Superstitionem et Concupiscentiam tendit, se non opponat. Casus autem, quorum hic mentio est, sunt, illius doctrinae, cui se non opponebant, Progressus, et Judicia Dei in primarios ejus auctores effundenda. Dein ad Resipiscentiam ab ea Ecclesia praestitam promittitur dominium in Gentes. Haec Criteria definiunt conditionem Ecclesiae a Sec. IV ad VIII^{um}. In Doctrinae Evangelicae explicatione et definitione valde laboratum Seculo IV et V in initio. Sed Superstitio et Corruptio, per Papas praecipue, propagari coepit: nec tamen tam aperte, ut ab omnibus detegi potuerit, v. 14. Barbari dein Romam et Romanos affligerunt, v. 22, 23. Ecclesiae aliqua Reformatio fuit sub Carolo M., cum reliquae Gentes sub jugum missae sunt.

§. XXX. Secundum has hypotheseſ, nunc eruemus Periodos Sequentes ex VII Epistolis:

Ima est Ecclesiae, quae initio valde laboraverat, suamque puritatem in lucta cum falsis Apostolis demonstraverat, prolapsae in languorem, et charitatis remissionem, Cap.

Cap. II: 1---7. Criterium ergo Periodi est Charitatis remissio: quae in iis laudantur, ad Praeteritum Statum praecipue pertinent. Unde liquet, Ecclesiam hic depingi post Neronem usque ad Trajanum. Et haec est *prima* Periodus Ecclesiae internae.

*II*da Ecclesia laudatur a zelo resumto, et a puritate ac fide, quam in lucta cum falsis Christianis comprobaverat: Et munitur illa contra afflictionem decem dierum. Casus itaque praefens erat multitudo eorum, qui se Christianos dicebant, sed vere Synagoga Satanae erant. Casus futurus erat Afflictio X dierum. Ergo Ecclesia hic intelligenda, quae, pristino zelo resumto, se publice separavit a Gnosticis, et quae praeesset publicas Persecutiones: hae vero incepere cum Decio, in medio Sec. III. et cessarunt in ea Deocletiani. Ergo Periodus hic describitur a Trajano ad Decium; quae per Ecclesiam Smyrnensem figurata est. Cap. II: 8---11.

*III*ta Ecclesia unice laudatur a constantia in Persecutione, et culpatur, quod carnali doctrinae se non fortiter opponeret. Casus praefens est Persecutio, seu Thronus Satanae: Ergo Ecclesia hic depingitur a Decio ad Constantinum M., quo tempore Satanas omnes intendit vires ad Christianismum delendum, quare thronum Satanas erexisse censetur in medio Christianismo: sed vicerunt eum constantia sua: interea ad corruptionem et superstitionem via e longinquo strata est; et carnali doctrinae minus restiterunt; ut apparuit Seculo IV, quo omnis Superstitionis jacta sunt fundamenta.

*IV*ta Ecclesiae Periodus depicta est per Epistolam ad Ecclesiam Thyatyræ; de qua jam modo dixi.

*V*ta est Sardenfis, cujus facies externa vitam praeferebat, sed vere mortua erat, et tota corrupta; ita tamen, ut vera Ecclesia nondum desideraretur, piis adhuc in ea latitantibus: quae est conditio Ecclesiae a Carolo M. ad Sec. XII. Reformatio a Carolo instituta praeferebat vitam restitutam: zelum quoque demonstrabant in propagatione Evangelii: Cultu vero externo speciem ostendebant Pietatis; intus autem omnia iam erant corrupta.

Vita Periodus est Ecclesiae purae, se separare incipientis a corrupta, cui quoque promittitur plenissima ejus Ecclesiae Subjugatio: sed quae non sine gravi lucta efficeretur. Illa inceptit cum Reformatione publica. Ergo Ecclesia hic depingitur a Sec. XII. ad Subjugationem Ecclesiae Romanae: quae est Ecclesia Philadelphena: Cap. III: 7 *seqq.*

VIIIma Periodus est Ecclesiae Reformatae languidae ac tepidae; quae ratio fuit, quare corruptae Ecclesiae subjugatio totalis sit retardata; quae tamen promittitur ad Zelum resumtum. Haec est Periodus ejus, in qua nunc adhuc versamur, Ecclesiae.

§. XXXI. Hae sunt Periodi Ecclesiae secundum internum illius statum, ex Epistolis Apocalypt. derivatae: Comparemus nunc Sigillorum et Epistolarum Periodos inter se.

Ima Periodus Ecclesiae respectu faciei exteriorae est *Propagatio* ejus per Orbem usque ad med. Sec. III. cum inceperunt Persecutiones publicae. Sub hac autem Periodo interna facies Ecclesiae aliquam subiit mutationem, in *studio Charitatis*, remisso usque ad Trajanum, et resumpto ad Decium. Unde *duae* Periodi nascuntur respectu interni Status. Ceterum Ecclesia Zelum non tantum Religionis propagandae, sed et Haereticos detegendi, mox recepit. Casus ergo exterior, qui in hanc Periodum generalem incidit, est multitudo falsorum Apostolorum: qui tamen casus Characterem Periodi absolvere non potest, tum quod Ecclesia puritatem suam tuita sit, nec multum ab Haeresibus illis passa, et ad Ecclesiam proprie non pertinuerunt: tum quod Ecclesiae Propagatio magis fuit conspicua, et Ecclesiae faciem conspiciendam prae-buit. Quare Character Ecclesiae respectu Status externi quaerendus est in illa Propagatione.

IIda Periodus externa consistit in publicis afflictionibus a Decio usque ad Constantinum M. Huic respondet Periodus III interna, quae Ecclesiam exhibet in loco, ubi *Thronus Satanae*; et laudat ob constantiam, sed taxat remissionem Disciplinae.

IIIItia

*III*ta Periodus eſt Litium, Schiſmatum et Haereſium, ſalva tamen fundamentali Veritate uſque ad Sec. XII, quacum comparanda eſt Periodus IV et V interna, ita tamen, ut pars Vtae quoque incidat in Periodum ſequentem. *IV*ta Periodus interna ab altera parte repraeſentat Eccleſiae laborem in Veritatibus confirmandis mediis illis in litibus; ſed ab altera indicatur, viam eſſe ſtratam ad Corruptionem et Superſtitionem, Eccleſia connivente, et profunda Satanae nondum cognoſcente, ſicut in Litibus Eccleſiaſticis paſſim contingere ſolet, Deo interim Judiciis ſuis eos perſequente et ad Reſiſcentiam revocante per Barbaros. Praeter Caſum ergo Periodi characteriſticum, duo alii in illam incidunt, alter Superſtitionis et corruptionis progreſſus, abſque ut profunda illa Satanae in oculos incurrerent; alter eſt Judicium Divinum in Romanos. Sed Periodus Vta interna, quae partim quoque in hanc Periodum externam incidit, Eccleſiam exhibet ſub externa vitae ſpecie mortuam, piis autem nondum ab ea Separatis, ſed latentibus, nondum eſſe Eccleſia vera deſinit.

*IV*ta Periodus externa eſt Dominii Beſtiae fideles vexantis: in quam incidit pars ultima Periodi V internae, et pars prima Periodi VItae. VIta enim Periodus interna *primo* Eccleſiam verioſem repraeſentat ſeparatam a depravata, quam adpellat Synagoga Satanae: *Secundo* Eccleſiae verae operam in reformanda Eccleſia recenſet: Unde *tertio* luſta Eccleſiae verae cum corrupta, et afflictiones, ſponte ſua colliguntur. Quae Characterem Eccleſiae abſolvunt internae ad Reformationem jam ſtabilitam.

Vta eſt Eccleſiae ab Antichriſto ſe magis ſeparantis, cum illius dominii, non ſine gravi luſta, deſtructione. In illam convenit pars ultima Periodi VI internae, et Periodus VII interna: haec Eccleſiae conditionem internam, quae in illam externam incidit, complectitur, ejusque a zelo remiſſionem ob oculos ponit: quae cauſa erat retardatae ſubjugationis Eccleſiae Antichriſtianae. Ubi notandum, ſicut Propagationem Euangelii in initio Chriſtianismi intercepit

Charitatis remissio; sic et purgata Euangelii Propagatio per idem vitium impedienda foret. Quod ultima Epistola demonstrat.

§. XXXII. Superest de *Tubiciniis* mentem nostram clarius et distinctius exponamus; ut sic in Periodis singulis tractandis sine interruptione pergere possimus. Theses nostrae de illis Apocal. VIII. *seqq.* sunt sequentes:

1. *Tubicinia* expingunt, secundum nos, notabiliora quaedam Mala, quae temporis sui Characterem hac parte constituunt, quatenus ea prae reliquis omnibus Malis eminent, et illius temporis propria sunt, ut nulla alia eo modo existant; Mala porro, quae de Justitia Dei testantur. Verbo haec demonstremus: Mala intelligi, ipsa Emblemata docent: Singularia et characteristica notari, ex eo liquet, quod ex tot aliis Malis, quae homines affligunt, haec selecta sint, ordine quoque successivo; cuius alia reddi nequit ratio aptior, quam quod illa Mala characterizaverunt tempus: quod e *Tubiciniorum* emblemate et comparatione cum Sigillis confirmatur. Docent Tubae, ea Mala maximum editura strepitum ac rumorem: et sicut per Sigilla Casus Ecclesiae characteristicos, sic ejus generis Mala per Tubos significata esse, non obscure elucet. Mala quoque sunt, quae Justitiae Dei singularia sunt effecta; cuius indicium quoque in eo est, quod orta sint ex igni de Altari sumto, et in terram emisso.

2. Mala expinguntur, quae ad Ecclesiam quidem aliquam habent relationem, sed eam, qua talem, directe non feriunt, sed Societatem Politicam et Civilem. Sunt Sigilla a *Tubiciniis* distinguenda. Sicut Sigilla characteristicos Ecclesiae casus, ita *Tubicinia* ejusdem generis Casus, qui Civitatem concernunt, ponunt ob oculos: id quod ipsa Emblemata confirmant. Nec tamen ad Civitates, quae nullum ad Ecclesiam respectum habent, pertinent; sed ad eos, quae Ecclesiam comprehendunt, ita ut aliqua quoque horum Malorum relatio sit ad Ecclesiam: hoc enim nisi statuatur, nimium a scopo et argumento Libri Apocal. discederetur. Nolim ergo restringi

restringi Tubicinia ad Imperium Romanum, five Paganum, five Antichristianum, tanquam Ecclesiae hostem: ejus opinionis solida non est Ratio: quae enim a mystico Aegypti et Hierichuntis conspectu petitur, nimis levis est ad hanc Hypothesin fulciendam. Mala sunt, Civitatibus infligenda, quarum certa est ad Ecclesiam relatio. Mala intelliguntur, quae tempus suum definiunt. Accedit, illa in imperio Romano, qua adversario Christi et Ecclesiae, demonstrari non posse: Imperium Paganum cessavit post Constantinum M., nec incepit Antichristianum nisi S.c. XII. Ratio etiam dari nequit, quare reliqua Regna Orientis et Occidentis, seu Pagana, seu Muhammedana, excluderentur.

1. Tubicinia et Sigilla una serie decurrunt, sibiue hac parte aliquo modo respondent, ita ut easdem definiant Periodos: five, Tubicinia comprehendunt Judicia, quae in Periodos Sigillorum incidunt, easque hac parte characterizant; licet fieri possit, ut vel citius inceperint, vel diutius durent, aut citius finiantur: quemadmodum Epistolae et Sigilla secum coördinantur. Eo nos ducit Numerus septenarius, si, quod a Cl. Vitringa evictum est, Tubicinia una cum Sigillis decurrant.

§. XXXIII. Epistolae ergo, Sigilla, et Tubicinia, VII Periodos Ecclesiae definiunt: sed Epistolae respectu *interni*, Sigilla *externi* status Ecclesiae, Tubicinia respectu *Civitatis* ac Societatis Civilis. Triplicem hunc conspectum refert Ecclesia. Tubicinia ergo characteristica Dei Judicia in Societates repraesentant, quae in illas Ecclesiae Periodos incidunt, totidemque faciunt Malorum characteristicorum Periodos. Quae Hypothesis viam monstrat ad Tubiciniorum intellectum definiendum.

Sic stravi viam ad Specialem Tractationem, quam nunc aggredior.



TRACTATIO SPECIALIS.

§. XXXIV.



Ractatio Specialis in ipsis Periodis singulatim illustrandis historice et propheticæ versatur; quæ eo etiam multum conducet, ut Systema hoc certioribus fundamentis superstruatur, adeoque mereatur calculum. Ut vero ordinis observandi conspectum dem, *primo* Tractatio nostra erit Historica, *secundo* Prophetica. Historia recte percepta, facilior est Prophetiæ explicatio et applicatio. *Historica* Tractatio *primo* respicit ad cuiusque Periodi statum externum, *secundo* ad internum. In utraque parte *primum* in lucem proferam Characteres dominantes; *dein* Casus illustriores addam, subjuncta demonstratione, eorum Casuum nullum posse constituere Characterem Periodi. In *Prophetica* Tractatione *primum* locum dabo Apocalypsi: *dein* addam alias, si dentur, Prophetias: denique sequetur comparatio Fatorum OEconomiae V. et N. secundum varias illas Periodos. Sic, ni fallor, plenum tandem evadet Systema Propheticum.



PERIODUS PRIMA,

Quæ, si late sumatur, se ab Exaltatione Christi porrigit ad med. Sec. III. seu Decium: sed, si relate ad Apocal. intelligitur, incipit a tempore Domitiani, seu circa finem Sec. I.

§. XXXV.



Periodi Tractatio erit (1) Historica; (2) Prophetica.
I. In Historica Tractatione (1) considerabimus externum Ecclesiæ Statum; (2) internum. Ad *externum* si attendamus, ejusque Partes

Partes essentialia et accidentalia attente perlustremus, Characteristicum Casum nullo negotio deprehendemus in mirabili Ecclesiae per Orbem Propagatione. Si praeterea alios Casus notabiles investigemus, in *essentialibus* Partibus nihil singulare de tegere poterimus, cum omnia fuerint sana et pura; si rem in genere spectemus. Sed in *accidentalibus* Partibus aliqui se offerunt Casus notabiles; Gloria scil. Ecclesiae et Splendor, tum in Donis extraordinariis, tum illustrium Doctorum copia: dein Haereses et Schismata, et Persecutiones; tandem Reipublicae Judaicae excidium, et Ecclesiae publica a Judaeis separatio. Sed casuum horum nullus Periodum distinguere, ejusque Criterium absolvere potest. Est Propagatio Ecclesiae longe illustrior, ut mox patebit. Ad *internam* Ecclesiae conditionem attendentes, duplicem vel triplicem hic observamus Periodum: *prima* est laetissima, *secunda* tristior, *tertia* iterum laeta. Prima est, quae temporibus Apostolicis fuit conspicua. Secunda inde usque ad Sec. II. quo in statu Ecclesia erat, cum Johannes accepit Apocalypsin. Caeterum Zelus Religionis et Puritas Ecclesiam characterizant, quod ad interiorem statum, licet plurimae aliae Virtutes locum habuerint, illae tamen Zeli et Puritatis praecipue fuerunt conspicuae. Verum haec specialius sunt considerata.

§. XXXVI. A. Incipio ergo a Characterem Periodi *dominante* in Ecclesiae Propagatione per Orbem. Propagationis Evangelii Historiam hic praesuppono notam: certe accuratum ejus dedimus intellectum in Instit. Histor. Eccl.; brevi ergo conspectu hic contentus ero, per certa intervalla pergens.

Imum est Ecclesiae fundatae Hierosolymae a Festo Pentecostes X diebus post Christi ascensionem, seu a. Æ. V. 33. Tiberii 20. usque ad Persecutionem Stephanicam, quod est IV annorum intervallum: Stephani enim mors incidit in a. Æ. V. 37. Caji 1. De Propagatione Evangelii hoc intervallo vid. Act. II: 41, 47. IV: 4, 14. V: 26.

II dum Intervallum est Ecclesiae dispersae per Palaestinam, et varias Regiones Syriae ac Arabiae; a conver-

fione Pauli usque ad secundum iter illius Hierosolymitanum cum Pecuniis collectis; ad a. Æ. V. 43. Claudii *3tium*, quod est annorum VI. De Propagatione Evangelii vid. Act. VIII: 1, 5 *seqq.* 40. IX: 31 *seqq.* XI: 19, 20, 25. XII: 24.

IIItium est Ecclesiae per Asiam, praecipue Minorem, dispersae, quod VII vel VIII annorum est, usque ad Concilium Hierosolymitanum, seu ann. Claudii 10 aut. 11. Æ. V. 50 vel 51. De Propagatione Act. XII: 24. XIII: 1---12, 43, 48, 49. XIV: 1, 6 *seqq.* 21---XVI: 1, 2.

IVtum Intervallum est usque ad prima Pauli vincula, seu ann. Neronis 4. Æ. V. 58. estque annorum VI vel VII. Complectitur Propagationem tum per reliquas Asiae Min. partes, tum per Graeciam &c. Paulus enim ad Illyricum usque videtur hoc pervenisse intervallo. Vid. Rom. XV: 19.

Vtum est inde ad Trajanum, quando minus fuit Ecclesiae incrementum, si ad praecedentia attendatur tempora et sequentia. Tamen statuendum non est, nullum fuisse: de quo leg. Plinii testimonium Epistol. L. X. ep. 97. quae scripta est in Asia ao. CIII. ubi Johannes et alii Viri tum adhuc fuerunt.

VItum Intervallum est ad Decium seu medium Sec. III. quo stupenda fuit Ecclesiae et Evangelii Propagatio; ut in Instit. Histor. certissimis testimoniis demonstrare solemus. Paucis itaque hic ero contentus, notabilibus nimirum Lactantii verbis, et Veterum de Ecclesiis per orbem sparsis, ac immensa Christianorum multitudine. Lactantii verba de Trajani et seq. temporibus usque ad Decium ita habent de Mort. Persec. cap. 3. *secutis temporibus, quibus multi ac boni Principes Romani imperii clavum regimenque tenuerunt, nullos inimicorum inpetus passa (Ecclesia) manus suas in Orientem Occidentemque porrexit, ut jam nullus esset terrarum angulus tam remotus, quo non religio Dei penetrasset; nulla denique natio, tam feris moribus vivens, ut non suscepto Dei cultu*
ad

ad iustitiae opera niteretur. Concinit Eusebii H. E. l. IV. c. 2, 7. qui stupendum etiam, quem Ecclesia fecit, progressum a Traiani temporibus repetit. De ingenti Christianorum numero, per orbem Romanum, scriptores hujus Periodi testantur uno ore omnes. Citabo tantum praecipua loca huc pertinentia: Justin. Mart. in inscriptione *apologiae* vulgo *Idae* &c. ibid. p. 62. dialog. cum Tryphone Judaeo p. 345. Irenaei adv. Haeres. l. I. c. 10. Tertull. adversus Judaeos c. 8., ad Nationes l. I. c. 1. ad Scapulam c. 2. ubi Christiani, *pars penae major civitatis cujusque*, dicuntur, vid. et ibid. c. 5. Et de Anima c. 49. ubi dicit, *nulla jam gens Dei extranea est, in omnem terram, et in terminos orbis Evangelio coruscante.* Origen. contra Celsum l. I. p. 21, 68. III. p. 117. Hom. IV. in Ezech. oper. t. III. p. 370. Minut. Felix in Octavio p. 312. Euseb. de Commodi temporibus Hist. Eccles. l. V. c. 21.

§. XXXVII. In hac jam Ecclesiae Propagatione Characterem Periodi constituo: *imo* quod sit non tantum illustis Casus et Singularis, sed valde conspicuus, qui in omnium incurrit oculos: *2do* Casus durans et continuus per totam Periodum porrectus; licet eodem gradu semper non existerit, nunquam tamen defecit hac Periodo: *3tio* Casus est dominans, super alios eminens, quo nullus alius fuit excellentior et magis conspicuus, ut mox liquebit. Haec vero demonstrant Characterem Periodi; adeoque tuto collocatur Character hujus Periodi in hoc Casu.

§. XXXVIII. Addamus nunc alios praestantiores hujus Periodi, ut eo magis elucescat, Propagationem esse Casum Characteristicum, et simul demonstremus, quinam casus respexerunt ad interiorem Ecclesiae statum. Alii Casus hujus Periodi referendi sunt vel ad *Essentiales* Ecclesiae Partes, vel *Accidentales*.

§. Essentiales quaerendi sunt in Confessione Fidei, Cultu, et Regimine. Sed hac parte nihil peculiare se nobis offert: etsi Ecclesia post Sec. I. in nonnullis Capitibus Doctrinae alias foverit opiniones ac nunc, minoris tamen mo-

menti sunt. Sana fuit confessio in Capitalibus Dogmatibus, ut de Trinitate, si unum vel alterum Doctorem excipias; de Satisfactione et Gratia, statu Animarum post hanc vitam; de Sacramentis paulo aliter; sed quae adhuc tanti non fuerunt, licet progressu temporis magis noxia produxerint effecta. In Cultu Ecclesia, si nonnullos Ritus exceperis, conservavit simplicitatem et puritatem: consistebat in Oratione ad Deum et de Deo, et Sacramentorum exercitio; quibus accesserunt Jejunia, Stationes, et Commemorationes Martyrum anniversariae. Inter consuetudines erat signatio Crucis, sed sine superstitione; ut et Reliquiarum honoratio. Regimen quidem Episcopale obtinuit, sed sine dominio aut autoritate supereminente. Quae omnia in Institutionibus nostris Hist. Eccles. fusius deducta sunt.

§. XXXIX. 1. Quod ad Partes Accidentales; huc refero *splendorem et Pacem Ecclesiae* ab altera parte; et *Pacem politicam aut Persecutiones* ab altera. Ad *Gloriam Ecclesiae*, tum Dona extraordinaria Sp. S., tum illustres Viri pertinent: Doctores et Scriptores post Apostolos et Viros Apostolicos, Clementem, Polycarpum &c. fuerunt a Sec. II Ignatius, Melito Sardenfis, Quadratus, Papias, Justinus Martyr, Athenagoras, Hegesippus, Tatianus, Hippolytus, Tertullianus, Origenes, Clemens Alexandrinus, Irenaeus et alii; de quibus agimus in Hist. Eccl. Tamen in hoc splendore Character Periodi non est collocandus: imo quod in initio Periodi praecipue hic casus eminuerit; imo in primis antequam Periodi fluere coeperunt; nam Periodi praecipue incipiunt post tempora Apostolica. 2do Quod Casus hic non fuit universalis; sed paucis tantum concessa illa dona: nec adeo multi fuerunt Viri illustres, ut totius Ecclesiae Periodum constituerent. 3tio Character singularis non fuit; nam alio tempore donis et viris illustribus quoque fulsit Ecclesia. 4to Casus hic collatus cum Propagatione minus fuit conspicuus; ita ut Character dominans manserit Propagatio.

§. XL.

Secundus Casus accidentalis, cujus hic haberi potest

potest ratio, quaerendus est in *Pace Ecclesiae*, quae referenda est ad Haereses et Schismata: ubi (1) Haereses et Schismata innotescere debent; (2) tum inquirendum, quid mutationis inde Ecclesiae acciderit.

a. Quod ad *primum*; Haereses, quae per totam Periodum dominatae sunt, fuerunt praecipue Gnosticorum, tum Theoreticorum, tum Practicorum. Quibus accesserunt Haereses de Divinitate Christi, et personali Trinitatis distinctione, sub finem Periodi. Gnostici *Theoretici* fuerunt Sec. I. Simoniani, Menandriani et Cerinthiani. Sec. II. praecipue Valentiniani et Marcionitae. *Practici* Seculo I. Nicolaitae; Sec. II. Carpocratiani. Circa divinitatem Christi Theodotiani et Artemonitae: circa Personalitatem Trinitatis Noetiani, Praxeani et Sabelliani. Schismata autem fuerunt, tum causa diei Paschatis, tum Montanismi Sec. II. de quibus omnibus quoque alibi agimus.

b. Quaeritur jam, quem locum haec teneant in Periodo characterizanda?

a. Schismata vix in censum veniunt: Casus illi nec continui fuerunt, nec huic tempori proprii, nec multum detrimenti attulerunt Ecclesiae. Pax Ecclesiae ne quidem per Quaestionem Paschalem turbata est: Excommunicationis Papae Victoris nullus fuit effectus. Montanismus quoque, licet Schisma produxerit, insignes non habuit progressus; et circa finem Periodi demum exarsit: ut sic hujus Periodi Characterem nullo modo constituere queat.

§. XLI.

β. Quod ad Haereses:

1. Fuerunt illae hoc tempore maxime conspicuae, et magnam merentur animadversionem; tum quod per totam fere duraverint Periodum; tum quod Ecclesia aliquid detrimenti per eas passa sit: quare internae Ecclesiae Character hujus quoque casus respectu definiendus erit, ut patebit mox. Character ille situs est in studio Veritatis non tantum propagandae, sed et tuendae et purgandae. Sed licet sit Casus prae aliis multis eminens, tamen

2. Externae Ecclesiae faciei Characterem absolvere non potest: *imo* quia Casus huic Periodo non est proprius; nam majore gradu Sec. IV et V. fuit conspicuus. *2do* quod Ecclesia se ab illis separavit; ab illis valde abhorruit. Haereses ergo extra Ecclesiam magis se ostentarunt, adeoque Ecclesiae ipsius characterem commodo constituere nequeunt. *3tio* nimis absurdae fuerunt, quam ut progressus magnos facere potuissent: abstractae nimis erant speculationes: Doctores Ecclesiae se tanto studio opposuerunt, ut progressus sit brevi sufflaminatus. *4to* si Casus hic comparetur cum Propagatione Evangelii, hanc esse longe excellentiorem, quae vehementius afficit, nullo negotio perspiciemus. Evangelium quoque longe lateque diffusum: Haereses contra ne quidem hac parte cum Propagatione Evangelii comparandae: hic ergo Casus longe eminuit. Si Haereses plus nocuissent, quam profuit Propagatio, aliud adhuc foret.

§. XLII. Sed difficiliorem inquisitionem praebet tertius Casus singularis accidentalis, situs in *Persecutionibus* Ecclesiae. Secundum vulgatam Sententiam Persecutiones fuerunt tam multae, et atroces, per totum Sec. II. ut in iis Periodi character videatur constituendus. Sed in Instit. Histor. accurate demonstravi, duas tantum obtinuisse Persecutiones publicas, et valde breves, Neronis ac Domitiani Sec. I. Seculo vero *IIdo* nullas fuisse, nec *IIIto* usque ad Decium, nullas publicas universales, tantum particulares, tumultuarias, a plebe commotas, ab Imperatoribus repressas. Demonstravi quoque, in illis Persecutionibus Characterem Ecclesiae constituendum non esse. Pauca tantum inde excerpam, quae vulgatae sententiae de tot publicis persecutionibus nervos incidunt, et characterem periodi in iis poni non posse demonstrant.

1. Ecclesias, a Trajano ad Decium, pace fuisse hac parte gavisas, Veteres clare et diserte testantur. Lactant. mort. Persec. cap. 3. Ecclesiam post Domitianum ad Decium usque *nullos inimicorum impetus* passam esse, ipsis verbis testatur. Tertull. de corona militis cap. 1, 2. *missitant*, inquit, *tam bonam*
et

et longam pacem periclitari. Origen. contra Cels. l. III. p. 120. *persecutionis metum ἡδη χρόνῳ πλείονι jam longo tempore cessasse*, adfirmat. alia mitto. 2. Persecutores nullos memorant Imperatores post Domitianum ante Decium scriptores antiqui; quin absolvunt omnes intermedios. *Secutis temporibus*, scilicet a Domitiano ad Decium, quibus multi ac boni principes Romani imperii clavam regimenque tenuerunt, nullos inimicorum inpetus passa est Ecclesia, inquit Lactant. l. c. sic et Tertull. in apolog. c. 5. Ceterum, inquit, de tot exinde (a Domitiano usque) principibus ad hodiernum (Severum, sub quo scripsit) divinum humanumque sapientibus, edite aliquem debellatorem Christianorum, h. e. publicum persecutorem. 3 Robur haud leve additur, quod eorum ipsorum Imperatorum, qui inter persecutores numerantur, *rescripta* in favorem Christianorum memorantur, ut Trajani apud Plinium, notissima illa epist. de Christianis, Hadriani apud Euseb. H. E. IV: 26. et in Chron. Antonini Pii ibid. c. 13, 26. Marci Aurelii ibid. cap. 13. Quod vero ad Maximinum adinet et Severum, qui persecutoribus accensentur; prioris rationem esse habendam, negat Sulpit. Severus, posterior quoque si eximatur eorum numero, nullus tota hac periodo demonstrari poterit: utique Tertullian. haud obscure ipsum absolvit in Apolog. c. 5. non tantum, quod, solos *inpios, injustos, turpes, vanos* Imperatores leges contra Christianos exsequi solere, adferat, qualem non habuit Severum Tertullianus, sed in primis, quod post Domitianum tradat nullum, divinum humanumque Sapientem demonstrari ad hodiernum usque, qui persecutionem instituerit: ubi Severum per hodiernum intelligit, bonis principibus accenseri solitum, Quid? quod in libro ad Scapulam cap. 4. testetur, Severum fuisse Christianorum memorem, eos defendisse, et populo furenti in os restitisse. Addatur denique, tempore Origenis, quo homilias scripsit ad librum Numer. Moïsis, nullam viguisse publicam persecutionem, quae Martyres fecit, uti ex Hom. X. oper. t. II. p. 302. ed. nov. patet. 4. Denique *persecutiones*, quae viguerunt, non publicae, publica autori-

tate munitae, potius edictis contrariae, sed *privatae* fuerunt, tumultuariae, passim a plebe suscitatae, vel praesidibus ei faventibus, nec *universales*, sed particulares his illisve in locis grassatae, quae Christianismo parum nocuerunt, nec durabiles fuerunt; adeo ut, illis non obstantibus, Ecclesiae cense-ri possint *pace* gavissae; utique in illis *character* dominans Ecclesiae constitui nequeat. Quod ex comparatione cum persecutionibus, quae tempore Decii inceperunt et deinceps continuarunt, clarius et luculentius elucescet: de quo postea. Quod si singulas persecutiones, quae hac periodo obtinuisse statuuntur, perlustrare, et ad examen revocare, nunc liceret; dictis clarius adhuc lumen infundi et robur addi posset. Sed illud feci in Institution. Hist. Eccles. quae consulendae sunt.

§. XLIII. Restat, ut Singularem casum, qui directe ad Judaeos, indirecte ad Ecclesiam pertinet, memorem; gravissimum scil. Judicium in Judaeos per Vespasianum, Titum, et Adrianum executioni mandatum, quo Hierosolyma destructa est, nova Urbs condita, dicta *Aelia*; incredibilis Judaeorum multitudo extincta, et Respublica cum Religione deleta. Quem Casum suppono notum, a nobis etiam in Hist. Eccles. enarratum. Nostrium hic est, verum ejus verbo pandere conspectum, quemque in Periodo nostra locum teneat, exponere. Duplicem praefert faciem, alteram absolutam, alteram relativam. Si per se et *absolute* consideretur, gravissima est Poena Judaeis ob crimina inflicta; ut Judicium Diluvii, destructio Sodomae &c. Sin *relative* ad Ecclesiam spectaveris, utique pertinebit ad Oeconomiae Vet. destructionem, et Novae Propagationem. Vid. Instit. nostrae Hist. Eccles. Unde elucescit, Periodi Characterem, in Propagatione Ecclesiae situm, illustrari per illum casum: quare hujus mentio negligi non debebat.

§. XLIV. B. Pergamus ad *interiorem* Ecclesiae statum, qui dependet a Virtutibus ac Vitiis. Character Ecclesiae hac parte est, ex nostra opinione, Zelus seu fervens Religionis studium, quod partim in Religionis assiduo exercitio elucet, partim

partim in Euangelio propagando, non obstantibus Afflictionibus, partim in Religionis puritate conservanda, et ab omni Superstitionis, Idololatriae et errorum gravium, mixtura purganda. In hoc studio ardente cum Characterem internae Ecclesiae constituo;

8. Virtutes reliquas non excludo, ut Fidei, charitatis, modestiae, abnegationis sui ipsius, spiritualitatis, &c. quibus Ecclesia hujus Periodi fulsit: sine illis enim Zelus Religionis vix consistit; per eas certe suscitatur et ornatur: Sed id tantum contendo, Zelum Religionis maxime fuisse conspicuum in Ecclesia, et primariam fuisse Virtutem. Nec etiam

9. defendo, in omnibus Christianis id studium aequè viguisse aut omni tempore, sed κατὰ τὸ πολὺ, et per maximam Periodi partem: (resedit hic Zelus tempore intermedio, et iterum circa finem Periodi valde coepit imminui.) Argumenta nostra sunt sequentia;

a. Externus Ecclesiae Character, incredibilis scilicet Euangelii Propagatio, fuit hujus Zeli effectus ac signum. Sicut ergo Ecclesia externa per illius Propagationem, sic interna per consequens distinguenda est per Studium et Zelum Religionis propagandae: quae duo sibi respondent.

b. Judicium Domini Apoc. II. quo Charitatis defectum in Ecclesia notavit, quae antea viguit, et post iterum resumta est, non obscure indicat, Characterem Ecclesiae internae in eo studio esse quaerendum.

c. Historia id ipsum extra dubium ponit: de quo jam antea egi; quae nunc non repetam.

§. XLV. Caeterum cum tempore intermedio hoc Studium fuerit remissius, adeoque interna Ecclesia subierit mutationem, duae ejus distinguuntur Periodi, quarum altera est Studii hujus remissio, altera ejus resumtio. Prior est a Nerone ad Trajanum; posterior inde ad Decium; quam distinctionem duae primae Epistolae Apocal. confirmant et declarant. Historia autem reddit certissimum; ut in Hist. Eccl. demonstravi. Sed dicat quis, ob eam rationem non II, sed III Periodos Ecclesiae

internae statuendas esse; ut prima sit Ecclesiae fervidae, secunda tepidioris, tertia iterum fervidae. Respondeo: (1) Tepor intermedius fervoris continuationem tantum intercept, quippe qui paululum remissus erupit mox iterum in flammam, ut primae et tertiae Periodi unus sit character, adeoque in genere una Periodus, quae Eclipsin passa est. (2) Periodi post Neronem demum coeperunt currere, si rem accurate definire velimus: sunt enim Periodi Ecclesiae jam fundatae et erectae. Periodus Apostolica est Ecclesiae fundatio, quae duravit ad Neronem, quum praecipui fundatores mortui sunt; longaevitas Johannis est plane extraordinaria. Ergo II tantum sunt Periodi faciei Ecclesiae interioris.

XLVI. Alia adhuc tollenda difficultas, quam idem Character internae et externae faciei Ecclesiae habet: sicut enim Zelus propagandi Evangelii internam definit, ita ipsa Propagatio externam: residente autem Zelo, Propagatio quoque minor fuit: si ergo Zelus remissus et resumtus duas constituat Periodos internas, certe Propagatio remissa, et vigori restituta, duas quoque deberet efficere Periodos externas. Quae difficultas ut tollatur,

a. Observ. Studii Religionis et Charitatis remissionem tum obtinuisse in universum, non tantum propagandi Evangelii: si Zelus promovendae Ecclesiae tantum resedisset, caetera viguisset in aliis virtutibus, Periodum distinctam vix efficere potuisset.

b. Zelo remisso, Character quidem Propagationis Evangelii minus conspicuus fuit, non tamen plane extinctus: licet tepidius sit Studium, Regni tamen Christi Propagatio tenere aliquem locum potuit; licet non ea rapiditate et extensione.

c. Diversae Periodi exterioris conditionis statui nequeunt; quod alius tum non fuit Character distinguens externus. Facies exterior Ecclesiae a Nerone ad Trajanum nihil praetulit singulare, quod eam distinguere possit; interior ergo facies illam verius definit. Exterior praeter interioris Ecclesiae Cha-

Charaeterem nihil praetulit peculiare; sed interior tale quid habuit: ergo hujus faciei statuendae Periodi. Charaeter quoque exterioris faciei, Propagatio scil. Ecclesiae, censeri potest continuasse, licet minus fuerit fervens. Ergo quamdiu durat Evangelii Propagatio, et non alius Charaeter est, qui magis in oculos incurrit, tamdiu eadem Periodus censenda est continuare; licet uno tempore ejus Periodi, Charaeter magis elucescat, quam alio.

d. Tandem Not. rem ita digerendam esse, ut Ecclesiae fundatio duraverit ad Neronem, unde coepit, vel incipere debuit Propagatio, sed quae per remissum Zelum paululum retardata est: donec, eo resumpto, coeperit a tempore Trajani: et ab eo proprie inceperunt currere Periodi exterioris Ecclesiae; quod cum Apocalypsi convenit egregie.

§. XLVII. II. Pergo ad Prophetica tractationem: in qua *primum* locum merito tenet Apocalypsis, cum illa Fatis Ecclesiae N. T. explicandis destinata sit: *deinde* reliquae Prophetiae V. T. comparandae sunt: et *denique* Harmonia Factorum V. et N. T. subjungenda est.

Apocalypsis Fata Ecclesiae ordine complectitur, tum in Libro VII Sigillorum, tum in Epistolis sensu secundario. *Sigilla* ad exteriorem Ecclesiae faciem, *Epistolae* ad interiorem pertinent. Videamus ergo de *primo* Sigillo, quod Charaeterem Ecclesiae externae comprehendere debet.

Primum Sigillum *imae* Periodi Charaeterem exhibet, Equitem repraesentans equo albo insidentem, et arcu armatum; cui Corona Victoriae est data, ad declarandum, quod exiit vincens et ut vinceret, Cap. VI: 2. Quae verba, *et ut vinceret*, significant, quod Victoriam ulterius persequeretur, et eam perficeret. Exiit Eques post insignem jam Victoriam; et eam longe excellentiore adhuc victoria cumlaret: *exiens vincens, et ut vinceret*. Christus ergo hic occurrit ut qui Ecclesiam jam fundaverat, multosque sibi subjecerat; sed qui de novo se accingebat ad Mundum subjugandum. Alia, quae ad Emblematis intellectum pertinent, ex Cl. Viringae

Comment. petenda sunt. Nostro instituto sufficit, criterium Periodi hinc derivasse. Propagationem Euangelii hic depingi, certum est: cum autem Christus antea jam operi incubuisset, et nunc denuo aggrediretur, significatur, id opus paulo remissius esse actum, ut novo vigore id susciperet. Quod egregie cum Historia conjunctum est. Primus Christi conatus fuit ad Ecclesiam ubique fundandam: postea a Nerone ad scriptam Apocal. studia fuerunt languidiora: sed nunc cum fervore id opus resumeretur, et magno successu urgeretur; a quo tempore Periodus Propagationis Euangelii praecipue sumeret initium. Complectitur ergo Sigillum I Notam characteristicam Periodi *imae*, ejusque adtributum dominans: qui verus est Sigillorum scopus.

§. XLVIII. Cl. Vitrina, qui Emblema hujus Sigilli in genere praeclare exposuit, et ad hanc ipsam Periodum applicuit, characterem tamen temporis quaerit in *albedine*, ut *Pacis* signo; hac ratione motus; quod Christus toto Oeconomia N. tempore Mundum vinceret. Unde colligit, alio Charactere temporis opus fuisse, quo illud restringatur ad Periodum I. quod ipsum quaerit in *Pace* seu *albedine*. In hanc sententiam Vir summus delapsus non fuisset, si illa, quae nos de Periodorum Characteribus dominantibus attulimus, ipsi in mentem venissent. Ipsa Propagatio Characterem temporis definit. Christus quidem semper vicit; sed non ita, ut in eo Character dominans situs sit; quod hic tantum ad rem facit. Interpretatio Cl. Vitringae et aliis laborat difficultatibus:

A. Si *Pax*, qua Ecclesia fuit a Persecutionibus libera, tempus Propagationis Euangelii, quod hic depingitur, definire debeat; Emblema aptius conveniret temporibus, quae Constantinum M. exceperunt; Sed et plura talia tempora fuerunt, quibus Ecclesia gavisa est pace, et incrementum fecit. In *Pace* ergo non potest figi Character.

B. Periodus, quae usque ad Decium fluxit, hunc characterem non admittit. Persecutiones particulares fuerunt satis frequentes: non quidem fuerunt tot et tales, ut temporis

poris criterium definire possint; tamen plures fuerunt Vexationes, quam ut Pax Notam temporis constituere possit. Dici nequit, Ecclesiam tunc pace gavissam esse, nisi restrictè ad sequentem Periodum. Nota ergo temporis in Pace collocari nequit.

C. Color albus non rectè ad Pacem notandum refertur in hoc Emblemate, quod totum spectat ad Rem Bellicam. Persona in scenam sistitur Militaris, instrumentis militiae instructa, quae se ad Victoriā accingeret: ubi nullus videtur esse Pacis locus. *Albedo* autem ad dignitatem Personae Imperatoris, ad Expeditionis prosperum successum, ad Victoriā, ad Splendorem et gloriam temporis, quo exiret, verius refertur. Quod verbo notasse sufficit. Depingitur ergo Propagatio Ecclesiae cum insigni successu, eaque conjuncta cum prosperitate et gloria Ecclesiae; qui successus nulla re retardabatur, ita ut Afflictiones, quae tunc obtinuerunt, hic in censum non veniant, quippe quae nullae fuerunt publicae, et progressum Euangelii non sufflaminarunt, quin auxerunt magis: Christus inoffenso pede hic depingitur progredi; quod cum opinione de tot Persecutionibus publicis conciliari nequit.

§. XLIX. Pergo ad Epistolas Apocalyp. in quarum Expositione Prophetica vix rectè versari potuerunt Interpretes, quod Praeter. Praes. et Fut. tempus in illis non rectè distinxerint. Prima Epistola a Cl. Vitringa ad Ecclesiae Periodum I refertur usque ad Decium: Sed Ecclesia in illa laudatur a conditione praeterita, praesens status reprehenditur. Zelus Ecclesiae in Epistola I laudatur in Pseudapostolis detegendis; quod est criterium Ecclesiae Apostolicae usque ad Neronem: confertur v. 9. atque styli differentia, ubi falsi Doctores dicti *Judaei*, non Apostoli. Denique v. 6. memorantur Nicolaitae; et praesens Ecclesiae status in illa Epistola tantum laudatur a Christo hoc respectu, quod *eorum opera* odio habeat Ecclesia. Quod si idem Ecclesiae status intelligeretur, et praeteriti et praesentis distincta non fieret mentio; Dominus illud hic non monuisset, qui v. 2. illam longe fortius laudaverat: Ergo

Epistola duplicem statum Ecclesiae primae usque ad Trajanum, primum et praeteritum laudatissimum, praesentem maxime cul- pandum exhibet, eo tantum excepto, quod odio habeat opera Nicolaitarum. Virtus autem praecipua, quam Dominus hic respectu status praeteriti celebrat, est ardens Ecclesiae studi- um, id scil. a quo nunc defecerat, cum Epistola scripta est; exprimitur nomine *Charitatis*. Illud vero studium ante demon- straverat Ecclesia, imo in propagando Euangelio, seu labore patientissimo, v. 2. 2do in Veritatis conservatione et purga- tione, adeoque in *falsis* Apostolis detegendis: ib. 3tio in qui- busvis Malis ob nomen Christi perferendis, v. 3. Quae clara est descriptio Ecclesiae Apostolicae ad Neronem usque: Sed ab hoc studio desciverant a Nerone ad Trajanum, v. 4, 5. absteriti Persecutionibus Neronis ac Domitiani: ita ut de zelo propagandi Euangelii, de studio Martyrii et Haereticorum in- quirendorum, multum remiserint; excepto quod opera Nico- laitaram semper odio habuerint, quod Epistolis Petri ac Judae videtur acceptum ferendum; ut et nimis improbae eorum ho- minum Haeresi. Hic est verus conspectus Epistolae *Imae*.

§. L. Epistola autem *Ilda* secundum nos describit Ecclesiam ex languore illo restitutam, nulloque vitio graviore, quod publicam merebatur reprehensionem, laborantem; adeo- que studio Euangelium propagandi, Haereticos exterminandi, et afflictiones perferendi, illustrem: cujus conditionis sequentia in illa Epistola reperiuntur criteria:

A. Titulus, quo Christus se insignit, Eccle- siam ex mortuis quasi resuscitatam depingit, adeoque ex col- lapso statu restitutam. Haec instauratio solet in S. S. venire nomine *Vivificationis*.

B. Parenthesis illa, qua Christus Ecclesiam appellat *divitem*, quae praesentem Ecclesiae conditionem direc- te definit, luculenter docet, Ecclesiam fide et charitate, aliis- que Bonis spiritualibus, inter quae praecipuum *Gentium haere- ditas*, abundasse. Hae sunt Spirituales illae divitiae, quibus Ec- clesia tunc abundavit in media paupertate.

C. Cum

C. Cum Christus hac in Epistola afflictionem Ecclesiae, et Haereticorum pessimi generis copiam, memoret; Ecclesiam interea hac parte non reprehendat; certum indicium est, Ecclesiam illis in casibus recte se habuisse; adeoque in Haereticis detegendis demonstrasse studium, in Persecutionibus subeundis ardorem, in Euangelio propagando laborem pietatis: quo et facit, quod in initio dicat: *novi opera tua*, scil. et approbo: hanc enim phrasis habet emphasin, nisi quid addatur, quo restringitur. Certum est, quod hi characteres rectius Ecclesiae a Trajano ad Decium, quam a Decio ad Constantinum M. conveniant.

D. Accedit aliud criterium a Fut. Tempore petitem, quo Persecutiones publicae denunciantur Ecclesiae in futurum, quae coeperunt a Decio, et ad Constantinum M. usque continuarunt. Unde colligimus, Ecclesiam in hac Epistola describi ante Decium. Si Periodus enim a Decio ad Constantinum M. hic intelligeretur, Christus de Persecutionibus publicis, tanquam re praesenti, locutus fuisset. Cl. Vitringa, summus hujus Libri interpres, hoc sentiens, putat, Epistolam proprie esse datam ad Ecclesiam afflictam, quo erat statu sub Decio, Gallo et Valeriano, cum Diocletianeam Persecutionem adhuc expectabant, tanquam futuram: verum

8. Illud sine solido fundamento statuitur: contra, Epistolae pertinent ad Ecclesiam totius Periodi: caeteroquin character temporis redditur incertus.

2. Deciana Persecutio initium fecit publicarum Persecutionum; quae adeo illa phrasi, *habebis Persecutionem*, &c. quoque comprehenditur.

1. Deciana Afflictio et sequentes usque ad Diocletianum sub generali illa phrasi afflictionum, in initio Epistolae, intelligi nequeunt: tum quod in genere quaecunque Mala complectatur illa notio, et distinguatur hic a publica Persecutione, descripta hic ut futura; tum et quod Afflictio, in initio memorata, maxime adferret paupertatem, non tam mortem, licet non deessent Martyria plurima, tamen Bonorum spoliationes,

et aliae vexationes fimiles, maxime locum habuerunt ante Decium.

7. Accedit, Decii temporibus Ecclesiae conditionem non fuisse laudabilem, sed corruptam potius variis vitiis, ut videbimus suo loco. Ei ergo tempori reliqui Characteres minus respondent. Caeterum quare Afflictio a Decio ad Constantinum appelletur Afflictio X dierum, postea exponam.

§. LI. Pergo ad *Tubicinia*: secundum nostram hypothesein si explicemus illa, *primum* Tubicinum conveniet in *primam* Ecclesiae Periodum, et tale aliquod iudicium exprimet, quod hac parte Periodi Criterium dominans est. Cum autem per hanc Periodum Ecclesia constituerit partem Civitatis vel Societatis Civilis Imperii Romani, in hac Civitate Malum id quaeramus necesse est. Tale autem iudicium singulare, prae reliquis sonorum, cujus peculiaris fuit ad Ecclesiam relatio, nullum Historia suggerit, quod cum *excidio Reipublicae Judaicae* comparari potest. Constituebat illa, aequae ac Ecclesia Christiana, partem Imperii Romani; sed erat praeterea peculiaris Ecclesiae relatio ad Rempublicam Judaicam, unde nata erat, et cujus pars erat originalis. Excidium illius Reipublicae fuit quid notabile, quod sicut per Orbem, ita per Ecclesiam praecipue, clarissimum edidit sonum, qualem nullum aliud Iudicium hoc tempore; ut merito censeatur characteristicum huius Periodi Iudicium. In hunc casum qua ratione Emblemata quadret, mox exponam, postquam difficultatem e medio sustulerim. In eo sita est, quod hic Casus Excidii Reipublicae Judaicae ante scriptam Apocal. contigerit, Hierosolyma quippe sub Vespasiano destructa est; cum Apocal., quae sub Domitiano demum data est, futura repraesentet. Difficultas solutu non facilis foret; si Excidium tum fuisset absolutum, non demum hac ipsa Periodo *prima* sub Hadriano; et quidem post varia Bella, tum sub Trajano per Aegyptum et Libyam, tum sub Hadriano per Cananaeam, Judaeis infinito numero, praecipue in Bello ultimo in urbe *Bitter*, occisis, et Terra funditus everfa. Quae, praeter Dion. Cassium, descripsit Eusebius Hist. Eccl. L. IV. et Orosius

Orosius L. VII. ipsi Judaei in Talmude, et Maimonides; a Cl. Vit. ad Jes. VI. in Notis citati. Diuturnum fuit et difficillimum bellum, quod omnes testantur. Maimonides dicit: *fuit Calamitas magna, similis vastationi Templi: Et perierunt tum Bello, fame ac Peste*, ut Euseb. Et haec fuit altera Vastationis Periodus, quae incepit cum Vespasiano; quare Jes. VI: 13. dicitur, *et iterum erit &c.* Haec altera autem Periodus destructionis Judaeorum, quae perfecit everfionem eorum, cum in Periodum hanc incidat, et post editam Apocal. diu acciderit, recte haberi potest pro casu hujus Periodi. Praeterea cum calamitas Judaeorum hoc demum tempore sit summum gradum assecuta, ejus utique respectu tota Calamitas ab initio usque, seu utraque periodus conjuncta, hic ob oculos ponitur; quod cum Prophetarum more est conjunctum: Vid. Dan. II et VII, ubi Regnum Babylonicum quoque adhuc repraesentatur in serie Regnorum: sic in *imo* Sigillo Propagatio Evangelii cum praeterita Periodo exhibetur.

§. LII. Videamus jam de ipso Emblemate, num in hunc Casum quadret? Occurrunt in eo *grando et ignis*, mixta cum *sanguine* in terram projecta, et tertiam partem arborum, ac omne gramen viride, scil. tertiae partis Terrae, absumptia et vastantia. Quibus Mala gravissima divinitus inflicta, qualia sunt pestis, fames et bella, expingi, satis observatum est ab Interpretibus. Vid. Cl. Vit. ad h. l. Tertia pars Terrae apte refertur ad terras illas Romani Imperii, in quibus vastati sunt Judaei, per Aegyptum, Libyam et Cananaeam. *Arbores en gramen* expingunt, quicquid est excelsum et florens in Gente Judaeorum, quod per haec Mala destructum est sub Vespasiano, Trajano et Hadriano. Omnia Mala hic nunc comprehenduntur, licet prima Periodus jam esset finita; quod hoc tempore sub Periodo Ecclesiae secunda illa Periodus complementum nacta sit. Hoc modo si terribilis hic casus consideretur, dubium non est, quin solus sit, qui tota hac Periodo contigit, in quo omnes Emblematis partes eo gradu fuerunt conspicuae, quique pro characteristico haberi meretur, precipue

respectu Ecclesiae. Nullus quoque Casus majorem edidit famam per orbem, praecipue per Ecclesias Christianas: nec fuit casus transitorius, sed et diu duravit: Effectum quoque habuit continuum et perpetuum. Accedit, Judaeos sub Antonino Pio iterum rebellasse et confusos esse: ut habet Capitolinus in Anton. Pio.

§. LIII. Nunc Prophetiae aliae V. et N. T. sunt inspicendae, et videndum, quid contineant ad Periodum hanc in specie pertinens. Quem in finem praemitto, Prophetias V. T. quae ad N. T. aut Ecclesiam Christi, seu directe seu indirecte et sensu secundo, pertinent,

A. Beneficia Gratiae, ut Lucis, Libertatis, Gratiae, et Donorum Sp. S. aliorumque Bonorum Gratiae, in genere complectuntur, et describunt; ut e. gr. Ps. LXVIII: 19. Jes. XI: 9. XII: 1, 2. XXXV: 5, 6. XL: 1. XLIV: 1 *seqq.* Jerem. III: 14 *seqq.* XXIII: 4. XXX: 21. XXXI: 32. XXXII: 37. Ezech. XXXVI: 26. Hof. II: 18. XIV: 6 *seqq.* Zach. XII: 10. et quae aliae sunt Similes.

B. Prophetiae V. T. quoque continent specialia Bona et Privilegia in Ecclesiam N. T. conferenda: (1) Gentium confluxum ad eam magna copia, ut Gen. XLIX in Benedictione Judae; Ps. II. XLV: 6. LXXII. Jes. II. IX. XI. XLIX. LIV. Mich. IV. Zach. VIII et IX. Hagg. II. Sic et Judaeorum conversionem Hof. III. in principio Evangelii futuram, sed non nisi ultimo tempore consummandam: coll. Rom. XI. (2) Gloriosam et prosperam Ecclesiae conditionem; Ps. XLV. LXXII. CXXXIII, sensu secundo et penitior. Jes. XI. XXXV. LIV. Hof. XIV. Zach. XIV sensu secundo. Mal. III: 20. (3) Pacem et tranquillitatem Ecclesiae, Jes. II. XI. Mich. IV. Zach. IX. (4) Hostium subjectionem Ps. II. VIII. CX. Jes. XI. Zach. IV. Sic Prophetiae solent Ecclesiam Christi describere.

C. Addo, Vaticinia illa, licet partem implementi habuerint in Ecclesia nostrae Periodi, praecipue Apostolica, tamen non omni parte, sed majore gradu perfectum implementum

plementum demum consequi sub finem temporum. Prophetiae enim V. T., Fata intermedia inter initium et finem Ecclesiae Christi ignorantes, de Ecclesia N. T. loquuntur, prout aliquando exstitura est, ac si mox in initio illi foret illius conditio, quam tamen ex parte tum tantum habuit, suo tempore perfecte habitura. Quam hypothesin demonstravi in ult. Differt. ad Vis. Emblem. Dan. Hac ratione Prophetiae illae applicandae sunt ad hanc nostram Periodum.

§. LIV. Sed quaeritur, num non sint speciales Prophetiae ad Periodum hanc unice pertinentes? Respondeo, nullas esse, nisi quatenus Ecclesia inter Judaeos vel Gentes versata, in quam haec Bona conferrentur, describatur: quo pertinet, quod Ecclesia depingitur in principiis *parva* et consolatione indiga; ut Jes. XL: 27. XLI: 17. Sed cum in hanc Periodum incidant, tum Persecutiones, tum Haereses, tum imminutum Charitatis studium inter Neronem et Trajanum, quaeritur, num non quid horum sit a Prophetis definite praedictum? Resp. hic illic indirecte quid occurrere de Ecclesia laborante, quae erigitur promissis, ut Jes. IV. XL. XLI et alibi. Sed nil speciale se mihi obtulit, aut de Persecutione Ecclesiae ob Fidem, aut de tristi ejus Statu. Novi, magnum illum Cl. Vitringa Obs. S. L. IV. C. 8. nonnulla Vaticinia e Psalmis et Prophetis ad eum statum applicuisse: Sed, ut puto, cum tanti viri pace, sine solido fundamento. Refert ad tristem hanc Ecclesiae conditionem.

A. Jes. XLIX: 14 *seqq.* Sed in Comment. praecipue applicat ad Ecclesiam tempore Persecutionis Diocletianae. Sed illa Pericopa pertinet ad Maccabaeos.

B. Mich. VII: 1 *seqq.* Sed sine ratione solida. Coharet hoc Cap. cum praecedenti, nec ullum temporum Messiae criterium adest: contra, quae v. 8, 9. habentur, non quadrant in Ecclesiam Christianam hujus Periodi, rectius in Judaicam: dicit Ecclesia, *se cecidisse et iram Dei ferre, et hinc a Gentibus insultari.* Sic quod v. 12 de Judicio Dei in Assyrios &c. habetur, nos ad Ecclesiam Judaicam restringit.

Pertinet ergo hoc Cap. ad Judaeos paulo ante Exilium Babylonicum: de quo egi in Lectionibus ad Prophetas Minores.

C. Ps. VII: XII, atque XIV. quibus terribilis Mundi corruptio describitur; Sed Ps. VII ad tempus Exilii Davidis sub Saulo; Ps. XII non nisi sensu remotiore ad Judaeos circa tempus Messiae pertinet; Ps. XIV generalis est argumenti, quo justitia Providentiae vindicatur. De quibus egi in Comm. ad Psalmos.

§. LV. Superest inquiramus (1) in Prophetias, quae aliquid habent de Characterere Periodi I. (2) quae de fato Republicae et Ecclesiae Judaicae vaticinatae sunt.

Plurima sunt Vaticinia de Vocatione Gentium, notiora, quam ut proferre necesse sit: Singularia ad nostram Periodum in specie pertinentia exhibebo: ubi primum locum merito habet Pericopa Jes. XLI: 17---20. de Ecclesia prima Christiana, quae incepit inprimis a tempore Trajani. Repraesentatur Ecclesia versans in Deserto arido, et magno aestu urente, ita ut aqua deficeret, et aestus affligeret. Quae descriptio applicari potest ad Ecclesiam a Nerone ad Trajanum. Promittit Deus, se stagna aquarum variis in locis abundanter esse aperturum, et quasvis arbores in deserto producturum: quae clara est descriptio Emblematica Ecclesiarum variis in locis Imperii Romani ubique condendarum; quae ingentem consolationem adferrent Christianis, et Zelo seu desiderio Salutis Gentium, quo flagrabat Ecclesia, satisfacerent. Eo et collineat Vaticinium Jes. XLII: 10---17. Ubi primo Gentes ubique terrarum excitantur ad Deum laudandum, et summum ejus Beneficium in Orbem collatum celebrandum; quo ipso Gentium conversio indicatur: dein Deus inducitur ut Heros, qui magno cum Zelo, et illustribus suae potentiae signis, credentes e potestate Satanae et Mundi liberat, et Evangelium propagat; porro ingente suo flatu igneo montes et colles flando vastos reddit, quae est destructio Idololatriae: et Pastor duceret Populum in viam rectam. Notissimus est locus Jes. LIV. ad haec ipsa tempore pertinens. Alias Prophetias multas de Vocatione Gentium, ut notas, praetereo.

§. LVI.

§. LVI. Pergo itaque ad Singulare Fatum Gentis Judaicae, quo Respublica cum tota OEconomia Legali destructa est. Multae sunt Prophetiae, quae illud Fatum in lucem protraxerunt. Ex Pentateucho huc pertinet Deut. XXXII: 29 *seqq.* ut in Notis probavi ad Cl. Vit. Comm. ad hoc Canticum. Ex Libris Historicis 2 Sam. XXIII: 6, 7. sensu pleniore et ultimo, ubi improborum, et domus Davidicae regiae adversariorum, totalis exstirpatio, sub emblemate spinarum, quae non manu colliguntur, et in societatem admittuntur, sed violenter et armata manu invaduntur ac eradicantur, et igni absumendae traduntur, absque ut crescere et multiplicari permittantur, depingitur. Verba exhibebo et paucis exponam. Et, vel *sed*, *Belial* (*viri Belial nullius frugis, improbi et obitinati*) *sicut spina quassata* (incusso anathemate ejecta cum publica infamia, Hof. IX: 17. quae vis est rad. נור נר) *quia non manu prehendent* (intractabiles sunt, nec nisi violenter extrahi possunt) *sed, qui tanget illos, implebitur* (manum armatam, et spisse munitam, habeat, oportet) *ferro & ligno hastae*, hasta ferro instructa, seu gladio et hasta, adeoque bene armatus. Vid. quoad phrasin respectu spinarum Jes. VII: 24. et XXVII: 4.) *et igne comburentur* (instar spinarum evulsarum, plenissime excinduntur, cum maledictionis divinae signis, subito et cum *stridore strepero*) Additur כשבת, quae vox, si ex seq. versu non irrepsit, adeoque hic exulare debeat, mihi videtur commutanda cum כבשת in ariditate strepera et consternatione confusa, quae significatio est rad. כשש כוש et כש יבש Quod combustioni spinarum recte additur.) Solent quidem haec verba ad hostes et persecutores regni Messiae directe applicari, et restringi ab interpretibus, sed ex hypothesi, totum hoc ultimum Davidis vaticinium ad Messiam, ejusque regnum, directe et unice referendum esse, quam minus veram et sublestem esse censeo. Pertinet enim ad Domum Davidis in perpetuum germinaturam, secundum Dei promissum 2 Sam. VII. ipsi factum, donec Messiam produxerit; adeoque primum implementum in regno Salomonis, et ultimum

in Messiae quaerendum est. Quam hypothesin recte adstruxit totamque pericopam dextre exposuit, meum per omnia secutus ductum, autor Dissertationis ad 2 Sam. XXIII: 1---7. in Bibl. Hag. Cl. Barkey Cl. II. fasc. 310, quare hic plura non addo, contentus notasse, Davidem 1. fortem domus suae opponere impiorum conditioni, adeoque indicare secum aliter esse agendum, ac cum Saulo aliisque improbis. 2. hostes violentos et improbos adversarios domus suae et regni in genere in oculis habere, primum qui sese Salomoni opponerent, dein reliquos omnes, et in specie Judaeos, regni Christi adversarios; in quos hoc iudicium in omni emphasi quadrat. Ex Psalmis tutius huc refer Ps. LXXIX: 23 *seqq.* XCV. CIX. Ex Jes. plures possunt proferri: Cap. I: 30, 31. III: 6. VI: 11, 12. VIII: 14, 15. XXII: 15 *seqq.* XXVIII: XXIX: 5, 6. XLIX: 4. L: 9, 11. LXV: 13, 14. LXVI: 24. Ex Jerem: insignis Pericopa Cap. XXX: 23, 24. ubi vid. comm. noster. Ex Ezech. Cap. V. sed sensu secundo. Hof. XIII: 15. Joel III: Posteaquam de abundante Spiritus S. donorum, cum omnis generis et aetatis hominibus communicandorum, copia, vaticinatus esset propheta, quae in festo Pentecostis sub initio Oeconomiae N. impleta sunt, ut Aët. II. docetur, et ex nexu cum antecedenti, ubi de tempore Maccabaico erat actum, ac consequente, ubi ultimum Reip. Judaicae excidium traditur, ut mox patebit, ulterius demonstratur, in haec verba pergit Deus loqui; *Et dabo portenta in coelo et terra, sanguinem et ignem, et palmas fumi: sol vertetur in tenebras, Luna in sanguinem; antequam veniat dies Jehovae magnus ille et terribilis.* Quibus ultimum Dei Iudicium, Judaeis infligendum depingitur una cum signis antecedentibus. Quod iudicium, phrasi *dies Jehovae* magni illius et *terribilis* comprehensum, aliud esse nequit, ac quo plenum Judaicae Reip. inflingeretur excidium per Romanos, uti ex serie orationis, harmonia verbi prophetici, uti Mal. III: 23. et impleto, manifestum est. Signa vero *antecedentia* non sunt proprie, sed figurate, secundum stylum propheticum, capienda. *Sanguis* itaque bellum et caedem,

caedem, ignis famem et pestem, uti Ez. V: 2, 12, 17. et alibi, *palmae fumi* expingunt incendia. *Solis* obscuratio ad *civilis* regiminis destructionem pertinet, cujus signum in subitanea, et divinitus inflicta, morte Agrippae M. Act. XII. fuit: *Luna*, quae sacerdotalem exhibet dignitatem, spæciminis et signi ergo, in naece Annae Pontificis conversa est in sanguinem. Vid. Joseph. B. J. l. IV. c. 7. Sed quo pertinet vers. 5tus, et erit, ut *quicumque invocaverit nomen Jehovae eripiendus sit. &c.*? Solet ad cives Hierosolymitanos, ac dispersos Judacos, qui a Jehova liberandi sunt ab hoc terribili judicio, referri; de quo egi in Diss. S. lib. III; sed nunc quidem rectius mihi videtur, *novam* hic incipere prophetiam, quae cap. sequente IVto continuatur; cujus initium est a populi reductione ex Babylonico exilio in Cananaeam repetendum, quaeque *sequenti* pericopae de effusione Spiritus S. est praemittenda. Qua ratione facilior longe est versus istius explicatio, collato cap. IV: 16 &c. Indicium quoque novae prophetiae haud obscure sese offert in וְהָיָה et erit. quocum vers. 5. aequè ac vers. 1mis incipit. Ex Micha Cap. III: 12. ubi mons Tzion dicitur ut *ager* arandus, eo pertinet. Quod etsi *primum* implementum in calamitate Babylonica nactum sit, sensu tamen plenario est ad litteram in excidio Romano inpletum. Ex Zachar. Cap. XI. De quo in comment. ad Zachar. pluribus dissero. Ex Malach. clausula hujus Libri, seu finis Cap. III et IVti. ubi vid. Commi. noster. Praeterea in N. T. quoque non desunt similes praedictiones de Judaeorum excidio, et Oeconomiac Legalis fini ac abolitione: praecipua vaticinia repraesentabo. Huc pertinet Johannis Baptistae interminatio, Matth. III: 11, 12. Christi praedictio Luc. XXII: 20 *seqq.* Matth. XXIII in fine, et XXIV: sed de quo Cap. mox. Praeterea multae Parabolae; ut de Nuptiis repudiatis ab invitatis Matth. XXII. de Ficū infrugifera, et post unius adhuc anni moram excindenda, Luc. XIII. de Vinea agricolis elocata Matth. XXI: 33. de Oeconomo injusto Luc. XVI: 1. Imo huc spectant sensu sublimiore, si quis eam fovet hypotesin, aliqua Miracula, ut

M

ejectioni

ejectionis Nummulariorum &c. ex Templo; Maledictio in Ficum infrugiferam Matth. XXI. Miraculum Porcorum a Daemonibus occupatorum, et in Mare praecipitatorum, ib. c. VIII. Porci figurare possunt Judaeos, quos Daemones e Gentibus ejecti invaserunt, et cum Romanis miscuerunt, ut bello excitati Judaei in hoc mare demersi sint. Certe Judaeos hoc tempore esse a Daemonibus pluribus occupatos, Dominus indicat Matth. XII: 45. ut ibi exposui in ferm. Belg.

§. LVII. Superest, sententiam dicam de Matth. XXIV Cap. ad cujus intellectum sequentia sunt observanda:

A. Duo extrema hic sunt vitanda: *alterum* eorum, qui toto hoc Cap. de solo excidio Reipublicae Judaicae agi; *alterum*, qui, Fata Ecclesiae Christianae intermedia post Excidium usque ad gloriosum Ecclesiae statum hic simul per-texti, putant. Prius ex eo refutatur, quod et quaesitum Discipulorum ulterius se extendat; et quae v. 29 *seqq.* extant, eo se restringi non patiantur. *Posterius* nulla non tantum nititur ratione; sed et ex v. 29 refutatur, cum ultimus Ecclesiae status ibi cum fine dierum afflictionis connectatur, cujus in toto Cap. mentio fit; adeoque Dominus de luctuosis Ecclesiae Judaicae fati agit. Vers. quoque 24 de Ecclesia Judaica agit; ut e vers. 28 patet, et ex eo, quod habet de Pseudo Prophetis, quos nemo invenerit inter Christianos.

§. LVIII. B. Veram Hypothesin hujus Cap. explicandi esse puto, Dominum duo intendere; *primo* Excidium illud praedicere cum signis; *secundo* Discipulos admonere, ultimum suum adventum non esse cum illo excidio conjunctum, ne fallantur per Pseudo-Prophetas. Prius est v. 6---22. Posterius v. 23 *seqq.* Quod utrumque unice ad scopum faciebat: quaesitum enim Discipulorum erat de destructione Hierosolymae et de signis adventus Christi: adeoque utrumque erat a Christo agendum; imo destructionem indicare; *2do* illam opinionem illis eripere.

C. Ut ergo generalem conspectum hujus Capituli ab oculis ponam;

N. Dominus, *primo*, generali monito de eorum decep-

deceptione, qui Christum adesse dicebant, praemisso; respondet ad primum quaesitum; ita ut (1) antecedentia excidii Signa v. 6---14. (2) ipsum Excidium exhibeat v. 15---22.

2. Tum Discipulos admonet, ut sibi ab errore illo caveant, nec decipiantur per illos, qui Servatorem adesse volebant: 1. ex eo, quod adventus suus non sit in uno loco; nec ad externam liberationem futurus; sed ad instar fulminis: 2. quod cadaver gentis Judaicae varie sit discerpendum ab aquilis: 3. quod non, nisi post finitam omnem afflictionem Judaeorum, Regnum Christi erigendum sit: v. 23--29. Quando

3. Pergit ad illustrem suum adventum et Regnum describendum, v. 30 *seqq.*

§. LIX. Superest nunc, ut *Harmoniam* Fatorum V. et N. T. repraesentemus, sive Considerationem *Allegorico-Propheticam*; quae collatio a nobis repetitur ab Ecclesia Judaica, vel Israelitica, non alius: quod Rerum series ante illud tempus sibi non constat, nec Historiam earum habemus completam. Fundamenta vero Contemplationis Allegorico-Propheticae sunt quatuor: (1) Liberationem ex Aegypto expingere vindicationem Ecclesiae e potestate peccati, Satanae et instrumentorum ejus, per Christi Sanguinem recenter fusum. (2) Ipsam traductionem in Cananaeam repraesentare haereditatem Terrae et Gentium tempore Constantini M., et deinceps. (3) Exitum ex Exilio Babylonico delineare liberationem Ecclesiae ab Antichristo per Reformationem. (4) Vindicationem Ecclesiae per Maccabaeos expingere praecipue ultimae Ecclesiae liberationem ex gravissima Persecutione; cum Regnum Ecclesiae vel Christi gloriosius apparebit. Haec Capita a Prophetis considerari, et inter se conferri, videbimus per partes.

§. LX. *Primum* fundamentum habet; Ecclesiam Judaicam afflictam ex Aegypto manu Dei exerta, et merito sanguinis agni Paschalis, secundum promissa Dei, liberatam, et in Desertum deductam, repraesentare spirituales Ecclesiae Liberationem vi Sanguinis Christi fusi, per potentem Dei manum

num ex potestate Satanae, et in hunc Mundum, ut Desertum, inductam. Quam Hypothesin probant, utique probabilem faciunt, sequentia.

A. Apostolus 1 Cor. X: 6, 11. asserit, quaecunque Israelitis acciderunt fuisse *τύπαι*, non tantum *exempla*; sed et in figura ut signa expinxisse iata Christianorum; quod vox Stylo S. S. indicat; et Apost. confirmat, dicens, in Christianos venisse *finis seculorum*; adeoque eadem secula esse revolvenda indicat, sed spiritualiter.

B. Prophetiae, inter Israelis Liberationem ex Ægypto, ac credentium e Servitute Satanae, convenientiam intercedere, non obscure significant: cum duo haec Beneficia inter se comparent: Sic Jes. XI: 11. quod Deus fundaret populum, eum liberaturus et collecturus ex Ægypto, alludi ad Liberationem ex Ægypto, Cl. Vitringa probat. Cum autem secunda Vindicatio sit spiritualis sub N. T., et ea referatur ad Ægyptiacam; probabile est, per illam esse expictam, et analogiam intercedere inter utramque. Quod et innuit Hof. XI: 1. ubi Deus de Israele dicit, *filium ex Ægypto vocavi*: quae verba primo sensu literaliter intelligenda de Israele liberato ex Ægypto referuntur a Matth. Cap. II. ad Christi ex Ægypto exitum, duplici, ni fallor, fundamento, *altero*, quod et Israelis et Christi vocatio sit fundata in eadem ratione filiationis: Israel dicitur *filius primogenitus* Exod. IV: 22, 23. et qua talis a Pharaone dimittendus, *altero*, quod utraque Liberatio, et Israelis et Christi, eandem rem expinxerit, spirituales scil. Liberationem Ecclesiae: quare et iisdem verbis utraque illa Liberatio comprehenditur. Eleganter quoque id indicatur Hof. XII: 9. *ego sum Deus tuus in terra Ægypti* &c. Ecclesiae N. T. statum ultimo indicat per phrasin *habitare facere in tentoriis*: illa enim Dei Regimen, curam, gubernationem, et immediatam a Deo dependentiam indicat. Cum dicitur, *ut in die conventus*, respicitur ad *πανάγιν* ad montem Sinai; qualem scenam renovandam esse sub N. T. indicatur. Alia Loca tantum notabo: Mich. VII: 15. Hagg. II: 5. *seqq.* Pf. CXIV:

CXIV. qui plane eximius est: liberationem Israelis ex Ægypto comparat cum spirituali Liberatione Christianorum, de qua a v. 8. incipit loqui. Vid. et Jes. LII in initio: Hof. II: 16, 17. Ezech. XX: 34 *seqq.*

C. Phrases, quibus Liberatio Ecclesiae describitur, passim desumptae sunt a Liberatione ex Ægypto, et ad illam adludunt: ut cum ἀπολυτρωσις vocatur, et quae sanguine fit, Col. I. 1 Petr. I. Apocal. V. imo 1 Cor. V. dicitur diserte Pascha.

D. Illud quoque ex eo colligitur, quod hic illic aliquot Israelis fata transferantur ad Ecclesiam N. T. Sic Nubes assignatur Novo Test. Jes. IV: 5. aqua ex Petra Cap. XLI. transitus per Mare, Baptismus in Nube, aqua ex Petra 1 Cor. X.

§. LXI. Veniamus ad ipsam comparisonem: ubi ante omnia observandum, nos hic tantum sectari sensum Allegorico-Propheticum, non generalem sensum spirituales, et omnibus credentibus convenientem; sed Allegorico-Propheticum, quo Ecclesia certi temporis repraesentatur. Dabimus hujus contemplationis non injucundum, ut opinor, aliquod specimen, quantum ad Periodum I pertinet.

A. Regnum Ægypti est Tyrannis Satanae et Regnum Peccati in genere: in specie status Peccatorum sub Lege, Traditionibus ac duris Legum Exactoribus. Vid. 1 Petr. I. et Gal. IV. Rationes convenientiae sunt praecipuae: 1^{mo} Regnum ignorantiae est veri Dei: 2^{do} status durissimae servitutis, qua ad vilia opera vi adiguntur; cum magna molestia et dolore animi in illis actuosi sunt sine ullo aliquo vero fructu proprio. 3^{tio} Status Tyrannidis, quo inviti detinentur, et ad lubitum duri Domini tractantur, gemuntque sub Exactoribus, qui onera gravia imponebant cum imperio. Hi Characteres status Israelis in Ægypto facile applicantur ad statum Peccati et Servitutis Legum Ritualium, per traditiones insuper auctae.

B. In hac servitutis conditione Israel fuit ,
M 3 et

et quidem per annos CXXXIV. tot enim annos vixit Populus in Ægypto post Josephum, quando afflictio incepit: Israel hic repræsentat Judæos tempore Christi servos peccati, qui quoque sub potestate Scribarum et Phariseorum gemebant, quo Jes. LII: 5. respicit: unde captivi dicuntur Jes. LXI: 1. ne alia proferam. Opera portatu gravia injungebant, ut Jes. XXVIII et XXIX describitur, et ubique in N. T. uti Matth. XXIII: 4. In hoc statu, quo Phariseismus dominatus est, Populus fuit per annos CXXXIV: nam a Juda Maccabæo ad Christum sunt CXLIII anni. Phariseismus aliquamdiu post natus est, vel vim exeruit. Hic ipse populus autem in Ægypto habebat promissum Redemptionis, licet fere ignoraret et negligeret: uti et tempore Christi.

C. Huic Populo afflicto instans annunciat redemptio per Moſen et Aaronem, ejusque veritas signis certis demonstratur. Quod idem accidit tempore Christi per Johannem Baptistam, Christum et Apostolos. Signum et Sigillum, respectu Dei, Liberationis erat in nomine *Jehovah* tum revelato: quemadmodum tempus, promissa Patribus facta implendi, quoque adesse, Christus et Apostoli demonstraverunt ex Prophetiis: nomen quoque Jehova urserunt; maxime cum in ipso Messia Deus nomen suum Jehovahæ notificaret Populo. Notabilia signa, quibus Moſes et Aaron missionem divinam persuaſerunt Israeli et Pharaoni, erant maxime, baculi in serpentem mutatio, et manus lepra affecta et liberata. *Prius* non obscure significat potestatem Christi et Apostolorum in Satanam et Daemones, quibus alios tradere poterant, alios ab illis liberare. *Posterius* denotat potestatem omne genus morbos, praecipue Leporam spiritualem, aliis infligendi, ut Phariseis, demonstrando, eos esse lepra infectos; aliis eripiebant autem, homines a peccato vindicantes.

D. Qui Moſi crediderunt, liberati sunt; ut Credentes sub N. T. salvati sunt; qui fidem profitebantur, sunt habiti pro liberatis: sicut inter eos Israelitas erant multi Profelyti, ita inter Christianos quoque Gentiles, qui Christo jam tum adjuncti sunt.

§. LXII. E. Liberatio ipsa duplex est, altera in causa, altera in effectu:

N. In *causa*, cum Agnus Paschalis mactatus est, et ejus sanguine postes et superliminare sunt tincta: ita redemptionis spiritualis causa est sanguis Christi, Agni Paschalis 1 Cor. V. fusus in Cruce; ad quam liberationem jus habebant, qui cum fide eam acceptabant, sanguine Christi se perfundentes. Christum cum Agno Paschali recte comparari, alibi docetur.

2. In *effectu* Liberatio Israelis est facta per potentem Dei manum: quod idem accidit Ecclesiae N. T. quae jure redempta, ut Dei peculium, injuste detinebatur in statu Servitutis: nec enim Satanas eos dimittebat, nec Judaeorum Proceres Ecclesiam sinebant libertate frui, detinentes eam sub Lege. Sed Deus manu valida, partim opè Sp. S. destruxit Regnum Peccati in Credentibus, partim Judaeorum potentiam fregit, ut libere demittere debuerint Christianos: ad quod adacti sunt per multa Judicia Dei illis inflicta ad exemplar *Plagarum* Aegypti. Has enim recte referri ad Judicia Dei, quae inflicta sunt Judaeis, et Ecclesiae libertatem a Lege aperuere; hic merito praesuppono, cum series sensus mystici illud requirat; et constat quoque ex Apoc. XVI. Judicia in Anti-Christum, Aegyptum Spiritualem, exercita, cum Plagis iis comparari: idem ergo hoc in casu praesumitur. Praeterea gravissima Judicia in Judaeos per Babilonios, et postea Romanos, secundum Prophetias a Deo infligenda, declarantur phrasibus ad eas plagas alludentibus; ut Jes. XXVIII: 17. Joel. II: 30, 31. Antequam vero hanc mysticam institutam interpretationem; observandum, nos non debere nimis premere sensum mysticum, ac si omnes Plagae essent transferendae, aut eodem ordine: cum id nec Apoc. XVI fiat. Dein cum Judicia Dei et Judaeos ferierint et Romanos, aliae Plagae ad hos, aliae ad illos magis respiciunt. Imo vero aliae quoque in Antichristianismo percutiendo demonstrantur efficaces. Ergo subsistendum in generalibus. Sed id omnino notandum, Plagas

eas inprimis respicere ad Judicia Dei in Judaeos usque ad destructionem eorum plenariam per Romanos, ad quam hae Plagae quasi fuerunt praeparatoriae. Deinde has Plagas liberationi Populi Dei inservisse, facile patet: quamdiu stabat Respublica Judaica et Lex vigebat, Christiani vix perfecte poterant a Lege et Servitute esse liberi; Judaeis quoque se ubique oppositibus, iisque opem ferentibus Judaizantibus inter Christianos. Unde Plagae illae extenduntur ad excidium usque Reipublicae Judaicae, quod tamen his Plagis non est comprehensum.

§. LXII. *Ima* Plaga fuit aquae mutatio in sanguinem, tum in Mari seu Nilo, tum in reliquis fluviis ac fontibus, ita ut Aegyptii sine periculo bibere non potuerint. Emblema ex coll. Apoc. XVI: 3, 4. duo mystice significat, tum Civilia et intestina Bella, ut Terra sit Sanguine repleta; tum Decreta et instituta Sanguinaria, quibus alios Religionis causa occiderunt, sed in propriam perniciem, ut ipsi per eas doctrinas pereant; quod Judaei experti sunt: fuere plures Seditiones et Bella Civilia ante destructionem, ut in Hist. Eccl. solemus narrare. Emblema autem explicat Cl. Vitringa ad Apocal.

IIda Plaga est uberrimus *Ranarum* proventus, quae omnia replebant loca; quod itidem extat Apoc. XVI. Ranarum characteres illustrat Bochart. Hieroz. P. II. L. 5. Sunt Emblemata garrulorum, impudentium, inflatorum, in turbulentis et coenosis locis versantium; coaxant importune, eandemque cantilenam repetunt, buccam et ventrem inflant &c. Vix dubium, quin Phariseos et Sadducaeos vivis coloribus depinxerint? illorum Religio fuit mera coaxatio, inanis precum repetitio sine Spiritu: sic quoque in disputationibus et cantilenis idem obtinebat; quare *ululare* dicuntur Jes. LII: 5. Quo et pertinet, quod una et eadem voce continuo clamaverint, *tollite eos*, sc. Christianos, sicut in caede Christi fecerunt postulanda; omnia turbarunt, et ad Persecutionem Christianorum excitarunt omnes: erant impudentes, superbi, libidinosi. Quae strictim dixisse sufficit.

III^{ta} Plaga fuit *Pedicularum* copia: sunt excrementa hominum e carnibus putrefactis aut Sanguine corrupto nata, e Sudore et Sordibus, ut vulgo haberi solent, animalcula insatiabilia, exedentia corpus, eique molesta: cum apud Mosen ex pulvere sunt nati, erat accidentale, et manum Dei indicat. Intelligo per illos id hominum genus inter Judaeos, quod, rapinis et avaritiae deditum, Populum per fas et nefas exedebat; quales fuerunt Pharisei Viduarum domos exedentes, Publicani severissima tributorum exactione sanguinem et carnes consumentes, foeneratores &c. qui omnium vilissimum genus hominum habiti sunt, Judaeis infestissimi, et per omnia Loca dispersi.

§. LXIV. *IV^{ta}* Plaga est omne genus *animantium* et ferarum colluvies: denotat ex mea opinione Judaeam quasi desertum Gentium, in quo cum Gentibus, animantibus impuris, et noxiis miscerentur Judaei, seque ad mores eorum componerent, ut Religio et vita corrumpere non tantum, sed et ipsi sumtibus ob Gentes faciendis consumerentur. Haec mixtio cum Romanis omnibus constat: testantur de illa Urbes, Theatra, Festa, Tempa in honorem Romanorum, Ludi gladiatorii &c. et cum Gentibus versati Judaei eorum mores induebant.

V^{ta} Plaga complectitur *pecudis* omnis generis mortem e peste: mystice notare potest Bonorum, Possessionum et Divitiarum privationem per Procuratorum rapacitatem, et Tributorum gravitatem.

VI^{ta}. Dirissimum continet *ulcus*, urens et graviter affligens; ex cinere enim fornacis in coelum sparso natus pulvis in ulcera urentia mutatus est et pustulas: ulcus dicitur malum et noxium Apoc. XVI. ubi ad hanc Plagam alluditur. Characteres sunt; *1^{mo}* testari de interna totius corporis corruptione; *2^{do}* deturpare corpus et inurere maculam; *3^{tio}* dolorem creare; *4^{to}* per totum corpus proserpere, ut tandem exanime corruat. Mystice ergo in Judaeis designantur clarissima terribilis Corruptionis eorum indicia et argumenta,

N

pec-

peccata gravissima et clamantia, quae summam demonstrabant corruptionem, quaeque Judaeis tantam infligebant notam, ut boni et sancti se ab illis separaverint. Accessit dolor magnus Conscientiae et desperatio: Unde totum tandem corpus cada-verosum factum concidit. Signa illa sunt Messiae caedes, Christianorum odium et Persecutio, Jacobi minoris occisio, Zelotarum multiplicatio, qui numero immenso fidei instructi se confertae multitudini ingerentes necabant obvios: accessit conformatio ad mores Romanorum. Haec scelera omnibus Bonis horrorem incusserunt, et signa fuerunt instantis exitii, secundum ipsum Josephum. Christiani quoque hanc corruptionem in lucem protrahentes ulcera haec quasi Judaeis inflixerunt, quatenus ea demonstrarunt illis inesse. Sed ipsa ulcera e cinere fervente, concupiscentia animi, nata sunt, quae ira Dei accensa erupit in talia ulcera. Leg. Joseph. de Bell. Jud. L. IV.

§. LXV. VII^{ma} Plaga est *grandinis* cum igni et tonitru; quae in genere denotat, iram Dei Judaeis imminere: nam haec Mala immediate de Coelo demissa indicant irati Dei iudicium, quod Judaei e signis colligere potuerunt, observante saepe Josepho. In specie expingit duo gravissima iudicia, quae iram Dei representant, famem et pestem. Grando fruges et arbores dejiciens adferre solet sterilitatem et famem: igniti globi grandine mixti indicant Pestem, ex nimio calore aeris accensi et materia sulphurea oriundam; Tonitru rumores Bellorum. Sic declarantur Apoc. VIII. Judaeos haec omnia expertos esse, clarum est ex Hist. et Dominus Matth. XXIV ipsis verbis praedixit.

VIII^{va} Plaga *Locustarum* immensam copiam Aegypto immisit; quae reliquias frugum et graminis carperunt, sicque Aegyptum ad extremam redegerunt paupertatem. Locustae Emblemata esse solent hostium violentorum et rapacium, qui magna copia invadentes omnia longe lateque vastant, spoliant, bonis privant, et ad miseriam redigunt. Sic de Assyriis occurrit Amos. VII. Imo omnes hostes Judaeorum, qui variis

riis temporibus eos expilarunt, eo proponuntur Joel I et II. Quis hic non cogitat de Romanis, qui Praesidium avaritia, exercituum copia, tributorum impositione, dura exactione, Judaeos depascebant, et divitiis privabant: ad quae accessit Exercitus Latronum et Sicariorum.

§. LXVI. IX^{na} Plaga fuit, quod spississimae *tenebrae* totam Aegyptum obscurarunt; quae notant velamen cordi Judaeorum impositum, ut nec in Religione, nec in rebus ad Salutem Reipublicae pertinentibus, aliquid Salutare videre possint aut consulere; sed mente quasi capti sint, ut habetur Jes. VIII. Quae constant ex Historia.

X^{ma} tandem Plaga fuit *Primogenitorum* subitanea et violenta mors. Primogeniti sunt praestantiores et excellentiores Judaei, flos Populi, Proceres; illi subito saepe occisi sunt, non sine clarissimis manus Dei signis; ut Herodes Agrippa, qui ut Sol in Meridie occidit, ut Joel. habet Cap. III. Sic postea, Idumaeis irrumpentibus cum Zelotis, moderatiores omnes occisi sunt, et Ananus Pontifex. Quo pertinet Joel. III. *Luna versa est in sanguinem*: occisus quoque Zacharias filius Berachiae. Et cum in primogenitis totus populus consideretur, mors eorum significavit, totum Populum excidio esse destinatum; quemadmodum proponitur Matth. XXIV ut Cadaver ab aquilis lacerandum.

§. LXVII. F. Quod jam ad ipsum Egressum ex AEgypto attinet, de ejus Natura, Causa, Circumstantiis vel Accidentibus et Effectis aliquid dicendum est.

1. Egressus ipse dicit separationem Ecclesiae a Judaeis per gradus factam, et perfectam demum sub finem Reipublicae Judaicae, quando Christiana Ecclesia plene vindicata est ex hac Servitute: ejus rei signum est, quod Christiani paulo ante Excidium secesserint Pellam, secundum Traditionem.

2. Causa duplex est, efficiens et instrumental. *Efficiens* est Deus vel Domini Angelus Exod. XX. sc. Christus: quemadmodum spirituale Liberationem quoque Deus

sibi vindicat Jef. XLI, XLIII, XLIV. *Instrumentales* causae, quae Judicia Dei executae sunt, sunt Moyses et Aaron: dum Christus versatus est in terra ut Doctor, comparari potuit cum Mose, ut Apostoli cum Aarone. Christus autem Liberationem Populi postulavit a Proceribus, Regni Coelorum appropinquacionem praedixit, crimina eorum detexit, Judicia quoque severissima denunciavit illis. Quod idem fecerunt Apostoli et Evangelistae seu LXX Discipuli; sed mandato a Christo instructi, et per Judaeam missi. Hi populum fidelem congregarunt, et instantem Liberationem certis signis praesignificaverunt. Sed Christo in coelum abeunte et Rege declarato, ipse hoc opus potentia sua executus est per Ministros, Apostolos et Evangelistas, qui Mosi et Aaroni respondebant. Hi vero Populum vere duxere, et a carnali Cultu separarunt. Hi et Judaismo infllexerunt Plagas, quatenus Judicia Dei illis denunciarunt: quod et de Prophetis dicitur Jerem. I.

§. LXVIII. a. Concomitantia attributa quod attinet; occurrit.

a. Obduratio cordis Pharaonis; quae eadem contigit Judaeis: quare Apostolus locum de Pharaone applicat ad Judaeos incredulos Rom. IX.

b. Corroborabatur per Magos, qui eadem aliqua fecerunt ac Moyses: hi expingere possunt omnes illos, qui cursum Euangelii sistere conati sunt, ut Simon Magus, Elymas, et alii, signis se commendantes, Pseudo-Christi, qui Miracula promittebant, Matth. XXIV. Doctores dein Judaici, qui, sicut Apostoli, aliquando patrabant, vel patrare censebantur Miracula.

c. Israëlitaë Ægypto egressi spoliaverunt Ægyptum, ipsis Ægyptiis non invitis: Sic quoque Bona vera et spiritualia, Judaeis olim promissa, acceperunt Christiani, et Judaeos incredulos omni Vita, spiritu et consolatione orbos cassosque reliquerunt: Vid. Rom. XI: 12. Eph. III.

d. Multi Profelyti adjunxerunt se Israelitis, cum ipsis egressi; sicut et Gentes fuerunt adsociatae Ecclesiae Christi.

e. Egressi

e. Egressi sunt cum festinatione; quod opus est verae fidei, et sine ulla mora separantis se a communione Mundi: sic quoque expulsi Christiani a Judaeis et separati: Sicut Israelitae festinabant, quod ab Aegyptiis ejiciebantur; ita Christiani primi Persecutionibus vexati fugerunt et dispersi sunt, Act. VIII. Sic quoque fugae comparatur ultimus Christianorum egressus sub finem Reipublicae Judaicae. Matth. XXIV.

f. Egressi primogenitos Deo consecrare debent, in memoriam et locum Primogenitorum Aegypti occisorum: sic et Ecclesia Deo est consecrata, reiectis Judaeis.

g. Tandem Nubes castra Israelitarum praecebat et tutabatur: Sic Ecclesiae primae quoque adscribitur Nubes 1 Cor. X. et Jes. IV. Notat praesentiam Christi apud Ecclesiam, ejus conservationem, illustrationem ac benedictionem, ex quo Sp. S. cum Ecclesia communicatus est, cum quasi in Nube baptizata est in festo Pentecostes; quo alluditur forte 1 Cor. X.

§. LXIX. 7. Sequuntur Consequentia et Fata egressus et egressorum Israelitarum: inter quae

a. Primum est, illos in Desertum esse educatos: desertum dicit statum, quo quis a communione hominum semotus est, quoque necessaria ad victum et amictum a Deo immediate suppeditantur, et ubi omnis externus Religionis apparatus deficit. Christianorum statum quo ad Mundum, quo a carnalibus Israelitis separati sunt, et a Deo immediate pendent, a carnali Religione liberati, repraesentari, cuivis in oculos facile incurrit. Accedit, Christianos in Desertum Gentium esse abductos, cum inter Gentes versari debuerunt: Gentes enim cum Deserto comparari, notum est: Vid. Jesajae XXXII. XLI. et XLIII.

b. Conjecti sunt Israelitae, in desertum jam educti, magnas in angustias, cum ab utroque latere Montibus constricti essent, a tergo Aegyptii insequerentur, et Mare Rubrum haberent a fronte. Ex quibus exerta Dei manu vindicati

dicati sunt per scissum Mare transeuntes, ut Aegyptii sint aquis suffocati. Grande hoc Fatum repraesentat Ecclesiam Christianam a Judaeis undique obsessam, cum et Romani per Neronem Ecclesiam infestarent, seque ei ut Mare Rubrum objicerent, quo minus in Romano imperio daretur locus refugii: ex quibus angustiis vindicata est, tum per scissum Romanum imperium, tum per ingentem Judaeorum cladem a Romanis. Exequamur haec accurate per partes. Aegyptii Israelitas insequentes expingunt incredulos et carnales Judaeos Ecclesiam Christi ultimo conamine destruere conatos; sicut paulo ante destructionem Hierosolymae insurrexerunt in Jacobum Apostolum, et reliquis exitium quoque minati sunt. Sed aliud erat, quod illos premebat magis: cum a Judaeis vexati in Romano Imperio huc usque habuissent profugium, idemque id sibi in posterum promitterent, ecce idem id Imperium in eos insurgit, et ut Mare aliquod se Ecclesiae objicit, impediturum ejus propagationem, imo illam absorpturum. Mare ergo Rubrum in hac contemplatione expingit Rom. Imperium Ecclesiae infestum, et totalem ei minitans ruinam; quod cum primum tentaverit Nero, Neronianam vexationem haud immerito censemus per illud Mare esse expictam. Utiq. imperium Rom. sub Nerone merebatur inprimis appellari Mare Rubrum, tum in genere ob infinitam sanguinis copiam sub Nerone effusam; tum in specie partim respectu Christianorum, quorum sanguine rubrum erat; partim Judaeorum. Sicut Mare Aegyptum tuebatur, ita Rom. Imperium Judaeorum odio in Christianos et siti sanguinis Christiani succurrebat, ac manus quasi conjungebat cum Judaeis in oppugnandis Christianis. Porro sicut Mare conabatur arcere ab haereditate Cananaeae, et intercidebat iter eorum, sic Romanorum vexationes cursum Evangelii impedire conabantur. Sed omnes illi conatus fuerunt irriti: quum Populus Israelis esset desperatus, sicut primi fuerunt Christiani, vehementer perculsi, cum Romanos omni vi armatos in se viderent insurgentes; Deus miraculo intercessit; Mare Rubrum scinditur, ita ut Israel Mare ingressus planum habuerit exitum

exitum et transitum: ingressus in Mare notat ipsam vexationem Neronianam, quae invasit Christianos, per quam videbantur versari in certissima morte: sed aquae cesserunt, cum per ventum Orientalem et baculum Mosis scinderentur: *Scissio* Romani Imperii duplex est, altera Politica, altera Ecclesiastica aut Religiosa. Quod ad *primam*, cum seditiones et aliae curae Neronem occuparent, destitit a vexatione Christianorum; sed, illo dein mortuo, multae turbae dividerunt Rom. Imperium, dum varii eligerentur Imperatores, qui sibi mortem invicem adferebant, quo factum factum est, ut Christiani pace fruerentur. Sed alia Scissio facta ob Religionem, cum Euangelium receptum magis est et propagatum inter Romanos, multis conversis: quae Scissio per ventum Orientalem, Spiritum S. scilicet a Christo, qui est Sol oriens, profectum, et baculum Mosis, scil. Christi Euangelium, peracta est. Sic Ecclesia recepit in Rom. Imperio sedem tutam, cum ex hoc Mari esset liberata. Verum longe diversum fatum offendit Aegyptios, qui, eidem Mari se committentes, aquis sunt suffocati. Judaei, bello et seditione cum Romanis commixti, ab illis oppressi et deleti sunt horribili clade: quo factum est, ut Christiani postea a Judaeis tuti fuerint.

§. LXX. c. Israelitae ab hostibus sic liberati, et in Desertum emissi, defectum mox senserunt omnium rerum, nec cibum nec potum habuerunt, et, si aquae reperirentur, erant amarae; tantum in Elim erant XII fontes et LXX Palmae. Sed Deus, his defectibus succurrendo, partim aquas reddidit dulces per lignum immissum, partim fontem aperuit in Petra, partim Manna dedit. Quae omnia transferri possunt ad Ecclesiam Christi in deserto Gentium versantem: vid. Jes. XLI: 17. et Ps. CVII: 4, 5. Dabimus generalem aliquem conspectum: Christiani e Gentibus nullam salutarem doctrinam, nullam consolationem poterant consequi, non panem, qui conscientiae satisfaceret, non aquam, quae consolatur. Penuria ergo expingit defectum verae et salutaris doctrinae, quo laborabat Ecclesia; tum quod Gentes non proferebant Doctrinam salu-

tarem, Jef. LV: 1. tum quod liberum Religionis exercitium Gentiles non permetterent Christianis, ut ex Verbi Dei annunciatione et communione Sanctorum haud percipere potuerint consolationem: imo aquae, quae apud Gentes reperiebantur, erant amarae, quae notant vel Persecutiones, ut Ecclesia statim experta est sub Domitiano; vel et Philosophiam Gentilem, quae animae desiderium explere non poterat, Ecclesiam ergo non consolari. In hoc statu Deus succurrit: *1mo* immisso ligno aquas amaras dulcoravit: quod si ad vexationes attendas, Lignum notat Crucem Christi, cujus communio omnes afflictiones reddit leves et animae piae dulces: si autem Philosophiam Gentilem intelligas, erit doctrina Crucis, quae Philosophiae inmixta eam prorsus constituit fructus et consolationis plenam; cum vera Philosophia multum conferat, sicut et aliae seculares scientiae, ad Doctrinam Euangelicam illustrandam et confirmandam. *2do* Deus concessit XII fontes, et LXX Palmas, i. e. Scripta Apostolorum et Evangelistarum, e quibus veram doctrinam ad solatium abunde petere poterant Christiani: Canon sc. S. Scripturae N. T. demum est confectus et vulgatus in initio Seculi II. cum Ecclesia jam versaretur in Deserto. *3tio* Manna dedit de Coelo, i. e. Christum Jesum ejusque Justitiam abundanter concessit credentibus: delicias quoque futuri seculi praebuit iis in Christo praegustandas: denique S. Coenae exercitio ad eorum consolationem largiter benedixit. *4to* In Petra quoque fons fuit apertus aquae, per totum Desertum fluentis: notat Christum ejusque Spiritus diffusionem per Gentes; ita ut multi sint conversi et Donis Sp. S. instructi, quo apti sunt facti sitim Christianorum explere, qui hominum salutem quaerebant. Sic ergo omni parte Deus pavit Ecclesiam in deserto.


§. LXXI. d. Sed etiam cultum ordinavit et Disciplinam Israelitarum in Deserto; dando ipsis Sabbatha et Legem solenniter, Tabernaculum quoque suum et sacerdotium constituendo. Haec omnia etiam spiritualiter locum habent sub N. T. Licet in Festo Pentecostes, cum Spiritus est effusus, Ecclesia N. T. initiata,

initiatā, et Foedus Novum solemniter erectum est, impleta sint spiritualiter et proprie; tamen renovatio et ulterior confirmatio obtinuit post destructam Hierosolimam, cum Ecclesia inter Gentes praecipuam habebat sedem; tum enim in foedus cum Deo transiit, et Ecclesia Christi sola fuit foederatus Dei populus, rejectis Judaeis: tum Leges Fidei et Resipiscentiae, Legibus externis abrogatis, Oeconomia Mosaica ipso facto abolita, solae sunt sancitae; Sabbathum quoque requies spiritualis, cujus Symbolum est dies Dominicus, et cessatio ab operibus malis et ritualibus, discrimine ceterorum dierum abolito, vim accepit; tum dein Disciplina Christiana praecipue ab Apostolis et Apostolicis Viris ordinata obtinuit; tum Tabernaculum inter Gentiles erectum, Ecclesia Christi confirmata, et publico Dei in Judaeos Judicio approbata; aliae Ecclesiae ubique quoque erectae sunt. Cum autem Ecclesia nondum stabilem sedem consecuta esset in Gentilismo; hinc Tabernaculum appellari meretur, cum ob vexationes Gentilium huc illuc saepe migrare deberet, nec loca conventus haberet stabilia. Postremo ordinatum tum quoque est sacerdotium, cum Ordo Ecclesiasticus hoc fere tempore sit stabilitus, et Ecclesiae ubique rite ordinatae per Episcopos et Presbyteros ac Diaconos; ad formam quoque legalem, ipsa distinctione in *clericos* & *laicos* jam introducta.

e. Ceterum Israelitae adhuc subinde expositi erant hostibus, quibuscum erat pugnandum; sicut mox in initio Amalekitae se iis objecerunt; sed qui manibus et baculo Moysi extentis victi sunt a Josua. Sic hostes primae Ecclesiae Christianae fuerunt plurimi, praecipue Sacerdotes, Philosophi et Plebs; sed per praeces et Verbum Dei os adeo illis est obstructum, ut Evangelium fuerit propagatum, ringente Satana cum omnibus ejus instrumentis.

§. LXXII. f. Superest in hac Tractatione historia conflati vituli aurei, cum Moses moras neceret in monte, et commissae Idololatriae: ejus enim casus spirituales aliquem intellectum videtur Paulus in oculis habuisse 1 Cor. X. Cum
O
autem

autem Israelitae recenter essent redempti ex Ægypto, ubi coluerant Apin, bovem Ægyptiacum, vix dubium est, quin ad eandem Idololatriam Ægyptiacam delapsi sint; sed ita, ut cum veri Dei Cultu conjungere voluerint: Vitulum ergo considerant tanquam Dei simulacrum. Unde facile colligitur, hunc Casum recte referri posse ad conjunctionem Christianismi cum Gentilismo et Judaismo: cum enim Legem Mosaicam et Philosophiam Gentilem commiscerent cum Christiana Religione, non male censi possunt conlasse Religionem aliquam Idololatricam, non verum Deum in Christo colentes cultu vero et a Christo instituto, sed quem sibi finxerant pro sua imaginatione et concupiscentia; sive Legem Evangelio admiscuerint; sive alium Deum Creatorem, alium Patrem Christi finxerint; sive Christum nudum dixerint hominem, quo ipso Christum, et Deum in ipso, ejusque justitiam, abnegabant, ut Paulus ad Gal. demonstrat. Hoc autem Idolum erexerunt Ecclesiastici Ordinis homines, quales fuerunt Haeretici hujus Periodi, aliunde satis noti, Pseudo-Apostoli; quos Aaron expinxit hoc in casu. Ceterum conflatus est hic Cultus, quum Moses esset in Monte apud Deum, id est, quum Christus et Apostoli fere essent e medio sublatis: licet enim tempore Apostolorum hae Haereses coeperint; postea tamen demum eruperunt, quando Apostoli essent mortui. Reversus de monte Moses Tabulas fractas restituit; Tabernaculum extra castra erexit, et Ecclesiam instituit repurgare: quod idem fecerunt Viri Apostolici, qui se opposuerunt Haeticis, Ecclesiam purgarunt, Veritatem instaurarunt, seque palam ab illis separarunt. Haec Speciminis ergo de Contemplatione Allegorico-Prophetica sufficiant: et ita absolvimus hanc Periodum *imam*.



PERIODUS SECUNDA,

a Decio Imper. ad Constantinum M.

§. LXXIII.



Periodus, quae a medio Sec. III. an. ejus 49. se extendit usque ad initium Sec. IVti, seu a. ejus 13, quo Pax Ecclesiae reddita est stabilis per Constantinum M., pro Charactere dominante habet publicas Persecutiones ab Imperatoribus fuscitatas, adeoque Ecclesiae probationem continet et purgationem, quae in gloriosa Victoria, de Rom. Imperio reportata, finita est. Internus Ecclesiae status dominantem habuit virtutem Fidei constantiam, magis minusve illustrem. Sed praeterea inciderunt et alii Casus per Haereses, Schismata, et Calamitates Politicas, qui faciem Ecclesiae quidem obscurarunt, sed ejus Characterem non constituerunt. Haec summa est eorum, quae nunc accuratius paulo sunt tractanda.

§. LXXIV. Videamus ergo primo de *Charactere dominante* status externi; quem cum in Persecutionibus publicis situm esse statuimus, (1) recensendae sunt illae Persecutiones; (2) demonstrandum est, Characterem Ecclesiae in illis situm esse.

A. Persecutiones incipiunt cum Deciana, et terminantur in decennali illa Diocletiana. Sunt vero, *1ma* Decii, quae initium ab imperio Decii, ao. 49. Sec. III, cepit, et per totum imperii ejus tempus duravit usque ad a. 51 ejusdem Sec. *2da* est Treboniani Galli unius fere anni; nec enim mox incepit, et ante finem Imperii ejus terminata est: praesuit autem *duos* tantum annos. *3ta* est Valeriani, quae per annos 3 et dimidium duravit, ab ao. ejus Sec. 57 ad 60. *4ta* est Aurelii ipso anno ejus emortuali instituta et finita brevissimo tempore, ao. Sec. 75. *5ta* est Diocletiana X annorum, ab

ao. Sec. IVti, 3 ad 13. et fuit omnium gravissima. Has Persecutiones cum in Instit. Hist. Eccl. fusius enarremus, eas hic tetigisse suffecerit.

§. LXXV. B. Demonstrandum nunc est, has Persecutiones Periodi Characterem figere. Rationes nostrae sunt sequentes:

1. Haec sola Periodus est, in qua publicae et universales fuerunt per Orbem Romanum Persecutiones, cum antea tantum particulares fuerunt, seditione populari maximam partem institutae, ab ipsis Imperatoribus repressae; ut supra vidimus, et in Hist. Eccl. demonstrare solemus.

2. Harum Persecutionum, quae a Decio inceperunt, respectu, tempora superiora censita sunt pacifica; sed Persecutiones, quas recensui, faciem Belli inter Romanos et Christianos praetulerunt. Sic Lactant. de Mort. Persecut. cap. III et IV. *Sed (ait) postea longa Pax rupta fuit; extitit post annos plurimos execrabile animal Decius, qui vexavit Ecclesiam.* Sic Eusebius Hist. L. VIII. Cap. 13. tradit, imperatores pacem cum Christianis rupisse, et bellum concitasse contra eos. Ita praecipue de Diocletiana Persecutione ut Bel-lo publico loquuntur Historici; ut Euseb. in Vit. Constant. L. I: C. 12. Lactant. l. c. Cap. XVI. ut et Sulpicius Severus: quod ipsum Nummi quoque docent, et inscriptiones, ex gr. nomine Christianorum deleta, superstitione Christi *ubique deleta, cultu Deorum propagato*, uti inscriptiones columnis incisae in Hispania apud Baronium habebant; sic et *Herculi debellatori* in nummo Maximil. Herculi, in quo Hercules visitur hydrae multorum capitum, quae gentem Christianam repraesentabat, debellatori, apud Ez. Spanhem. Num. Diff. V.

3. Hac Periodo Imperatores Romani in id incubuerunt, ut Christianismum debellarent; quod et alibi in Hist. Eccl. demonstravi.

4. Ante hanc Periodum Imperatores subinde tantum concesserunt Plebi impetum in Christianos: post hanc Periodum debellatus est Paganismus: ergo sola hac Periodo de summa rei est decertatum. .Per-

¶. Persecutiones hoc tempore constituunt Casum extantiorē, singularem et continuum, quocum nullus alius potest comparari. Ergo est Casus Characteristicus.

1. Verum quidem est, tempora intermedia inter Aurelianēam et Diocletianēam Persecutionem fuisse satis pacifica; sed vero suo conspectu tempora fuerunt induciarum, non finis belli. Belli autem tempus, licet per inducias interruptum, durare censetur, quamdiu finis ultimus ei non est impositus; est id benignitati Dei tribuendum, quod in medio bello quaedam Halcyonea Ecclesiae sunt concessa: ipsum illud persecutionis Diocletiani, decennale bellum habuit, ut constat, pacificum aliquod intervallum.

2. Si tandem accedat Verbi Prophetici consensus, de quo post, quid perfectae demonstrationi in hoc casu desit, non video.

§. LXXVI. Venio ad Characterem dominantem status *interni*: cum externi status Characterem exhibeant Persecutiones, earum utique respectu interioris conditionis Characterem esse constituendum res ipsa loquitur: dominantis enim Casus respectu qua ratione se habuerit Ecclesia, id eam hac parte maxime conspicuam reddit, et ab aliis temporibus distinctam. Cum ergo virtus *constantiae*, fidei et patientiae, praecipue exercenda sit in Persecutione, et ad eas inprimis respiciat, clarum est, hinc Characterem status interni esse desumendum. Sicut enim nihil magis in externa Ecclesiae conditione oculos et animos hoc tempore advertit, quam Bellum Religionis, quod Gentiles moverunt contra Christianos: ita qua ratione se gesserint Christiani, Virtutem Heroicam, an animum malis succumbentem, demonstraverint; id ipsum est, ad quod maxime attenditur, quodque in omnium praecipue incurrit oculos. Hinc ergo si criterium status interni repetendum sit, elucet, quaerendum esse in virtute constantiae et patientiae: *imo* quod nulla virtus sit, quae se illis temporibus illustriore modo ostendit, ad quam omnes vertunt oculos; nulla virtus, quam omnes magis mirantur: *2do* hac sola virtute vicerunt Christiani, a Gentilibus

ob Fidem oppugnati: 3tio per hanc virtutem Ecclesia non tantum substitit in Persecutione, sed et longe lateque propagata est, cum Sanguis Martyrum fuerit semen Ecclesiae. Hac ergo in Virtute si Character Ecclesiae sit quaerendus, difficile non erit eum ex Historia illustrasse. Cum Ecclesia enim gravissimum impetum passa, et statum suum tuita sit, ac gloriose triumphaverit, illudque sine hac Virtute fieri nequeat, imo per illam solam efficiatur, in oculos incurrit, Ecclesiam hac inprimis virtute fuisse illustrem; et tot illustria ejus edita sunt specimina, ut ex Historia patet, ut nihil ex Historia sit certius aut notius. Verum quidem est, initio Persecutionis multos defecisse, ut ex Libro Cypriani *de Lapsis*, et aliunde constat: sed illi, si cum aliis comparentur, vix in censum venirent; et progressu temporis, quum Persecutio maxime saeviit, Christiani fortiter se gesserunt, et plane Christiane. Ad haec accedunt clara testimonia non tantum Christianorum, sed ipsorum Gentilium, quae magno numero proferri possunt. Ex Christianis leg. Cyprianus ad Demetriadem, Eusebius, Lactantius et alii. Ex Gentilibus Eunapius in Vita Edefii. Diocletianus inter alia se a Persecutione alienum esse dixit, quod Christiani libenter paterenter, teste Lactantio. Quare Julianus eos palam persequi noluit, secundum Gregor. Nazianz. Tandem Epistola III. Apoc. II. ad Pergamenos solam hanc Virtutem memorat et laudat in Ecclesia hujus Periodi, ut postea videbimus.

§. LXXVII. Sequuntur alii casus hujus Periodi: sed illi pauci sunt, qui animadversionem merentur, praeter ortum Manichaeismi. Manserunt res, tum essentialium tum accidentalium partium Ecclesiae respectu, fere eodem in statu; nisi quod Culus aliquem ulteriorem gradum fecerit ad superstitionem, sed minus conspicuum, respectu venerationis sanctorum; quod Regimen majorem acceperit auctoritatem, praecipue Paparum Romanorum. Et Mores fuerunt corruptiores, praecipue tempore Cypriani, et ante Persecutionem Diocletianeam, quibus emendandis destinata quoque erat Persecutio. Haereses eadem circa Trinitatem continuarunt, et ea Artemonis per Paulum Samosatenum

Samosatenum est renovata. Propagatio nil habuit singulare, nisi quod persecutionibus creverit Ecclesia; et paulo ante Diocletianum fuerit in floreute statu. Sed ortus Manichaeismi Casus fuit notabilis. De quibus omnibus ex Instit. Hist. facile constat. Ceterum praeter hos Casus, qui directe pertinent ad Ecclesiam, alii extiterunt hac Periodo memorabiles, qui Christianos non nisi qua Cives Imperii Romani concernunt, adeoque Judicia Dei in Civitatem Romanam comprehendunt; quae fuerunt hoc tempore Pestes, Barbarorum irruptiones, et Motus intestini. Pestis praecipue grassata est terribilis sub Gallo et Gallieno per annos XV. de qua testatur Zosimus, nunquam tantam fuisse. Vid. quoque Cyprianus *de mortalitate*, qui Liber hac occasione Scriptus est. Cedrenus (de Gallo) inquit: *eo tempore Pestis invaluit ab Aethiopia in Occiduam usque Terrae partem propagata, neque ulla fuit urbs ejus expers, multae etiam bis ea lue infestatae, ea obtinuit annos 15.* Barbari, qui Imperium Rom. vastarunt sub Decio, Gallo et Gallieno, fuerunt Persae, Gothi, et Scythae, Gothis post XV annorum vastationem a Claudio debellatis. Tandem XXX Tyranni sub Gallieno in Imperium Rom. irrumpentes illud varie vastarunt: de quo leg. Rupertus ad Befoldum.

§. LXXVIII. In Tractatione Prophetica primum locum meretur Apocalypsis, quae cum in Sigillorum Libro Characteres Periodorum exhibeat, ut ex supra dictis liquet; videamus quid Sigillum *Ildum* contineat: ejus emblemata est Eques equo rufo insidens, et strictum in manu tenens gladium, cui potestas data pacem auferendi, et efficiendi, ut alii alios mactent; Cap. VI: 3, 4. Quod Emblemata cum recte explicuerit, et ad publicas Imperatorum Romanorum Persecutiones, quibus innocuos suos cives tanquam oves mactarunt, applicuerit Cl. Vitringa, nihil habeo, quod ejus commentationi addam, adeoque ad eum alegantur hujus rei cupidos. Characterem ergo Periodi habemus in Persecutionibus situm, quem supra ex Historia demonstravi.

§. LXXIX. Conferamus ergo nos ad III Epistolam Apocal. ad Pergamēnos Cap. II: 12 seqq.

O 4 A. Ex-

A. Externum Ecclesiae statum characteristice describit v. 13. ubi Dicitur, Ecclesiam habitare, ubi *Thronus Satanae* est, et Martyres fieri, qui Fidei causa occiduntur: quo nihil est clarius. Thronus Satanae et Persecutio alternantur; et Tyrannicum Imperium in Conscientias, et violenta fidei oppressio a Gentilibus, clare exprimentur. Quod ulterius e praecedente Epistola, quae Persecutionis X dierum, tanquam futurae, meminit, confirmatur: ea enim Persecutio, quae ibi Ecclesiae denunciatur, in hac Epist. proponitur ut praesens: Habemus ergo et hic Characterem Periodi in Persecutionibus.

B. Statum internum Ecclesiae haec Epist. describit respectu Persecutionis; cum Ecclesia laudatur a constantia fidei et patientia: *tenes nomen meum* (dicit Christus) *nec negasti fidem meam*, i. e. Religionis Christianae confessionem. Cl. Vitringa Epistolam applicat ad quaestiones de divinitate Christi inter ipsos Christianos Sec. IV. in quibus Athanasiani Fidem sanam tenuerunt, et propterea vexati sunt varie ab Arianis. Antipas ipsi *κατ' ἐξοχην* est Athanasius, sic dictus, quod Filium dixerit Patri aequalem, quo respiceret nomen Antipas ex *ἀντίπατρος*. Pergamus esset Alexandria, et Thronus Satanae ibi diceretur esse, quatenus ab origine est Idololatriae, Superstitionis; luxus, levitatis et impietatis Sedes, eamque indolem semper aliquatenus servarunt Alexandrini. Sed haec, quam ingeniosa, videntur mihi tamen (quod pace Viri Celeberr. dicam, a quo non libenter dissentio) longe quaesita, fundamento destituta, variisque difficultatibus plena:

Ν. Sensus Propheticus adeo non potest ab Historico Epistolarum sensu discrepare, ut phrasēs, e. gr. *nomen tenere*, *fidem Christi non abrogare*, longe alium sensum habeant in Ecclesia Pergamena illius temporis, quo Apocal. scripta est, alium vero in Ecclesia per Pergamenam expicta.

ζ. Phrasēs, nomen Christi et fidem ejus tenere, usu S. S. simpliciter notant Christianae Religionis professionem

α. Thronus Satanae quare in Ecclesia Seculi

IVti

IVti speciatim dicatur erectus, commode explicari nequit. Levia nimis sunt, quae hic de Alexandria dicuntur, nec illi propria. Paganismo superato, Thronus Satanae dici nequit erectus in Ecclesia.

¶ Satanas hic occurrit ut bellum gerens cum Sanctis Cap. XII. et hic ejus est character: ut postea demonstabo.

¶ Epistola haec non est referenda ad Sec. IV. sed ad illud tempus, quo Persecutio coepit cum Decio.

§. LXXX. Nostra Hypothesis facillima est, et nihil, quod offendit, habet. Pergamum et Antipam necesse non est prophetice interpretari in Epistola duplici sensu praedita: alia in sensu historico, alia in prophetico veritatem habent majore minoreve emphasi. Antipas pro *Avtinas* illustris Martyr, forte Episcopus, fuisse videtur in Ecclesia Pergamena, cujus similes in publicis Ecclesiae hujus Periodi Persecutionibus occisi sunt fidei causa: quod hic sufficit. Si vero quis ad exemplum magni Vitri. institutum velit, is sub nomine Pergami cogitet de Nicomedia et Diocletiani Regia; quod Persecutio ea in Urbe decreta est, et inde per totum Orbem dimanavit; quare recte thronus Satanae dici potuit ibi erectus. *Antipas* fit Anthimus illius urbis Episcopus, mox occisus; de quo vid. Euseb. Hist. E. L. VI. C. 8. Niceph. Hist. L. VII. C. 6. et Chronic. Paschale. Antipas est Vice-Papa, et Episcopum notare potest. Sed tutius est, a talibus subtilitatibus abstinere, et in generalioribus acquiescere. Pergamus ergo ad reliquas Epistolae Partes.

§. LXXXI. C. Praeter hanc Constantiae et Patientiae Virtutem modo memoratam, quae Characterem status interni Ecclesiae absolvit, Dominus reprehendit Ecclesiam Pergamenam, quod Nicolaitarum doctrinam in sinu suo foveant ad exemplum Israelitarum, qui actu Bileami ad Idololatriam adducti sunt et scortationem, et propterea gladio puniti. Vitia ambitionis, fastus et luxus hic notari: recte observat Cl. Vitringa, quod ipsum in Ecclesiam nostrae Periodi a Decio ad Constantinum

tinum recte quadrat: cum et ante Decianam et ante Diocletianeam Persecutionem vitia illa in Ecclesia sint notata a Cypriano, Origene et Eusebio. Vid. Cypr. Epist. VII. ad Clerum: LXVIII ad Hispanenses; et in Libro de unitate Ecclesiae, et de Lapsis. Origen. ad Matth. P. 420. Euseb. Hist. L. VIII. C. I. Commodianus quoque vitia sui Seculi acriter perstrinxit. Adhortatur Dominus Ecclesiam ad poenitentiam, et minatur ei, ni faciat, gladium suum bicipitem, seu Judicia sua infligenda. Emendavit se Ecclesia ab isto vitio per longam Persecutionem castigata, sed brevi in graviores corruptionem prolapsa; quare sequente Epistola eadem reprehensio et adhortatio repetitur: ut post videbimus.

§. LXXXII. Adcingamus nos nunc ad Cap. XII. Apocal. explicandum, et hypothesin ejus Cap. recte intelligendi tradamus: occurrit hic

A. Mulier nimbo lucis amicta, Lunam sub pedibus habens, ac XII Stellarum corona ornata: quae Mulier partus tormina tulit, et prope a partu aberat. Expingi videtur Ecclesia primaeva post destructionem Oeconomiae Legalis; quo pertinet, quod Luna sub ejus Pedibus foret, quia Ecclesia Sole Justitiae tanquam nimbo Lucis gloriose illustrata, et Apostolorum totidem Stellarum praesentia gaudebat vel gavisata erat, sed adhuc Apostolicorum Virorum corona cingebatur. Quae Ecclesia inter labores et pericula conabatur Christum ut Regem Gentium parere, Mundum ipsi subjiciendo.

B. Opposuit se ei Draco septiceps et decicornis, Romani sc. Imperii summus Praefes, cujus respectu VII habebat capita, seu tot Imperatores, qui Ecclesiam persequerentur; et X cornua, seu totidem Provincias, in quibus robur Imperii Rom. situm erat: de quibus omnibus vid. Cl. Vitranga: nostram praecipue meretur animadversionem, quod Draco *cauda* sua dicitur traxisse tertiam partem *Stellarum Coeli*, quas in Terram projiciebat. Quo puto expingi, Satanam tum temporis a Republica et Ecclesia Judaica destructa proximum fuisse, et destructionem illius proxime factam pone se habere;

habere: respicitur enim manifeste ad historiam parvi cornu Dan. VIII et XI.

§. LXXXIII. C. Mulier post gravia tormina filium peperit, qui raptus est ad thronum Dei: hic est ex mea opinione Christus, qui Rex Gentium futurus erat, ut ex caracteristico attributo ejus elucet: hunc qua talem Ecclesia primaeva peperit, cum fide et labore suo solida jecit fundamenta Domini Christo dandi in Imperio Romano. Quod post destructum Judaïsmum demum contigit sub finem Seculi I. et in initio *Ildi* post Persecutionem Judaeorum, et Romanam sub Nerone et Domitiano. Raptus ad Thronum Dei indicat, ei Imperium parari a Deo, et, cum adoleverit, actu dandum; quod demum post Persecutionem Diocletianeam factum est.

D. Hoc facto, Mulier fugit in Desertum, et, duabus alis Aquilae instructa, longe lateque quam citissime volavit per Desertum, ubi tutum ac necessariis bonis abundantem accepit locum, ubi per tria tempora et dimidium aleretur: quae summa est v. 6 et 14; ubi Not. v. 14. non novam, sed eandem significari fugam: repetitur enim mentio fugae, post Proelium in coelo memoratum. Fuga v. 6. non proleptice, ut putat Cl. Vitruvius, sed vero suo loco memoratur. Ceterum expingit peregrinatio ea per desertum Ecclesiae commorationem et propagationem inter Gentes: ubi per sesquiseculum satis pacifice degit, antequam a Dracone e coelo deturbato vexari coepit: alae aquilae duae significant citissimam Ecclesiae propagationem per Orientales et Occidentales Orbis partes.

§. LXXXIV. E. Dum Mulier in deserto degebat satis tuto, factum est Proelium Michaëlis cum Dracone in coelo, quo Draco victus et e coelo deturbatus est: Quae Pericopa tota est Symbolica; quae, si ad simplicem veritatem redigatur, nihil aliud dicit, ac, *primo*, Angelos Ecclesiae causam tuitos esse, sed Satanam se Ecclesiae ejusque causae opposuisse: *2do* Satanam jus suum in Imperia Mundi urfisse, et se Regno filii Mulieris opposuisse: *3tio* Satanam cecidisse, et publice damnatum vel Regno privatum esse. Quod factum, cum Eccle-

sua primas partes obtinere coepit in Regno Romanorum, seu cum ubique erectae sunt Ecclesiae, et Deus eo ipso demonstravit, sibi propositum esse, Regnum Christi jamjam in Orbe Romano erigere. Sunt autem tales Descriptiones Symbolicae plures in S. S. ut 1 Reg. XXII. Job. I. Zach. III. Dan. X. et alibi. Sed in specie, quod non erat negligendum, huc pertinet, Satanam calumniis et accusatione Christianorum hac Periodo praecipue pugnasse; sed Christianos ope Christi et Angelorum calumnias refutasse, Christi causam Apologiis et Miraculis defendisse, et tandem superasse Satanam et Gentilismum. Quo Doxologia subjecta nos manifeste ducit. Errant, qui volunt, describi Persecutionem Diocletianeam: nam *1mo* proelium narratur inter Angelos in coelo habitum: *2do* disterte distinguitur a Persecutione Mulieris, quae sequitur. *3tio* Satanas est in proelio hoc calumniator tantum; non tam spectatur ut Persecutor publicus.

F. Satanas, cum videret, rem eo spectare, ut Ecclesia Mundum occupet, et Paganismus destruat; quod per ejus dejectionem in Terram significatur; ipsam Mulierem omnibus aggredi statuit viribus, quo fini directe eam persecutus est, et, quum eam apprehendere non posset, quaquaversum se moventem, ultimum adhibuit conatum, fluvium aquae emitendo ex ore, ut eam hac ratione inundaret: sed incassum; nam Terra succurrit ei, et fluvium absorpsit. Quae vivida nobis descriptio videtur ultimae Persecutionis Diocletianae, quae in liberatione Ecclesiae per ipsos Imperatores Rom. procurata finita est. Quod factum, cum Ecclesia tres annos, seu magna intervalla, i. e. tria secula, fuisset in Deserto; quod verum est, si I Seculum accenseatur: alias computus institui debet, ut in tribus diebus mortis Christi; ita ut *IIIto* Seculo sit liberata Ecclesia, sicuti Christus tertio die resurrexit.

§. LXXXV. Haec Hypothesis Cap. XII Apocal. explicandi docet: *Imo*, Ecclesiam fuisse in partu usque ad finem Sec. I. *2do* Inde incepisse Periodum praeparationis Ecclesiae ad Haereditatem Gentium, seu foundationis et propagationis Regiminis Christi

Christi inter Gentes; quo tempore Christus, qua Rex Gentium, quasi delituit, Ecclesia in Deserto fuit, Satanus causam suam defendit, maxime per calumnias. 3^{to} Incepit inde Bellum publicum cum ipsa Ecclesia in terra per Persecutiones inde a Decio. Quando 4^{to} Ecclesiae coepit liberatio et Regni Christi publica erectio; seu Christi, adhuc quasi latitantis, publica inauguratio ut Regis Gentium. Quae quam apte conveniant in Characteres Periodorum, facile conspicitur. Plura non addo, cum lineas in hac Tractatione duxisse suffecerit.

§. LXXXVI. Transeundum nunc foret ad II^{dam} Tubicinium: sed quum id directius pertineat, ex nostra hypothese, ad seq. Periodum, nec nisi casus praenuncius in nostram cadat, explicationem eo usque differam.

Confero ergo me ad Prophetias V. T. inquitur, sitne aliquid in illis, quod ad nostram Periodum trahi queat. Non est mihi propositum, omnia quae e Psalmis, Cantico Canticorum, aliisque Prophetis proferri solent, ad examen revocare; cum omnia aequae facile rejiciantur, quam ponantur; sed quae cum specie proferuntur a Viris nonnullis doctis, hypothese non inservientibus, sub examen mittam. Ubi praecipuum meretur locum, quod Jes. XLIX: 14. et praecipue v. 24---26. occurrit: cum magnus ille Jesajae interpres ultimam Pericopam directe referat ad Persecutionem Diocletiani, et Ecclesiae liberationem ex illa, idque non sine magna probabilitate, cum series Cap. eo ducere videatur, quod ipse egregie executus est. Sed, cum a Viro Magno dissentire liceat, obstat huic Hypothese:

A. Quod mutua oppressorum Ecclesiae devotio minus quadret apte in illos Persecutores, et longe rectius in Successores Antiochi Epiphani, quo ex mea sententia respicitur: licet unus aut alter Persecutorum ita perierit, reliqui tamen ab ipsis Ecclesiae liberatoribus debellati sunt, non a se invicem, ut a Constantino et Licinio, causam Christianorum agentibus; Constantinus oppressit Maximinum Herculeum et Maxentium; Licinius, cum Christianorum esset fautor,

Maximinum; postea, quum et ipse inciperet persequi illos, oppressus est a Constantino M. Solus Severus est ab Herculeo et Maxentio morti traditus. Galerius Maximianus divina plaga periit. De Diocletiano nil constat. Sed verte te ad Antiochi Epiphanis successores: nil notius est, quam eos sibi invicem intulisse necem; ut character Successorum ejus fuerit in mutuis bellis et oppressionibus, quibus totum id Regnum pessumdatum est.

B. Tſion, quae Prophetiae subjectum est, referri nequit ad Ecclesiam Christi ejus temporis:

N. Quod v. 17. destructores et vastatores ejus dicitur fore proprios ejus Cives, vel inter eos praecipuum locum habituros esse, quod *exire ex te* indicat, ipso Cl. Vitruvii demonstrante; id autem in impios Judaeos tempore Antiochi apte quadrat, estque Character illius temporis distinguens: Sed in Ecclesiam Christianam non nisi debili valde et remotiore sensu deberet de Haereticis explicari; sed illi tituli hujus vim plane praestare nequeunt.

§. LXXXVII. 2. Quia Tſion hic intelligitur, cujus mater acceperit libellum repudii, ut est Cap. L: 1, 2. quod ad Judaeos tempore excidii Romani applicat Vitringa: sed verius convenit in Afflictionem Epiphanicam. Judaei increduli tempore Christi qua ratione Mater Ecclesiae Christi dici queant, maxime cum tota e Gentilibus constiterit, quae Persecutionem Diocletianeam passa est, vix intelligitur: certe hic non est Prophetarum stylus. Si Tſionem interpreteris de Ecclesia Christi primi temporis e Judaeis constante, ut instituit Cl. Vitruvius ad v. 14. C. XLIX. respiciens; observo

a. Nexum cum praecedentibus ob stare.

b. Ne sic quidem mentio repudii Judaeorum carnalium aptum reperiet locum, cum Ecclesia Christiana, et ex ipsis Judaeis constans, excidium illud per Romanos non potuit respicere, ut hic dicitur, tanquam signum imminuti affectus Dei erga se: Judaei erant impii et adversarii Ecclesiae Christi.

c. Nec

c. Nec illud facile est explicatu, quod Tſion, quae hic dicitur conſolationis eſſe obiectum, confundatur cum Matre, et partem habere dicatur in cauſa repudii; dicitur enim, *vendidi vos*.

d. Addo, Deum hic negare, ſe repudiaſſe Eccleſiam Judaicam, non Dei, ſed propria culpa in manus hoſtium traditam; tum quod peccatores eam prodiderint; tum quod reliqui animis ſuccumberent; nec eſſe magni momenti Heroes, qui Eccleſiam defendere velint; quo pertinet v. 2. in initio: ut liquet ex coll. Cap. LIX: 16. LXIII: 3. et LI: 18. Id quod conſpectui Excidii Romani non convenit.

e. De illo Afflictionis tempore hic agitur, quo Deus potentiffimo brachio ſuperveniret et populum eriperet; ut eſt v. 2 et 3. cujus Pericopae ſcopus eſt, populum de Deo conquerentem convincere diffidentiae ex eo, quod vires Deo abunde ſuppetant Eccleſiam vindicandi, quod demonſtraret reapeſe; et factum eſt tempore Maccabaico.

§. LXXXVIII. Ex mea ergo hypotheſi agitur Cap. XLIX: 24. Cap. L: 3. de Afflictione Epiphanica et miraculoſa Liberatione Maccabaica; totaque Concio ita cohaeret: cum de Liberatione ex Exilio Babyl. egiſſet Propheta Cap. XLVIII. pergit mox, pro more Prophetis ſolenni, ad tempora Maccabaica, et de Eccleſia, maximisque Bonis, in ſpecie Gentium confluxu, in eam conferendis, magnifice vaticinatur, ac ſi Eccleſia poſt id Exilium in floreſcente mox eſſet conditione, Cap. XLIX. cui vehementer obſtaret Calamitas Epiphanica, et Eccleſia ejus temporis acerbis effunderet querelas; contra quas cum Propheta eam in genere eſſet conſolatus v. 14---17. mox regreditur ad praerogativas Eccleſiae in medium proferendas; ſed quum conſolatio non ſatis accurate eſſet facta, eam repetit, et plenius deducit v. 24. --- Cap. L: 3. Quando redit ad Meſſiae deſcriptionem: ſed quae latius exequi non poſſum.

§. LXXXIX. Pergo ad Pericopam Jeſ. LI: 9---16. quam ad Eccleſiae per Romanos Perſecutiones quoque refert Cl. Vitranga. Sed Propheta cum ſuperiorem prophetiam Cap.

XLIX usque ad v. 3. Cap. L. absolvisset; mox addit similem aliam, quae eodem tenore decurrit, ad superioris confirmationem: postquam enim de Messia, de felicitate et multiplicatione Ecclesiae sub illo, vaticinatus esset a v. 4. Cap. L. usque ad Cap. LI: 5. simul Vet. Oeconomiae abolitionem subjunxisset, inde ad v. 8. sermonem vertit ad Tisionem, post Exilium Babyl. in novas easque gravissimas afflictiones delapsuram, consolandam et erigendam luculento promisso singularis liberationis, a v. 9. usque ad fin. ejus Cap. quando Cap. LII. ad ulteriora promissa in Ecclesiam Tisioneam conferenda sub Messia pergit, plane ut superiore concione. Pericopa ergo Cap. LI: 9---16. refero ad Ecclesiam Maccabaicam, non ad Christianam sub tyrannide Romanorum gementem:

A. Quod Liberatio fieret exerto et valido brachio, quo hostes miraculose prosternerentur, fere ut in Redemptione Aegyptiaca; quale quid tempore Constantini M. non contigit: debellavit quidem hostes, sed non miraculose; nec eo scopo, ut Christianis afflictis succurrat: tempore vero Maccabaico id verum est summa emphasi.

B. Populus, de quo hic Sermo est, dicatur oblitus Dei factoris sui, et toto die intremuisse, seque foveis et cavernis occulasse, v. 13, 14. qui non est Character Ecclesiae Christianae tempore Persecutionum earum a Romanis fuscitatarum, ut liquet ex III Epist. Apocal. licet non defuerint, quos metus transversos egit: de quo supra.

C. Pericopa a v. 17. ejus Cap. ad Ecclesiam Maccabaicam ex ipsius Cl. Vit. hypothese solide demonstrata pertinet. Verum quidem est, eum hic novam incipere Concionem cum superiore non cohaerentem; sed sine fundamento solido; et nexus nimis est manifestus cum superioribus.

§. XC. Praeter has Prophetias nullae aliae occurrerunt mihi, quae cum specie ad Ecclesiam a Gentibus hac Periodo afflictam applicari possunt. Parum ergo abest, quin asserere aulam, Ecclesiae Persecutiones sub N. T. a Gentilibus efficiendas

endas nullas notas fuisse Prophetis V. T. Quod hae rationes ulterius docent:

A. Quod illi de Ecclesia Christiana loquantur, ut pace et tranquillitate gavifura sine ullo bello: Vid. Jef. II. IX: 6. XI: 6 seqq. XXXV: 9. LIV: 14 seqq. LV: 12, 13. et alibi. Sic Mich. IV: 1. Zach. IX: 10.

B. Quod ad Ecclesiam N. T. Gentes confluxurae dicantur sponte sua, et Reges ei inservituri, nulla mentione oppugnationis ab illis profecturae facta: Sic. Jef. XLIX. LX. et alibi.

C. Quod Hostes Ecclesiae, absque ut Ecclesiae noceant, dicantur a Deo puniendi, Ps. II. CX &c. Ecclesia quoque sub Dei umbra et tutela dicitur futura tuta ab aestu et frigore Jef. IV: 5, 6.

D. Quod Ecclesia solet a Prophetis describi in summa prosperitate et splendore, Jef. XLIX. LIV. LX. Ps. LXXII. et alibi. Ex his omnibus quid aliud colligas, quam Ecclesiam Christianam a Prophetis depingi ejus status respectu, quem non nisi post multam luctam assequeretur: fata autem intermedia Prophetis V. T. non fuisse revelata, ut ex Dan. II. et VII. pluribus firmari potest: de quo egi in ult. Diss. ad Vis. Dan. Emblem.

§. XCI. Restat ad hanc Commentationem, inquiram adhuc, num in Euangelis aut Epistolis Apostolorum aliquid occurrat de publicis Persecutionibus Romanorum? et aliquem conspectum de Harmoniae Fatorum Ecclesiae V. et N. T. Offerunt quidem se generales praedictiones de continuis vexationibus eorum, qui pie vivere, et Christum sequi voluerint; ut de Cruce sua tollenda, et se abnegando, de anima sua prae Christo non diligenda, aliaque Christi monita: etiam de Apostolis eorumque discipulis a Judaeis ac Gentibus persequendis nonnulla occurrunt loca, praecipue Matth. X et XXIV. Sed speciale aliquod et disertum Vaticinium de Persecutionibus Ecclesiae a Gentibus, quales nostra habet Periodus, nullum mihi succurrit,

§. XCII. De Harmonia autem Fatorum V. et N. T. verbo absolvam; cum nec lubeat, nec necesse sit, hic morari. Perduxi eam ad ultimum tempus morae Israelitarum in Deferto, cui respondet ultimum tempus Ecclesiae inter Gentes in Imperio Romano. Inter casus, qui Israeli tum obtigerunt, animadversionem meretur.

A. Abstractio illius ad scortationem cum Mulieribus Midianiticis et Moabiticis, et per eas ad Idololatriae communionem, Bileamo hoc offendiculum illis objiciente. Huic casui respondet id quod III Epist. Apocalypt. de doctrina Nicolaitarum inter Christianos hujus Periodi invalescente habet: de quo supra dictum est.

B. Infestatio a Populis vicinis, praecipue Amorrhaeis, qui Israelem, sed cum excidio proprio, oppugnarunt. Quod ad eas potest referri Persecutiones, quae ultimam Diocletianeam praecesserunt, quarum eventus fuit, ut Ecclesia fuerit ante ultimam Persecutionem hac parte in statu florente, Persecutoribus de medio Sublatis, et Ecclesia valde propagata, secundum Euseb. Hist. L. VIII.

C. Transitus per Jordanem, qui populum in Cananaeam induxit, non longe quaesitum est Emblema ultimae Persecutionis Diocletianae, qua superatâ, in Romani Orbis possessionem immissa est Ecclesia: cui etiam non male respondet flumen a Dracone ex ore emissum Apoc. XII. Plura non addo, cum ex supra dictis de transitu per Mare Rubrum lineae comparationis facile ducantur.



PERIODUS TERTIA,

a Constantino M. ad finem fere Sec. XI.

§. XCIII.



Uod ad Tractationem Histori-
cam adinet primo, Charac-
ter Periodi est cognoscendus.
Ad Historiam Ecclesiae per om-
nia haec Secula animum adver-
tenti, et varios casus revolventi,
nihil magis, nihil prius, nihil illustrius, se offert praeter con-
tinuas lites seu Doctrinae, seu Cultus, seu Regiminis causa,
per totam Ecclesiam habitas, indeque ortas multiplices defini-
tiones publicas in Synodis, donec quaestiones sint sopitae, et
Ecclesiae in varias scissae partes, quae totidem diversas consti-
tuunt Societates. Percurramus omnia ista secula, et nullo ne-
gotio videbimus, Historiam Ecclesiae in ea re praecipue ver-
sari.

Seculo IV excitatae sunt acerrimae lites cum
Arianis, Semi-Arianis et Photinianis, de vera Christi Divinitate;
cum Apollinaristis de modo Unionis duarum naturarum in Chris-
to; cum Priscillianistis Manichaeismi renovati accusatis; Mes-
salianitis, antiquis illis Pietistis, seu Mysticis; denique cum Dona-
tistis de verae Ecclesiae notis: de Jurisdictionis limitibus inter
Patriarchas, Metropolitans et Episcopos: ne alias speciales lites
memorem. Sed quot non Synodi? quot Fidei formulae?
quot definitiones hinc non sunt ortae? Dein

Seculo V praeterquam quod eadem lites con-
tinuarunt, nonnullae non minore vehementia resuscitatae sunt,
ut cum Vandalis, Gothis Arianis, et Donatistis; novae quoque
ortae sunt adhuc graviores, et cum effectis magis noxiis, ut cum

Nestorianis et Eutychianis de modo Unionis naturarum in Christo; Pelagianis, et Semipelagianis de Gratia sanctificante et Capitibus annexis; denique inter Orientales et Occidentales causa Henotici Zenonis: unde Schisma natum duravit 35 annos.

§. XCIV. Seculo VI sicut lites cum Nestorianis et Eutychianis continuarunt; ita novae sunt ortae, de III Capitulis, cum Aphotocetis, Agnoëtis, Jacobitis; denique de una ex Trinitate passa; et quae sunt similes.

Seculo VII acerbissimae contentiones ortae cum Monothelitis, tanquam Eutychianis, et perseverarunt cum Nestorianis et Monophysitis.

Seculum VIII famosum maxime per lites de Cultu Imaginum; et cum Adoptianis, qui Nestorianismum cenfebantur renovare; ne alios memorem.

Seculo IX eadem contentiones continuarunt; coeperunt quoque novae de Sp. S. processione ex Patre solo, an Patre filioque, inter Graecos et Latinos; de Praedestinatione cum Godschalco; de Transubstantiatione a Paschasio Ratberto suscitatae; de limitibus Jurisdictionis, ut inter Papam et Patriarchas Constantinopolitanos, et inter Papas ac Reges vel Imperatores.

Seculum X ob corruptionem et desidiam nihil suppeditat peculiare. Sed

Seculo XI renovatae lites de processione Sp. S. et cum Manichaeis, saltem ut habebantur; ac cum Berengarianis de Transubstantiatione.

Post hoc tempus cessarunt lites, et, omnibus Capitibus definitis, jam in eo esse coeperunt, ut definitiones illas violenta manu defenderent contra qualescunque: quando Tyrannis in folio collocata est, et nova inceptit Periodus.

§. XCV. In hoc jam casu, cujus generales duxi lineas, accuratiorem dedi notitiam in Hist. Eccles. per omnia Secula, Characterem dominantem per omnia ista Secula fuisse situm, facile demonstratur: (1) Quod Casus fuit continuus toto hoc tempore

tempore conspicuus; licet Sec. X et XI minore gradu, Periodo quippe ad finem vergente. (2) Quod Casus fuit maxime illustris, in omnium mox oculos incurrens, qui maximos dedit motus. (3) Quia casus fuit universalis per totam Ecclesiam, licet nunc per hanc, nunc per illam Ecclesiae partem magis conspicuus. (4) casus est, qui eo maiorem meretur attentionem, quod Ecclesiam in varias partes, varias Societates, quae dein substituerunt, diviserit: ortae hinc sunt Ecclesiae Ariatorum, Nestorianorum, Eutychianorum, Orientalium, Occidentalium, et quae sunt aliae. (5) Accedit, quod hic casus stabilem in Ecclesia confessionem Veritatis, formulis in Synodis Universalibus cunctis adstrictam, pepererit; ut Nicena, Constantinopolitana I, Ephesina, Chalcedonensis, Constantinopolitana II, III contra Monothelitas, Nicena II. pro Cultu Imaginum. (6) Si cum aliis comparetur hic casus, supra omnes alios longe eminere deprehenderetur per omnia illa Secula: quod nunc in clariore luce collocandum est.

§. XCVI. Pergo ergo ad alios casus illustres huius Periodi: praeter hunc enim casum characteristicum alii quoque in hanc Periodum incidunt notabiles, maxime respectu Partium accidentalium Ecclesiae. Licet enim Cultus Ecclesiae publicus varia superstitione hac Periodo sit commaculatus, cuius tamen non tam hic, quam in Morali Ecclesiae conditione ratio habenda est; de quo mox agam: Regimen vero Ecclesiae, quod quoque partem essentialiorem constituit, non tam eo nomine locum inter casus huius Periodi notabiles meretur, quod Metropolitani et Patriarchae hoc praecipue tempore vel orti sint, vel invaluerint, quam quod maiorem sibi vindicaverint auctoritatem, in Fidei Capitibus definiendis, Ritibus praescribendis, et Disciplina exercenda, quam Libertati Christianae et indoli Religionis Evangelicae convenit: in specie, quod Papae dominium aliquod universale, cuius fundamenta hac Periodo sunt iacta, in totam Ecclesiam sibi arrogaverint: quae in Hist. Eccl. narrare soleo, hic non repetenda. Multa vero obstant, quo minus hoc in casu constituatur Periodi Character.

A. Episcopatus semper in Ecclesia fuit, et similem aliquam potestatem sibi arrogarunt Episcopi; hoc tantum tempore major coepit introduci Episcoporum subordinatio per Metropolitanos et Patriarchas, et potestate magis abusi sunt. Sed post haec tempora haec autoritas semper viguit et magis eluxit. Si vero Episcopatus Ecclesiam nequeat characterizare, ergo nec ejus subordinatio, nisi in manifestam vertat Tyrannidem, ut post hanc Periodum.

B. Autoritas Episcopalis se toto hoc tempore praecipue exeruit in Canonibus de Fide et Ritibus Ecclesiae condendis, et litibus circa ea vel finiendis vel fovendis, et Ecclesia in partes varias dilaceranda; adeoque non in Regimine ejusque abusu, sed in Litibus, circa quas Regimen fuit versatum, ponendus est Periodi Character.

C. Papae hoc tempore non exercuerunt supremum, multo minus Tyrannicum, dominatum; sed eum tantum consequi conati sunt, et omni ope annisi: quod ipsis non nisi a Sec. XI. successit; adeoque Tyrannis non abhinc, sed ab illo tempore coepit Ecclesiae characterem constituere. Verum quidem est, Protestantes passim initia Antichristianismi repetere a Sec. VII. cum in Bonifacium VI titulus Universalis Episcopi esset collatus a Phoca imperatore. Sed erronee, ut demonstravi in Vita Bonifacii: nec hic titulus quem Antichristianum facit, nec soli Romani gesserunt: de quo in oratione subnexa plura dixi.

§. CXVII. Pergo ad Partes accidentales Ecclesiae: nihil magis memorabile hic occurrit, quam incrementum et decrementum Ecclesiae: licet Persecutiones aliquae Sec. IV et V adhuc obtinuerint, ut Romana sub Licinio et Juliano Sec. IV. Gothica et Vandalica Sec. V. et Persica; illae tamen hic in censum non veniunt, tum quod vel parvi momenti fuerint et breves, vel in aliqua tantum parte grassatae, ut Vandalica in Africa, Persica in Persia: tum quod nec per totum hoc tempus continuarunt, nec prae omnibus aliis casibus eminerunt. Sed incrementum et decrementum Ecclesiae non ultimum locum

cum habet inter illustres Casus hujus Periodi. Ad incrementum pertinet (1), quod Christiana Religio facta sit in Imperio Romano a temporibus Constantini M. dominans, eaque ratione creverit, ut post Sec. unum Sola fere obtinuerit. (2) Eodem Seculo fundamenta sunt jacta Christianismi inter Hæbæssynos, Iberos, Armenios et Gothos: Sec. V. inter Scotos, Burgundiones et Francos: Sec. VI. inter Anglo-Saxones: Sec. VII et VIII per totam fere Germaniam, ut inter Frisios, Francos, Bojoarios, Saxones &c. Sec. IX inter Danos et Suecos, et Gentes Schlavonicas, Bohemos et Bulgaros: Sec. X inter Normannos, Polonos, Moschos et Hungaros. Haec licet demonstrent, Propagationem Ecclesiae præcipuis casibus Periodi annumerandam esse; duae tamen rationes impediunt, quo minus, characteristicum casum in ea situm esse, statuatur:

A. Quod politica magis fuit earum Gentium conversio quam Evangelica, sive conjugiiis, sive metu, aliisque politicis rationibus effecta: imo violenta sæpe magis quam libera, Regum magis voluntate, quam persuasionibus Populi: ut singulorum Conversionum Historia facile evincit. Praeterea Superstitio aequè ac Religio Christiana ad illas Gentes transiit. Fuerunt ergo hae conversiones ab illis primorum Seculorum longe diversae.

B. Quod si cum hoc Ecclesiae incremento comparetur ejus decrementum hac Periodo, per Barbarorum invasiones in Romanum Imperium Christianum, per Saracenos, Africam, Ægyptum, Syriam, aliasque Asiae partes occupantes, et Christianissimum ibi fere extinguentes; incrementum non tantum minus notabile redditur, sed ne magni quidem momenti videbitur. E quibus satis elucescit, in hoc casu Characterem Periodi collocari non posse. Ne dicam, casum nostrum esse longe illustriorem.

§. XCVIII. Nunc de Characterè Ecclesiae *internae*, seu Status Ecclesiae Moralis, respectu Cultus et Morum, dicendum erit. Character Ecclesiae hujus Periodi respectu Religionis et Virtutis aliquam subiit mutationem. Unde duplex oritur Cha-

raſter: Alter eſt verum et ardens Religionis ſtudio, ſed vergens ad Superſtitionem et Corruptionem; Alter eſt externae Religionis et devotionis ſolum Species, quae totalem corruptionem involvit. *Prior* duravit ad Sec. IX. quando poſterior coepit eſſe conſpicuus. In *priore* Statu Eccleſiae verum Pietatis Studium dominabatur ſupra ſuperſtitionem et luxum; ſed ferebat tamen; donec tota Eccleſiae facies intus fuerit corrupta; quando Superſtitio et Corruptio dominari coeperunt ſub larva devotionis externae, paucis plis ſuperſtitibus: quod non eſt factum niſi poſt aliquem conatum S. c. VIII. Eccl. ſiam in melius mutandi et reformandi. Illuſtremus haec paucis ex Hiſt. Eccl. Sec. IV et V. vigit in Eccleſia ardens Religionis ſtudio ac Pietatis: fuere multi, qui in ea promovenda, defendenda et exercenda, magnam poſuerunt operam, una cum tolerantia et conſtantia. Exempla ſunt, partim in illuſtribus Doctōribus, Athanaſio, Eufebio, Baſilio M., duobus Gregoriis, Nazianz. et Nyſſeno, Epiphania, Chryſoſtomo, Macarii duobus, Hilario, Ambroſio, Hieronymo, Auguſtino, Theodoreto, Cyrillo, aliisque magno numero; partim in Monachis, qui bona in uſum pauperum erogarunt, aut ſe Severiori pietati ſincere dederunt. -Oſtenderunt hoc fervens Religionis ſtudio, *imo* in Doctrina illuſtranda, Erroribus refutandis, et Haereticis expellendis; *2do* in externis Religionis officiis dextre obeundis; *3tio* in quibuſvis Malis fidei cauſa ſubeundis; *4to* in duriori abſtinentia et abnegatione exercenda; ut Aſcetae et Monachi fecerunt. Dein Sec. VI et VII licet hujus quoque ſtudii dederint indicia, fuerunt tamen hac parte remiſſiores; donec Sec. VIII et IX novum aliquem vigorem cenſeantur reſumiſſe, ſive in ſtudiis collapſis reſtituendis, ut fecerunt Beda, Alcuinus, alique multi in Occidente, Carolo M. rem promovente; et in Oriente Johannes Damascenus Sec. VIII. Bardes ſub Michaële, et Photius Sec. IX., in Anglia Alfreduſ Rex. Sive Euangelio per Anglo Saxones, Germanos ac Populos Septentrionales, propagando incubuerint; ſive in ſuperſtitioſo imaginum Cultu eliminando in Oriente et Occidente toti fuerint: ſive

sive tandem Ecclesiae reformandae sub Carolo operam dederint. Quae omnia suppono nota ex Hist. Eccl. Sed licet hoc studium Religionis viguerit in Ecclesia, illud tamen a puritate et simplicitate Christiana multum afuit, et fundamenta sunt iacta multiplicis superstitionis, et corruptionis Vitae ac Morum: (1) Cultus Sanctorum, Reliquiarum, Crucis ac Imaginum sensim magis crevit; nota quoque Haereseos iis est iniusta, qui Ecclesiam ab ea superstitione purgare voluerunt, ut in Joviniano S. c. IV. et Vigilantio S. c. V. (2) Ambitio, odium, luxus et libidines, per lites, opum abundantiam, externum splendorem, aliaque media acquisiverant vires. (3) Doctrinae quaedam ad dominium supremum in Ecclesia, et corruptionem morum, tendentes introductae sunt: ad quas refero, imo Throni Papalis foundationem super verbis Christi *tu es petra*, quod primus fecit Leo M. Sec. V. ejusque elevationem per possessiones terrenas, aliaque privilegia concessa a Pipino et Carolo M. quae prima fuerunt fundamenta supremi principatus Sedis Romanae. 2do Conjugiorum Clericis ineundorum interdictiones: quae cum tempore multiplicem libidinem inter eos pepererunt. Cujus initia sunt repetenda a Siricio Papa Sec. IV. 3tio Purgatorii opinionem inventam a Gregorio M. Sec. VI. Unde multiplex securitas carnalis nata est, et variorum vitiorum lerna. 4to Rituum Ecclesiae externorum nimiam virtutem ad salutem creditam, quae verae pietati et virtuti incidit nervos. Experta dein est Ecclesia Sec. IX tristissima harum doctrinarum effecta, quum tota corrupta fuerit, et praeter externam devotionis speciem parum sani et solidae pietatis fuerit in Ecclesia superstes. Cultus Religiosus erat totus fere supersticiosus, in Reliquiarum, Sanctorum et Imaginum cultu situs: ignorantia et tenebrae Ecclesiam obscurarunt; vitia luxur et libidinis, initio facto ab Aula Pontificia, grassata sunt per Ecclesiam; Papae praecipue fuerunt scelestissimi, duabus Scortis, Theodora et Marozia, pro libitu dominantibus; ita ut, si a Coenobiis discedas, vix aliquid bonae frugis alicubi inveniretur, Pii latitabant et gemebant, donec Sec. XII publice insurrexerunt.

furrexerint in Ecclesiam corruptam. Quae omnia nota sunt ex Hist. Eccl., adeoque hic tetigisse sufficit. Regnare incepit ergo hoc tempore homo peccati 2 Thess. II. et Ecclesiae facies tota corrupta: quare Periodum novam characterizare recte statuitur.

§. XCIX. Superest, ut de casibus Politicis illustrioribus, in haec Secula incidentibus, agam. Inter illos, qui ad Civitatem et Societatem Politicam Imperii Rom. pertinent, nullus est, qui tota hac Periodo magis in oculos incurrit, quam invasiones Gentium Barbararum, et vastationes per eas ubique terrarum factae. Unde orta est Orbis distractio in varia Regna: quae aliquamdiu durarunt, alia longius, alia brevius. Dabo hujus rei generalem aliquam noticiam, et Barbaros illos ordine recensabo. Fuere

I. Vandali et Alani, qui Regnum fundarunt in Hispania et praecipue Africa; occuparunt Africam ao. 429. et per amplius 100 annos tenuerunt, donec Belisarius sub Justiniano, iis subactis, Africam recepit. In Gallia et Hispania jam ab initio Sec. V. aliquod tenuerunt dominium.

II. Suevi, qui Regnum aliquod in Hispania obtinuerunt, primo cum Vandalis; dein, his in Africam transfretatis, soli in Gallaecia et Lusitania, quod duravit ab ao. 409. ad a. 585. per ann. 177. quando destructum est a Leovigildo Rege Visigothorum, ejusque Regno accessit.

III. Visigothi, qui duce Alarico, ab ao. 395. per Macedoniam et Thessaliam progressi venerunt in Italiam ao. 400. ubi ingentes fecerunt vastationes; ipsam Roman ceperunt, et varie vastarunt ao. 409. Sub Athaulfo venerunt in Galliam, et Regnum fundarunt in Aquitania, Tholosae sede fixa, ab ao. 412. Postea Hispaniam invasit Theodoricus, et partem Gallaeciae eripuit Suevis ao. 456. Sed sub Alarico ingenti clade affecti sunt a Clodoveo Francorum Rege, et Aquitania ac Gallia pulsi ao. 506. Quando tandem sub Leovigildo, Suevorum Regno in Hispania destructo, subjecerunt Hispaniam ao. 585. donec sub Roderico Rege illud Regnum ibi destructum

structum est a Saracenis aō. 711. ita tamen ut species Regni manserit in ulteriore Hispania, scil. Legione, Asturia, et Castella; ubi Pelagius Regnum condidit aō. 712. Ex cujus rudibus solidum aliquod Regnum fundatum est, et longe dilatatum sub 3tio Rege post Pelagium, Aldefonso M., Saracenis ex tota Gallaecia expulsis aō. 753. Quo Seculo quoque conditum est Regnum Navarrae, ex Principatu, quem Garcias considerat aō. 734. in Regnum mutato sub Inigo ejus filio aō. 758.

§. C. IV. Alani, Gothica Gens, Ducibus Respendiale et Goare fratribus, cum ad Rhenum pervenissent, partim se Vandalis junxere sub Respendiale, partim Romanis sub Goare. Hi sedes prope Rhenum acceperunt ab Honorio aō. 412. et rura Valentia dein sub Sambida, qui Goari succcessit, ab Aëtio aō. 440. Sub Sangibano, Sambidae succcessore, invasit eos Attila; sed qui in Campis Catalaunicis aō. 451. ab Aëtio atque Theodorico fusus est. Sangibanus autem Aurelianensem Civitatem quoque tenuit nomine Romanorum. Tandem Alanorum principatus, inter Rhodanum et Ligerin situs, finem accepit aō. 464. cum Rex eorum esset Beongor. Duravit ergo ab aō. 412. ad a. 464. per ann. 52.

V. Burgundiones, Gens Vandalica, qui aō. 407. cum reliquis Barbaris excitati irruerunt sub Gundicaro in Galliam, et sedes acceperunt prope Rhenum in Gallia Belgica aō. 412. Dein ingentibus cladibus affecti sunt, imo ab Aëtio, dein ab Hunnis, circa a. 435. Quinque annos post accepta Sabaudia furrexerunt de novo, et Regnum dilatarunt, donec victi sint a Clotario et Childeberto Regibus Francorum aō. 526. cum Regnum eorum est destructum.

§. CI. VI. Franci, ex aliquot Germaniae populis, inter quos eminebant Salii et Ripuarii, constantes; qui Romanum jugum excutientes Regionem cis et trans Rhenum tenuerunt sub Pharamundo primo Rege, qui in Annalibus memoratur, ab aō. 418. Pomoeria extenderunt sub Clodio 2do Rege, ut Childeberto 4to Rege; maxime autem sub Clodoveo, sede Regni

Parisiis stabilita: quod ipsum Regnum Francorum est per omnia Secula huc usque satis celebre.

VII. Transeo ad Britannos; cum illi in initio Seculi V. a Romanis descivissent, et aliquamdiu sub Regibus propriis fuissent, quorum primi fuerunt tres Tyranni, Marcus, Gratianus et Constantinus, sub Vortigerno a Pictis et Scotis infestati auxilium petierunt ab Anglis, qui incolebant Ducatum Slesvicensem, et a Saxonibus, qui regiones vicinas Oceano prope Albim inhabitabant, qui Anglo-Saxones ao. 449. venerunt in Britanniam Ducibus Hengisto et Horso, et ipsam Britanniam ab ao. 453. aggressi sunt sibi subicere; quando varia ibi condita Regna, et bellum inter duas illas Gentes duravit ad a. usque 688.

§. CII. VIII. Italiam Romanis eripuit Odoacer Herulorum Rex, cum ultimus Romanorum Rex esset Augustulus, ab ao. 476. Tenuit ille ad a. 493. per ann. 17. cum victus, et Regno Italiae exutus est a Theodorico Ostrogothorum Rege; et sic hoc Regnum Ostrogothorum fundatum est in Italia, quod stetit fere ann. 60. cum a Justiniani Ducibus, *immum* Belisario, dein Narsete, sunt victi bello 18 annorum, quod incepit sub Theodado 3tio Rege, continuatum sub Vitige et Totila, finitum sub Theja, ao. 552. quo in bello Roma saepe capta est, et multum fame et peste passa. Sed brevi venit Italia in potestatem Langobardorum, qui sunt Gothi e Scandinavia, tum residentes in Pannonia: hi sub rege Alboino evocati a Narsete ao. 568. Italiam sibi coeperunt subicere, Romanis solo Exarchatu Ravennateni relicto: tenuere per ann. 206. quando sub ultimo Rege Desiderio victi et subjugati sunt a Carolo M. ao. 774.

IX. Hunni ex Pannonia, qui quo tempore Gothi sub Alarico invaserunt Graeciam, Orientem vastarunt ao. 395. Dein Gallias saepe affligerunt ab ao. 383. usque ad a. 451. maxime sub Attila, qui se flagellum Dei dixit, et vastationes multivarias per Thraciam, Galliam, Graeciam et Italiam, Roma quoque capta, circumtulerunt; mortuus est ao. 453. cum brevi

brevi concidit Hunnorum Regnum, Gepidis et Gothis eorum terras occupantibus: donec ao. 526. quo tempore Langobardi invadebant Pannoniam, Avars, Hunnorum pars, qui Longobardis auxilio fuerant, acceperunt fedes in Pannonia, in praemium auxilii: ubi brevi facti sunt potentissimi sub Regibus, quos Chaganos vocabant, qui Romanos sub Mauritio, Phoca et Heraclio, multum afflixerunt. Unde tandem natum Regnum Hungarorum, qui nomen censentur accepisse ab *Avaribus* aliisque Hunnis, q. d. Hun-Avari, unde Hungari.

§. CIII. X. Saraceni, cum a Sec. VI. in initio varias fecissent irruptiones in totum Orientem, ita ut Procopius dicat, Romanos nunquam molestiorem hostem habuisse, tandem Sec. VII. exorto Muhammede, et in Muhammedanos conversi, longe lateque imperium extenderunt; ita ut Sec. VII. jam Syriam, Ægyptum, Africam, Cretam, partem Siciliae et totum Regnum Persicum subjecerint; Constantinopoli quoque aliquamdiu obsessa: dein Sec. VIII. Hispaniam fere totam occuparunt, in ipsam Galliam penetrarunt; sed profligati sunt ab Eudone, Carolo Martello, et Carolo M. Tandem in Thraciam et alias Regiones Orientis fecerunt irruptiones, et intulerunt vastationes. Sec. IX. praeter varia bella in Gallia, Hispania, et cum Orientalibus, penetrarunt in ipsam Italiam, et per Insulas Graeciae vagati sunt.

XI. Seculo IX dein alii adhuc orti sunt Populi, qui per Angliam, Galliam, aliasque Regiones ingentes dederunt strages, qui nomine Normannorum noti sunt, et ab utraque Codani, seu Baltici sinus, ora surrexerunt jam Sec. VII. et per totum fere Seculum IX. Angliam, Galliam et Italiam varie vastarunt: donec ao. 912. Rollo eorum Dux baptizatus est, et Normannia ipsis concessa; quando progressu temporis rapinas et vastationes omiserunt.

Eodem vero Sec. X. Hungari varias susceperunt Expeditiones, in Italiam, Bojoariam, Alemanniam, Thraciam Orientalem, et Regnum Orientale, inmensas inducentes vastationes; donec ao. 958. ferociam deponere et Religionem Christianam assumere coeperint.

XII. Denique Sec. XI. Turcae vel Turcomanni, ortu Schytae vel Sarmatae, Caucasum transgressi, irruerunt in Syriam, Persiam, Arabiam et Phoeniciam; Saracenis victis terras eorum subjecerunt: dein universam fere Asiam inferiorem occuparunt, sede fixa Iconii et Niceae.

§. CIV. Praeter has invasiones plura alia tremenda Dei Judicia fuerunt conspicua hac Periodo: de terribilibus omne genus judiciis plane singularibus sub Arcadio et Honorio per totum orbem vid. Philostorgius H. E. l. XI c. 7. ut Famis, Pestis, et terribilium Terrae motuum Constantinopoli sub Theodosio II. ao. 447. Sic et ingens terrae motus fuit Antiochiae et alibi, ao. 457. sub Leone I. et Constantinopoli, iterum sub Zenone, ao. 477. Seculo VI. Antiochiae sub Justino Thrace: quando et alia orbis fata fuerunt misera. Vid. Evagr. L. IV. C. 8. Sub Justiniano ao. 528. ut id. habet Cap. 35. Pestis quoque eodem Sec. VI. grassata est terribiliter per Orbem Romanum; quae per ann. LII. duravit: ut id. tradit ib. Hist. Cap. 29. Ne jam memorem, quod antea memoravi, eodem Seculo, durante bello inter Ostrogothos et Justinianum, Romam saepe esse misere afflictam fame et peste.

§. CV. Sequitur Prophetica tractatio: ubi primum locum tenet Apocal., et in ea Liber Sigillorum: cujus III Sigillum cum ad nostram Periodum pertineat, videamus, quid contineatur illo. Repraesentatur equus *niger*, et Sessor ejus bilancem tenens manu, qui de tritico, hordeo, oleo et vino pro jure et autoritate disponit; triticum et hordeum certo pretio vendens; et eos, qui oleum et vinum censebantur corrumpere, severe castigans. Licet enim vox e medio animantium prolata dixerit: *choenix tritici pro denario &c.* tamen facta Equitis iis verbis describi, clarum est vel ex ipsa statera, quam manu gestabat. Vox ergo illa e medio animantium prolata nihil aliud significat, ac tale quid ab Equite, Deo permittente, proferendum esse et agendum. Praeterea cum de oleo et vino tantum dicatur; *ne laeferis*, id ad triticum et hordeum quoque est extendendum; quemadmodum quod de tritici et hordei venditione

ditione habetur, referendum quoque ad oleum et vinum; licet pretium non definiatur. Stylus S. S. fert, membra, ad se referenda et secum conjungenda, saepe elegantiae causa disjungi. Ergo plena esset oratio: *tritium, hordeum, oleum et vinum nemo laeserit, nemo pro libitu sumat sibiue vindicet; sed ad certam mensuram pro justo aliquo pretio sumat a me; choenicem e. gr. tritici pro denario, tres hordei pro denario &c.* Sic in oleo et vino quoque, quorum mensura et pretium brevitatis ergo non additur.

§. CVI.

Emblema, sic intellectum, huc redit,

A. Statum populi respectu annonae fore calamitosum et afflictum: niger enim color expingere solet tristem et calamitosam conditionem: cum autem mox de annona agatur, ejus praecipue respectu hoc est intelligendum, licet ulterius queat extendi.

B. Tristem eum Statum quoad annonam in eo fore situm, quod alimenta non essent promiscui usus, sed eorum aliquod erigeretur Monopolium, in cujus potestate forent omnia illa vitae subsidia, seu ad vitae sustentationem, seu ad ejus hilaritatem et splendorem; quod per *tritium &c.* significari, facile intelligitur.

C. Erigendum esse aliquod Tribunal, ut e *balance* in manu equitis patet; penes quod esset mensuram definire, et pretium statuere, et curare, ne perdatur annona.

D. Occasionem Tribunalis publice erigendi praebiturum esse, quod manus undiquaque inferrentur in annonam, unoquoque sibi fumante eam rapiendi potestatem, adeoque metum esse, ne omnis periret annona, et dira fames ingrueret. Quod tum ex ipso Emblemate, tum e verbis, *ne laeseris*, elucet.

E. Media, quae ad annonam conservandam, ejusque usum concedendum, adhiberentur, fore tolerabiliora; tum quod denario venderetur choenix tritici, i. e. quantum alicui pro uno die sufficit; quia choenix unius diei laboris pretio quoque acquiri potest, ut a Doctis est observatum; tum

quod laesio increpationibus et castigationibus passim praecave-
retur.

§. CVII. Haec sunt, quae Emblemate continentur; quod in genere recte demonstravit Cl. Vitranga, qui etiam evicit, non de corporali, sed spirituali annona, seu doctrina fidei et morum, capiendum esse: quare hac disputatione superfedeo: tantum spiritualis intellectus lineas ex mea ducam hypothefi.

A. Annona expingit Bona in externa Ecclesiae communione acquirenda, majoris minorisve pretii, magis minusve necessaria, seu ad vitam acquirendam et sustentandam, seu ad exhilarandam et celebriorem reddendam.

B. Haec Bona forent, qui potestati suae subjicerent, eoque fini Tribunal aliquod egerent Ecclesiasticum, cujus foret, ea dispensare, et modum definire, quo ad usum eorum, seu communionem Ecclesiae, admitterentur: quod Tribunal quoque curaret, ne annona illa spiritualis laederetur.

C. Modum eum in eo situm fore, quod ad certam mensuram et pro certo pretio venderetur, prout in Tribunali Synodali fuerit definitum: quod elegans Emblemata est definitionum Synodicarum de credendis vel faciendis, tanquam conditionibus, quibus homines ad communionem Ecclesiae et Bonorum spiritualium.

D. Increpatio, *ne laeferis*, pertinet ad Excommunicationem, aliasque castigationes, quibus absterrentur homines ab illis definitionibus laedendis.

§. CVIII. Haec si admittatur Hypothesis, difficile non erit, Characterem Periodi, ad quam hoc Sigillum referendum, hinc eruere: omnia enim in definitiones credendorum et faciendorum, tanquam unicam conditionem communionis Ecclesiae, ejusque Bonorum, a Synodis et Doctoribus publicis, tanquam Judicibus et Dominis fidei, faciendas exeunt. Quibus cum connexae sunt increpationes eorum, qui Canonibus Ecclesiasticis assurgere nolunt. Periodus ergo describitur, in qua per totam Ecclesiam nil magis ageretur, quam Fidem et Cultum

tum Ecclesiae determinare, Canones condere, eorumque confessionem et observantiam severe exigere, nec sine ea aliquem admittere ad communionem Ecclesiae, Bona Ecclesiae sub ea tantum conditione dispensare, dissentientes severe increpare, excommunicare; et castigare; tamen sine Persecutionibus ad mortem. Haec quam accurate conveniant in Characterem Ecclesiae a Sec. IV ad XI. e supra dictis, et ipsa historia, manifestum est. Quare plura non addo, nisi tantum, Equitem hunc collective sumendum esse, et plures tales repraesentare, qui Monopolium Veritatis crigerent, et suae Ecclesiae communionem ea ratione venderent: praeterea, fore lites et dissensiones multas, cum quisque increparet eos, qui censerentur laedere velle annonam, aut confessionibus et Canonibus suis nocere. Quae lites et ex eo elucet, quod occasionem vendendi annonam praeberint promiscui impetus in eam; unde metus caritatis ejus.

§. CIX. Veniamus nunc ad Epist. IV Apocal. ad Ecclesiam Thyatirae, Cap. II: 18 *seqq.* et videamus, quem Characterem Ecclesiae respectu Morum et Cultus ducat, et ex ea Periodum Ecclesiae eorum respectu eruamus. Tria occurrunt in ea, quae huic scopo nostro inserviunt.

A. Quod laudantur in ea Ecclesia opera nonnulla, sc. *Charitatis*, i. e. studii Religionis, ut ex *Ima Epistola* patet; et *ministerii*, sc. in egenis sublevandis; et *Patientiae*, tum in re Religionis urgenda, tum in laboribus subeundis; et posteriora opera dicuntur praecedentibus esse majora.

B. Quod Jezabelem fineret haec Ecclesia docere, et credentes seducere ad scortationem et Idolothyta; i. e. superstitionem et luxum haec Ecclesia fineret vires acquirere, et variis modis opem ferret, vel causam praeberet aut occasionem vitiis illis propagandis.

C. Quod cum aliquo tempore in eo opere sine spe Resipiscentiae fuisset Jezabel, Deus illam, et cum illa Ecclesiam, varie castigaverit, et faceret id adhuc in posterum: Vid. Cl. Vitringa.

§. CX. Haec si attendantur, sponte ducimur ad Periodum Ecclesiae, quae a Sec. IV se extendit ad IX. in quam haec quadrant.

A. Viguerunt tum passim opera illa laudabilia, et cum aliquam Eclipsin passa esset Ecclesia Sec. VI et VII, ardor ille resumtus est Sec. VIII et IX in initio; ut ultima dici possint prioribus fuisse meliora. Quae omnia e dictis supra clara sunt.

B. Nec minus verum, superstitionem et luxum irrepsisse in Ecclesiam, conniventibus multis, qui profunda Satanae ignorabant: de quibus in Commentatione Historica. Jezabel in Ecclesia docens vel in genere notat earum doctrinarum et morum inductionem in Ecclesiam, et propagationem; cum allusione tantum ad Jezabelem: vel Doctores aliquos earum doctrinarum exprimit, quales fuerunt hoc tempore plures: vel in specie Papas Romanos tanquam praecipuos fautores superstitionis et corruptionis; qui eo majore jure illo veniunt nomine, quatenus progressu temporis se in fidelibus occidendis, sicut Jezabel respectu prophetarum Jehovae fecit, et superstitione elata manu tuenda, tales se demonstraverint summa emphasi.

C. Quae de Castigatione habentur, et in praesente, et in futuro, ea pertinent ad Barbarorum invasiones in terras Christianorum, quae post VIII Sec. de novo maxime inceperunt, et vastationes longe lateque circumtulērunt; et adhuc Sec. IX, X, XI. continuarunt: de quibus supra quoque egi.

§. CXI. Succedat Epist. V. Apocal. quae est ad Ecclesiam Sardicensem, Cap. III: 1. *seqq.* In qua depingitur Ecclesia, ut nomine tenus viva, sed re ipsa mortua, nonnullis languentibus, et a morte non longe remotis, paucis tantum sanis et latitantibus. Qui Characteres ex nostra opinione optime quadrant in Ecclesiam Seculi IX, X et XI. quando per Carolum M. reformata Ecclesia praeferebat in initio spem rei in melius mutandae, et species Vitae conspicua fuit in devotione

et

et Ritibus Religionis; et in Propagatione Euangelii per Gentes, quae Sec. X. obtinuit non spernenda; quando Papae quoque Sec. XI. jura Ecclesiae strenue coeperunt vindicare: sed vera Pietas plane erat extincta; superstitio et carnalitas per totum dominabatur Ecclesiae corpus: nonnulli cum devotione illa veram pietatem adhuc aliquo modo conjungebant, ut hic illic in Coenobiis; sed pauci erant a superstitione et corruptione puri. Unde orti sunt Waldensium, et Albigenium, coetus Sec. XII. Quae cum ex Hist. Eccl. nota sunt, et in nostris institutionibus fusius deducuntur, verbo tetigisse sufficit. Cl. Vitringa Epistolam hanc refert ad Ecclesiam, quae a Sec. XII sese extendit ad Reformationem. Sed obstat, quod pauci illi, qui vestes suas non taminarunt, hic occurrant ut occulti, et Ecclesiae adhuc membra; cum nulla fiat mentio aut separationis ab ea, aut Persecutionis, aut conatuum, quos pauci illi fecissent ad Ecclesiam reformandam; quae omnia tamen Waldensium et similium sunt criteria. Contra cum haec ipsa Ecclesia dicatur habere pauca nomina, innuitur, eos paucos adhuc fuisse cum illa Ecclesia junctos. Et in Epist. seq. mentio demum fit conatuum piorum ad Ecclesiam reformandam. Et quae de Judiciis Domini superventuris, ni resipiscant, habentur, recte referuntur ad Plagas, quae a Sec. XII. infligi coeperunt Ecclesiae Papali; de quibus suo loco. De illis Judiciis hic ut futuris agitur, quum non demonstraverint Resipiscentiam.

§. CXII. Superfunt *Tubicinia*: perveni ad Idum, quo repraesentatur Mons magnus ignivomus, vel totus igneus, qui loco motus conjicitur in Mare, cum eo effectu, ut Mare sit versum in sanguinem, belluae marinae occisae, et naves destructae ad partem tertiam, ipso dein monte sic quoque absorpto; quod quidem non additur expresse, sed ex Emblemate colligitur. Pertinere id Emblemata ad populos vastatores, qui sedibus suis excitati se in Rom. Imperium effuderunt, easque clades ei intulerunt, donec et ipsi sint extincti vel Mari comprehensi, demonstraverunt Launaeus et Vitringa: Sed qui in eo dissentiunt, quod Cl. Vitringa restringat ad

Gothos, qui post med. Sec. III. se sub Gallo, Valeriano et Claudio, effuderunt in Imperium Rom., et a Claudio devicti vel absorpti sunt. Launaeus implementum quaerit in Viligothis, Vandalis, Ostrogothis, Gepidis &c. qui a Sec. V. se movere coeperunt. Uterque hypothese litans ita instituit. Verum cum Gothorum irruptiones Sec. III. praeludia fuerint multiplicium invasionum Sec. V. et *seqq.* et illae invasiones characterem illorum. Seculorum respectu Judiciorum Dei in Christianorum Societates constituerint; mihi vix dubium est, quin irruptiones Sec. V. et *seqq.* dir. etc. intendantur. Prima non excluditur; sed praeludii tantum conspectum habet. Tubicinia pertinent ad Societates Politicas, in quibus est Ecclesia: adeoque ab eo tempore praecipue inceperunt, cum Romanum Imperium factum est Christianum; illa scil. Tubicinia, quae ad Rom. Imperium Ecclesiae Christianae pertinent, quorum *Imum* est nostrum; praecedens enim pertinet ad Ecclesiam Iudaicam, ut partem Imperii Romani. Accedit, talia intelligi Iudicia, quae Periodum aliquam characterizant, et sic per totam Periodum durant; quod obtinuit in invasionibus Barbarorum inde a Sec. V. Et tales invasiones in censum veniunt, quae sedes retinuerunt in Orbe Romano, donec absorptae, aut cum eo commutatae aut permixtae sint; seu per conversiones Populorum illorum aut confoederationes cum Rom. Imperio; seu per destructionem illorum. Quae quam accurate in memoratas invasiones conveniant, facile in oculos incurrit; si ea quae in Commentatione Hist. dixi, attendantur. Sed ne quis hic offendat, observandum, Montem hic collective sumi, et plures Populos, qui quasi agmine facto undiqueque irruerunt, complecti: ut fit saepe in Symbolis et Emblematicis. Nos ergo omnes eos Barbaros, qui Sec. V et VI. praecipue in Orbem Rom. invaserunt, intelligimus: ita tamen, ut sequentes non excludamus. Sed, quia a Sec. VII coepit aliud Iudicium Characteristicum, et Sec. V et VI. Populi quasi agmine facto irruerunt; eaque Secula hac parte characterizarunt, in iis praecipue pedem figimus. Reliqua quae ad intellectum Tubicini pertinent, Autores citt. suppeditant. §. CXIII. Pergo

§. CXIII. Pergo ad Tubicinum. III. Apoc. VIII: 10, 11. quo in scenam produciuntur Meteorum facis ardentis, a similitudine *stella ardens* dictum, e supremo aëre in terram delapsa, et longe lateque dispersa, fluvios et fontes per tertiam terrae partem adeo venenato amarore inficiens, ut multi homines inde coacti bibere occisi sint. Videamus, antequam de Emblematis applicatione dicam, quo illud nos ducat; et quae sint principia, secundum quae applicatio instituenda est. (1) Stella est Princeps, vel Doctor, vel potius uterque: quod ab aliis jam observatum. (2) Stella e coelo lapsa non qualiscunque Doctor et Princeps est; sed qui divinam praetendit originem, qui creditus est venisse de coelo. (3) Lapsa e Coelo dicitur, quatenus subito venit, et vehemente cum impetu. (4) Stella lapsa instar facis ardentis depingit Doctorem, qui qua Propheta et Princeps divinus se famosissimum non tantum redderet; sed et qui accenderet terribiles motus, et immensum excitaret terrorem. (5) Lapsus in fluvios et fontes expingit invasionem in terras, in quibus est vera Ecclesia; siue sint Ecclesiae vulgares, siue Matres Ecclesiarum, quales sedes Episcopales, quae comparantur recte cum *fontibus* aquarum: aquae sunt Christiani, seu Populi veram doctrinam professi, seu ipsae Ecclesiae. (6) Infectio aquarum venenato amarore per hunc lapsum denotat, lapsum Stellae effecisse, ut tum immensa hominum strages extiterit, ut cum aquas bibunt venenatas; tum Ecclesiae fuerint pestifera inbutae doctrina, quae multis necem attulit.

§. CXIV. Haec si attendantur, ducimur ad *Muhammedem*; (a) in quem omnia illa criteria quam accuratissime conveniunt, et unice. Ipse se iactavit Doctorem summum et coelitus missum, et gessit simul Principem; et utroque conspectu comprobavit se hominibus: ipse subito et magno impetu se effudit in *tertiam* partem terrae, brevi tempore *Aegyptum*, *Africam*, et utramque *Asiam* occupans: Ecclesias per omnia ea loca invasit, suasque pestiferas doctrinas stabilivit, multos in-

S 3

fcit,

(a) Vidi deinceps idem in mentem venisse Matt. Cotterio ad Apoc. qui cum dictis conferri poterit.

fecit, plures occidit. Nec tantum vulgares Ecclesias aut fluvios, sed et Episcopales, fontes aquarum, corruptit et vastavit. Haec Hypothesis sicut Emblematis satisfacit, ut e dictis liquet, sic et eo se commendat

A. Quod Judiciis Dei, quibus imperium Rom., tanquam Societas Politica Ecclesiae, afflictum est, merito accenseatur.

B. Tempori accurate conveniat: cum Sec. VII. ortus sit Muhammed, invasionibus Barbarorum fere finitis.

C. Non fit alius Casus eo tempore notabilior, qui Periodum hac parte characterizat.

§. CXV. Accedit, aliud subjectum demonstrari non posse, cui Emblemata rectius conveniat. Launaeus cogitat de Papis, in specie Gregorio M. quod refutat Cl. Vitringa, qui explicat de Ario et Haereticis Sec. IV et V. Cui multa obstant quoque: inter alia.

N. Quod Arius et Haeretici non possunt dici Stellae lapsae e coelo, cum se pro divinis non venditaverint. Hic autem de Coelo Ecclesiae et Excommunicatione cogitare, nimis dilutum est.

Ξ Arius et similes Haeretici pro causis haberi nequeunt sive doctrinae corruptae, sive motuum; quod eadem manserit Religionis confessio in Ecclesia; et quod Catholici quoque culpandi sunt respectu motuum.

Ξ. Casus ille Haeticorum pertinet ad Fata Ecclesiae, qua talis; cum Tubicinia ad Judicia Dei in Societates Civiles pertineant.

§. CXVI. Nunc consulendae forent V. T. Prophetiae, et inquirendum, num aliquid habeant ad Periodum hanc referendum? Sed paucis absolvere potero. *Primo* sub manus veniunt, prophetiae, quae de Regibus vel destruendis vel convertendis agunt, ut Ps. II. CX. Jes. XLIX. LXII. et quae sunt similes. Verum licet sensum Propheticum ad Regnum Christi sub N. T. pertinentem non negem, nec et, quo minus speciale implemen-

tum

tum hoc tempore censeatur fuisse, intercessem: Vaticinia tamen illa in specie ad Periodum hanc directe referenda esse, non puto. Cujus rei duas nunc sufficit producere rationes: *altera* est, quod de hostium Ecclesiae destructione in genere et absolute loquantur Prophetiae: *altera* est, quod Regum subiectio et conversio etiam sine restrictione, et cum Gentium conversione per totum Orbem et glorioso statu Ecclesiae conjuncta, occurrat in illis; quae in hanc Periodum non conveniunt: et nullum in illis Prophetiis se offert criterium, quo implementum ad hanc Periodum restringatur; sine quo temere eo refertur; cum postea et longe illustriori modo contigerint, et contingent. Prophetiae V. T. hac parte in genere loquuntur, et ita magnifice de hostium subjugatione, Gentium conversione, et Regum, ut implementum adhuc expectandum sit: de quo supra egi. De duobus adhuc Psalmis esset agendum, scil. XXIV. et LXVIII. de quibus idem fertur judicium; sed, cum de iis egerim in Comment., non necesse est, ut moras hic traham.

§. CXVII. Restat, ut Harmoniam Factorum V. et N. T. pertexam. In qua pertractanda perduxit Israelitas trans Jordanem in Cananaeam, et Christianos per Diocletianeam Persecutionem, Duce Constantino M., in haereditatem Mundi et possessionem Romani Imperii. Quae duo sibi respondent. Persequamur nunc utriusque Populi collationem, sed extantiorum tantum factorum respectu, levioribus et specialioribus missis.

A. Cum portam possessionis Cananaeae aperuerit Hierichuntis expugnatio, idemque fecerit Romae occupatio per Constantinum M. deletio Maxentio, ejusque exercitu; haec duo secum merito comparantur; idque majore jure, quod urbs Jericho Emblema gerat Romae in Apocal., secundum nonnullos utique interpretes.

B. Tenendum, quod reliqua terrae occupatio et subjugatio respondeat Gentilismi destructioni in Orbe Rom. per Constantinum, et Successores; ut et Maximini, Licinii, Juliani et aliorum, qui Gentilismo manus praeberere conati sunt.

C. Sicut multi inter Judaeos relictī sunt Cananaei, ita Pagani inter Christianos.

D. Gibeonitae alique, qui se Israelitis junxerunt, eos e Gentilibus expingunt, qui Christianae Ecclesiae sunt additi.

E. Divisio Terrae inter Tribus in mentem revocare potest Ecclesiae Christianae divisionem in Episcopatus et Metropolitanas Sedes, seu in Dioeceses per Rom. Imperium.

F. Corruptio Israelitarum et conformatio ad mores Cananaeorum se transferri patitur ad vitia et Superstitionem Christianorum, cum primas tenebant in Orbe, et terram tranquille possidebant.


G. Bellum intestinum inter Benjaminitas et Tribus reliquas repraesentare potest pugnas Christianorum inter se, cum Haereticos oppugnare, et de Primatu certare coeperunt.

H. Populorum vicinorum continuae invasiones sub Judicibus, quae speciem praeferebant Judicii divini, apte expingunt Barbarorum irruptiones in Rom. Imperium: in specie Philistaei, qui prae aliis grassati sunt, possunt esse Saraceni et alii.

I. Reformatio Israelis, et Populorum vicinorum subjugatio per Davidem, nos ducit ad Caroli M. tempora, quibus simile quid contigit Christianis.

K. Divisio Israelis in Judaeos et Israelitas post mortem Salomonis, et utriusque Populi prolapsus ad Idololatriam et corruptionem, repraesentat Ecclesiae Christianae divisionem in duas Societates separatas et oppositas, Graecam et Latinam; quae divisio post Caroli et Ludovici tempora Seculo IX praecipue coepit, et sine ulla vera unione semper continuavit. Sed utraque Ecclesia in eandem Idololatriam et corruptionem incidit; atque varia Judicia Dei ad emendationem experta est. Israelitae expingunt Orientalem, et Judaei Occidentalem Ecclesiam; uti ex utriusque Fatis colligitur: de quo post suo loco agemus. Interea conferatur Cl. Vitringa ad Jes. Cap. XXX. et in Prolegom. ad Zach. Nobis dicta sufficiunt.

PERIODUS



PERIODUS QUARTA,

a Sec. XII usque ad Reformationem Sec. XVI.

§. CXVIII.

CAsum Ecclesiae, secundum exter-
nam faciem consideratae, caracte-
risticum per omnia haec Secula in
Bello Papali pono, a Papis, ut summis
Civitatis et Ecclesiae Dominis, publice gesto cum Imperato-
ribus vel Regibus, et sit dictis Haereticis, ac infidelibus: idque
Fidei suae ac Religionis, seu defendendae et tuendae, seu
propagandae, ergo: vel eo sub praetextu, omnipotentiae Papa-
lis, ut loqui amant, fundandae et vindicandae ergo. Gestum
vero hoc Bellum est per fulmina Excommunicationum et Ana-
thematum, per depositiones Regum, et solutiones subditorum a
vinculo fidelitatis, Persecutiones ac vivicomburia, et per Exer-
citus Cruciatorum. Qui casus ut in clariore luce collocetur,

A. Cognoscendae sunt *Personae belligerantes*:
quae sunt ab *altera* parte Imperatores et Reges, ut et Haereti-
ci, ac denique infideles; ab *altera* Papae Romani, tanquam
qui se extollebant supra quicquid augustum aut Sanctum erat in
Civitate ac Ecclesia. Imperatores vel Reges fuerunt Henri-
cus IV et V, Fredericus Barbarossa, Philippus Suevus Hen-
rici VI frater, Fredericus II, Philippus Pulcher Galliae Rex,
Henricus VII imperator, et Ludovicus Bavarus: Haeretici
praecipui Waldenses, Albigeneses, Wiclefitae et Hussitae; In-
fideles Turcae, Palaestinae et Hierosolymam tenentes. Ab
altera parte Papae fuerunt, tanquam supremum dominium in
Ecclesiasticis, et eo quoque nomine in Politicis, sibi arrogan-
tes, et reapse quoque exercentes, quatenus sibi statuerunt, tan-
quam Vicariis Christi et Capitibus Ecclesiae, competere, imo,

T

Reges

Reges, si mereantur, deponere, et subditos vinculo fidelitatis solvere; 2do coronam Imperialem conferre; 3tio de credendis et faciendis pro autoritate disponere; 4to de Personis, quae errarunt vel peccarunt, iudicium ferre, iisque peccata remittere vel imputare; 5to de personarum illarum Munere, Bonis, libertate et Vita, prout meruerunt, disponere; 6to omnem subjectionem, quae obligat conscientiam, omnes honores et adorationem exigere et admittere. Hujus animi coeperunt esse Papae a temporibus Gregorii VII, Sec. XI, qui primus hanc potentiam et autoritatem publice jactavit et exercuit. Hae sunt Personae belligerantes.

§. CXIX. B. *Causa Belli* in genere fuit Fidei et Religionis Papalis defensio et propagatio: *prior* bellum peperit cum Principibus et Haereticis, *posterior* cum Turcis. Concitarunt contra se Principes, quod investituras illis eriperent, et de coronis illorum ausi sint disponere: Haereticos oppugnarunt, quod a fide eorum discederent, et Religioni eorum, Ritibus et Potentiae, se opposerent: Infidelibus bellum intulerunt, ut illis Terram S. seu Palaestinam eriperent, sibi quæ subjicerent.

§. CXX. C. *Ad Modum*, quo bellum gestum est, pertinent:

1. *Ministri* Papae et Exercitus ejus, illi fuerunt varii ordines Militares et Monachales, praecipue Dominicani et Franciscani: Exercitus fuerunt Cruciatii Milites, qui Sec. XI in fine coeperunt conscribi contra Infideles, sed dein collecti quoque contra Haereticos. Huc quoque referendi Ministri inquisitionis.

2. *Arma* Papalia fuerunt Excommunicationes, Anathemata, depositiones Regum et Clericorum, Inquisitiones, Carceres, Tormenta, confiscationes bonorum, Bella ac quaevis Supplicia capitalia.

3. *Effecta*, quae facile se offerunt, fuerunt quaevis Mala hujus, et futurae Vitae quoque ex opinione eorum; sed hujus Vitae Mala omne genus, contemptus, infamia, commercii Civilis privatio, paupertas, fames, exilia, car-

carceres, tormenta, mortes, vastationes terrarum et populorum, et quae sunt similia.

§. CXXI. Hunc casum, cujus nunc dedi conspectum tantum generalem, cum in Institutionibus Hist. Eccles. prolixius ea omnia tractavi, appello characteristicum Ecclesiae per omnia illa Secula, quia omnia habet ejusmodi Casus characteristici Criteria, quae nunc in lucem proferam;

A. Primum Criterium Casus characteristici est quod sit *Continuus* et perpetuus, per omnia illa Secula, licet nunc hic, nunc illic Bellum magis obtinuerit: incepit hic Casus cum initio Periodi et per totam Periodum duravit; dein haud diu post cessavit, et minus fuit conspicuus. Sec. XI. ut hujus rei brevem dem intellectum, versus finem erupit Bellum Papale sub Gregorio VII cum Henrico IV, et dein Bellum cum Turcis sub Urbano II: Sec. XII idem bellum continuavit, cum Henrico V sub Paschali II et Callisto II, cum Frederico Barbarossa sub Alexandro III, ejusque decessore Hadriano IV; et cum Turcis: quando cum Waldensibus quoque coepit et Albigenibus. Seculo XIII Bellum fuit cum Philippo Suevo sub Innocentio IV, et cum Frederico II sub Gregorio IX: Quo Seculo Expeditiones Cruciatorum ordine fuerunt IVta, Vta, VIta ac VIIma: viguerunt quoque tum praecipue aperta Bella cum Waldensibus, Inquisitiones et Supplicia Haereticorum. Sec. XIV fuerunt tres graviores collisiones cum Principibus, scil. inter Philippum Pulchrum et Bonifacium VIII, Henricum VII et Clementem V, Ludovicum Bavarum et tres Papas, Johannem, XVII, Benedictum XII et Clementem VI: Et illustre, dicam an infame, fuit hoc Seculum per continuas Persecutiones Haereticorum, ut, de Arnolde Villanovano dicam, Lollardorum, Turlupinorum et Wiclefitarum: accessit excidium Templariorum. Sec. XV Inquisitio saeviit in Delphinatu in Waldenses; in Flandria et Artesia in eos, qui Magiae accusabantur; in Gallia in Picardos et Waldensium Reliquias; in Italia in Hieron. Savanorolam; in Germania in Joh. Hussum et Hieronymum Pragensem; in Bohemia Bellum Hussiticum grassatum

est; hinc ortum quoque in Bohemos Fratres. Seculo XVI. quantopere grassata sit Sedes Romana per Inquisitiones et Persecutiones, cum Reformatio se ostentare incepit, quanta pepererit Mala ac Bella, nemini non constat: verum eo ipso Seculo adeo fractae sunt vires Papales, ut bellum vix cum successu gerere potuerint, et Papae brevi ab eo debuerint desistere; cum Periodus alia exorta est.

§. CXXII. B. Secundum criterium est, quod hic casus fuerit *universalis* per totam Ecclesiam Latinam, et ex parte per Graecam; quae per Expeditiones Cruciatorum varie collisa est, ita ut Regnum in ipsa Metropoli Constantinopoli fundaverint Cruciatii. Verum quidem est, Characterem Ecclesiae Graecae in hoc Casu proprie non posse constitui: sed id nobis non obest; tum quod sufficiat, si per maximam Ecclesiae partem fuerit dominans; tum non alius in Ecclesia Graeca et Latina fuerit Casus, qui ullo modo cum hoc comparari potuit.

C. Tertium est, quod hic Casus supra reliquos omnes eminerit; ita ut nullus alius sit, qui ullo modo cum eo in censum venire possit.

D. Accedit, illum adeo in oculos incurrisse, ut communi fama fere constiterit, Antichristum vel Praecursorem ejus esse ante fores, vel jam dominari in Ecclesia: ut in Hist. Eccl. demonstrare soleo: etiam in *oratione*, huic tractui subjuncta, ex parte feci.

E. Denique notari velim, hunc Casum produxisse alios illustres cum illo connexos, quo ipso celebrior adhuc redditur. Fidei enim Papalis defensio produxit Ordines famosissimos Dominicanorum et Franciscanorum, ac tribunal Inquisitionis. Bellum cum Turcis quot non peperit S. Ordines Militares? Quae et similia hunc Casum et magis illustrem et conspicuum reddunt.

§. CXXIII. Supcrest, ut memoremus nonnullos alios Casus illustriores hujus Periodi, ut eo clarius constet, Casum, cuius memini, pro Characteristico esse habendum. Praeter hunc enim

enim casum alii nonnulli merentur memorari: 1 Lites variae et Disputationes in Ecclesia ortae, tum inter Scholasticos, tum inter Dominicanos et Franciscanos, tum cum sic dictis Haereticis. 2. Varii Ordines Sacri, seu Monachales seu Militares, hac Periodo nati. 3. Schisma famosum Papale Sec. XIV et XV. 4. Conversiones Populorum, quae Sec. XII fuerunt Pomeranorum, Livonum, Norvegorum et Finlandorum, XIIIio Borussiae et Tartarorum, sed horum posteriorum minus durabilis. 5. Ecclesiae imminutio per Imperii Graecorum destructionem Sec. XV. Hi et similes Casus licet fuerint notabiles, alius magis, alius minus, nullus tamen est, qui aut cum Bello Papali comparari, aut Characterem Ecclesiae constituere potest: quod ut ulterius exsequar, necesse non est.

§. CXXIV. Veniamus nunc ad Statum Ecclesiae *Moralem*, ejusque Casum characteristicum. Qua facie si Ecclesia consideretur, nil magis in ea se offert conspicuum, quam ardentissimum studium, magis minusve purum, majore minoreve cum successu, Ecclesiam, omni parte corruptissimam, reformandi, eamque tum a vitiis et superstitione, tum a dominio Papali liberandi. Quod studium, sed minus purum et sine magno successu, demonstrarunt *primo* Imperatores et Principes, se Paparum dominio opposcentes; *secundo* Synodi, quae Sec. XV illum praecipue in finem coactae sunt, ut Ecclesia in Capite et Membris reformaretur; *tertio* Viri singulares, qui et declamarunt in Vicia sui temporis, quorum Catalogus in Hist. Eccl. contextitur, et studia S. Scripturae ac humaniora e tenebris revocarunt. Sed longe purius, et majore cum successu, studium hoc demonstrarunt Waldenses, Albigeneses, Wiclefitaе, Husfitaе, et Bohemi per totam hanc Periodum, qui se separarunt ab Ecclesia corrupta, eamque in Doctrina aequae ac in Moribus reformare conati sunt; de quo satis constat. Quare varia certamina non recusarunt subire. Hoc studio, praesertim in Waldensibus et similibus, nihil fuit in Ecclesia illustrius, nihil quod eam hac parte magis characterizare potest.

§. CXXV. A. Est illud huic Periodo quid proprium, an-

tea non visam, nec post adeo conspicuum. Usque ad Sec. XI Superstitio sensim vires acquisivit, et ad summum tetendit fastigium, uti corruptio quoque fecit: donec summum gradum, utraque sit consecuta: sed a Sec. XII imprimis ea oppugnari coepit per Politicos et Ecclesiasticos aliquos Viros, etiam Coetus integros saepe, qui se a communione Ecclesiae corruptae coeperunt separare. Unde ortum est multiplex id Bellum Papale ad Religionem stabilitam defendendam et propagandam. Duravit quidem Superstitio et corruptio sub hac ipsa Periodo, sed characterem ejus constituere nequit, quod insignius fuit studium Eccles. purgandi, quod longe lateque propagatum est, ante non visum ea ratione. Durarunt haec conamina usque ad Synodum Tridentinam, quae partim ora Membrorum Ecclesiae Papisticae clausit, partim Protestantium separationem fecit perfectam; adeoque, cum spes Ecclesiae reformandae decolasset, ab hoc opere cessatum est; ita ut singulae Ecclesiae proprium suum statum defendere, et res suas agere contentae fuerint; manifestum ergo est, hoc studium recte statui huic Periodo proprium.

§. CXXVI. B. Continuus fuit per totam Periodum conatus, nec unquam cessavit; licet majore minoreve gradu se exeruerit.

C. Nil magis in Ecclesia conspicuum fuit ac singulare, nil quod in omnium oculos magis incurrit.

D. Accedit, inter utrumque Characterem dominantem et externae Ecclesiae faciei et status Moralis, quem supra consignavi, esse arctissimum nexum, qui alterum sine altero esse non sinit. Bellum enim Papale eo tendebat, ut huic studio obex poneretur, et status Ecclesiae superstitiosae et corruptae aperta vi defenderetur et confirmaretur: adeo ut superior Character dominans, in Bello Papali situs, hunc pro hypothesei habeat, et de eo testetur.

§. CXXVII. Subjungam jam nonnullos Casus *Politicos*. Eminent inter eos, imo terribiles Christianorum divisiones, contentiones, et pugnae secum invicem: ut inter Pontificiae
Sectae

Sectae, et Imperatorum ac Principum partis homines, Gue-
 fos et Gibellinos; qui horribilem confusionem in orbe Rom.
 produxerunt, et per omnia fere hujus Periodi Secula durarunt.
 2do Regni Turcarum ortus, et per totum Orientem propagatio.
 3tio Expeditiones Cruciatorum, quae sicut ad Religionem, ita
 et Politicam spectarunt Civitatem. 4to Regni Christiano-
 rum in Oriente interitus per Turcas Sec. XV postquam Ec-
 lipsin esset passum per Latinos, qui Constantinopolin occu-
 parunt, ibique aliquamdiu regnarunt. 5to Inter Casus Judicia-
 les inprimis commemorandum est Judicium terribilis Pestis,
 quae in China incepit; et per Asiam, Europam ac Africam
 pervagata est; quaeque *quinque* Menses praecipuis in locis sae-
 viit; qualem Pestem Orbis non vidit nec ante, nec post huc
 usque. Vid. Mezeracus, sed fusius explicavit Dequignes! Prof.
 LL. OO. Paris. in accuratissima Historia Hunnorum T. IV.
 L. XXI. ad a. 1347. quo tempore maxime saeviit.

§. CXXVIII. Sequitur Prophetica tractatio: ubi primo Li-
 ber *Sigillorum* inspiciendus est, cujus IVtum Sigillum in Sce-
 nam produxit equum pallidum, cui Mors insidebat, post se ha-
 bens infernum; seu vastam aliquam et tetram voraginem ter-
 rae, quae mortuos recipiebat. Huic Equiti potestas est data,
 quartam terrae partem occidendi gladio, fame et peste, (eam
 enim vox *θάνατος* ibi designat) ac per feras terrae. Quod
 Emblema expingit terribilem et tyrannicum aliquem Dominum,
 qui, potestate vitae et necis sibi pro arbitrio exercenda arro-
 gata, efficeret, ut per tertiam Terrae partem grassarentur mille
 Mortes, hominesque gladio, fame, peste, et per feras bestias
 absumerentur. Ad ejus intellectum sufficere possunt, quae Cl.
 Vitringa attulit. Addo tantum, non male *gladium* quoque re-
 ferri ad Supplicia capitalia a Magistratu infligenda; *feras* ad
 Populos Barbaros; *famem* et *pestem* ad vastationes, ad privatio-
 nes Bonorum, ad incarcerationes et earum Mala, ad exclusio-
 nes ab omni hominum consortio, instar Pestium Terrae. Quae-
 ritur jam, quo pertineat Emblema? Cl. Vitringa, qui recte re-
 futat eos, qui de Morte spirituali per Antichristum inducenda
 T 4 cogitant,

cogitant, oculos vertit ad Saracenorum et Turcarum, terribilium illarum Genium, vastationes: in quas Emblemata quidem non male quadrat: verum

A. Nulla Ratio est, si eo tendat Emblemata, illud restringendi ad Saracenos et Turcas, praeter hypothesin de ordine Periodorum: quae sicut varie possunt constitui, sic id solum non sufficit sensui Prophetico definiendo.

B. Id magis obstat, quod a Sigillorum conspectu illa ratione discederetur: cum enim Sigilla exhibeant Fata Ecclesiae, seu Characteres Periodorum Ecclesiae; Saraceni hic locum non inveniunt; multo minus ut vastatores Orbis. Saraceni enim Ecclesiam nequiquam characterizant, ad eam non pertinentes; quare inter Tubiciniorum Emblemata, non vero inter Sigillorum, locum habere debent.

C. Ordo Periodorum nos ducit non ad Sec. VII, quo grassari coepit Muhammedanismus; sed ad Sec. XI, ut ex *supp.* liquet.

§. CXXIX. Ex nostra ergo Sententia Emblemata referendum est ad terribilem illum Tyrannum Sec. XI in Ecclesia ortum, qui, summa sibi vindicata potestate, in Bona et Vitas Christianorum grassatus est in Orbe Christiano, maxime Occidentali, per quaevis mala lethifera, bella excitata cum Imperatoribus, cum Haereticis et Infidelibus, quibus infinita hominum copia per gladium, famem, Pestem et feras est absumpta, ut supra vidimus. Huc Ordo Periodorum, huc Emblemata, huc Sigillorum verus conspectus, quo Characteres Ecclesiae in illis ducuntur, nos manifeste vocant. Verum quidem est, causam, ab quam grassaretur Antichristus, seu Religionem, hic non memorari: Sed (1) vera causa Tyrannidis Papalis erat Dominii et Potentiae defensio et amplificatio, quae agere solent omnes terrae Vastatores. (2) Cum Causa non memoretur, aequae Religio intelligi potest, ac aliud quid: sicut et fit in Sigillo II^{do}. (3) Sigillum sequens clarius exponit superiorum caedum causas, ut ibi videbimus. Regnum vero Papale, quod notandum, hic repraesentatur in vero suo conspectu Tyrannidis,

dis, perinde quo praetextu Tyrannidem exerceat; quia nil nisi mortes et caedes produxit; ut ex Hist. liquet.

§. CXXX. Quod si quis velit, quae modo de gladio, feris et peste dixi, huc applicare, is notabilem satis hic inveniet convenientiam. *Gladius* sicut *Bella* significat, ita et supplicia capitalia, a Iudice inflictā: quod per Papale Dominium fit, dum Haereticus traditur Brachio seculari. Ferae agri si sunt Populi Barbari, quam exacte id quadrat in Bellum Papale cum Turcis, per Cruciatos, quivis Historiae gnarus percipit. *Fames* et *Pestis* eodem modo quoque se facile applicari patiuntur: sed in his nihil difficile, nil obscurum. Nec obstat Sigillum Vtū, ac si illud ageret de Tyrannide Papali; ut ibi videbimus: contra confirmat nostram Hypothesin, cum in illo Sigillo Sanctorum mactatio repraesentetur ut jam facta, et non tempore illius Sigilli faciendā.

§. CXXXI. Succedit Epist. VIta Apocal. Cap. III: 7 *seqq.* in qua

A. Duae Partes Ecclesiae maxime oppositae exhibentur, *altera* eorum, qui veritatis et virtutis studiosi erant, ad mortem usque: *altera* eorum, qui sub praetextu et larva verae fidei et Religionis tegebant animum Tyrannicum, et ab omni vera Pietate alienum: priores v. 8. posteriores v. 9. describuntur; priores veram, posteriores corruptam Ecclesiae Partem constituebant. Cl. Vitrīnga recte evicit, v. 9. Pseudo-Christianos describi; sed addendum, eos non qualescunque, sed Tyrannidem spirantes et exercentes; sicut tum e phrasi *Synagogae Satanae*, tum ex Persecutione verorum Christi Cultorum ab illis instituenda, quae v. 8 et 9. traditur, colligi potest. Synagoga Satanae est Coetus hominum, qui Veritati et Pietati bellum indixerunt, et in eo sunt; ut humanum Genus perdant. Vid. Cl. Vitrīnga ad Cap. II: 13 Apocal.

B. Melior Ecclesiae pars laudatur, quod occasione Veritatem et Pietatem propagandi, a Deo concessa, usa fuerit; non obstantibus Persecutionibus, quas patienter tulit: hic enim sensus est v. 8 *vi*, quod idem Commentator recte explicuit.

C. Laudationi additur Consolatio, qua promittitur, (1) Opus a piis susceptum fore perenne, vel ad stabilem statum esse perducendum, non obstantibus modicis illis viribus, quibus pii pollebant v. 8. (2) Multos e Synagoga Satanae sese piis illis submissuros, et eorum opus volentes nolentes agnituros esse v. 9. (3) Piorum illorum Societates liberandas esse a generali illa tentatione, quae incolis terrae aliquando eveniret, ut v. 10 praedicitur.

§. CXXXII. Ad hoc argumentum Epistolae, quale id ob oculos posui, qui recte attenderit, is facile perspexerit, Characterem illius Periodi Ecclesiae poni in melioris Ecclesiae Partis ardente studio, veritatem et Pietatem confitendi et propagandi, inter varios Cruciatu et multa pericula, quibus a deterioris Ecclesiae parte subjiceretur, donec in stabilem statum res purioris Ecclesiae sint adductae. Qui Character unice quadrat in Ecclesiam a temporibus Waldensium Sec. XII, usque ad perfectam Reformationem, post medium Sec. XVI. seu potius circa ejus finem, quando Reformatio in Belgio quoque stabilem nata est sedem. Toto enim hoc Intervallo temporis

A. Duae insignes fuerunt in Ecclesia Partes, altera Pseudochristianorum, qui se Coetum Satanae demonstrant per Bella et oppugnationes Testium Veritatis: Altera eorum, qui se grassanti superstitioni opposuerunt, et Veritatem professi sunt; ut Waldenses, alique supra recensiti.

B. Hoc quoque tempore melior Ecclesiae Pars tota in eo fuit, ut multa inter Mala et Pericula Ecclesiam depravatam emendaret, quaeque occasione a Deo concessa ad veram Religionem propagandam bene usa est; simul patientiam suam Deo comprobavit, in ferendis Persecutionibus Fidei causa, de quo nemini non constat, vel ad superiora attendenti.

C. Consecuta quoque est Ecclesia promissa, quae illi in hac Epist. facta sunt; ut (1) quod Opus Reformationis ad finem perductum sit, seu firmum et stabile factum;

tum; (2) Quod opus illud a multis ex Pseudochristianis illis sit agnitum; dum, Foederibus quoque pactis, permixtum fuit Reformatis, suae Religionis partes agere: multi quoque ex Synoga Satanae ad Ecclesiam illam accesserint, id quod hic per *ad adorare* exprimitur. Sed notari debet, luculentius adhuc hac parte inplementum esse expectandum; sicut et (3) de Liberatione e generali illa Tentatione incolarum Terrae; quae v. 10 occurrit: de qua generali Persecutione adhuc expectanda postea dicam.

§. CXXXIII. Cum hac nostra Hypothesi restat comparemus Magni Commentatoris Apocal. explicationem, cui hic ex parte tantum accedo. Intelligit Cl. Viringa

A. Ecclesias Protestantium Sec. XVI a Papismo se separantes, donec ubique stabilem natae sint sedem Ecclesiae Reformatae: nos altius repetimus hanc Periodum, a temporibus Waldensium Sec. XII: (1) quia eo nos duxerat superior Epistola, quam Cl. Vitr. de Periodo a Sec. XII ad Sec. XVI. fuerat interpretatus: Uterque ergo Hypothesibus nostris convenienter instituimus. (2) Quia initium suum debet, ex quo *janua* coepit aperi, et Ecclesia in duas Partes oppositas dividi; quod utique a Sec. XII factum est. (3) Quod de modicis Viribus melioris partis Ecclesiae habetur; id rectius in Reformatores Sec. XII et deinceps quadrat, quam in Protestantes.

B. Per Pseudochristianos intelligit falsarum Doctrinarum Autores Sec. XVI exortos; in spec. Anabaptistas et Antitrinitarios: sed ex mea sententia depingitur opposita Ecclesiae Pars, quae se veris Christianis opposuit, et quidem hostiliter cum Persecutionibus. Utique in hos Adversarios, simul Persecutores, rectius convenit (1) Epitheton *Synagogae Satanae*, quo directe ducimur ad hostiles impetus in purioris animi Christianos; ut supra vidimus. (2) Quod illi agniti dicuntur opus, a meliore Ecclesiae parte perfectum; argumento, eos se ante opposuisse Reformationi: ast nunc ipsam Reformationem qua talem, ab ipsis laudandam esse, ut a Deo profectam; quae omnia in illos Haereticos non conveniunt.

§. CXXXIV. Pergamus nunc ad prolixam Bestiae Descriptionem Apoc. XIII. Cujus vaticinii implementum in ipsam hanc cadit Periodum. Satanæ Regno suo, quod in Imperio Romano Pagano obtinuerat, privatus; et Fluvio Persecutionum, quo Ecclesiam putabat absorbendam esse, a Terra, Ecclesiae succurrente, absumto, adeoque Paganismo deleto; Satanæ, inquam, iram concepit magnam, secumque deliberavit, qua ratione progeniem Ecclesiae Sec. IV infestaret. Praeparavit ergo se ad Bellum, alio modo gerendum cum Reliquis ex semine illius, sc. Mulieris, de qua supra, observantibus Praecepta Dei &c. ut habetur Apocal. XII: 17. Ubi, quod notandum, Characteres eorum, quos denuo institueret persequi Satanæ, iidem ducuntur ac eorum, qui violentiam sub Imperio Romano Pagano experti erant; unde merito colligitur, Satanæ in animo fuisse, eodem modo persequi Ecclesiam, sed non per Infideles, ut antea, verum ipsos Ecclesiae Christianae Confessores. Haec praeparatio Satanæ ad novum id Bellum per longum tempus duravit; intercedere enim debebant Definitiones multorum Capitum Fidei et Cultus, antequam Persecutio commode fieri poterat. Praeterea erigi debebat universale aliquod Caput, cui talis Persecutio demandari poterat: adeoque omnes illae Lites de Doctrina, Cultu, et Regimine Papali, praecedere debebant, tanquam Praeparationes Satanæ ad veterem illam Tragœdiam renovandam. Quae Praeparatio duravit per multa Seacula, a Sec. IV usque ad XVI medium; quando, omnibus rebus paratis, scenam aperuit juratus humani generis, et praecipue Ecclesiae, Hostis, quae scena pluribus describitur Cap. XIII: ubi Cl. Vitringa consulatur. Sed hic locus foret, inquirendi in Characterem Antichristi et Bestiae, nec non ortum ejus: sed hoc executus sum in *orationibus* subnexus.

§. CXXXV. Conferamus ergo nos ad Tubicinum IVtum; quo deliquium tertiae partis Luminarium coelestium, adeoque tenebrae in tertiam eorum Partem inductae repraesentantur Cap. VIII: 12. quemadmodum Emblemata Cl. Vitringa et alii recte explicuerunt. Quaeritur quid sibi velit, et quo pertineat Emblemata? Ex nostra opinione illud

A. In-

A. Ingentem confusionem inter Rectores Civitatis et Ecclesiae expingit: Solem enim ad Civitatem, Lunam et Stellis ad Ecclesiae Rectores et Doctores expingendos adhiberi, recte evictum est a Cl. Vitringa. *Tenebras* vero esse confusionis Emblemata, constat. Haec vero confusio quam apte in hanc Periodum quadret, patet illi, qui ad collisiones Imperatorum, Regum, Paparum, ad factiones Guelforum et Gibellinorum, ad Expeditiones cruciatae, ad Bella cum Albigensibus, Hussitis &c. attenderit.

B. Imminutionem et *prostitutionem* probrosam Dignitatis et autoritatis eorum Rectorum quoque repraesentat; ut recte idem Cl. Vitringa exponit, tum ad h. l., tum ad Cap. XVI: 10. In hac autem Prostitutione caracteristicum Dei Judicium in eos hac Periodo fere situm fuit. Majestas Imperatoria et Regia quantopere fuerit fracta, et ludibrio habitata in collisionibus Paparum, cuique in promptu est. Sed et Paparum Dignitas et Autoritas summopere obscurata est

1. Per Regum non tantum, sed et sic dictorum Haereticorum, oppositiones; hi enim eorum Vitia, Tyrannidem et Superstitionem in claram protraxerunt lucem; quod a Waldensibus per totam hanc Periodum factum est, et perfectum per Reformatos.

2. Per publicas magnae istius Ecclesiae Membrorum partis separationes ab eorum communione, quibus dignitatem et potestatem suam magnopere viderunt inminutam.

3. Per pudendum id Schisma Papale Sec. XIV et XV. quo valde est prostituta Sedes Papalis, ipsi Papae depositi, et Conciliis universalibus subiecti.

4. Per gravissimas Calamitates in hanc Sedem, per Imperatorum et Regum invasiones, inductas, teste Historia; in specie per Carolum VIII, Ludovicum XII et Franciscum I, Galliarum Reges; et ipsum Carolum V Imperatorem; qui omnes per Italiam, et ipsam Romam, ingentes circumtulērunt caedes et vastationes. Romae captae et dirissime tractatae ex-

gr. a ducibus Caesaris Car. V adcurata exstat narratio in *nova collectione monumentorum* Hofmanni tom. I. quam nemo sine horrore legerit: rapinae, caedes, pestis et fames, concurrerunt, et terribile dederunt spectaculum, sacrae quoque personae et res indignissime sunt tractatae. vid. *Adami Reisneri* testis oculati acta Frienspergica lib. VI.

¶ Reliquorum vero Doctorum et Rectorum Ecclesiae obscuraciones; ut in tot Monachorum Ordinibus exortis, qui de Rectorum Ecclesiae dignitate et puritate multum detraxerunt: sic in Doctoribus Scholasticis, eorumque subtilitatibus et variis quaestionibus, quibus veram Doctrinam et Pietatem multum obscurarunt, conspicuae sunt. Ne nunc de Waldensium aliorumque doctrina, qua errores et superstitiones Doctorum et Rectorum Pontificiorum in lucem protraxerunt, aliquid dicam.

§. CXXXVI. C. Addo, quod huc prae reliquis quadrat, Rectorum, et Civitatis et Ecclesiae, per totum Orientem multifariam obscuracionem, non tantum per Latinos, qui ipsam Regni Metropolin Constantinopolin aliquamdiu tenuerunt, et varia mala Graecis inflixerunt per Expeditiones Cruciatas: sed praecipue per Turcas Osmanidas, qui per maximam hujus Periodi partem ab initiis Sec. XIV grassati sunt, et tandem ipsum Regnum Orientis destruxerunt, sede Imperii fixa Constantinopoli. Haec utique in emphasi fuit sic dicta obscuratio Luminarium coelestium, ut illud Emblemata sumi solet.

Sed quare tertiae tantum Partis fit mentio? Resp. respectu universi Orbis Christiani, qui hic complexus sumitur; quum Sol, Luna, et Stellae memorentur; ut bene notavit Cl. Vitranga. Qua ratione si res capiatur, facile apparet, quam apte tertiae partis obscuratio hic exhibeat; cum Orbis Christianus Orientalis per tertiam eam Partem intelligatur. Quantae vero Tenebrae in eas Ecclesias Orientis per hunc Casum fuerint inductae, in vulgus est notum. Nec fuit aliud illustrius Dei Judicium, quod in hanc Periodum incidit, aut, quod in oculos incurrit magis. Plura non addo:

do, et ab aliorum opinionibus recensendis et refutandis abstinere.

§. CXXXVII. Pergo itaque ad alias tum V. tum N. T. Prophetias, inquisiturus, num illae aliquid suppeditent ad hanc Periodum perueniens. Ubi ante omnia nobis occurrit illustre vaticinium de Antichristo 2 Theff. II: sed de quo agam ad calcem hujus Tractationis. Praeter vero hanc Prophetiam passim hac refertur Pericopa Matth. XXIV: 23--29. Sed sine solida ratione, uti ostendi ad Periodum I. ubi hujus Cap. conspectum exhibui. Mitto porro, quae hic illic ex Parabolis Christi proferuntur, quae demonstratione carent.

§. CXXXVIII. Transeo ad V. T. non eo animo, ut omnia nonnullorum interpretum commenta ad examen revocem, quod nec necesse est, nec utile; sed ea tantum tangam, quae magna se specie commendant. Quo refero

Primo, Vaticinium Danielis de parvo cornu Cap. VII, et de Rege superbo Cap. XI: 36 *seqq.* verum cum de his locis egerim in Comment. ad Dan. ubi ostendi, perverse hic quaeri Antichristum, opus plane non est, ut hic moras nectam.

Ergo consideremus potius Pericopam illustrem Jes. LVI: 10 ---- Cap. LVII. de qua mentem hic explicabo. Multis interpretibus, Cl. Coccejo viam praeunte, sedet opinio, Fata Ecclesiae Christianae praecipue a Sec. IV ordine praenunciari Jes. Cap. LVI--LX; ita ut Cap. LVI: 8. multiplex Ecclesiae propagatio tribus vicibus repetita exhibeatur; v. v. 9. Periodus invasionum Gentium Barbararum a Sec. V: quando a v. 10----LVII: 14. terribilis Ecclesiae corruptio in Capite et Membris sub dominio Antichristi describitur: dein a v. 14 usque ad fin. Cap. LVII. Reformatio ob oculos ponitur; et dein Cap. LVIII et LIX usque ad v. 15. horrenda corruptio et confusio Ecclesiarum Protestantium, inprimis sub finem temporis ultimae Persecutionis ingruentis, depingitur. Denique usque ad finem Cap. LX liberatio Ecclesiarum in omni suo complexu, cum glorioso Regni statu in terra ob

oculos ponitur. Hujus Hypotheseos, quam Cl. Vitranga in clarissima collocavit luce, duo sunt fundamenta: *alterum* in nexu cum super. Capp. *alterum* in magnifica Ecclesiae descriptione Cap. LX. Verum *prius* fundamentum pro hypothese habet, concionem Prophet. praecedentem, quae omnium consensu de Ecclesia N. T. agit, continuari v. 8 *seqq.* Cap. LVI. Sed haec Hypothesis corrui, si nova hic statuatur incipere Concio Prophetica, quod aequè facile statui potest, ac quod continetur: imo Ratio suppetit non spernenda pro nova Concione, tum quod v. 8. incipiat cum usitata Formula *Dixit Jehovah*, quae Concionibus Prophet. saepe praemitti solet: tum quod Pericopa Cap. LVI: 1---7. recte haberi possit pro Clausula superioris Concionis de Ecclesia Christi: cum enim de Messia, et Bonis ab eo adducendis, nec non de Ecclesia ejus luculenter esset vaticinatus Jesaias Cap. LIII---LV, se vertit commode ad eos, qui ab illo tempore, quo illa acciderent, prope abessent; ut se tum ad haec Bona praepararent, tum eorum spe se erigerent, id quod Prophetis saepe in more positum est. *Alterum* vero Fundamentum in glorioso, et omni parte prospero Ecclesiae statu Cap. LX positum, solidius foret, nisi constaret, Prophetas de Ecclesia Christi passim ea ratione loqui solere, ut in superior. jam observavimus: imo de Ecclesia Maccabaica, seu ab afflictione Epiphanica liberata, una cum complemento suo, Ecclesia sc. Christi, considerata, eundem plane in modum agere solent; ut sit inter alia Jes. XXV, XXVI, ut et LXV et LXVI, Dan. II et VII. aliisque prophetiis. Ratio autem magnificae Orationis de Ecclesia Christiana haec est, quod Fata intermedia Prophetis V. T. non fuerint revelata; adeoque Ecclesia Christi ipsis ob oculos posita sit in ea conditione, quam vere quidem, sed non nisi post longam factorum seriem haberet. Ecclesiam vero Maccab. passim contemplari solent, tanquam quae in Regno Christi terminaretur et perficeretur; sic Zachar. XIII et alibi: de quo saepe dixi, ut in *Dissert. ad Dan.* Ad haec accedit, gloriosum Ecclesiae statum non esse manifestandum, nisi post gravissi-

vissimam afflictionem, et miraculosam Ecclesiae liberationem; hostiumque prostrationem; ut in Harmonia Fatorum V. & N. T. hoc tempore sibi invicem respondeant; de quo suo loco dixi. Ergo et hoc fundamentum facile ruit. Ceterum primo sensu Ecclesiam Judaicam Cap. LX. intendi, et ex eo liquet, quod Hierosolyma ibi occurrat ut Sedes Religionis et Ecclesiae: quo ipso restringimur ad Ecclesiam Judaicam, sed in Christiana consummandam.

§. CXXXIX. Hisce fundamentis destructis, facilior est singularum hujus Hypotheseos Partium refutatio: sed quam nunc instituere non licet. Tantum pauca proferam, et viam ad intellectum illustrium horum Capitulorum aperiam:

A. Cap. LVII: 3---13. non ad Ecclesiam Christi supersticiosam et tyrannicam pertinere, sed ad Populum Judaicum, ut fuit tempore Manassis, et paulo ante Exilium Babylon., quae mea est opinio, ex eo non tantum patet, quod in id tempus cuncta exacte quadrent, adeoque nulla sit ratio, a Populo Judaico, vero ac proprio orationum Prophet. objecto, discedendi, non tantum inquam; sed et quod non obscura existent Criteria Temporis, quod signavi, tum in Idololatriae descriptione, qualem tunc fuisse exercitam constat, tum in liberorum mactatione Molechio, et Prophetarum occisione; tum denique in perfugio ad Regem Aegypti auxilii causa, multis cum muneribus v. 9. quod non nisi remote admodum in Ecclesia Pontificia demonstrari potest.

B. Pericopa seq. a vs. 14 ad fin. Cap. se longe aptius ad Populi Judaici conversi liberationem ex Exilio Babil., quam ad Ecclesiae Reformationem et separationem ab Ecclesia Pontificia, transferri patitur: tum quod Mons Sanctitatis Dei jure haereditario dicitur a piis possidendus; tum quod Populus v. 14. occurrat tanquam rediturus ad possessionem Terrae suae, via facta plana et facili; tum quod Populus ille, cui Deus ob peccata longo tempore fuerat iratus, dicitur in favorem Dei restituendus et instaurandus.

§. CXL.

C. Cap. LVIII introducit populum, qui,
X
Reli.

Religionis studium praeferens, in jejuniis continuo erat, ut Rerum suarum perfectiorem instaurationem consequeretur: sed, cum gravioribus vitiis laboraret, frustra luctabatur, et incassum emergere studebat; cui populo vitia sua exponuntur in hoc Cap. quae impediabant, quo minus studii Legis et jejuniorum suorum fructus carpere, et in statum felicem, a Deo promissum, emergere posset. Quae omnia exacte conveniunt in Reduces ab Exilio Babyl. ut ex Prophetis Haggaeo, Zach. et Malach. ut et Historia Nehem. et Josephi clarum est. In specie notetur, Characterem status reducum esse, cum tenuitate Rerum suarum luctari, et spe feliciorum temporum se continuo, sed frustra, lactare; porro eam prosperitatem a Legis externo studio, in primis statis Jejuniis, ut est Zach. VIII, expectare. Haec vero quo fundamento (si ab hypothese discesseris) applicentur Ecclesiis Protestantium, ut Viri illi Docti faciunt, mihi vix liquet, maxime cum *Sabbathi et haereditatis Jacobi* expresse fiat mentio.

D. Denique Cap. LIX tum major corruptionis gradus, tum terribilis Populi totius confusio, quae ad totalem ejus ruinam spectare videbatur, tum hostium inpetus in eos, ita ut, omnibus Rebus desperatis, exitus Malorum nullus videretur, tum miraculosa Populi Dei Liberatio, per ipsum Deum efficienda, vivis depingitur coloribus. In quibus omnibus nil est, quod in Tempora Epiphanica et Maccabaica non exacte quadrat. Et alibi apud ipsum Jesaiam de temporibus illis simili modo agitur, ut Cap. XXIV---XXVII; item Cap. LXIII: 1. Et Cap. LXV ut LXVI, ut ad ea Loca a Cl. Vitringa fuse et feliciter expositum est. Quid igitur, praeter Hypothesin, nos hic cogitare jubet de Ecclesiis Protestantium?

§. CXLI. Ut itaque Nexum omnium harum Partium hic explicem, mentem paulo clarius exposuisse juvabit.

¶. Pericopam, quae Cap. LVI: 8--- Cap. LVII: 2. occurrit, habeo pro generali Propositione tum Liberationis Populi a Calamitatibus per Hostes inducendis; tum cor-

corruptionis ejus, praecipue Rectorum, quae illas calamitates pareret; denique Signorum antecedentium in piorum decessu et morte: v. 8. etiam exhibetur Recollectio Populi tam ex Babylon, exilio, quam Dispersione Epiphanica, et Profelytorum accessus ad Ecclesiam: cum vero illa Recollectio supponat Dispersionem, v. 9. exhibentur ferae *agri* et ferae *sylvae*, quae Populum depascerentur, quae *Ferae* repraesentant Chaldaeos et Syro-Macedones; Chaldaeos ferae *agri*, Syros ferae *Sylvae*, quo facit, quod Sylva vel Saltus sit *Syria* Jes. X: 34. ubi vid. Cl. Vitranga, ob montem Libani. *Ager* vero est Tractus Babylonicus, locus fertilis et planus. Praeterea cum horum Hostium invasio, a Deo ipso quasi excitata ad Populum puniendum, praesupponat corruptionem Populi, illa mox in genere subjicitur, praecipue respectu Procerum, qui Populi curam neglexerunt, et harum infestationum occasionem praebuerunt. Quae omnia facilia sunt.

§. CXLII. 2. Hac generali Propositione facta, ut passim solent Prophetae generalem hoc modo praemittere Propositionem; Propheta ordine procedit in Fatis Populi distincte praenunciandis; adeoque

a. Populi ante Exilium Babylon. corruptionem vivis coloribus depingit, et excidium ejus describit, Cap. LVII: 3---13.

b. Populi conversionem, recollectionem et in Terram Canaanis reductionem, repraesentat, additis luculentis feliciorum Temporum promissis, modo Populus praestet officium requisitum, v. 13 in fine---21.

c. Quam male Populus officio suo fungeretur, in Canaanem redux, adeoque spe perfectae instaurationis se frustra lactaret, fuse traditur Cap. LVIII.

d. Populum reducem ad summum Corruptionis, et inde ortae omnium Rerum perturbationis, gradum, novorum hostium invasione accedente, delabendum esse, pluribus traditur Cap. LIX: 1---15. hinc

e. Ad miraculosam Liberationem praedicendam,

dam, per Maccabaeos quae effecta est, pergitur v. 16---18: Quando.

f. Propheta se in glorioso et felicissimo Ecclesiae Statu describendo copiosissime et emphatice diffundit v. 19---fin. Cap. LX: de quo supra egi. Tantum hic notari velim, v. 20 Cap. LIX, qui in genere loquitur de adventu Messiae, adeoque primo loco comprehendit primum Messiae adventum, ab Apost. Rom. XI: 26. recte referri ad secundum Messiae adventum, cum totius Populi Judaici conversione connexum, quae tum perfectum complementum deum consequeretur; quemadmodum quicquid de glorioso Ecclesiae statu Cap. LX praedicitur: Prophetae enim, ut saepe jam observavi, Fata Ecclesiae N. T. intermedia vel ignorantes vel negligentes, de Messia ejusque Regno loquuntur in summa emphasi, ac si mox foret felix ea Ecclesiae conditio, quam non nisi post multa Fata intermedia consequeretur. Quum igitur Apostolus animadverteret, primum Messiae adventum hanc, quae hic praedicitur, salutem, universo Populo Judaico non adtulisse, hinc recte collegit, id postea suo tempore esse implendum; et ideo dictum hoc ad id tempus applicuit.

§. CXLIII. Nihil in tractatione hujus Periodi nobis nunc superest, quam ut Harmoniam Fatorum V. et N. T. persequamur. Judae et Israelis divisa Regna ad Ecclesias Orientis et Occidentis, Sec. IX separatas a se invicem, retuli in superioribus. Restat insigniora ab utraque parte Fata secum invicem comparemus.

A. Utriusque Populi Judae et Israelis corruptio in Cultu veri Dei, cum Superstitione et Idololatria copulato, corruptisque Moribus, occurrit.

B. Corruptionis insanabilitas et pertinacia, frustra reclamantibus et Populum emendare conantibus Prophetis, et Viris piis aliis.


C. Utriusque Populi tristissimum Fatum, quo in Servitutem duram inciderunt; Israelitae ab Assyriis; Judaei a Chaldaeis oppressi et in Exilium deportati sunt.

Haec

Haec omnia qua ratione in Christianos Orientis et Occidentis quadrent, verbo erit explicandum.

A. Cum *Israelitae* repraesentent Ecclesias Orientis, ut supra vidimus, Assyrii hic alii esse nequeunt ac Turcae, Assyriorum terras tenentes; quemadmodum eandem ob rationem Syro-Macedones quoque Assyrii appellantur; de quo leg. Cl. Vitringa in *Jes. XIV.* Hi autem Hostes Regnum Israelis irreparabiliter destruerent, et Populum in medio sui arcu sub servitute in perpetuum tenerent: quod ipsum Graecorum Imperio et Ecclesiae a Turcis accidisse, nemini non constat. Sed accedit id peculiare, quod Israelitae ab Aegyptiis auxilium frustra petierint, seseque inani hac spe lactaverint: quod idem Graecis accidit respectu Ecclesiae Occidentalis, quae est mystica Aegyptus; de quo Cl. Commentator consulatur ad *Jes. XXX.*

§. CXLIV. B. Quod attinet ad simile Fatum *Judae*, sed temperatum, quo, a Chaldaeis oppressi, in medio Babyloniae per sat longum tempus, sub durorum Dominorum imperio degere debuerunt; eo expicta censei potest Servitus Ecclesiae Occidentalis sub Antichristianismo, qui etiam cum Babel comparari solet. Quemadmodum enim Ecclesia, quatenus veram Religionem, sed multiplici tamen superstitione infectam, profitetur et exercet, cum Judaico Populo comparatur: ita ex quo Dominium superbum, imperiosum et tyrannicum, in medio sui habere et exercere, Populumque Dei dura Servitute premere coepit, ita tamen ut Populus Dei manserit separatus, recte induisse dicitur conspectum Babylonis; et Populus Dei ibi tanquam in Exilio esse censetur. Vid. Cl. Vitringa ad *Jes. XIV. l. c.*



PERIODUS QUINTA,

a Reformatione confirmata usque ad terminum incertum; quae Periodus adhuc durat.

§. CXLV.



N hujus Periodi, aequae ac aliarum, Pertractatione, ante omnia Character ejus dominans est in lucem proferendus. Periodo, quam a Reformatione stabilita repeto, et ad ultimam Persecutionem, omnium atrocissimam, et ab Antichristo instituentem, extendo, sub qua adhuc sumus; pro Characterem dominante habet Libertatem Fidei et Religionis, secundum Regulam Verbi Divini, pro qua superiore Periodo tantopere per Martyria pugnatum fuerat, restitutam Ecclesiis a Tyrannica Societate separatis; Tyrannide illa repressa quidem, sed nondum plane abolita, quin suo tempore novas adhuc acquisitura vires, et de novo grassatura. Superiore Periodo nil magis fuerat conspicuum Tyrannide Papali, Fidem et Religionem suam tuente et defendente, et dissentientes acerrime persequente, ut supra vidimus. Hujus Belli eventus fuit, ut stabilis et tranquilla fuerit facta separatio multarum Ecclesiarum a communione Ecclesiae Pontificiae, quae Ecclesiae nactae sunt Fidei et Religionis Libertatem, adeoque eatenus triumpharunt de Societate Pontificia persecutrice, suasque res publice et tranquille instituerunt agere. In hac publica et segura Religionis professione et exercitio, represso Dominio Papali, et aliquomodo triumphato, et Verbo Dei pro Norma Religionis constituto, Characterem Ecclesiae hujus Periodi pono.

A. Quod

A. Quod notabilis admodum hic sit casus, et prae reliquis omnibus eminens.

B. Quod superioris Periodi Casus characteristici consequens sit hic ipse.

C. Quod maxime insignes produxerit mutationes in Orbe Christiano per Occidentem, quippe in tot diversas Societates distracto, post libertatem Fidei et Religionis introductam.

D. Quod Fides et Religio ab exstantioribus corruptelis purgata, et longe lateque propagata fuerit per Occidentem; ne nunc de quibusvis Scientiis ad summum evectis, per libertatem Religionis redditam, aliquid dicam.

§. CXLVI. Haec Periodus liberae et publicae Verbi Dei et Religionis, rejectis Traditionibus humanis, restitutionis, fideique ad eam unicam Normam, Verbum sc. Dei, conformatae Confessionis, et Exercitii, repetenda est in Germania a Transfatione Passaviensi ao. 1552, vel potius a Comitibus Augustanis ao. 1555: in Gallia ab Edicto Nannetensi sub Henrico IV ao. 1588: in Bohemia a Literis Majestaticis Rudolphi II; in Belgio a Confoederatione Provinciarum per Unionem Ultrajectinam ao. 1579: quippe qua *libertas* religionis est stabilita, et purior religio quoque reformata admissa, inde postea sola facta dominans, publica auctoritate sancita. In Britannia ab Henrico VIII incepta, sed sub Elisabetha demum perfecta ao. 1558. in Suecia Reformatio fuit in generalibus Regni Comitibus sub Gustavo sancita ao. 1527. quod idem in Dania factum est in publicis Holmiae Comitibus sub Christiano III: in Helvetia per varios gradus perfecta est; ut apud Tigurinos jam ao. 1525, quos alii nonnulli Pagi haud diu post secuti sunt; ut et Genevenses, qui Reformationem instituerunt ab ao. 1535.

§. CXLVII. Character ergo Ecclesiae dominans, ut nunc ejus Partes paulo accuratius explicem, sequentia complectitur:

A. Ecclesiae generalem divisionem in duas magnas Societates, alteram Tyrannicam et Antichristianam;

alteram Protestantium et Evangelicam, quae Societates sunt publice separatae, et sibi invicem oppositae.

B. Prioris Societatis Tyrannicam Potestatem repressam, sed non tamen abolitam, quin suo tempore revicturam. Durant quidem eadem tyrannidis principia et proposita; sed executioni nunc mandari non possunt.

C. Posterioris ergo Societatis liberam Fidei et Religionis professionem, et exercitium non impeditum.

D. Fidei et Religionis Normam supremam, et unicam, Dei Verbum et Evangelium, oppositae ad Traditiones, et Decreta humana Pontificiorum; qui Character est omnium Ecclesiarum Protestantium; licet apud illos magis, apud hos minus, pure et sincere id observetur.

E. Verbi Dei et Fidei liberum Examen, omnibus Societatis Protestantium Membris relictum; liberum Religionis exercitium omnibus inter Protestantes concessum, absque ut illi vexentur, et Persecutionem propterea patiantur. Hoc est Protestantium omnium principium, et originale Criterium; a quo qui discedunt, principia Reformationis migrant.

§. CXLVIII. Huic Characteristico Periodi Criterio non obstat

1. Quod hic illic, durante hac Periodo, Protestantium libertas a Pontificiis interturbetur; nonnullae quoque Ecclesiae Protestantium aliquam patiantur Persecutionem, quemadmodum et superiore Sec. in Gallia, revocato Edicto Nannetensi. Est enim illud aliquid particulare, Ecclesiis tantum paucis proprium, nec perpetuo et continuo saeviens ad mortem; hoc enim non obstante, continuat tamen Protestantium separatio et libertas.

2. Neque obstat, quod Protestantes ipsi varie sint divisi, et mutuas lites secum exerceant, ac in diversas abeant societates, imo a mutuis vexationibus saepe non abstineant. Hisce enim omnibus haud quicquam obstantibus

a. In eo conveniunt: (1) Verbum Dei esse supremam Fidei et Religionis Normam: (2) Verbi illius scrutinium, et Religionis ad eam Normam institutae exercitium, esse cuius Societati liberum relinquendum. (3) Neminem Religionis causa esse persequendum, vel morte afficiendum. Haec communia Principia Characterem constituunt Reformatorum, a Papistis separatorum.

§. CXLIX. b. Perseverant quoque singulae Ecclesiae Protestantium in libero Religionis exercitio, absque ut se invicem opprimant, aut in se invicem ob hanc rem saeviant.

c. Si qui Casus contingant alii, illi sunt transitorii et minus frequentes; nec universales, sed in his vel illis Societatibus saepe turbulentis, qui ergo in censum non veniunt, ubi de generali Periodi Characterem agitur. Accedit, Protestantes eo in casu principiis suis non convenienter instituere, quod passim et in aliis contingere solet.

d. Denique notari velim, Casum Periodi Characteristicum spectare ad universam Ecclesiam, simul per totam Periodum durare debere, et esse per omne tempus conspicuum: quae utique in mutuas Protestantium dissensiones, separationes vel vexationes, non conveniunt; tum quod sint solum Protestantium, saepe nonnullarum tantum Ecclesiarum particularium; tum quod cum alio illo Casu Characteristico comparari nequeant, nec etiam libertatem Protestantium destruant.

§. CL. Nunc de Characterem Status Ecclesiae Moralis erit differendum. Hujus respectu censuerim, Ecclesiae in genere consideratae, quam late se per Orbem Christianum diffundit, et qualescunque in familias divisa, Characterem esse, tum *Securitatem*, ex vana de Bonorum suorum spiritualium abundantia opinione natam; tum *remissum* et languens Veritatis et Pietatis verum studium, quo suis confessionibus, et Sacrorum forma, singulae Sectae contentae, et ea re gloriantes, tanquam optima et salutari, exiguum impendunt operam Veritati indagandae; illustrandae et propagandae, multo minus

minus verae pietati et virtuti exercendae et promovendae. Hic, ni fallor, verus conspectus est Ecclesiarum, tum quae Pontificiae audiunt, tum quae dicuntur Protestantes, quemadmodum se nunc habent; sed maiore adhuc emphasi habiturae sunt, donec novam incidant in Persecutionem, quae Regni Antichristiani totalem destructionem pro exitu habebit, id quod sequente Periodo futurum esse, opinor colligi posse ex Apocalypsi. Superiore Periodo ardens ubique viguit studium Veritatis et Pietatis demonstrandae et propagandae, cum Tyrannis Papalis grassabatur, ut supra vidimus: sed hisce Persecutionibus cessantibus, et Ecclesiis a se invicem separatis et ordinatis, ita ut singulae suas habeant distinctas Confessiones, et proprias Religionis formas, tradiderunt se securitati, opibus suis singulae contentae et gloriantes: praeterea a Veritatis et Pietatis studio remiserunt, id unice fere operam dantes, ut societatem suam singulae defendant. Hoc in statu versantur, tum Papistae Synodi Tridentinae doctrinis unice adfixi; tum Protestantium familiae, Confessionibus suis, per Synodos quoque firmatis, adhaerescences: singulae hae Sectae de Veritate, Puritate ac Praestantia, Fidei suae et Formae Ecclesiasticae persuasae sunt, et in iis laete ac secure acquiescunt, nil fere curantes aliud, quam ut illas suas opes conservent. Quae omnium Ecclesiarum conditio, si rem in genere spectes, in omnium oculos adeo incurrit, ut ne verbum quidem opus fuerit addidisse. Quam ardente quoque studio suas singulae Definitiones, Liturgias et Regiminis formas, prosequantur, et hac parte non sint remissae et tepidae: attamen Veritatis et Pietatis studium flaccidum est; si societates illae in genere *κατα το πολυ* considerantur. Loquor de societatibus Christianis divisis, earumque membris in genere, nec de omnibus, sed pluribus membris, nec adhuc eo gradu, qui postea obtinebit, intelligi velim; non desunt enim haud pauci veritatis et pietatis studiosi per Societates illas, qui distinctas suas formulas cum rationali convictione sincere adoptarunt, iisque recte, et ut decet, *utantur*, sed et sibi ab earum *abuso*, qui multiplex est, et esse potest, solícite cave-

re norunt, denique fidem illam suam vera et mascula pietate ornant.

§. CLI. Indicia eorum, quae dixi, nunc tantum profero sequentia.

A. *Sectae*, et non *Veritatis*, invaluisse studium, demonstrant sequentia.

B. Intra *Sectae* definitiones studia conclusa sunt, et ad eas conformantur, a quibus vel latum unguem discedere nefas habetur: praeterea eo tendunt, ut S. Scripturas et omnes Scientias ad eam Normam tractent: ne quidem commodam aut laxiorem formularum interpretationem subinde ferentes.

C. *Sectae* Definitiones nec sincero *Veritatis* studio examinari solent; imo ne quidem, ut sine periculo examinentur, permittitur.

D. De *Orthodoxia* secundum illas solet iudicari Definitiones in singulis societatibus.

E. Omnes veritates singulae ea ratione apud se esse cognitae et illustratas putant, ut iis nil addi vel demiqueat aut debeat.

F. Intra suae confessionis pomaeria solam veram Ecclesiam esse conclusam, opinantur.

G. Aliarum familiarum opiniones ita rejiciunt singulae, ut eas serio et sincero studio non subiciant Examini severo; imo animis sunt adeo ab aliis singulae alienae, ut pro tentationibus Satanae habeant, si quando in dubitationes hac parte incident.

H. Accedit, *Veritati* indagandae et illustrandae, et solidis rationibus superstruendae, operam vel nullam impendere solere plurimos, vel valde parvam.

I. Nec id negligendum, ignorantiam inter Christianos regnare prorsus stupendam, studium Scripturae S. et Veritatum salutarium esse apud plurimos vel nullum, vel valde remissum. Tandem

K. Addatur, singulas *Sectas* ita se habere, si

rem κατὰ τὸ πολὺ confideres, ut veritates suae sectae, non ex animi plena convictione post debitum examen, sed ex educatione, aliisque Principiis carnalibus et mundanis, profiteantur, ideis illis, quas ab infantia hauserunt, per educationem et institutionem, ne alias rationes politicas aut mundanas memorem, adfueti magis, quam intime convicti. Sic se habet Veritatis Studium.

§. CLII. B. Videamus de Studio *Pietatis* et virtutis; illud magis adhuc jacet. Licet externae Religionis formae se studiosos, etiam ad superstitionem usque, praestent; tamen

A. Illud Religionis exercitium magis e consuetudine, et decentia aut necessitate, quam ex amore Dei oritur; et si non crassa, saltem subtilior quaedam est hypocrisis.

2. Studium id Religionis fere se junctum est a verae Virtutis studio, quippe quod valde remissum est inter omnium Sectarum Christianos: cujus multa sunt indicia:

a. De necessitate et praestantia Virtutis ad Salutem consequendam minus fere persuasi sunt plurimarum Sectarum Christiani. Papistae in externis Sectae Ritibus, ut Sacramentis, intercessione Sanctorum, ac indulgentiis, fiduciam ponunt; nec non in nomine *Catholici*; pii et probi Viri officia minus curae habent. Ex Protestantibus longe plurimi, Fide Orthodoxa contenti, Virtutis studium minoris faciunt; saepe et metuentes, ne nimio Virtutis studio addicti adhaerescant ad opinionem meriti proprii. Certum est, longe majoris fieri Orthodoxiae, quam pietatis, studium.

b. Opera, quam Christiani impendunt officiis pietatis exercendis, vel nulla vel debilis valde est: habere solent quasi *παρεργον*; doctrina theoretica contenti sunt. Et qui adhuc id studium tractant, versantur magis in devotionis exercitio, quam virtutis officiis. Praeterea media ad Pietatem exercendam et Sanctitatem promovendam ducentia, si ab externis Religionis exercitiis discedas, vix nota sunt aut recepta; cum non agentes, sed patientes sancti fieri velint; et qui severiorem illam pietatem sectari videntur, Meditationum sacramentorum

crarum, rationum moventium, aliorumque mediocrum vel ignari sunt, vel negligentes, subinde ea spernentes, tanquam vel inutilia, vel inefficacia, ab immediato influxu Spiritus S. dependentes. Quid? quod qui media, eorumque ad gratiam Dei uberiorem consequendam aptitudinem, eorumque studio et omni opere adhibendorum necessitatem, paulo severius urgent, saepe suspecti alicujus haeresios, et Spiritus S. operationis ad animum hominis adversarii habentur, et traducuntur.

§. CLIII. 1. Quid itaque mirum, incredibilem ignorantiam per Ecclesias regnare, cum Christiani fere, quid Lex Dei et Ratio exigant, ignorant: saepe et vitia cum Virtute miscent; pro licito habent, quod Conscientiae dictamini adversatur, ut sunt vitia avaritiae, injustitiae, zeli amari, odii, fastus et luxus. Praeterea multa flagitia quoque habent pro bene factis; ut cum Sectae se invicem averfantur, cum temeraria de aliis ferunt judicia, dissentientes vexant, bonam aliorum famam laedunt, Conscientiis aliorum vim inferunt, in aliorum Bona manus injiciunt etc. si modo fiant e bona intentione, ad veritatem Sectae promovendam; talia habent pro bonis operibus, quantopere quoque injusta et iniqua sint.

2. Si dein ad vitam et mores attendamus, ubi veracitas, justitia, aequitas, Charitas mutua? imo omnia contraria. Quid quaeso tanto studio agi inter Christianos videas, quanto hujus Vitae opes, honores et concupiscentias, acquirere per fas et nefas? Quid frequentius litibus, calumniis, mutuis accusationibus, odiis, inimiciis, oppressionibus, defraudationibus? et saepe ob opiniones tantum, ut ambitioni litent et dominio. Ubi modestia et moderatio? sinceritas et simplicitas Christiana? Misericordia? Studium bene de proximo, qualiscunque sit, merendi, et ejus necessitatibus succurrendi? charitas mutua, et hostium amor?

3. Vitae spiritualis principia, Reverentia scilicet et sincerus Dei amor in Christo, studium ipsi toto animo placendi, seque ejus voluntati in omnibus subjiciendi, quam rara sunt?

1. Addo tandem, Superbiam spiritualem, et securitatem carnalem pro dominante vicio Christianorum haberi posse: de statu suo spirituali passim bene sentiunt, se suaeque dona magni faciunt, et supra alios extollunt: imo ipsis aliorum Conscientiis imperare gestiunt, nec ferre possunt dissidentes. Quid vulgatus est? Confessiones et formas Ecclesiarum externas quantopere jactant? ac si solae essent purae et Deo gratae. Quam acerbe ferunt, si oppugnentur, imo si vel non rigide et exacte observentur? Quam secure passim et e Vita discedunt, et discedere permittuntur, modo Sectae doctrinam firmiter teneant? maxime si sat vivida sit imaginatio, qua sibi Montes aureos promittunt, modo peccatorum aliquam praeferant poenitentiam, sique, peccata sibi in Christo esse remissa, audacter credant.

2. His omnibus addo damnandum illum, qui multorum animos per omnes Sectas occupat, *indifferentissimum* in re Religionis et fidei, quo vel omnem Religionem spernunt revelatam, vel sibi parum cordi esse ostendunt, quam Religionis formam observent; vel parum operae impendunt Religioni Christianae propagandae inter errantes, peccantes et infideles; vel in Religionis exercitio sunt tepidi. Quorum hominum ingens est per omnes Ecclesias multitudo; ut in omnium oculis incurrit.

§. CLIV. Sequatur nunc Commentatio Prophetica. Sigillo V. Apoc. VI: 9---11. *tria* repraesentantur, quae tres temporum differentias continent; Praeteriti, Praesentis et Futuri. Quorum primum et ultimum, illud ad praecedentem, hoc ad sequentem Periodum pertinet; medium seu secundum nostrae Periodi ducit Characterem. *Primum* exhibet animas Martyrum ob Evangelium occisorum, quae longum tempus quasi neglectae jacuerant, v. 9. *Tertium* continet dictum divinum de vindicta a Persecutoribus sumenda, sed aliquamdiu adhuc differenda, donec conservi Martyrum compleantur, qui et ipsi sint occidendi, v. 11. Quo nova et ultima Persecutio annunciat. *Secundum* vero, seu medium, ad praesentem Perio-

Periodum spectans, ob oculos ponit tum clamorem vindictae, a Martyribus sublatum; tum stolae albae amictum, quo vestitae sunt, v. 10, 11. Unde liquet, Periodum praesentem esse temporis *medii* inter duas Periodos Persecutionum, quarum altera proxime praecesserat hanc Periodum, altera immediate sequeretur. Utraque illa Periodus pro Characterem habet Persecutionem Fidei causa; ut ex ipso textu nemini non in promptu est. Periodus ergo praefens est inter duas Periodos Persecutionum media, cujus character est *Pax* et *Libertas*: uti tum res ipsa docet, cum sit inter Periodos Persecutionum media, et ab iis diversa; tum Emblemata *clitoris* et *stolae albae* clare evincunt. Interpretes, qui in eo, quod ad sequentem pertinet Periodum, nobiscum consentiunt, praeteritam tamen Periodum hic non viderunt, sed cum praesente confuderunt; praesentis Periodi lineas quaerentes in Martyrio, et hoc Sigillum ad Persecutionem Antichristi, Sec. XII. coepit, referentes. Quod nollem factum: cum animae hic non occurrant, quae mactabantur, sed mactatae jam aliquamdiu; dicunt, *usque quo, Domine, non iudicas?* Clamor ergo animarum, et Stolae albae huius temporis sunt, mactatio praeteriti. Accedit, respici hic ad Sigillum praecedens, quo strages inter homines facienda erat repraesentata, quam hoc nostrum Sigillum ut factam memorat: addita solummodo illius stragis causa, et vero conspectu, cum Animae exhibeantur Evangelii causa effusae. Ergo dubium mihi non videtur, quin *mactatio* sit Periodi praeteritae, et *clitoris* cum stolis albis huius nostrae Periodi. Animae eorum, qui sub Periodo Antichristianae Persecutionis erant occisi, postquam diu siluissent, et quasi sopitae, quamdiu Periodus illa duravit; nunc excitatae tandem rumpunt silentium, et sanguinis vindictam clamant: quum dictum iis est, ut parum temporis expectent, donec conservi eorum essent consummati. Interea *albae* vestes iis sunt datae. Characterem ergo Periodi praesentis clamor Martyrum publicus constituit, et vestitus splendidus ac albus. In genere vero ex eo, quod Periodus dicatur intermedia inter duas Antichristi Persecutiones,

cutiones, colligi potest, Periodum praesentem esse Pacis et Libertatis, qua Verbi Dei studiosi gauderent per hanc Periodum. In speciem vero addendum, quod *Clamor* Martyrum et *Stolae* albae sequentia involvant.

A. Martyres, qui pro causa Evangelii sub Antichristi Persecutione Vitam effuderant, denuo esse excitatos, et novas induisse Personas, in quibus animae Johanni sunt oblatae; cum antea jacuissent quietae, et quasi neglectae.

B. Vocem jam acquisivisse liberam et publicam, quae antea erat oppressa.

C. Causam eorum fuisse publice justificatam, quatenus Orbem circumsonuit vox vindictam requires, et stolae albae illis datae sunt. *Vox* indicat, eos injuste occisos esse, et id publice constare; ita ut tempus vindictae sit opportunum; nec amplius dubium sit de sceleribus Antichristi. De *Stolis*, ut Justificationis signo, leg. Cl. Vitringa.

D. Martyres triumphasse; et illud, ob quod sanguinem effuderant, impetrasse: id quod Stolarum albarum emblemate quoque comprehensum est.

§. CLV. Character ergo Periodi, e dictis eruendus, comprehendit liberam et publicam fidei et Religionis, ad normam Evangelii, professionem, pro qua Martyres suo sanguine pugnant, quamque nunc impetrarunt: ut causa eorum sit justificata, et triumphaverit; ipsi quasi revixerint, seque publice cum voce libera ostentaverint, scil. in Protestantibus, in quibus fructus Martyrii carperunt. Protestantium ergo Ecclesiae publice erectae, et libera fidei professione ac Religione gaudentes, sicut Martyrum causam justificant, ita quoque eorum Victoriae de Antichristo signa sunt et effecta: quae et clare demonstrant, caedes eorum, injuste factas, a Deo esse vindicandas; cum Deus ipse per Reformationis successum publice declaraverit, causam Martyrum esse meliorem, et eorum sanguinem vindicandum esse. *Clamor* enim sanguinis fusi dicit, ex publicis manifestum esse indicium, sanguinem injuste effusum esse, adeoque vindictam requirere divinam: quae indicia cum in libera Evangelii

Evangelii professione sint restituta, hinc recte clamasse dicitur sanguis Martyrum, cum ille eventus apparuit: antea vox Sanctorum erat quasi oppressa, et causa eorum dubia; nunc, Reformatione perfecta, sicut vox publica reddita, ita causa eorum justificata est; adeoque tempus opportunum vindictae Divinae adest, clamor animarum indicat.

§. CLVI. Pergamus ad Cap. XIV. Apocal. in quo conditio Confessorum Veritatis Evangelicae, et Fata ordine successivo eleganter repraesentantur: initium fit a Waldensibus et Albigenensibus purioribus Sec. XII. quippe qui per 144000 hominum, cum Agno in monte Zion stantium, repraesentantur. Dein Humilitate comparent et Fratres Bohemi, per Chorum Citharadum depicti. Tandem Reformatores, per Angelum Evangelii Praeconem per Orbem repraesentati: et hos secutus est primus lapsus, sed plenarii excidii praenuncius tantum, Babelis mysticae; qui simul stabilem Libertatem Ecclesiarum Reformatarum Tyrannidi Antichristi ereptarum comprehendit: adeoque hujus nostrae Periodi Character ibi ducitur. Quae omnia, cum a Cl. Vitringa recte sint explicata, tetigisse hic sufficit.

§. CLVII. Succedat ergo VII Epistola Apocal. ad Laodiceos, Cap. III: 14 *seqq.* Quae Statum Moralem Ecclesiae hujus Periodi usque ad novam Persecutionem Antichristi, eamque excepturum totale Regni Antichristiani excidium, describit: in qua recte explicanda non potuerunt feliciter versari VII Periodorum Patroni, quod Periodos Epistolarum easdem fecerint, ac Sigillorum et Tubiciniorum: quod antea refutavi, quae nunc non repetam. Tantum observo,

A. Eundem Ecclesiae statum Moralem continuaturum esse per seq. Periodum VI. quae ratio est, quare nova non succedat Epistola; quia status moralis respectu nil novi accideret, durante quoque seq. Periodo VI. Persecutio Antichristi ultima Ecclesiam in eo statu, quo hic describitur, deprehendet; donec, Antichristianismo destructo, plane gloriosus Ecclesiae status introducat.

B. Periodum VII. quoque opus non habuisse
Z nova

nova Epistola, quod Character Ecclesiae ejus unus idemque esset, gloriosum scil. statum in genere comprehensurus, qualis in Libro Sigillorum exponitur. Accedit, Spiritui S. propositum fuisse, hunc statum felicem ex professo et seorsim describere, ut fit Cap. XXI et XXII. Addi quoque potest, omnia promissa, quae per omnes Epistolas data sunt Ecclesiae, pertinere ad hanc ultimam Ecclesiae conditionem. Quod observatum non est nullius momenti ad illa promissa in singulis Epistolis recte explicanda: quum autem per illa promissa status Ecclesiae Periodi VII. sit depictus, nova non opus erat Epistola. Terminantur ergo Epistolae in Periodo VI^{ta}, ita ut VII^{ma} haec Epistola se diffundat per Periodum V et VI.

§. CLVIII. Inspiciamus jam hujus Epistolae argumentum: ut, qua ratione status Ecclesiae Moralis ibi characterizatur, eluceat. Ecclesia hic describitur in re Religionis *tepida*, sed vana Bonorum suorum praesumptione inflata et superba: denique in Veritatis et Pietatis studio paupera, nuda et coeca. Religio exercetur quidem, adeo ut frigida non sit, sed non ardens, verum tepide et indifferenter; ut paupera, nuda et coeca esset. respectu genuini studii Veritatis ac Pietatis. Qua misera Ecclesiae conditione non obstante, superbit Bonis suis, et felicitate, ac secura recumbit. Hunc statum, quem quisque ex lectione Epistolae, inprimis si Cl. Vitrinam consuluerit, facile perspexerit, nostrae Periodi Characterem constituere, ex iis, quae in Tractatione Hist. in medium produxi, facile in oculos incurrit. Quare pluribus hic opus non est. Sed praeterea significat Deus, propositum sibi esse, Ecclesiam suis judiciis visitare, quorum duplex foret effectus, *alter*, ut hypocritas, qui corrigi se non sunt passi, *eyomeret*, i. e. cum pudore ejiceret, et a communionem suam separaret longissime, *alter*, quod reliquos et meliores castigaret et emendaret. Quae Judicia partim excidium Regni Antichristi et Hypocritarum comprehendunt, partim novas Persecutiones; cum gloriosus Ecclesiae status erigeretur; quum Dominus ad Januam staret pulsans &c.

§. CLIX.

§. CLIX. Nunc de Tubicinio V. est dicendum Apoc. IX: 1. *Locustarum* characteres, e quibus de sensu emblematico judicandum est, sequentes sese offerunt praecipui 1. *Primus* est, qui ad *ortum* earum spectat, eas ex *abyss*o, ejusque densissimo fumo, non itaque de longinquis oris, originem habuisse; simul *Satanae*, angeli abyssii, mancipia esse, et ab eo dirigi: vers. 3, 11. 2. *Secundus* habet, dedisse iis exitum, adeoque occasionem et potestatem grassandi in terra praebuisse et concessisse, *Stellam* aliquam, quae non tunc, sed jam antea e coelo ceciderat, et *clavem* abyssii habebat, adeoque illustrem et potentem Doctorem, simul Dominum, potestate praeditum; qui divinam sibi adrogabat originem et auctoritatem ligandi ac solvendi; vers. 3tio. *Tertius* 3. continet, eas non *terrae*, seu gramini aut arboribus, ut solent proprie dictae locustae, verum *hominibus*, nec qualibuscunque, sed qui per Dei permissionem in eorum manus inciderent, infestandis esse destinatas vers. 4. Qui character eo ducit, ut *partim*, non de *locustis* animantibus, sed emblematicis, seu societate hominum cogitaremus, *partim* ad *tempus*, quo grassarentur, adtenderemus, illud nimirum, quo Deus magnam hominum copiam ex Judaeis et Gentibus, *signo* frontibus inpresso, praestare velit salvos: quod tempus cap. VII. expresse definitum est; de quo supra exposui, *partim* denique laesionem hominum, ab iis faciendam, circumscriptam esse a Deo, ejusque subjectam directioni. Ex quo simul elucescit, minus solide hinc colligi, vel omnes, vel solos, eximi purioris religionis confessores: inpressio enim *signi* phrasis est figurata, quae liberationem ab illo malo simpliciter denotat, uti ex Ezech. IX. Ap. VII et aliunde fatis patet. 4. *Quartus* character locustas exhibet a *facie*, et anteriore parte, splendidas, illustres, honoratas, simul blandas, seseque facile in aliorum animos insinuantes, sed et formidabiles ac metum aliis incutientes, ac ad iis obediendum compellentes; sed a *posteriore* parte terribiles plane, et *aculeatas*, potestate laedendi instructas: vers. 7, 8. 5. *Quintus* eas sistit *cum* invincibiles, contra omnem laesionem et hostilem

impetum tutas, quo *lorica* ferrea pertinet vers. 9. *tum* famosas per orbem et celebratas, quo *sonus alarum* tendit, ibid 6. *Sextus* in eo est situs, quod potestas, ipsis propria, non *mortis*, seu poenae capitalis inflictionem comprehendat, sed qualemcumque aliam laesionem dolorosam et miseriam: vers. 5. indicio, tales hic depingi Satanae ministros, qui *mortis* poenam infligere, a sua persona et munere alienum, cruciandi vero et torquendi potestatem sibi comperere, exultant. 7 *Septimus* est, homines, ab ipsis aculeo suo ictos, in eum redigendos esse statum, ut mortem naturalem vitae sint praelaturi, eamque, si possent, sibi mallent consciscere, *partim*, quod miserabilem suum statum vix prae desperatione ferre posse videantur, *partim*, ut multo terribiliorem mortem, sibi imminentem, effugiant, quo vers. 6*us* collineat: qui non necessario requirit, ut, qui mori cupiebant, *mortem* non sint passuri, sed mortem naturalem vel aliam similem non, uti optabant, subituri sint. 8. Octavus denique, tempus *grassaturae* earum definiens, tradit; eas non omni, sed *opportuno* tantum tempore, nec perpetuo, sed *definito*, ne quidem *diuturno*, infestationes et laesiones illas producturas. Quo pertinet, quod earum potestas ad *quinque* menses restringatur vers. 10. quippe quod *opportuno* est tempus, relate ad locustas, quae verna et aestiva tantum grassari solent tempestate, praeterea definitum et breve, relate ad totam periodum *quintam*, sub qua vigerent, si cum *anno* comparare liceat, cujus ne *demidiam* partem quidem complerent. Accedit, numerum denarium esse perfectum, et totam universitatem denotare, adeoque ad totam periodum referri posse, cujus dimidiam partem facit *quinarius* numerus. Vid. Gen. XXXI: 41. Job. XIX: 3. Matth. XXV et alibi.

§. CLX. Hos characteres qui ad animum revocaverit, *locustasque* has emblematicas sub periodo *quinta*, ad quam hoc pertinet *tubicinium*, quaesiverit, ei forte sponte sua in mentem veniet *societas* aliqua hominum Sec. XVI orta, et ab eo tempore per orbem fere totum vagata ac dominata, ad hoc usque tempus, quo abolita est. 1. Originem suam *superstitionis, ambitionis*

tionis, et avaritiae fumo infernali debet, 2. a supremo in orbe Christiano-Catholico Domino, qui se infallibilem jactat, ac Divinum Doctorem et Rectorem, a stella itaque e coelo lapsa, in orbe stabilita, eique peculiari juramento obstricta, et unice devota. 3. Invincibilis, et contra omnia tentamina ad hoc usque tempus probe munita, quae semper superavit et elusit, hic illic subinde fugata, sed et restituta. 4. *anteriore* sua facie blanda, hominumque adfectibus pravis valde adcommoda, simul haud una ratione *venerabilis* per vitam honestam, artes eruditas, studiorum cultum, religionis tuendae et propagandae fervens studium, aliosque labores, sed et *formidabilis*, cui nemo sine periculo et laesione resistat, per orbem fere totum, quam late patet, sparsa et famosa. 5. Quae, a sanguine fundendo per ordinis sui indolem alienam sese reputans, multiplicibus tamen artibus, machinationibus et facinoribus, adversarios suae societatis, Papalis omnipotentiae, et superstitionis, in tantam conjicere solet miseriam, ut mori mallent quam vivere. 6. *Dentibus* quoque *leonis*, qui locustis illis versantur, et eo sensu instructa, quo de pseudo-prophetis sui temporis dixit Micha c. III: 5. quod *mordentes* sint *dentibus* et *clament pacem* (h. e. statim ac buccellam inter dentes habent, *pacem* clament: *mordere dentibus* exprimit avaritiam, et aviditatem quaestus ac luxus, vid. ib. c. II: 11. III: 12.) et *si quis illis non det in ore* (h. e. nihil mordendum praebeat, quin eos spernat) *contra eum sanctificent bellum*, scilicet, Sacrum, studio gloriae Dei vel eo praetextu gerendum, tanquam in adversarium et hostem Dei ac religionis.) Christus quoque Phariseis inputavit, Matth. XXIII: 14. quod *domos viduarum devorent, praetextu longarum precum*. 7. Quae eo ipso sese verum praestat *Satanae mancipium*, cuique praestit *Angelus abyssi, vastator ille*. Hujus utique ordinis viris, non tamen omnibus, quippe inter quos eruditione, virtute et moribus, spectabiles non defuerunt, sed secundum noxias ejus regulas viventibus, recte illud adplicari poterit scitum, *intus sunt Neronēs, extus Catones, toti horrenda monstra*. In specie vero status et societatis *civilis*

hominum, quem conspectum gerunt *tubicinia*, respectu, vitio creata, et pro tremendo iudicio Divino habenda, cenferi potest haec terribilis, et civitatibus pernicioſa, ſocietas: qualem ipſi Catholici eam, quaſi agmine factò, depinxerunt; et in eam irruerunt. Catalogum illorum autorum et ſcriptorum, ſatis prolixum, contexit Cl. Hottinger. Hiſt. Eccleſ. ſ. c. XVI. p. V. p. 495. Legi in primis quoque merentur *les provinciales*, ſeu *Lettres ecrites* par L. de Montalte &c. qui liber a Paſchali ſcriptus, ſed illuſtratus eſt a Nicolio ſub Wandrukii nomine: praeterea *la morale des Jeſuites* &c. A. de Vargas *Stratagemata Jeſuitica*; denique Oratio a viro Catholico in Senatu Polonorum Sec. XVI habita, quam recensuit Lyſerus in praef. apologet. Hiſt. Jeſuit. Haſenmulleri, quamque ob cauſam tandem proxime aboleverunt.

§. CLXI. Juſtitiam utique, fidem, pacem et ſecuritatem, ſocietatis vinculum et praefidium, multis modis infringunt, quin deſtruunt per doctrinas et regulas ſuas, *ante* ſpecioſas et adfectibus gratas, ſed *poſt*, et a tergo, ſcorpionis inſtar pernicioſas, et lethales. Quales, ex gr., ſunt 1. de Regibus et Principibus, modo *tyrannis* viſis, a quocunque licite occidendis, haereticis, ſic dictis, infamandis, bonis ſpoliandis, torquendis, incarcerandis, inmurandis, et ad deſperationem redigendis, denique, non a ſe quidem, aut Eccleſia, ſcilicet, ſed iudicio ſeculari occidendis, comburendis etc. 2. de *reſervationibus* mentalibus ſeu *aequivocationibus* licitis, in ipſo quoque Iudicio, confeſſione, quin iuramento. 3. de ſola *probabilitate*, ſufficiente actionum moralium regula, 4. de fide *haereticis* data, etiam iuramento fancita, non obligante. Praeterea, ſpecie quidem devoti et honeſti, artem ſimulandi ac diſſimulandi egregie callent et exercent, opibus et divitiis per fas et nefas corradendis toti intenti, negotia aulica et politica ambitioſe adfectantes et tractantes, ita ut ex eorum conclavi, Romae erecto et reſidente, *totum terrarum orbem eo, quo nemo intelligat, modo gubernari*, dixerit aliquando Generalis eorum Gallo alicui, ipſum viſitanti, uti autor praetic. moral. Jeſuit. refert.

refert. (a) Denique, quas dedit haec societas turbas, seditionesque, quas Principum caedes procuraverit, quot bellorum incendia suscitaverit, quantas quoque vexationes, aut carnificinas, per tribunalia quoque Inquisitionis, quibus fere praesident, effecerit, quantas intulerit populis, regnis, familiis, personis singularibus, miseras, nemini non ex historia constat. Legi hic, ne alios memorem, meretur Cl. Heideggerus (b), ubi Jesuiticae crudelitatis seriem paucis pertexuit, nec non Hasenmullerus (c) ipse primum Jesuita, dein Lutheranus Sec. XVI.

§. CLXII. Nescio, num addere liceat, *militarem* specie tenus *habitus*, qui *locustis* datur, ad militares et hostiles expeditiones referri posse, quas hic ordo inprimis vel produxit, vel promovit, sub quibus quasi latuit; quae sicut ubique antea, in primis in Polonia, ut autor Catholicus multis exposuit in oratione, modo citata, quam nemo sine horrore legerit, et in qua Jesuitas, earum autores, tanquam *locustas* hasce ad vivum videbit expressas, ita Sec. XVII in primis Europam continuo infestarunt, in horribilem conjecerunt confusionem, et miseriam, tot vastationes terrarum, spoliationes bonorum, aliaque mala multiplicia procurarunt, ut mors vita multis potuerit visa potior. Accedit, eas expeditiones, *locustarum* instar, vastationes quidem et miseras quaquaversum circumtulisse, sed ipsas regiones illas in perpetuam possessionem non redegis- se. Verum ab ulteriore deductione abstineo, ne quidem in data locustarum adplicatione plene acquiesco. Verlamur utique in hac periodo adhuc, nec praesciri potest quid in posterum ex orco prodire possit, quod has locustas clarius ac certius definiat.


§. CLXIII. Nihil restat, quam ut Harmoniam Fatorum V. et N. T. persequar. Aliae enim Prophetiae ad Periodum hanc in specie referendae occurrerunt mihi nullae: quae a nonnullis applicari huc solent, supra suis locis jam explicatae sunt.

Z 4

Reliqui

(a) Vol. II. (b) Myster Babyl. tom. II. p. 222. (c) Hist. Jesuit. anodo citata p. 137 et 212 &c.

Reliqui Israel in Assyriaco, et Judam in Babylonico Exilio; cui duplici exilio respondet status Christianorum Orientalium sub Turcis, et Occidentalium sub Antichristo. Israel autem in eo statu manente, sicut adhuc manet Ecclesia Christiana in Oriente; liberatus est Juda, et pristinus Libertatis status ei aliquo modo restitutus est. Quod ipsum contigit Christianis in Occidente per Reformationem, ut e dictis supra constat. Ut autem haec liberatio primum facta est per Regni Babylonici destructionem, sed Babelis semiplenam tantum ruinam, sic Reformatio cum primo Antichristi lapsu fuit conjuncta Apoc. XIV. 2do Sacrorum liberum exercitium secundum Verbum Dei produxit, quod hujus Verbi Studium cum maxime fuit renovatum: sic et tempore Reformationis. 3to Inter multas hostium vexationes, nec sine variis impedimentis: quae omnia quoque conspicua in Historia Reformationis. 4to Ecclesia Judaica sensim prolapsa est ad studia remissiora Religionis; simul multiplici corruptione est infecta: quibus factum est, ut Preces et Jejunia, aliaeque media ad Ecclesiam consummandam, et promissorum implementum consequendum, ceciderint frustra. Quae ipsa quoque Reformatis acciderunt et adhuc durant. Reliqua huc pertinentia ad sequentem Periodum pertractabo.



PERIODUS SEXTA,

Quae est incertorum terminorum, et a quo, et ad quem.

§. CLXIV.



Ullus hic est locus Tractationi Historicae, adeoque de Characterē hujus Periodi ex sola Apocal. judicandum est, et imprimis ex Sigillo

VI. secundum Hypothesin nostram supra jactam, et per singula Sigilla huc usque confirmatam. Cum hoc autem Sigillo VI. comparandum est Tubicinum VI. Cap. IX: 13--14. Cap. XI. Et Vaticinium Cap. XIV: 9---ad fin. Dein VII Phiolae Cap. XVI. Et tandem Judicium in Bestiam Cap. XVII--XIX. Haec omnia Vaticinia sunt ex mea opinione ad hanc Periodum referenda: quod, si VII Phiolas exceperis, quoque a Cl. Vitringa recte explicatum et evictum est; praeterquam quod ille primam partem Cap. XI. cum Regno Bestiae inde a Seculo XII connectat, et Cap. XVII., ubi Bestiae et Mulieris insidentis est descriptio, eo quoque referat. Sed licet Capite XVII. praecedentia Gesta Bestiae non excludam, scopum tamen Capituli esse puto, Bestiam depingere, qualem se hac Periodo VI. imprimis praestaret; quod non est difficile perspicere: de quo plura in *oratione* subjuncta *de ultima persecutione*. Haec omnia Vaticinia ad Futurum tempus respiciunt, et Periodi nostrae Characteristicos Casus exponunt: quos nunc in genere exhibebo; cum specialia suo demum tempore sint per implementum illustranda.

§. CLXV. *Imus* Casus Characteristicus est gravioris Judicii in Christianos, Idololatricae superstitionis, et sanguinis inno- cui reos; quod executioni dandum est per Populos remotiores, ut ex mentione Euphratis elucet Apocal. IX: 14. Prima quoque Tubicini Viti pars Cap. IX: 13---ad fin. huc pertinet.

Aa

Ildus

Idus Casus est oppressio et Subjectionis multarum Ecclesiarum Protestantium per Antichristum, qui denuo Imperium per aliquam Terrarum Protestantium partem extendet: quo refero Apoc. XI: 1, 2. respicitur ibi ad Hierosolimam ab Antiocho Epiphane, qui fuit Bestiae Emblema, occupatam.

Illius Casus est illustrium aliquot Virorum, qui se ingravescenti Antichristianismo ingente cum studio opponunt, et ad quorum preces magna mala infliguntur Antichristo: quae partim habentur Cap. XI: 3---6. partim in Phiolis Cap. XVI. quarum aliquae huc pertinent, repraesentantur: de quibus ante eventum tutius est silere. Ceterum quod plures Phiolas Periodo hac statim effundendas, partim ideo fit, quod Testes illi Cap. XI. potestatem habere dicantur quaevis mala Regno Bestiae infligendi; partim quod Persecutio ultima dicitur cum interitu Bestiae connexa Cap. XV. Accedit, ad vindicandum sanguinem Martyrum Judicium Dei in Bestiam ad id tempus differri in Sigillo Vto; donec denuo inciperet grassari hac Periodo: Phiolae ergo, quae hoc Judicium in Bestiam per varios gradus infligendum continent, altius repeti non possunt.

§. CLXVI. *IVtus* Casus est novae et ultimae, sed omnium atrocissimae Persecutionis ab Antichristo instituendae, cum animi ejus et subditorum per liberas testium illorum voces, et mala per illos inflicta, irritati essent, ut ex gaudio liquet, quod mors testium illorum attulit, Cap. XI: 10. Hanc autem Persecutionem circa finem Periodi futuram esse, elucescit ex Cap. XI: 6. ubi Testes prius dicuntur testimonium suum completuri. De hac autem Persecutione tum l. c. tum Cap. XIV: 9---13. tum Cap. XVII. agitur, in descriptione Bestiae et Meretricis: imo v. 14. ipsis verbis proponitur: hoc enim est, ut ibi dicitur, *cum Agno pugnare*. Denique Cap. VII: 9, 14. ut a Cl. Vitringa evictum est. Ceterum de hac ultima persecutione fusius in *sermone Academico*, ad calcem hujus tractatus, egi.


Vtus

Vtus Casus est, quod, cum saeviente persecutione illa ultima, videri possit de vera Ecclesia actum esse; Heroës suscitandi sunt, qui armata manu impetum Antichristi saevientis reprimant, ingente ipsi inflicta clade. Et hic primus gradus est Resuscitationis testium veritatis, Cap. XI: 11. De qua clade quoque agi videtur Cap. XIV: 15, 16. Imo et, quod probabile fecit Cl. Vit. Cap. XVI: 12. in Phiola Vita.

Vitus Casus est, quod hanc Cladem exceptura sit longe gravior Antichristianismo infligenda; tum per Reges, qui Meretricem deferent, Cap. XVII: 16. tum per Judicia alia divina, quibus prosternetur, et totum id Regnum Tyrannicum destruetur, ut evanescat: uti VIIma Phiola declarat Cap. XVI: 17 seqq. ut et Cap. XVIII et XIX.

§. CLXVII. Hos Casus si quis ad animum revocaverit, in Charactere Periodi VI definiendo haerere non potest: elucet ex dictis, Characterem Periodi fore ultimum Bestiae conatum in Ecclesia Christi destruenda, vindicandum per multa Judicia divina, quae totalem Antichristi ruinam secum ferent; viamque parabunt ad longe prosperrimum et gloriosissimum Ecclesiae statum: quod Sigillum Vitum quoque extra dubium collocat; de quo vid. Cl. Vitringa.

Huc etiam sensu secundario et penitior re-ferendae sunt Prophetiae V. T. quae vel in genere de hostibus Ecclesiae extirpandis, vel in specie de Syris et Ægyptiis reprimendis et delendis clare vaticinatae sunt: de quibus antea suo loco egi. Respondent enim tempora Epiphanica et Maccabaica huic nostrae Periodo, convenientia satis exacta: de quo leg. Cl. Vitringa ad Jes. XXIV et XXV. cujus Comment. nil addendum habeo.



PERIODUS SEPTIMA.

§. CLXVIII.



* * * Eriodi septimae Characterem, si
 Sigillum VII consulamus, con-
 stituere debemus in *silentio*,
 quod evicit Cl. Vitrunga: quo
 putem significari, Ecclesiam in
 perfecto statu, naturae Eccle-
 siae Christi congruo, futuram, absque ut aliquis Casus exstan-
 tior in illa Ecclesia notari possit, qui eam prae aliis caracte-
 rizat aut distinguit. Omnia erunt tum in Ecclesia consumma-
 ta, nulla factorum vicissitudo, nulli Casus characteristici; adeo-
 que Sigillum nil praeferre potuit praeter *silentium*; cum scopus
 eorum sit, Casus Ecclesiae Characteristicos definire; omnia tum
 erunt tranquilla et prospera, scandalis eliminatis, et hostibus
 Ecclesiae destructis: inprimis Pace fruiturae sunt, oppositae
 ad superiores Antichristi Persecutiones. Hanc esse *Silentii* fig-
 nificationem, confirmatur quoque ex praecedentis Sigilli ul-
 tima parte, quae hanc prosperitatem et Pacem verbis Fut.
 temporis descripsit; indicio, ad hanc Periodum, quae superio-
 rem mox excepit, pertinere. Eandem Ecclesiae Imaginem
 depingit Prophetia de Regno 1000 ann. Cap. XX. et Hiero-
 solyma nova, Cap. XXI et XXII. ut a Cl. Vitrunga egregie
 est demonstratum: ut et hic nihil addendum habeam, nisi for-
 te simul c. XXI et XXII lineas status coelestis post ultimum
 et universale iudicium duci. De quo fusius nunc agere non
 licet; monuisse suffecerit. Sed de Iudicio VII. Tubicini habeo
 quid monendum, Cap. XI: 15 seqq. quod de ira Gentium
 a Deo repressa, et Iudicio, v. 18. habetur, non ad hostium
 Eccle-

Ecclesiae superioris Periodi, sed hujus ipsius Judicium referendum esse existimem: adeoque, tum Judicium Dei in Gog et Magog Cap. XX: 9. tum ultimum id et universale, de quo ib. v. 11 seqq. agitur, hic intelligi puto: secus ac interpretibus visum. Hoc enim nisi statuas, (1) a Tubiciniorum conspectu nimis receditur; nam illa describunt Judicia Dei: nulum autem aliud Judicium in hanc Periodum incidit, praeter illud in Gog et Magog. (2) Ratio nulla dari poterit gravioris *Væ* hujus Tubicini v. 14. Accedit (3) comparatio cum Judicio Cap. XX. memorato. (4) Judicii universalis criterium est in universalitate Judicii; dicitur enim *merces danda parvis et magnis*.

§. CLXIX. Ex his Prophetiis facile elucet, imo Ecclesiam gavisuram esse Pace Politica et Ecclesiastica, nulla re amplius turbendam. 2do Libertate perfecta gavisuram sine ulla Servitute spiritali, solo Domino regnante, et Spiritu ac Verbo suo fideles agente. Ipsi quoque *reges terrae gloriam et honorem suum in eam ferent* Ap. XXI: 23. quatenus Majestati et potestati suae in Ecclesia regenda et tuenda, qua antea fuerunt usi, saepe etiam abusi, renunciaturi sint, seseque una cum reliquis membris Ecclesiae, sibi in Christo aequalibus, supremo Ecclesiae regi subiecturi. 3tio Bonis spiritalibus, et donis cognitionis, Sapientiae, Sanctitatis, et Laetitiae, summo gradu abundaturam esse. 4to Alas longe lateque expansuram esse per totam Orbis latitudinem, hostibus ad angulos rejectis, et ibi se continentibus. In specie, 5to. Judaeorum universali accessu ditandam esse Ecclesiam: de quo egi in pecul. Dissert. in Libr. Diss. S. Addatur, *plenitudinem gentium* tum intraturam esse secundum Pauli adfertum Rom. XI. nec non utrumque hunc singularem casum, scilicet Judaeorum et gentium universalis conversionis, intendi et describi Apoc. VII. quippe quo judicium Dei ultimo Ecclesiae tempore in mundum, conversio Judaeorum et Gentium ad Ecclesiam, denique Ecclesiae, ex utrisque compositae status felix ac prosper, post ultimam persecutionem Antichristianam depingitur, ex mea, quam nunc so-

veo, opinione; quam facile foret adstruere, si necesse foret. *Judaei* utique, hic memorati, sunt proprie intelligendi, cum quod *tribus* speciatim recenseantur, tum a *gentibus* mox distinguantur. Haec sunt praecipua hujus Periodi criteria. Chiliastrarum commenta de Regno Christi terreno, carnali martyrum Resurrectione, aliisque deliriis non curo. Vid. Cl. Vitr. ad Apoc. XX. et Jes. LX: 22.

§. CLXX. Illud addendum est, in sola mystica resurrectione Martyrum illorum non videri acquiescendum, sed una comprehendi posse proprie sic dictam, non in *carne* et *sanguine* praeditis corporibus, vitae terrestri et animali propriis, sed gloriosis ac coelestibus, uti in resurrectione universalis, 1 Cor. XV. descriptis, et glorioso Christi corpori similibus Phil. III: 21. quibus vestiti martyres per anticipationem *regnabunt cum Christo, sedentes cum ipso in throno* ejus Apoc. III: 21. Quae opinio sicut nihil habet, quod crasso chiliasmo favet, aut ultimo Christi regno glorioso in terra, quippe spirituali et coelesti, adversum, ita, *cum ex testium* resurrectione ac in coelum assumptione, Ap. XI: 11, 12. *tum* ex comparatione cum universalis resurrectione, quae mox c. XX: 5. tanquam ab ea distincta memoratur, robur acquirit. Praeterea illustratur ac commendatur ex *sanctorum multorum* resurrectione, anticipata quoque, tempore mortis et resurrectionis Christi Matth. XXVII: 52, 53. cui recte respondet illa Martyrum. Carnalis enim nec illa fuit, sed gloriosa ac coelestis, nec terrae resurrectionis reddidit, sed coelo adseruit, ita ut cum Christo in *sanctam* illam *civitatem*, seu coelum *intraverint*, et Christus cum hac *nube testium* coelum conscenderit Heb. XII: 1. Quae hypothesis sicut a multis libera est difficultatibus, variasque praecidit quaestiones, ita verbis, ut quod *multi sanctorum* adpellentur, *adparuisse* tantum aliis in terra, et hoc facto *urbem sanctam, coelestem* scilicet et non *terrestrem*, cui hoc epitheton nunc non convenit amplius, intrasse dicantur *post Christi resurrectionem*. Concinnant alia Script. S. loca, quibus ad hanc anticipatam resurrectionem et glorificationem respicitur: quae,
brevi-


brevitatis ergo, tantum citabo, et aliorum considerationi ac meditationi exhibebo, Joh. V: 25. coll. Matth. XXVII: 50. Heb. II: 10. XII: 1. et 2 Tim. I: 10. ubi Paulus censeri potest digitum ad hanc ipsam resurrectionem Matth. XXVII. intenuisse, tanquam illustre exemplum futurae resurrectionis. Denique 1 Pet. III: 19. *Quo spiritu etiam* (scilicet divino suo) *spiritibus in custodia* (seu mortuis, et in inferis custoditis) *profectus* (scilicet dum mortem suscipiebat, seu ad *inferos* descendebat Ps. XVI.) *promulgavit praeconis instar* (scilicet liberationem ab inferis: quem usum hic exserit verbum *κηρυσσειν*) Respicitur, ut videtur, ad *clamorem* vehementem, quem moriens, aut *spiritum suum* emittens, edidit Christus Matt. XXVII: 50. *quam vocem qui audituri essent*, uti Joh. V: 25. dixit, *mortui viverent*. Quae explicatio, quam nunc illustrare non licet, si admittatur, sequens vers. 20. a praecedente est divellendus, et novam constituit pericopam; qua inter infideles, aquis submersos, tempore Noae, paucis tantum per arcam servatis, ac credentes medio baptismi, non immersionis in *aquas*, quae sordes carnis eluuntur, sed in *afflictiones et mortem*, quae *bonae conscientiae* causa fit, et ejus est signum ac effectum, tanquam ejus *ἐπερωτημα* non *stipulatio*, quae *ἐπερωτησις* adpellatur, sed ad eam responsio, seu *promissum*, quod est *ἐπερωτημα*, verb. passiv., ipso facto demonstratum, per et propter Christum servandos, instituitur comparatio. Quod nunc tantum monuisse suffecerit. Quae ut clarius elucescant, pro *ὅτε* vers. 20. leg. *ὡς sicut*, et pro *ὃ* vers. 21. *ὅτως* ita, vel *καὶ* ibi erit *ὅτως sic*: uti alibi.


§. CLXXI. Tantum de V. T. Prophetiis aliquid subnectam: notabilia hanc in rem sunt verba Angeli Apoc. X: 7. quibus ait, *diebus Septimi Angeli, quando ille clanget, consummatum iri mysterium Dei, quod evangelizavit Prophetis*. Quorum sensus est; Prophetias, quae de Regno Christi vaticinatae sunt, hoc demum tempore perfectum implementum consecuturas esse. Unde clare liquet, quod supra saepe observavi, Prophetas Regnum Christi describere in vera indole, gloria et

amplitudine, prout ultimo tempore futurum est, Fatorum intermediorum nulla facta mentione.

Ceterum Judicia, quae in hanc Periodum incidunt, sunt duo: alterum in Gog et Magog; alterum universale, in quo Periodus terminabitur: de quibus satis egit Cl. Vitringa ad Apocal. XX.

F I N I S.





SERMO ACADEMICUS

P R I M U S.



DE CHARACTERE ANTICHRISTI.

§. I.

EX multis materiis, quae nimia sua copia verius quam inopia difficilem fecerunt electionem, ea tandem, qua annum Magistratum more majorum solemniter deponerem, mihi arrisit, quae, licet nec a persona mea, nec a temporibus nostris abhorreat, ut vestrum mereatur calculus, benevolo vestro affectu magis quam iudicio mihi opus esse, cogitatio de frequentiore ejus tractatione, quae ex verbis primum auditis vobis oboriatur, facit ut verear. Vos enim, cum Antichristi vox ad aures vestras fuerit delapsa, tacite mihi esse regesuros, cui non *dictus Hylas!*

Bb

cramben

cramben centies recoctam! nullo negotio praevideo; sed de universo orationis argumento enunciato, vel me omnia fallunt, vel aliud longe feretis iudicium. Si tritissimam de Papa Antichristo quaestionem, qua jam per sex secula orbis Christianus circumsonuit, ventilandam sumsissem, ne a summa quidem vestra benevolentia faciles et attentos animos expetere, aut expectare, ausus fuisset. At enim utilissimum de *vero Antichristi caractere* quaesitum, unde aliud de *tempore*, quo exortus est, dependet, estne tritum? estne tactum? nedum absolutum?

§. II. Multa oppido sunt, quae in Antichristum, ejusque corpus, confluunt. Quot enim Christi sunt munera, quot Ecclesiae partes, tot Antichristi, et Ecclesiae Falsae dari possunt *partes contrariae*. Incrementum aut decrementum, pacem aut bellum cum haereticis aut infidelibus, quae *accidentales* Ecclesiae partes sunt, cum Christiana et Antichristiana Ecclesia communia habere possunt: in *doctrina*, *cultu*, *regimine ac moribus*, quae essentiales partes sunt, sive omnibus simul, sive una alterave illarum, discrimen quaerendum est. Veritatis et verae fidei confessio, quemadmodum *puram* dat Ecclesiam, sic capitum fidei et errorum mixtura *impuram*, et graviores errores, qui Haeresios nomen merentur, *falsam* praestant. Cultus religiosus, qui *pura* in Ecclesia a Christi et Apostolorum praescripto nihil abit, et de externis ritibus parum habet, *mixtam* exhibet Ecclesiam, si hominum institutis nimium aggravetur, sed *falsam*, si in superstitionem et idololatricam, plus minusve directam, degeneraverit. *Regimen*, quo *Disciplina* comprehenditur, quanto a *regendi* et imperandi potestate longius, et a docendi, ac suadendi conspectu propius abest, tanto puriorem, et ministris Christi convenientiorem, hac parte constituit Ecclesiam: quae regni hujus mundi induit faciem, si *pastores* fiant *rectores*, et doctores leges ferendi potestatem, populo Christiano minime tolerandam, ambiant: cui si cogendi, et inobedientes, caetera bonos et pios, igni ferroque persequendi vim adjunxeris, regimen evadet *Tyrannicum*, et qui

qui pastores et doctores audire debebant, primum Domini, dein *Tyranni* erunt. Mores membrorum Ecclesiae quo sunt puriores et sanctiores, eo purior erit Ecclesia, quae per vitia et crimina magis minusve deturpatur, sique ea fuerint graviora, pluribus communia, maxime si impune patrentur vel principiis religionis, exemplis, aliisve mediis corroborentur, Ecclesia erit corrupta, *mortuum* verius *cadaver*, quam Christi corpus.

§. III. Controversia, quam de *Antichristi charactere* moveo, non est, num cunctis hisce partibus *Antichristi* Ecclesia non sit *falsa*, sed num illae simul sunt, an *una* tantum pars, et quae, illam hoc nomine dignam reddat? Sit Ecclesia doctrinae ratione *Haeretica*, cultus *superstitiosa* et idololatrica, *regiminis* tyrannica, *morum* impura, quid quaeso horum eam *Antichristianam* facit? sive, quod eodem redit, quid illud est, quod Antichristi notam proprie inurit, quod distinguens ejus criterium? quod, ut ab eo separari nequit, sic cum eo *converti* potest; quo, licet reliqua adsint, negato, ipse negatur; posito, etsi reliquorum nihil adsit, ipse ponitur. Quaero, quae ejus sit *definitio*? sitne *haeticus*, vel *idololatra*, aut *Tyrannus*, sive *Sceleratus*? an hi omnes simul? ita ut in his omnibus ejus character sit situs.

§. IV. Quaesitum sitne vulgatum nec ne, judicent, qui in nostra hospites non sunt scientia: mea num sit persona, et vestra attentione indignum, vos compello judices, A. H. Quod si ea dexteritate, eaque cum gratia, in eo versari liceret, quam, cum materia, tum doctae vestrae aures postulant; quin secundum me sitis pronunciaturi confido. Quod etsi a rigidis mihi promittere non ausim iudicibus; a vestra tamen id audeo aequitate et benevolentia. Quod enim orationis flumini deerit, materia, ejusque praestantia et utilitas, apud aequos rerum arbitros supplebit. Utilitas vero, quam notitia Antichristi cum in historia prophetica, tum Theologica scientia, tum religione dirigenda ac Ecclesia, praestat, praestat autem maximam, ea praecipue ab Antichristi cha-

ractere est derivanda. Romam, non paganam sed Christianam, esse Antichristi sedem, adeoque Papam Rom. esse Antichristum, si forte determinari posset, sciri tamen eo sine caractere nequit, *quare* sit Antichristus? quando ortus? sintne omnes Papae, an aliqui, et qui? denique num in solos Pontifices Rom., an praeter ipsos in alios, illud quadret nomen?

§. V. Antichristus, ut, aliorum missis opinionibus, in causam mox ingrediar, si vel Haereticus, Idololatra; impius, mihi propterea, et qua talis, non est Antichristus, sed, si verbo vultis, propter *Dominium* et *Tyrannidem*, qua *Tyrannus Ecclesiasticus Christianus*. Professionis et nominis ergo eum appello *Christianum*, qui Christianae religionis partes, ut ipse eas intelligit et confitetur, tueri se et defendere, ac a contemptu vindicare, prae se fert: qui, etsi vere sit Christi *adversarius*, a se tamen et aliis pro ejus *Vicario* habetur, vim nominis *Antichristi*, quod de ancipiti quid trahit, et aequae *vice*, ac *contra* signat, utroque modo praestans. Huc porro facit, quod in *Templo Dei*, h. e. Ecclesia, ut nostrorum communis fert opinio, *sedere* dicatur i Theff. II., huc denique *Pseudo-prophetæ* nomen, quo *Bestia ex Terra* prodiens, Ap. XIII. vel ipsa *meretrix*, Bestiae rufae insidens, Ap. XVII, insignitur c. XIX: 20, manifeste collineat.

§. VI. *Tyrannum* cum auditis, de supereminente tantum ne cogitetis *persona*, nequidem de *Domino*, licet fastoso, quod tamen excludendum non est: sed *illegitimum* et *faevum* vobis ob oculos sistatis Dominum, qui, legitimo Domino sede deturbato, imperium in liberum populum, vero Domino subductum, arripit, eumque sibi contra jus et fas reddit obnoxium, leges migrat, libertatem pedibus conculcat, iussa et decreta pro auctoritate praescribit, summa cum severitate exsequitur, eos, qui vel dictis et iussis, vel ejus Tyrannidi sese opponunt, quique agere nolunt obnoxiose, caetera nullius criminis, nisi libertatis et veritatis studii, reos, crudeliter vexat, sive fama et bonis spoliando, sive exterminando, sive mala morte mulctando, sive aliis modis cruciando, ut nihil miseris relin-

relinquat, quam ut ad solum se alligent destituti moerorem. Is est Tyrannus, qui, ut Bonifacii VIII epitaphium habebat, *intrat ut vulpes, et regnat ut Leo*. Alexandros intelligo, Julios et Leones, quae nomina, ut Papis fuerunt in deliciis, sic raptum dominium, et crudele imperium, non inepte exprimunt.

§. VII. *Ecclesiastici* Tyranni nomen, quo ipsum infringi, intra Ecclesiasticarum rerum limites ejus dominium non constringit, sed *titulum* designat, quo, qua rex et caput Ecclesiae, sese *supereminentem*, ut sic dicam, orbis jactat Dominum, eoque praetextu, ne quid detrimenti capiat Ecclesia, omnia jura divina et humana confundit, summa imis miscet, et sinister fidei ac devius aequi, foedera demergit ponto. Rex sc. *Regum, Dominus dominantium, Jesus Christus*, verba sunt *Innocentii III.* in litteris ad Angliae regem, (a) *sacerdos in aeternum secundum ordinem Melchizedec, ita regnum et sacerdotium in Ecclesia stabilivit, ut sacerdotale sit regnum, et sacerdotium sit regale, unum praeficiens universis, quem unum in terris vicarium ordinavit, ut, sicut ei flectitur omne genu coelestium, terrestrium et inferorum, ita illi omnes obediant, et intendant, ut sit unum ovile et unus pastor.* Ipse ergo leges canonum nomine fert, iisque mox *dispensationum* titulo obrogat. Reges per *excommunicationes*, ut dicitur, deponit, et haereticos praetextu in homines saevit per *brachium saeculare*. Ipse denique, ut verbo absolvam, non est *Rex*, sed *reges* ejus sunt *cornua*, quibus innocuos impetit et prostermit, ut bestia Apocalyp. X cornibus ornata, vel armata expingit, vel, ut alterum emblema habet, iis, ut superba *meretrix* amassis, dominatur, qui circeo ejus poculo dementati in ejus amplexus praecipites ruerunt. Ap. 17.

§. VIII. Atenim, cum *Ecclesiasticus* proprie sit *Tyrannus*, qui in Templo Dei, seu Ecclesia, sedet et dominatur, ejus lineae clarius et accuratius sunt ducendae, ut quid, quis-

ve sit, nemini non sit exploratissimum. *Tyrannus* est, licet nomine papa et pastor, servus etiam sultis fervorum, qui non tam docet et hortatur, quam jubet, suaeque dicta vim *legum* vult obtinere, quibus ordo non tantum factus tectus conservatur, sed et obligantur conscientiae: *legum* dico, non quae ab aequitate et iustitia sese commendant, sed a *dictatoris* beneplacito auctoritatem derivant, quaeque nullis fere rationibus firmatae populo observandae et credendae obtruduntur. *Tyrannus* est, qui doctrinas et leges praescribit novas a supremo Domino non latas, gravissima onera, eo invito, humeris Christianorum imponit, fundamentales e contra Ecclesiae doctrinas et leges subvertit, et falsas, quas ratio et conscientia respuit, sancit. *Tyrannus* est, qui per caedes et vexationes grassatur, innocentes opprimendo, et per omnes leti vias interficiendo, hoc solo nomine, quod Deo magis quam homini obedire gestiant, Deo hominem aequare, utriusque nomen ac auctoritatem eodem loco habere, vel quod ut libertatem, seu se, exuant, et bestiae fiant ex hominibus, a se impetrare non possunt. *Tyrannum et ille sese* dat, qui occultas nequidem cogitationes et mentis opiniones aliis relinquit integras, sed eas artibus Diabolicis per exquisitissima tormenta, publice erecto inquisitionis tribunali, vel invitis extorquet, et ne amicum finit ab amico tutum; nec sacra permittit esse parentum nomina. *Tyrannus* ergo est, qui in Templum thronumque legitimi regis involat, eo loco moto, aliis legibus et modis populum gubernat, vel iisdem institutis suum nomen praefigit. *Tyrannus* denique audire meretur, qui a suo ore Christi populum vult suspensum, a se leges vult et doctrinam repeti, qui, Christi cathedram occupans, quicquid dicit, docet et jubet, cum religiosa vult accipi et observari reverentia et obsequio, quique inobedientes multis minis ac cruciatibus eo compellit, aut flammis tradit absumendos.

§. IX. Talem Tyrannum cum *Antichristum* esse teneo, eum ab Haeresi non absolvo, Haeretium esse minime nego, sed eo nomine et titulo esse Antichristum inficias eo :
nec

nec enim omnis haereticus est Antichristus, nec vice versa, licet quis uterque esse queat. Haereticus Tyrannum induit, cum suas opiniones aliis per fas et nefas obtrudit, alios auctoritati suae vult assurgere, aliorum imperat animis, et libertati manus injicit, denique illos ob dissensum odit, vexat et occidit. In Tyrannidem vergit haereticorum coetus, cum salvo honore, salvis bonis, salva vita et pace, nemini in eo dissentire liceat, cum confessiones eorum faciem praeferunt legum, earumque diris carminibus sancitarum. Haereticum itaque inter et Tyrannum videtis, ni fallor, quid distet: unde quid inter Antichristum et idololatram sit discriminis sua luce effulget.

§. X. Sit Roma Christiana eo sensu *Haeretica*, quatenus fundamento stipulam et foenum, et alia superaedificat, quibus verum illud in obscurum mittitur et subvertitur. Sit *idololatrica*, vel *superstitiosa*, qua praeter Deum Angeli et sancti religiose coluntur, idque, per imagines, cruces, panes, reliquias, quae *superstitio* audit, maxime cum prora et puppis religionis in iis collocetur, et externis cum ritibus interna gratia conjuncta credatur. Faciant ibi in bonos mores publice impetus vitia magno comitatu venientia, Simonia, nundinatio, spiritualis avaritia, superbia, luxus, et libidines. Nihil horum, sola Tyrannis eam *Antichristianam* facit. Haeresios respectu Antichristus appelletur, per me licet, *Pseudo-propheta*, idololatricae superstitionis ratione habita, *Babylonis* emblemata ei appetur, Sodomae imago vitae impuritatem expingat. Solus *Antichristi* titulus, ut Aegypti et Bestiae similitudo *Tyrannicum* regimen et dominium exprimit.

§. XI. Licet sententiam ita mihi videar explicuisse, in quo haecenus fui, ut vobis in eam pronis uti liceat, (quis enim est, qui in hanc ductus cogitationem, inter haereticum, idololatram et Antichristum non mox distinguat, nisi, quod absurdum, quot haereticos, idololatrias et impios, tot velit esse Antichristos;) attamen, si vel mea demonstratione minime opus habeatis, me iudicii mei rationes explicare, ne quaeso aegre

feratis, nec eos, qui Antichristi jugum feliciter excusserunt, in hac opinione nostra confirmari, nullius quaeso faciatis; nec scio facietis. Erigite ergo mentes, auresque vestras, et me dicentem attendite, dabo operam, quam maxime potero, ut orationem compellam in angustias.

§. XII. Nomen *Antichristi*, a quo primum merito peto argumentum, quo jam Johannis tempore, tanquam signo distinguente, innotuit 1 Joh. 2: 18. qualem quaeso vera sua potestate signat hominem? num qualemcunque haereticum, an talem, qui vim nominis praestat? Johannem eos in genere hoc insignire nomine, qui *Jesum negant esse Christum*, vel *eum in carnem venisse*, qui alias *Gnostici* audiunt, Doctiorum interpretum haud improbabilem ais esse opinionem. Certe, sed quid inde? hinc collegeris Antichristum et *Haereticum* esse eundem? haudquaquam. Concludas, age sane, ergo Antichristus est Haereticus. Sed minime, *unus idemque est*: aliud est, quod ipsum *haereticum*, aliud, quod *Antichristum* reddit. Hoc quid sit, haeres? consule Johannem, et nullo deprehendes negotio, ipsi tales haereticos fuisse in oculis, qui *unctionem* Christi, ad omnia ejus membra defluentem, qua sine Doctore, autoritate praedito, *cuncta* norunt, ad se in specie attrahebant, sibi que vindicabant: ideo enim mox subjungit II: 20. *et vos unctionem habetis a sancto*: praeterea, qui se per *Spiritum* loqui jactabant, ut ex IV: 2. altero loco, quo ejus meminit, clarescit, *ne credite*, inquit, *cuius spiritui* &c. Erant itaque *Pseudo-apostoli*, quo nomine notantur Ap. II: 2. qui Christi aut Apostolorum, adeoque prae reliquis, sibi arrogabant auctoritatem, revelationem praetendebant peculiarem, per quam, quod per rationes non poterant, suam fidem aliis imperabant: ideo *ὁ ψευδής*, *mendax ille*, vocatur, idem qui Antichristus 1 Joh. II: 22. quia *Spiritum* falso praeferebat, se Christi vicarium, aut apostolum dicebat, *nec erat*, ut Ap. II: 12. exponitur. Videte, quis sit Antichristi character? quem quia haeretici ejus temporis cum famigeratissimo Antichristo, suo tempore revelando, communem habebant, eodem etiam

etiam nomine notantur, tanquam ejus *praecursores*. Vultis, Pauli verbis falsos illos operarios depingam? ecce ea 2 Cor. XI: 20. *Fertis enim, ait, si quis vos in servitutem redigat, vos exedat, sese offerat, vos in os caedat. Quid plura?*

§. XIII. Estne igitur *Antichristus* vi vocis alius, ac qui nomine *vice Christi*, re ipsius *adversarius* est? *Vice-Christi* est, qui se ejus gerit *vicarium* in terris, eandem sibi funit auctoritatem et potestatem, infallibilis scilicet, vel supremi saltem doctoris et legislatoris, qui sibi loquenti vult credi, et jubenti praestari coecam obedientiam: sed eo ipso, quo hoc prae se fert, se Christo, unico Doctori et Legislatori, qui rivalem non patitur, opponit, maxime cum non Christi, sed sua introducit placita, nec blande et humaniter, ut Christus, sed imperiose et crudeliter cum aliis, qui eidem Domino stant vel cadunt, agit. Hic cum vocis virtute sit *Antichristus*, an alium signare possit, ac cujus lineas supra duxi, ipsi judicate. Sentio enim mihi festinandum esse.

§. XIV. Ingens huic interpretationi momentum addit Paulina descriptio, qua *Antichristus* tanquam digito monstratur 2 Theff. II: 4. *Adversarius ille, inquit, et qui se supra quicquid dicitur Deus aut numen extollit, adeo ut in Templo Dei tanquam Deus sedeat, sese Deum esse ostendens. Ad quae verba nescio an planior dari possit commentarius, ac quem dictatus Gregorii VII, primi Antichristi, seu fundatoris omnipotentiae Pontificiae, ut ipsi loqui amant, suppeditat: ubi, inter alia, in haec verba os superbum erumpit. Solus Romanus Pontifex dicitur universalis, illi soli licet pro temporis necessitate novas leges condere, novas plebes congregare; solus uti potest imperialibus insigniis. Papae solius pedes omnes principes deosculantur. Illius solius nomen in Ecclesiis recitatur. Unicum est nomen in mundo, illi licet imperatores deponere; sententia illius a nullo debet retractari, et ipse omnium solus retractare potest; a nemine ipse judicari potest. Romana Ecclesia nunquam erravit, nec in perpetuum, Scriptura teste, errabit. Succinit inscriptio Pauli V. quae ita habet. Paulo V. vice Deo, Christiana*

tianae reipubl. Monarchae invictissimo, et Pontificiae omnipotentiae conservatori acerrimo. Plura similia, si illud nunc agerem, nullo labore proferri possent: sed, quod nostrum scopum ferit, ad illud animos adverti velim, omnes Antichristi characteres, quos Apost. hic signat, ad immensum nos ducere fastum, et hominem oculis subjicere, qui supremam supra omnes sibi adsciscit auctoritatem et potestatem, qua cunctis in terra dignitatibus et potestatibus superior, summus, universalis et *ἀντοκρατορικὸς* sit, censerive velit Doctor, legislator et Judex, eandemque sibi subjectionem praestari, quae soli Deo debetur. Homo depingitur, qui Deo nil, nisi quod natura humana respuit, relinquit, caetera omnia sibi arripit, titulos, auctoritatem, potestatem, adorationem et cultum. Ne autem quis falso opinaretur, eum Dei esse *vicarium*, a Deo in caput supra omnia evectum, et nomine Dei ea, quae *divina*, seu iusta, aequa et bona sunt, agere, prohibet *adversarii* titulus: adeoque genuinus Antichristus est, qui, nomine Christi *vicarius*, re ipsius *adversarius* est, qui sibi, quod Christi est, asserit, quique *libertati, rationi, legibus*, ordinationibus Divinis, justitiae et humanitati, et quicquid Sanctum, et venerabile est, bellum indixit perpetuum.

§. XV. Nihil hic de haeresi, idololatria, et corruptis moribus, cuncta in fastum, elationem, auctoritatem et potestatem, exeunt, adeoque iis in rebus Antichristi characterem esse situm, sole meridiano clarius demonstrant; apud eos utique, qui Apostolum de Antichristo, et non de imperatore aliquo Rom., aut Pseudo-Messia zelotisque inter Judaeos capiunt, quibuscum mihi res est. Illustrior fiet demonstratio, cum observavero, tumidum hocce animal haud obscure a *defectione, homine peccati*, et *perdito*, h. e. haeretico, et luxu, ac scelerum plenissimo viro, distingui, ut ex vers. praecedente enitet: non acsi superbus ille *Tyrannus* iis a vitiis necessario esset immunis, e contra, nullus forte eximie sic dictus Antichristus fuit inter Papas, qui non simul sceleratus, sed ut primo verus ejus character in lucem produceretur, dein *tem-*
poris,

poris, quo in scenam prodiret, nota figeretur, quod minus observatum tenebras offudit. Sedes Antichristi non nisi post *apostasiam* et *hominem peccati* erigeretur. Agmen duceret *defectio a fide* et *puritate cultus*; media incederet *incredibilis vitae* et *morum corruptio*; quando ex orco tandem prodiret *ingens bellua*, quae religionis sub praetextu Deo sese aequaret, et ipsum oppugnaret. Recolite nunc mecum historias, et hac cogitatione nihil esse verius deprehendetis. Post *Vtum* saec. puritas fidei et religionis contaminari, et cum superstitione commutari coepit. Saeculo VI. ut pauca speciminis ergo attingam, purgatorium, *VIIIto* *imagines* cum sanctorum, reliquiarum, aliarumque rerum superstitioso cultu, vel introductae sunt, vel sancitae. Saeculum IX peperit *Transsubstantiationem*. Hanc apostasiam scelerata Pontificum vita excepit. Saeculum enim X papas sistit, omnium consensu, flagitiosissime corruptos. *Per annos fere 150*, inquit Genebrardus, *pontifices circiter 50 a virtute majorum prorsus defecerunt*. Audite Aventinum l. IV. et exhorrescite. *Venter, et illa, quae sub ventre, illis Deus erat, vino, otio, veneri et cereri dediti; sacras et profanas litteras juxta contemnebant. Virgines sacrae passim incestu polluebantur. Adulterio nihil communius erat. Arrogantia, superbia, luxus, libido, avaritia, communia sacerdotum mala, invaluerant*. Post hunc hominem *peccati*, ut cum Ap. loquar, sidera sublimi vertice ferire coepit *omnipotentiae Pontificiae fundator*, Hildebrandus, alias Gregor. VII. circa finem Saec. XI. ipseque primus sese, supra omnia efferens, in Templo Dei sedem, tanquam Deus, capeffivit. Quis quaeso est, qui ad hanc prophetiae et historiae concentum advertet, quem lateat, quid causae fuerit Apostolo, in haec tempora a Spiritu translato, Papas iis coloribus depingendi, qui ipsis, sibi ordine succedentibus, competerent; quis qui characterem Antichristi, supra datum, in dubium vocaverit?

§. XVI. Nondum dimitto Paulum, etsi sententiam satis clare dixerit, ut eam undiquaque confirmari elucescat; vers. 7mo rationem temporis redditurus, quo in orbem intraret

Antichristus, in haec verba loquitur. *Iniquitatis mysterium jam agitur, superest tantum, ut qui nunc tenet, è medio tollatur.* Sit ille, qui nunc tenet, ut communis fert nostrorum opinio, *imperium Caesareum.* Si alius sit Antichristus, ac, qualem defini, *tyrannus Ecclesiasticus, si sit Haereticus, idololatra &c.* quae quaeso ortus ejus connexio erit cum abolito imperio? quare, hoc stante et fummas in Occidente tenente, emergere non potuit? quot non fuerunt haeretici &c. inter Episcopos? quanta non in Ecclesias invasit superstitio et corruptio sub Caesarum imperio? Concede in meam opinionem, et validissimam esse *rationem* mox perspicias. Qui quaeso Papis ad universalem dominatum adspirantibus obicem posuerunt? Caesares orientis, occidentis jam deleti imperio. Ex quo magnis ad illud fastigium passibus gradiri coeperunt? nonne quando ipsis Imperatorum Exarchis fasces deserunt submittere? Quis tantus in historia hospes est, ut illud ignoret? Quid ergo illud est, quod quo minus erumpat obstiterunt Caesares? quid, quod imperii ruinis superstructum est? nihil praeter *Paparum dominatum.* Ille itaque Antichristi characterem absolvat necesse est. Advertite denique, quaeso, ad *mysterii*, et quidem *iniquitatis* phrasin. *Mysterium* cum tale quid denotare soleat, quod non nisi ex revelatione praesciri, nec nisi, cum adparuerit, recte intelligi aut credi possit, tale quid vix aliud hic esse poterit, ac dominium fastosum et tyrannicum. Tale quid solum est, quod a nemine praesciri possit in regno Christi oriri potuisse, nec antequam in oculos incurrerit, capi, aut pro vero haberi. Non enim in haereses, superstitionem, aut corruptos mores, quadrat: cum tale quid oriri posse in Ecclesia, pro *mysterio* haberi nequit. Ceterum concinit nomen *mysterii*, fronti meretricis inscriptum Ap. XVII.

§. XVII. Ad illud obhaerescis, quod *mysterium* jam Apostoli tempore *agi* coeperit? sed hoc quid quaeso aliud dicit, ac quod supra Johannem audivimus affirmantem, *plures jam tum fuisse Antichristos* id est, fidei dominos, conscientiarum carnifices, opinionum violentos et furiosos propugnatores,

res, Divinae illuminationis extraordinariae jactatores, et superioris auctoritatis raptores. Tales nec eo tempore, nec postea, defuerunt humani generis pestes, et regni Christi *incubatores*, ut ex supra dictis et historia constat. Et cui demum ignotum esse potest, quid a primis Ecclesiae initiis clanculum machinati sint Romani Pontifices, sedis praerogativa elati; nisi qui ne de nomine quidem norit *Victores, Stephanos, Cornelios, &c.* Quid de dissentientium dicere necesse habeo vexationibus et persecutionibus, quae neminem habent auctorem, nisi Antichristi colore tinctum? Quot enim in mundo sunt, fueruntque, ante vel post famosum Antichristum, vere sic dicti persecutores inter Christianos, tot si majore minoreve emphasi Antichristos dixeris, veritatis et pietatis non fucatae hostes, eos tantum offendes, qui, dum Spiritum Christi cum persecutionibus consistere posse censent, eum ne de facie quidem se nosse ostendunt. Quae tetigisse suffecerit.

§. XVIII. Vocat enim nos *Apocalypsis*, quae duo exhibet *Antichristi* emblemata, alterum Bestiae *septicipitis* et *decicornis* cap. XIII, alterum *Mulieris* ejusmodi bestiae insidentis cap. XVII. Assumamus, licet, ex communi Protestantium fide, a multis adfirmata, has Antichristi esse imagines, quibus Papae depicti sunt, cum nostris enim nunc mihi magis, quam cum Pontificiis intercedit disputatio, qui in quaestionem miserim, *quid*, et non *quis*, sit Antichristus; non *num* Papae Romani, sed *quare* et *qui* ex ipsis sint? Novi equidem, per *Bestiam* cap. 13. intelligi solere ipsum *populum*, et per ejus *capita* Pontifices, sed cum et *populus*, eam *adoraturus*, eique subjiendus, ab ea distinguatur, et *capita* cum *bestia* unum subiectum constituent, diversas haud meliore jure personas bestia cum capitibus expinget, quam corpus *agni* cum capite. Ut enim Christus figurate *agnus*, sic Antichristus *bestia* dicitur in Apocal. ut utriusque oppositae qualitates magis elucescerent.

§. XIX. Hac imbuti opinione, quid illud in Papis sit, quod eos in hanc *Bestiam* verterit, aliunde rectius dijudicari nequit,

nequit, quam ex ejus corpore, throno, imagine et gestis. Corpus ex tribus bestiis erat conflatum: ipsa erat pardali similis, pedes ipsi aptantur urfi, os praeferebat Leonis, cap. XIII: 2. Hae bestiae, quae omnes ut sunt terribiles, sic humanum sanguinem sitiunt, et in homines irruunt, nescio an alios in Theologia emblematica expingant, si in malum sumantur, ac terrae hominumque vastatores, Ecclesiae persecutores. Sint Haeretici, si velis, vulpes et serpentes, impuri audiant fues et canes, etc. pardi, ni fallor, urfi et leones sistunt saevos et crudeles Dominos ac Tyrannos, quorum res igne aguntur et ferro; qui terrorem circumducunt, et quos omnes odio habent et fugiunt. Interpretes, etiam Doctiores, in Pardo ad ejus maculas varias oculos flectunt; sed si ejus ferociam, qua nulli secundus est, ad animum revocassent, rectius sine dubio fecissent: prius enim illud levius est, quam ut hic locum reperire possit. Ferocissimum itaque hocce animal, saevum et crudele, a quo nil nisi terror et caedes; quo quaeso fini Antichristo aptatur, nisi ut ejus character inde eniteat? Ecquid enim rei figuratae naturam definiat, si ipsum emblematis corpus, ut sic dicam, illud non faciet? poteritne alius imaginis, alius rei expictae esse character? Qualis itaque bestia, talis ipse Antichristus, ipsa tota est fera et saeva. Caput Leoninum in specie superbum et crudelem exhibet principem, sese in caput et regem super omnes efferentem, et in quosunque, qui obstituerint, sine discrimine saevientem. In ore Leonis ad vocem bestiae respici, qua cum blasphema et grandia eloqueretur, tum sanguinaria promulgaret decreta, et ferret sententias, mihi quidem a vero prope abesse videtur: sed dicta nunc sufficiunt.

§. XX. Eodem collineat thronus, et origo potestatis hujus bestiae. Draco enim ipsi dedisse dicitur suum solium, suamque potestatem, vs. 2. Satanas itaque, qui Draco est, è coelo praecipitatus, cum in bello per Caesares Romanos cum Christianis, a medio circiter Saec. III. agi coepto, inferior regnum perdiderat, Christiana religione primas tenente in orbe Romano,

Romano, hic in *Bestia* revixisse censetur, cum *solium* et *potestatem* suam ad ipsam transtulerit. Quae vera clavis est, ut id obiter moneam, aenigmati *Bestiae*, quae *mulierem* portavit cap. XVII. quo *bestia* dicitur *fuisse, et non esse, licet sit*, quod maximis interpretibus inaccessum fuit, referandi. *Bestiae* illa est ipsissimus hicce *Draco*, seu *Satanas*, sicut *mulier*, ab ipsa vecta, *Antichristus* et *Pseudo propheta*, quod *Interpretes* fugit. *Satanas fuit*, cum per *Ethnicos Romanos* nomen *Christianorum deletum* vellet, et *non est, licet sit*, ita nunc non est imperio Romano Christiano facto è pagano, sed mutato nomine eadem luditur fabula, eadem scena: quod enim tunc per *Cæsares paganos*, id nunc per *Tyrannos Christianos* agit. Unde, ni fallor, videtis, *thronum* *Satanæ* esse *persecutionem*, et *potestatem* ejus *tyrannidem*. Huc *Draconis* nomen, huc bellum ejus cum sanctis cap. XII, huc *throne* ejus intellectus emblematicus in Apoc. nos vocat: illustris in hanc rem locus est Ap. II: 13. *novi tua facta*, inquit Dominus in ep. ad *Pergamēnos*, *et ubi habitas, ubi Satanæ solium est*. Quantam crucem hic locus etiam doctis fixerit, dici nequit, quod, *Satanæ thronum* nil nisi *persecutiones* delineare, non fuerint odorati, licet sequentia verba nihil aliud spirent: *Antipas fidus testis, apud eos dicitur interfectus, ubi Satanæ habitat*, Et quid eo facilius? ubi fidei causa instituitur persecutio, ibi *Satanæ thronus* erigitur, sive inter *Paganos*, sive *Christianos*. Alium enim non habet auctorem persecutio ac *Diabolum*, nec alius praefert imaginem, ac ejus, qui *instar Leonis circumcursat, ut videat quem devoret*, quique *homicida fuit ab initio* (a) *Divina veritatis propagandæ media sunt spiritalia, rationalia, libertati et rationi nostrae congrua, et religioni*, quae sine interna persuasione et amore veritatis ac pietatis inane nomen est, unice amica: sed violenta media, quae fidem vel invitis obrudunt, et confessionem volentibus nolentibus extorquent, vere *diabolica* sunt, quae praeter *hypocrisin, perjuriam, odia* nihil producant, veram religionem omniaque ejus semina ex-

Cc 4

stirpant.

(a) Differui ea de re in *Sermone tertio* uberius.

stirpant. Persecutores recte dixeris *Diabolos* in terris, vel qui cunctas diaboli *iras* induunt, quibusque ipse mentem dat. Denique, addam et illud, thronum Satanae tenere, qui sibi id, quod solius Dei est, blasphemae arrogat, auctoritatem animos ligandi, leges fidei praescribendi, nec non *cultum* et *adorationem*. Draco enim et hic ut *Deus* introducit, ut ex cap. XII. manifestum est.

§. XXI. Age, sis nunc, oculos defigamus in *imaginem Bestiae*, cap. XIII: 14, 15. quam altera illa bestia, quae, duobus licet agni cornibus praedita, tamen ut *Draco* loquebatur, effingeret; quippe quae, si archetypo sit responsura, *bestiae* characterem omnium optime exprimere poterit. *Imago* enim Bestiae ejus est repraesentamen, quod ipsam eam ob oculos sistit, in quo conspicitur ejus indoles, et ex quo dignoscitur. Quid nunc haec erit *imago*? animatum aliquod simulacrum, quod loquitur, quodque, ut qui *imaginem bestiae*, seu bestiam, cujus est imago, v. 12. non adoraverint, occidantur, efficit, ut vs. 15. traditur. Illud quid sit, ante eventum fere mysterium fuit; sed, eo cum hac prophetia collato, quoniam *Tribunal inquisitionis* per hoc emblemata fuerit expictum, quae Cl. Commentatoris docta est cogitatio, vix dubitari poterit. Luculentius utique et exactius auctoritatis et potestatis Papalis, seu bestiae Pontificiae, *repraesentamen* nullum vel fingi potest aliud. Est enim, ut omnes, qui libertatis et humanitatis nondum ejurarunt sensum, consentiunt, *dominationis* et *tyrannidis* Pontificiae apex. Infernalis autem hicce senatus, qui Papae personam repraesentat, ejusque excercet potestatem, cui Papalis furor rabiem addit in Ecclesiam, cum *inquisitionis* sit tribunal, concilium horrendum, quo conscientiae equuleo imponuntur, haeretici, ut dicuntur, vere passim veritatis et pietatis studiosi, et libertatis vindices, igni addicuntur et flammis, quam quaeso ipsius *bestiae* praebebit speciem? aliumne bestiae sistet *characterem*, ac *dominatum* et tyrannidem spiritualem? Ex hoc enim sacerrimo tribunali, si de bestia iudicium sit ferendum, quod *imaginis* conspectus omnino requirit, nil nisi *saeva* et *fera* sit bellua, necesse est.

§. XXII.

§. XXII. Testentur denique de Bestiae natura et indole ejus *acta et gesta*, quae quin pro ejus signis recte habeantur, quis est, qui dubitare ausit? illa nunc omnia in vexationes, et caedes innocuorum, qui Christo et veritati sacramentum dixerunt, exeunt, easque non laeves, sed dirissimas et atrocissimas, nec occultas sed publicas, non paucas sed innumeras. *Bellum enim gereret cum sanctis* c. XIII: 7. et, quotquot ipsius tyrannidi colla subdere recusarent, pedibus traheret et discerperet vs. 15. testes veritatis, et *aeterni evangelii* praecones bello vinceret et *interficeret* c. XI: 7. idque publice in magnae civitatis foro, in omnium oculis. Meretrix Johanni visa est *sanguine sanctorum et testium Jesu ebria* XVII: 6. et *sanctorum vatumque sanguinem effudisse* dicitur XVI: 6. Illud peculiarem meretur animadversionem, quod *os* ipsi dicatur datum *magna et nefanda* sonans, quod resolveret in blasphemiam adversus *nomen Dei, tabernaculum et coelicolas*, XIII: 5, 6. nec haeticam intellexerim cum Interpretibus *doctrinam*, nec *idololatriam*, licet hanc *blasphemationis* nomine apud Hebr. venire non nesciam, quia aliud est, Deum *cultu* suo diffamare, aliud *os* in blasphemiam aperire, deinde *magna et nefanda* loqui conjungitur, denique *sanctos* non nisi remote is *blasphemus* dicitur proscindere, qui eos religiose colit. Quid itaque? *Os magna et contumeliosa* loquens mihi est *os superbum*, sibi, quod Dei est, impie rapiens, *os imperiosum et arrogans*, *os tyrannicum*. Is itaque notatur, qui summam sibi et divinam in alios vindicat auctoritatem et potestatem, dominium in hominum animos, quod Dei solius est, denique, qui decreta condit et effert Deo injuriosa, et hominibus pernicioosa, decreta sanguinaria et tyrannica. Is itaque, cujus *os magna et nefanda* effutit, non est *haeticus et idololatra*, sed qui haesim cum imperio docet, et idololatriam ut legem, non sine vitae dispendio negligendam, praescribit. In specie *os blasphemum* dicitur in *Dei nomen*, h. e. auctoritatem et cultum, cum quis in ea, quae Dei propria sunt, manus injicit: in *Tabernaculum* h. e. Ecclesiam, cum in ejus probra linguam agitat, falsa ei im-

putat crimina, male *ominata dicta* in eam projicit, denique eam honore et bonis suis privat, eam sibi in servitutem subji- ciendo. In *Coelicolas* h. e. procures et rectores, in primis Ec- clesiasticos, qui exercitus *coelorum* dicuntur Dan. VIII. et *altum incolere* Jes. XXIV: 21. quo sensu idem fere erit, ac quod in haereticis sui temporis, licet molliore sensu, Apost. reprehendit, *eos dignitatibus maledicere*, Jud. vs. 8.

§. XXIII. Alterum Romae Christianae emblemata, a *muliere libidinosa*, et *meretrice Babylonica* petita Ap. XVII. etsi prima specie nihil praeter superstitionem, idololatriam et luxum, expingere videatur, longe aliud tamen in recessu habere, et eodem, quo superiorem *bestiae* imaginem, tendere, luce meridiana clarius ei apparebit, qui, ad illud accuratius attendens, picturam non esse *mulieris* observaverit, quae, legitimo sese subducens marito, falsis sese subicit numinibus, sed quae *scortationis* medio amassios, in potestatem suam redigit, et naso quasi ducit; quae illos, poculo amatorio dementatos, et in suis amplexibus irretitos, tanquam mancipia tractat, imperiose nimirum et tyrannice. Roma itaque Pontificia non est *meretrix*, qua *idololatrica* simpliciter et *corrupta*, non est hic ejus character; sed quae saevi et superbi prostibuli instar populos per libidinem decipit, sibi devincit et subjicit; aliosque, qui vinci nequeunt, crudeliter vexat. Quo emblemate tantum abest ut nostra de Antichristi character opinio labefactetur, ut haud levi argumento corroboretur: modo hunc verum ejus esse conspectum certum sit: est autem nihil certius. Mulier in multis *aquis sedere* dicitur instar reginae, imperium in multos populos obtinens, ipso Angelo interprete, vs. 15: cum ea *reges terrae* dicuntur *scortati* vs. 2. quod vs. 18: per *regnum* in *reges terrae* exponitur, qui eam ob causam cum ipsa muliere illa *idololatriam* committere, et se ipsius *libidini* tradere dicuntur. Poculum *amatorium* significat superstitionem idolatricam, cujus medio reges et populi huic *mulieri*, seu Romae devinciuntur, quod probe notandum, vs. 4: aliud ergo cum ea *scortari*, aliud *idololatriam* exercere, cum haec philtri et poculi circei

circei specimen praeferat. Praeterea infidet meretrix *bestiae coccineae* h. e. draconi rufo cap. XII. seu Diabolo, a quo regitur et ducitur; haec enim bestia ab ea, quae cap. XIII. depingitur, omnino est distinguenda, ut ex utriusque descriptione liquet. Quae latius exequi nequeo. Denique, quod *Sanctorum sanguine* dicatur ebria, vs. 7. eodem manifeste tendit.


§. XXIV. Haecenus disputata de dominio et tyrannide, charactere Antichristi et Bestiae, etsi omnium calculo hanc causam reddiderint dignam, firmissimum adhuc robur ei addit *periodus Ecclesiae*, in qua caput exereret secundum *Prophetias*, et extulit secundum *historiam*: et haec et illae in eundem characterem conspirant. Ex prophetiis nobis nunc quantum sufficit *sigillum*; quod cum *animas occisorum* propter *testimonium Christi* exhibeat, hunc tyrannidis characterem vel solis radius conscribit. Ap. VI: 9. Historia Ecclesiae a Saec. XII, quo Antichristus dominari coepit in Ecclesia, nihil suppeditat, quod magis in oculos incurrit, praeter *papalem dominatum*. Quae si fusius et pro rei merito enarrare vellem, et vestra abuterer patientia, et me *temporis ac diei* nullam habere rationem patetacerem, quare aliae id reservabimus occasione, si vobis ingratum non fuisse hoc argumentum intellexero.

§. XXV. Eant nunc Pontificii, et inter Papas Romanos Antichristum quaerendum esse incitari desinant; cum Paparum hic character vel invitis in oculos se ingerat: sed et nobis caveamus, ne Papas atro hoc carbone sine discrimine notemus. Sint nobis praeterea tot *Antichristi*, quot in orbe Domini fidei, et libertatis conculcatores, fidei et opinionum causa persecutores. Tales ne inter Reformatos, qui per summam Dei benignitatem Antichristi dominio colla subtraxerunt, capita extollant, ardentibus a Deo contendamus votis. Nos utique, Deo Domino nostro omnia committentes, nemini nos servos aut tyrannos exhibeamus, ut salutare Marci Impatoris monitum nostrum faciamus. Calces ne illidamus stimulis; ne quod ex Deo est oppugnemus, pro Deo ne *litigemus*; certi, quod


Deum non habet auctorem, nostro non indigere impetu ut ruat. Sed innocentiam per gradus certos, ut Quinctil. ait, *ab homine discedere, et ne in maximis trepidet audacia, diu vires in minimis colligere, simul cogitemus.*

Conserua hunc animum, summe Deus! in Patriae Proceribus, Magnificentissimo hujus Athenaei Curatore, reliquisque Quatuorviris: spirent Ecclesiarum Antistites divinam hanc virtutem. Bella ne ferantur in juvenilibus pectoribus in Academiis. Floreat inter nos veritas, pietas et concordia, in longa saecula. Amen.

D I X I.



SERMO




SERMO ACADEMICUS

SECUNDUS.



DE METHODO QUAESTIONIS DE ANTICHRISTO TRACTANDAE, ET PERIODO ANTICHRISTIANA.

§. I.

 D illustrem dicam, an famosam de *Antichristo*, et *Bestia decicorne* ac *septicipite*, regno Papali, nec ne? controversiam, quae Christianos, maxime a tempore Reformationis, secum commisit, tantosque animorum fluctus conceivit, illis hanc notam Romanae Ecclesiae inurentibus; his haud minore molimine foedam hanc maculam sibi et capiti Ecclesiae suae abstergentibus; et ubicunque potius, quam in sui gremio tam truculentum Christi adversarium quaerentibus, quoties mentem adplico; toties succurrit, quid causae sit, quare tot libris, magno cum labore, multoque eruditionis adparatu;

utrinque conscriptis, tam parum profectum sit? cur Pontificiae sectae viri aequae, ac cum haec serra reciprocari coepit, ab hac opinione abhorrerent? Estne illud verbi Prophetici, aut obscuritati, aut defectui, vitio vertendum? nihil minus. Licet enim nonnulla involutius, tanquam Oracula, in eo fuerint prolata, quae haud vulgari instructum eruditione, et anteceptis, ac male consultis, opinionibus cum vulgo non laborantem, requirunt Interpretem: tantum adest, ut in vaticinia de Antichristo haec quaerela cadat, ut nihil sit in toto verbo Prophetico aut clarius aut uberius repraesentatum. Quod cavete de aliis partibus, ac 2 Thess. II. et Apocal. dictum putetis. Aliis enim in locis qui hujus Bestiae lineas quaesiverit, nisi sensu forte penitior et indirecto, quo apud me loco sit dicerem, nisi magna me deterrent nomina. Sed in locis modo signatis tam copiose, tantisque coloribus depingitur, ut, qui in eorum conspectu collocatus est, Antichristum, cum in publicum prodierit, vel digito monstrare debeat. Quod non ita velim acceptum, acsi in tota illa pictura Apocalyptica sese nihil obscurari offerat: nodos enim, quos qui solverit mihi magnus erit Apollo, agnosco, et ubi resident probe novi; atenim, qui essentielles Antichristianae periodi lineas obscurius dixerit ductas, ei vel lumen ademptum crederem.

§. II. Penes quos itaque culpa residet? Pontificios, an Protestantes? His qui solis dicam scripserit, nae is vel in eorum scriptis, tanta copia emissis, tam exquisitè et erudite elaboratis, hospes, vel iniquus admodum censor sit, necesse est. Pontificii itaque nihilne excusationis, si non plenae, illius saltem, quae prorsus improbari nequeat, habent? hoc ut credam, amor non tantum proximi, sed et illud vetat, quod haud sine ratione errent. Itane, dicet Zelota aliquis, Tu insulis eorum argumentis, quibus aut jam dudum disparuisse, aut nondum adparuisse Antichristum adfirmant, aliquid roboris inesse fatebaris? in horum enim alterutrum pedibus eunt Pontificiae sectae addicti; dum alii imperium Romano-paganum, quod ante Constant. M. nihil non egit, ut nomen suum per Christianis-

mi

mi sepulchrum aedificaret, in scenam producant; alii, communem Ecclesiae suae viam magnifice incedentes, in Antichristum aliquem Iudaeum offendunt, qui, ex tribu Dan haud diu ante mundi finem oriturus, in Christianos qua arte qua marte per tres annos et dimidium immaniter saeviturus, Henochum et Eliam, de novo in mundo comparituros, occisurus, et per mille strages in propriam perniciem iturus est, a Christo miraculose prosternendus. Rationes, quibus haec commenta innituntur, ne quidem cum antiquissima Patrum traditione conjunctas, tanti valere censeo, ut animis, veri studiosis, convincendis pares sint. Sed hoc ipsum est, quod mentem identidem ferit, cum in illud quaesitum defigitur, quid tandem sit, quod viros, nec eruditione destitutos, nec perditum animi, quales inter eos esse, quis tam imperitus aut inhumanus est, ut infitiri ausit, transversos rapit. Imago Antichristi, quae ad vivum exstat expressa in Scriptura, regnum Papale exacte refert; Pontificii coeunt in eo monstrando; nec tamen aut caeci sunt, aut stupidi, aut lucifugae et veritatis hostes jurati. Quid itaque impedit, quo minus Antichristo, ut a Protestantibus depingitur, locum inter Papas dent? maxime, cum inter eos neque haereticos, neque profanae vitae et diabolicis artibus deditos, defuisse, nonnulli cordatiores ex ipsis non diffiteantur: quid rei, quod ab Antichristis inter eos admittendis tantopere alienos se praebeant.

§. III. Has rationes sedulo investiganti, ex illis, quae sub manus venerunt, *prima* sit, quae aut falsos, aut minus essentielles complectitur Antichristi characteres; qui, si obtineant, totius religionis Pontificiae ruinam secum trahunt. Unde oritur, tum quod disputatio de Papis Antichristis cum ea de ipsa religione commutetur, et infinitas pariat quaestiones, quae exitum non reperiunt; tum quod vel nec solos Papas, vel nec illos, hac infamia laborare, hinc haud sine ratione colligendum videatur. Hunc in censum veniunt, ut aliquas earum notarum commemorem, i. falsae doctrinae Papatus, ut de satisfactionibus propriis, de meritis bonorum operum,

de corporali Christi praesentia in coëna, de efficacia sacramentorum, de purgatorio, de traditionibus, 2. cultus superstitiosus sanctorum, reliquiarum, imaginum, crucis, et panis missatici, 3. abstinentia a carne, 4. Clericorum ordines, et in specie supremus et universalis Episcopatus, 5. denique *coelibatus* Clericorum, et confessio auricularis. Haec, et horum similia, inter Antichristianismi notas relata, quid quaeso aliud producent ac 1. immensam quaestionum sylvam, prolixas, ad ipsam religionis animam pertingentes, disputationes. 2. Varia, nec facile evellenda, contra Protestantium opinionem de Antichristo, praejudicia, quae vel clarissimae demonstrationis vim retundunt. Haecine Antichristi criteria, clamabit Pontificius, quae tanquam fidei et religionis meae capita toto animo amplector? quae continua traditione, ab antiquissimis ducta temporibus, ad nos manarunt, et per tot saecula a quibusvis piis et sanctis viris, ipsis Protestantibus non negare ausis, credita et exercita; haecine, quorum praecipua habemus cum Graeca Ecclesia communia? quid itaque prohibet, quo minus omnium fere seculorum per orbem Christianae Ecclesiae sint, et adpelentur Antichristianae? Haeresis si Antichristum definiat, tot sint Antichristi, quot haeretici oportet; adeoque ut nos Protestantibus, sic illi nobis erunt, et quo plures inter eos, eo certius *bestia* multorum capitum inter eos quaeritur. Denique, si conjugia prohibere, et carnis esu interdicere, sit character Antichristi, ut Protestantes contendunt, Romana utique Ecclesia ab ea labe erit immunis pronuncianda. Conjugia tantum abest, ut tanquam quid impuri damnemus, ut pro re sacra habeamus, nec alia de ratione clero coelibatum injungamus, nisi ut sacris eo liberius defungantur, et perfectius degant vitae institutum, plane ut Apostolus Paulus vitam coelibem eam ob causam praetulit. Ciborum vero abstinentiam cum jejunii et *ἀσκήσεως* tantum gratia inperemus, quid hoc cum iis, qui cibos nonnullos ut mali creatoris opus adspersati sunt, de quibus loquitur Ap. 1 Tim. IV. commune habet?

§. IV.

Longum foret per singula ire, et quid haud
sine

sine specie ab ipsis regeri possit, recensere. Aliud est, haud levioris ponderis praejudicium, quod ipsos impeditos tenet, ex diversis non tantum, sed nonnullis valde paradoxis Protestantium opinionibus de *tempore* orti Antichristi, natum. Hoc enim de quaesito si ad Protestantium Senatum retuleris; tot tamque diversa feres responsa, ut incertior abeas quam veneris, nec ubi pedem fixeris invenias. Alii, (ut Coccejus,) ab exitu seculi III repetunt, quo Constantius Chlorus se Christianorum professus est patronum; ut terminum Antichristianismi, quem 1260 annorum esse autumant, figere queant in Transactione Passaviensi, a. 1552. Alii, (ut Brigtmannus,) epocham ponunt in anno 306, quo Diocletianus et Hercules se imperio abdicarunt; et per X cornua totidem Imperatores a Const. M. ad Theodosium intelligunt. Alii, (ut auctor *Vti* imperii) ad initium Seculi V te mittent, et primum Antichristum Innocentium I monstrabunt. Alii a medio, alii a fine Seculi V (ut Gurtlerus,) derivabunt, quando X illa regna originem coeperunt, quae bestiae cornua censentur. Nec desunt, (ut Launaeus ad tubicinum III) qui Gregorium M., qui exunte Sec. VI sedem tenuit, ipsum eum, qui in titulum Episcopi Oecumenici, tanquam notam Antichristi, debacchatus est, in Antichristum transformant. Communior denique opinio, quam

Defendit numerus, junctaeque umbone phalanges,
fert, Antichristiani regni fundamenta in titulo Episcopi Universalis, quem Phocas Imperator in Bonifacium VIII contulisse traditur, Sec. VII esse jacta.

§. V. Hanc Protestantium fluctuationem, has tam alte repetitas Antichristi origines, quibus quaeso animis accipient Pontificii? *primo*, ni fallor, tanquam admirabundi rogabant, unde, cum Antichristus tam perito et adcurato penicillo est effictus, ut, ubi in scenam se produxerit, digito monstrari possit, et dicier hic est, tantum opinionum divortium? quin etiam, cum hoc clarae ejus descriptioni repugnet, Papas temere tanquam Antichristos traduci, hinc colligent. *Secundo*, Papalis

Ee

sedis,

sedis, quae ad hoc usque tempus se tuetur, tam longa duratio, per tot secula continuata, si ea sit Antichristiana, cui bilem non moveat? *Tertio*, qui fieri queat, ut, qui millenarium sanctorum regnum, de quo Ap. XX. et ligati Satanae periodum per eadem secula decurrere statuunt, quod iidem faciunt Theologi, in manifestae et turpis contradictionis notam non incurrant? Quid enim? et bestiae et Christi regna uno eodemque tempore secum consistent? ligati et in Antichristo soluti Satanae eadem jam erit periodus? *Quarto*, ea per secula, in quibus tot Concilia Oecumenica, illibatae apud ipsos Protestantes auctoritatis, sunt celebrata, tot sancti et illustres floruerunt Doctores, tot bonae leges in usum Ecclesiae latae sunt, tanto denique studio et paganismus est debellatus, et euangelium per populos septentrionales in primis disseminatum, Antichristum primas tenuisse, qui sceptrum duro saevus imperio regit, quis sine indignatione et horrore audiat? *Quinto*, Antichristum, quo tempore ex cubili profilierit, quin prudentes et pii viri sint notaturi, cum fieri nequeat: quis quaeso est, qui Papas per ea secula hac infami nota adfecit? nonne tanquam primae sedis, principis loci praefules ab universa Ecclesia consulti sunt? *Sexto*, character Antichristi si, ut ipsis illis auctoribus placet, sit, haereticas opiniones et idololatricum cultum in Ecclesias invehere; quid vel in causa fidei definitum est, quod haeresin sapit, vel in cultu est innovatum, quod Ecclesiae communi consilio non fecerunt? ipse imaginum cultus nonne Orientalibus suos debet natales?

§. VI. *Septimo*, denique, ut arcem causae invadam, quid Primatus Paparum, quid oecumenici titulus habet, quod Antichristi infamiam mereatur? ecquis enim tantus est in historia hospes, ut hunc titulum et Patriarchis Constantin., et aliis fuisse communem, nesciat? Quid, si primatus facit, ut homo in bestiam transeat, quid inquam, Patriarchis, Metropolitanis, imo Episcopis, fiet? Isne, qui universalis est, omnium dioecesium Episcopus, majore jure audiet Antichristus, quam qui aliquas

aliquas tantum aut Provincias, aut dioeceses, pastoralis curae habet subjectas? Quid hic admodum discriminis, quam in maiore minoreque Ecclesiarum numero? isne tanta virtute magica pollebit, ut hominem ex homine tollat? et qui modo verus erat Episcopus, cum ditionis pomoeria erant reductiora, mox, illis dilatatis, Antichristus ex Christi vicario fiat? Dicamus, quod res est, vel omnes Patriarchae et Episcopi hoc nomine infames eant, vel Papae, qua universales Episcopi, ad belluas ne ablegentur. Regimen si Ecclesia Christi non respuit, in hac illave regiminis forma, modo absit tyrannis, ne quaeramus tam terribilem bestiam.

§. VII. Novi equidem, quod per omnium ora volitat, Gregorium M. in hunc titulum, quo tempore Patriarchae Constantinop. in eo nimis arroganter se iactarunt, hostilem fecisse impetum, eumque, tanquam Antichristi insigne, severo stylo perstrinxisse: verum, licet unius, ejusque modestissimi Domini, seu Ecclesiae ejus, ministris, quales omnes sunt Ecclesiae praesules, nihil minus convenire, imo esse superbiae alendae ac tyrannidi producendae, in primis si ad nomen *res* accedat, quam aptissimum, non abnuerim; illud observari velim, nec hanc ejus tituli hoc tempore fuisse potestatem, nec Gregorium jure merito tanta cum vehementia in eum fuisse inVectum, sed invidia tactum et aemulationis oestro percitum rem exaggerasse, et invidiose traduxisse; ne nunc dicam, Gregorio ne per somnium quidem in mentem venisse Antichristum, qualis postea ex orco erupit. In ejus itaque declamationibus qui tanti momenti rem, ut est Antichristi, fundaverit, is profecto nec quid sit saevus hic hostis, nec cujus indolis, quae nullum scivit modum, fuerit Gregorius, qui primus se pro adfectata et inepta sua modestia *servum servorum* inscripsit, nec quae duas inter sedes, Romanam et Constantin., intercefferit aemulatio, aut perspexerit, aut ad animum revocaverit.

§. VIII. Sed, ut liberalis sim, praeferat hic titulus Antichristi tenuem aliquam speciem, quis, *primo*, veritatem fac-

ti, quo titulus suprema Imperatoris auctoritate in Bonifacium solemniter est translatus, praestabit? ne nunc dicam, nullam fingi posse rationem, quae Phocam ad Papas Patriarchis Const. praefendum movere potuit, nec ullam esse prolatam, quae se tueri queat; quis Graecorum ejus rei unquam meminit? cedo vel unum ex Latinis ejus seculi. Estne ex Papis sequentis temporis aliquis, qui in contentionibus de primatu cum Orientalibus ad hoc decretum provocavit? Verum, quod certius ferit, quis ante Gregorium VII. Sec. XI. ex Papis hunc titulum gessit? quid? quod Leo IX, Gregorio paulo antiquior, neminem Paparum ad suum usque tempus eo prorupisse superbiae testatur, ut reliquis titulis hunc adjunxerit: accedit, *secundo*, tum Papas sese neque jactasse hoc tempore, neque habitos fuisse Episcopos Universales, qui *rem*, titulo subjectam, exercent; tum Patriarchis Constant. et eodem titulo, et eadem potestate, fuisse gavisos, ac antea, utriusque sedis, Romanae et Const., dignitate et auctoritate, ipso hoc Sec. VII., in Synodo Quini-sexta aequata.

§. IX. Papas, jugo Graecorum excusso, et Longobardorum dominio ereptos, cristas progressu temporis erexisse, sibi que, qua Christi vicariis primis, (et hoc enim nomen cum aliis Episcopis habuerunt commune,) praecipuam rerum Ecclesiasticarum curam et ordinationem, prae reliquis totius Orbis Episcopis, adrogasse, me non latet; sed nec illud; eos et Synodorum generalium decretis fuisse adstrictos, et Regibus Francorum multis modis obnoxios; utpote penes quos erat suprema potestas canones Ecclesiasticos condendi, Synodos cogendi, electiones Episcoporum aut faciendi aut confirmandi. Fuerint itaque Papae Episcopi Oecumenici, et vicarii Petri, nec tamen soli aut nomen, aut rem, tenuerunt; adeoque eo non magis nomine Antichristi, quam reliqui Patriarchae et reges Francorum. Agnosco, postremo, ne aliquid reticeam, Papas dominium aliquod temporale, ut dicitur, variarum terrarum et regionum possessionibus per Pipinum et Carolum ipsis concessis, acquisivisse Sec. VIII, imo, sultis, reip. Roma-

nae vel Urbis Romae veros et proprios fuisse dominos, de quo tamen disputari potest. Sed hincne, Papas esse alteram illam Bestiam Apocalypticam, duobus agni cornibus praeditam, cum Docto aliquo Interprete (Brigtman.) extundendum est? Quid tot territoriorum Dominis Episcopis, Sec. X. per Ottonem introduci coeptis, tunc facias? Tantum refert, sive ab Ecclesia alantur, sive proprias possessiones, Episcopatui adnexas, teneant, ut mox monstra fiant, qui antea legitimi audiebant Episcopi? quod nec terrarum Domini nec Episcopi se juncti merentur, illud utraque dignitas in uno conjuncta faciet? Reges, si suprema in rebus Ecclesiae curandis auctoritate, sine hac contumelia, utantur, Episcopi res civiles in suo territorio ea cum potestate non poterunt administrare, quin mox Antichristi sint?

§. X. Videtis, ni me omnia fallant, et, ne in vobis ad id, quod in hoc sermone directius intendo, praeparandis, longiores moras traham; videtis, vel omnem spem gravissimae quaestionis finiendae decolasse, vel in aliam esse conjiciendam formam, et alia methodo ventilandam. Quam dum coram oculis vestris explicare adgredior, vos favete, aequisque et animis et auribus adeste; ut quid hac in causa recte sit peractum, quidve restet, dijudicetis ipsi. *Primum*, et ante omnia velim, ut mox in rem veniam, ambagibus praecisis, inter Antichristi characteres negantes et adfirmantes, rite distinguam: deinde essentialia ejus *criteria* clare definiri, et demonstrari: denique ex historia Ecclesiae illud hominum genus in lucem edi, quod characteres illos ita expressit, ut et eorum temporum homines illud viderint, et nemo nisi aut historiae imperitus, aut Pyrrhonista, nunc negare queat. Characteres *negantes*, quorum ea est natura, ut, si in aliquo requirantur, eum negent esse Antichristum Apocalypticum, si vero in aliquo sint, eum nondum evincant esse, ad locum, tempus, religionem, aliasque circumstantias pertinent, suntque ex gr. sedem Antichristi esse *Romam*, professurum eum esse religionem Christianam, sed superstitione multiplici violaturum, non

nisi post imperium Romanum eversum esse in lucem publicam proditurum. In his et horum similibus adstruendis id operae collocarunt Protestantes, ut, si nihil obstitisset, Pontificiis os fuisset occlusum.

§. XI. Hac de characteribus negantibus disputatione ad finem perducta, mox alia de *essentialibus* et *adfirmantibus*, succedat, quorum ea est virtus, ut Antichristum, tanquam propria ejus criteria, constituent et distinguant. Hos characteres nec in *haeresi*, nec *superstitione*, nec *morum* corruptione, nec denique in hac illave regiminis forma, sive presbyteriali, sive Episcopali, sive Primatu; sed in tyrannico conscientiarum dominio, quo religio, tanquam lex a suprema auctoritate, non tantum praescribitur, sed et vi obtruditur, et, si qui obedientiam aut adsensum denegant, diris devoentur, ipsis aqua et igni interdicitur, imo ex hominum societate expelluntur, flammis, ferroque traduntur: in hac inquam, animorum carnificina et tyrannide si coire demonstretur, ut proxima oratione factum esse praefiscine dixerim; illud *primo* inde nascetur commodi, quod, quaestionibus de religione et Antichristo ductis, et scorsim tractatis, cuncta, quae Pontificiis supra in ore dedi, uno ictu concidant; tum quod salva eorum religione Antichristus in eorum medio esse et abesse possit, tum quod forma regiminis eorum, extirpato eo, nihil detrimenti capiat. Profiteantur fidem suam, ritibus religionis defungantur, primatus intra justos se teneat limites, modo nullas formidines ostentent, ab omni violentia abstineant, in dissentientes furere desinant; Antichristi regnum et *bestiam* in medio ipsorum evanuisse, ne graventur agnoscere Protestantes. Sitne vero, hac peste extincta, fides eorum haeretica, religio superstitiosa, regimen a natura Ecclesiae Christi alienum, nec ne? habeant hae disputationes sedes suas distinctas.

§. XII. Deinde non tantum nihil habet haec opinio, quod Pontificios, religionis suae studio ductos, offendere, iisque stomachum movere potest, sed e contra multum, quo, ut in ejusmodi Antichristum consentiant, permoveantur. Quaestio-

ne

ne enim hac in locum de *Tyrannide* in causa fidei et religionis deducta, in quo totius controversiae cardo versabitur, quid facilius, quam eam, tanquam Christo, euangelio, religioni et societati, inimicam, et genuinum Satanae productum, in omnium oculos et animos defigere, et superiorem discedere, cum in manibus sit victoria. Haec enim Tyrannis adeo ab humanitate, hominumque, qui *ratione* bestiis antecellunt, natura et aequalitate abhorret, adeo in ipsas conscientiae notiones incurrit, religionemque veram, quae sine intima convictione inane nomen est, adeo in clara Christi praecepta fronte adversa arietat, adeo denique societatum vincula dirumpit, ut, si vel aliquid bonae mentis supersit, vix fieri queat, quin haec ad animum revocantes, vel solas complicatas animi notiones evolventes, tyrannidem si non detestentur, utique tanquam insignem regiminis abusum condemnent. Sed et eo facilius in hanc opinionem descendant, quo et sanctius honorant martyrio pro religione Christiana per Gentiles coronatos, et sibi ipsi Antichristum pingunt, qui, gente et religione Judaeus, fulmineis, instar apri, in Christianos veniet dentibus, eosque horrendo impetu tanquam Leo adfliget. Hosce persecutores qui ferae haud absimiles dixerint, ut dicunt Romanenses, quid quaeso, quo Christianos, eodem crimine se obstringentes, absolvant, cum vel minima specie adferent? quid, quam iis os obstruere, promptius? Haecce, prohi dolor! Christianae religionis praerogativa, ut, quod in Gentilibus et Judaeis injustum fuit, crudele et saevum, idem illud a Christianis patratum fiat justum, aequum et humanum? Estne itaque sanctissima religio eo scopo è coelo demissa, ut aeternas justis et injustis regulas, ipsam Dei legem, ipsa conscientiae dictata, et boni malique discrimen è medio tollat? Itane? Christiana religio, omnis virtutis perfecta magistra, quae nihil magis, ac modestiam, charitatem omnium erga omnes, pacem inculcat, odia, caedes, bella, vivicomburia, et quae alia sunt Satanae opera, quibus innocentes, et veritatis studiosi, opprimuntur, tanquam laudabilia, et Deo grata, adprobat, et exigit? an,

Ee 4

velut

velut signo dato ad fas nefasque miscendum coïre faciet? Haecce humana, nedum Christiana societas? an ferarum potius conventus, et improborum factio? Eritne igitur verum, quod ne hominum animis obrepat tantopere religionis interest, societatibus hominum religione hac nihil esse magis contrarium; illudque poëtae esse aptum dictum;

Humana ante oculos foede cum vita jaceret

In terris oppressa gravi sub religione,

Quae caput a coeli regionibus ostendebat,

Horribili super adpectu mortalibus instans

quod verissimum sit oportet, si Christianis mutuam sanguinem fidei et religionis causa haurire liceat. Quid? humanitatem et rectam rationem adeo in Pontificiae sectae viris arbitramur extirpatam, ut nihil non humani a se alienum putent? quod si credere nefas sit, difficilis utique operae non erit, eos ad se reducendo convincere bestiae saevae nomen demereri, qui in hominum figura immanitatem exercent, adeoque et Christianos, si tyrannica hac parte agunt, tantum abesse ut foeda Antichristi nota non, ut prae reliquis digni sint. Major etiam hoc tempore illud omnibus Christianis persuadendi spes adfulget, quo multi per omnes societates, Christi nomen professas, sive Philolophi, sive Icti, sive etiam ipsi Theologi, *persecutiones* fidei causa qualescunque improbant non solum, sed et quam solidissime refutarunt, ac prostituerunt. Quorum insignem, si necesse aut ignotum foret, contexere possem catalogum.

§. XIII.

Sed illud fortasse vera a falsa distat religio, ut, qui ad hanc obtorto collo quem trahunt, sint tyranni, ferae et Antichristi: qui vero per illam grassantur, ut verae fidei confessionem vel invitis extorqueant, Zelotae religionis, gloriae Dei et salutis animorum studiosi, verbo Vicarii Christi, jure meritissimo adpellentur. Praejudicium, alte licet infixum, et inveteratum, haud difficili opera eximendum censeo, nisi qui omne foedus, seu jus humanum, animis ejecerint, et mentis sint emotae. Quid? illos studio religionis et gloriae Dei inflam-

matos

matos dicemus? qui verae pietatis et virtutis se juratos profitentur hostes, et in Satanae, non Dei, castris militant. Ecquid aliud agunt, qui et quicquid justum ac sanctum est, Dei hominumque jura, pedibus conculcant, et aut religionem omnem in animis destruunt, aut histrioniam exercere, fictasque personas praeferre cogunt, ut aliud mente tectum habeant, aliud ore proferant homines. Quae certa et sola sunt persecutionis effecta, tot exemplis comprobata. Eosne dixeritis gloriae Dei studiosos, qui, quod Dei solius est, sibi, tanquam unico cordium scrutatori et judici, reservavit, ipsi eripiunt, et sibi audacter sumunt. Ecquid aliud faciunt, qui secundum fidei normas, quas ipsi fixerunt, de proximi vita et salute sententiam imprudenter et temerario ausu ferunt? Quid est unicum Patrem; Doctorem et legislatorem, abnegare, si hoc non est? Veritatis amore eos creditis accensos, qui infano studio, tanquam tempestate correpti, non eunt, sed aguntur, furentique malo serviunt? qui, cujus sunt spiritus, ipsi nesciunt, utique non divini, qui non perniciem, sed vitam proximi intendit, sed impuri, quo feruntur, qui, *ranarum* Apocalypticarum instar, orbis reges et supremas potestates ad proelium cum sanctis congregant. Et qui quaeso veritatis rationem haberent ullam, quos *sectae* suae placita unice delectant; eorumque studium impellit. Veritas si ipsis curae cordique esset, aliisne armis, ac rationibus, sine quibus nulla est animorum convictio, quae sola veritatis regnum condit, eam defenderent et promoverent? Veritas an per strages hominum ad dominium tendit? per fraudes, convitia, exilia, et supplicia de animis, in quibus unice residet, triumphabit? Cujus itaque veritatis stimulo irritantur? illius credo, quam satius fuisset puteo demersam in perpetuum jacuisse, quam tot saevis satellitibus stipatam caput extulisse inter homines; illius, cui illud poetæ convenit,

Tantum potuit religio suadere malorum.

Veritatis amor si animos ipsorum occupasset, fieri non posset, quin *sapientiam* superne ortam, quae, teste Jacobo, est *pacific-*

ca, aequa, obsequiosa, pietate bonisque referta fructibus, ore et opere spirarent, et infernalcm faectorem non redolerent. Denique illis inter regni Christi defensores et propagatores locum dabimus, qui modestiae, iustitiae et caritatis officia, sine quibus non Christus sed Satanas regnat, ex hominum societate eliminant, et superbiam, odia, faevitiam aliaque detestanda vitia in throno collocant? Vos itaque, qui non rationibus, sed ferro decernere soletis, tam insanos putatis esse homines, ut pro veritatis patronis ab iis habendos vos esse arbitremini? Monumenta historica, quae prudentes viri per omnia tempora condiderunt, consulite, et monstrorum, pestium, ferarum, similiumque elogiis vos ornari, an infamari? dicam, cum pudore, nisi omnem decoxeritis, legite, nec memoria dignos, nisi quam per scelera meruistis, cenferi advertite.

§. XIV. Praeterea si hosce religionis sacerdotes, qui innocentes, fidei suae causa, ad naecem persequendo, non trucidant, sed immolant, rogaveritis, unde ipsi id juris in proximum? quid respondebunt, quod non aura levius est? dicentne a Deo et Domino nostro? ubi clara testimonia? ubi litterae, ut ajunt, credentiales? ubi signa et figilla? quid? ab eone aliquid juris habebunt, quod nec ipse exercuit, nec ab ullo exerceri voluit? an itaque a munere *pastorali*? a quo aequae alienum est, ac a bono pastore deglubere pecus; fures et lupi sunt, qui gregem devorant et dissipant, non pastores. Officium pastorale, quod totum est ministeriale, secum non habet *dominium* conjunctum: pastores sunt, *non qui gregibus imperant*, sed *qui exemplo sunt*, teste Petro, cujus vicarios se jactant, quibuscum mihi hic res est. An itaque ab ipsis *fidelibus*, qui Ecclesiam constituunt, et ex sui medio aliquos eligunt, ut doceant et ducant? qui verus est pastorum conspectus. Sed estne quisquam sanae mentis homo, qui sibi lumen adimat, ut manu ducatur ab alio? qui, cum ipse sit fidei et vitae suae rationem redditurus supremo judici, illarum rerum arbitrium aliis commiserit? ut ad aliorum opiniones actum vitae flectat. Quis, cui Deus animum dedit, quo
nihil

nihil est in homine praestantius, sic se ipse abjiciet et proster-
net, ut nihil inter se ac quadrupedem aliquam, quae ductorem
sequitur, interesse velit? Veritas forte salutaris, quam tan-
quam talentum sudario inclusum tenetis, et solos vos possidere
praefumitis, huic juri fundando sufficit? Hoc si verum, quid
ergo Gentiles persecutores eadem persuasione imbutos, ac si in-
juste egissent, damnatis? quid Haereticos, ut eos adpellatis,
quibus idem jus, et eodem superstructum fundamento, vexa-
tis? sed quam alienum hoc sit a *veritate*, et genuino ejus fau-
tore, qui se ei advocatum dedit, ex modo dictis sponte sua
elucescit. Veritas nulla, nisi spiritualia, suppeditat arma;
nulla, nisi quibus apud conscientias commendatur, et animos
sibi subicere valet. Non vera, sed falsa est religio, quae
ferinam rabiem parit, et abjecto homine in sylvestre animal
abire cogit. Quid? verane erit religio? cui humano sanguine
litandum est. *Quae* porro haec *pietas*, ut sublimis poetae *Ita-*
lici verbis utar,

Quae porro haec pietas, delubra adspargere tabo?

Heu primae scelerum causae mortalibus aegris

Naturam nescire Deum: justa ite precati

Ture pio, caediumque feros avertite ritus.

vera itaque erit religio, qui funestas et cruore *innocentium*
perfusas manus ad Deum tollere patitur?

§. XV. Dicentne postremo, actum esse de veritate et
religione, si eam cuivis impune examinare et oppugnare liceat,
nisi hostibus lingua excindatur. Miseram profecto verita-
tem, quae tunc solum se tueri potest, si ---- *hasteis*, ut En-
nii versum huc transferam, *Horret ager, campeique arceis sub-*
limibus ardent, quae fraudibus, vitiis et criminibus se in
clientelam demittere necesse habet, quae hominum rogis, ut
illustretur, indiget, et humani generis ruinae superaedificari de-
bet. Itane? luci quid cum tenebris, *Christo* cum *Belial* com-
mune? quid itaque? utriusque regnum iisdem armis propaga-
tur? quid castissima et pulcherrima virgo veritas meretricio ha-
bitu vestitur? Quid in veritatem, quae sua luce fulget, et in

oculos omnium, qui eos obstinate non claudunt, sese ingerit, injuriosius? quid de falsa doctrina, de traditionibus humanis, de superstitione verius? Harum patronis opus sit strictis gladiis, ad exemplum famosissimi Inquisitoris et persecutoris Dominici, qui, ut verba habent *Francisci Menneii*, (a) *in adjutorium sumsit quasdam devotas personas, quae corporaliter illos haereticos gladio materiali expugnarent, quos ipse gladio Dei amputare non posset.* Stet veritas nuda, et nullo colore fucata, nullis armis horrida, suis tantum, quae rationes sunt, munita; minae ne circumstrepant, innocentia ne sub ictu stet, partium studia nulla sint, sit cuique libera facultas eam adeundi et contemplandi; tantum abesse confido, ut veritas quid detrimenti patiatur, ut brevi primas obtineat in mundo. Possem ad experientiam provocare, quae eorum fidem semper crevisse demonstrat, quae sanguine Martyrum fuit irrigata, si id nunc agerem.

§. XVI. Hic aures quidem vellicat tumidus *Infalibilitatis* titulus, quo vel universalia concilia, vel Papae in Ecclesia Pontificia superbiunt; qui facere videtur, ut, quotquot eorum decretis adfurgere nolunt, rebelles et veritatis, imo Dei, hostes habeantur, eoque nomine *puniendi*, et exterminandi. Viros, qui opinione sua delusi se erroribus intactos putant, si fidei leges posuerint, cum ratione insanire, adeoque insanissimis illis, qui se aequae ac alios ad lapsum pronos, et erroribus obnoxios profitentur, si decretis suis idem, quod infallibilium dictatis, adtribui velint, esse sapientiores dicam an astutiores, non diffiteor: attamen si vel infallibilitatis suae dogma vi obtrudere vel apud eos, qui hanc ipsis praerogativam nullo modo concedunt, eam auctoritatem sibi sumere et exercere, instituant, aequae inique et injuste agunt, ac si fallibiles essent Doctores: ipsum autem illud privilegium quam sit a conciliis et Papis, cunctisque Doctoribus et rectoribus, alienum, quod a Protestantibus egregie et certissime est extra dubitationis aleam positum, quid hic dixisse adinet? Quid, quod ipsi
Ponti-

(a) Apud Usser. Success. Eccles. cap. IX.

Pontificii, acriter secum pugnantes, sitne illa praetensa *infallibilitas* Papis, an conciliis universalibus, ut adpellari solent, tribuenda, hisce suis litibus, dum *illi* Papas, *hi* concilia sine Papis, hoc privilegio non gaudere solide disputarunt, nec illis, nec hisce competere, ut prudentiores, et saniores iudicii homines, concluderint, effecerunt. Sed sis habearisve doctor Infallibilis, quid Tibi inde vel in ipsos illos, quorum oculos hoc fulgore praestrinxisti, juris natum esse arbitraris? an animis et conscientiis leges praescribere? qui poteris, si repugnent? ne vel ipsa infallibilitas Tua potis est efficere, ut tenebrae pro luce habeantur, et animus in eo, quod conscientiae rationibus directe adversatur, acquiescat. An in eos, qui in verba Tua jurare recusant, tanquam in mortis reos, animadvertere? nihil minus, cum Judex controversiarum esse posses, absque ut errantes duro imperio obteras, et poenas aut statuendi, aut infligendi, jus habeas; quidni enim Judex supremus illud sibi reservare potuit? ut fecit. Christus et Apostoli, infallibiles utique Doctores, eamne tenuerunt viam? itane cum hominibus egerunt? nonne contraria instituerunt methodo regnum veritatis et pietatis erigere et propagare?

§. XVII. Secundum has lineas, quas primas tantum riter duxi, si disputetur, nonnihil spei est, ut Protestantes inter et Pontificios, nisi nescio quis eos fascinaverit oculus, de charactere Antichristi in genere conveniat; nihilque quaerendum restet, quam *ubi* et *quando* caput inter Christianos extulerit? aut nondum infernales sedes deseruerit, sed ex orco adhuc erupturus sit? Quae quaestio, cum sit *facti*, ut dicitur, ex historia Ecclesiae unice finienda, Protestantibus multum negotii non facesset, modo status controversiae recte figuratur. Quaestum enim non est hac forma percutiendum, *ubi*, et *quando*, in filo stare, et quasi ad certos numeros saltare, unde vel transversum unguem discedere nefas est, coeptum sit? nec, ubi et quando in rixas procurrerunt, et non opinionum diffensione, sed animorum contentione ita litigare coeperunt, ut, gravissimis inde motibus ortis, Ecclesia in horribilem praecipitata

pitata sit confusionem, cum multorum etiam exsiliis, et caedibus conjunctam; nec denique, ubi et quando fidei et religionis causa fuerint aliqui male mulctati, aut gravissimis suppliciis adstricti? etiam capite plexi? sed, *ubi et quando* canones fidei, cultus vel regiminis, eum in modum vi ac ferro fuerint defensi et vindicati, ut nihil magis hoc ipso fuerit in Ecclesia conspicuum, nihil in quo magis defudatum, aut majore impetu astitatum; nihil denique, ut rem verbo complectar, quod *periodi* characterem figere queat? Etsi enim aliqua Antichristi facinora hic illic, diversis seculis, fuerunt perpetrata: illud nihil aliud evincit, ac *mysterium iniquitatis* ante coepisse, quam Antichristus in lucem est editus, ut Paulus loquitur, vel ut Johannes, *multos fuisse Antichristos*, qui proprie sic dicto Antichristo viam praeiverunt. Ipse vero Antichristus ante imperium obtinere statui nequit, quam cum Persona aliqua, suprema in Ecclesia auctoritate et potestate, quae limites non novit, vestita, id summa opum vi adnititur, ut religionem suam armata manu tueatur, et in dissentientes, tanquam rebelles et devota capita, hostiliter irruit, nihilque non sibi licere putat. Prorsus, quemadmodum periodum persecutionum per Romanos gentiles cucurrissent prudentes rerum aestimatores insitiantur, licet frequenter saevierint tumultuariae et particulares persecutiones, antequam Romani Imperatores Christianismo delendo, et religioni patriae statuminandae, omnem operam impenderunt; quod a medio Sec. III. vel a Decio ad Const. M. usque duravit, ita, licet et ante et post Antichristum sese similibus commissorum reos egerint, illi ejus Praecursores audiant, hi ejus vestigia premant, et characterem ejus fronti ac manibus impressum gerant; *Antichristus* ipse non erit, nisi ubi dominatur; grassatur et furit; nisi ubi *thronum* Satanae per Ecclesias erigit, et bellum gerit cum sanctis et innocuis. Hoc cum agitur, *periodus Antichristiana* in cursu est, cujus termini, a quo et ad quem, ut dicitur, secundum hanc normam figendi sunt.

§. XVIII.

Hisce limitibus, quos sive ex Apocalypsi, sive

ve aliunde, petitis rationibus adfirmare, si res vel dubia foret, vel in dubium ab aliquo vocandam existimarem, in promptu foret, quaestione circumscripta, et via sic strata, campum historiae aperiamus, eumque ingrediamur, ut *ubi* et *quando* Antichristi regnum vigerit, luce meridiana clarius elucescat. Ita enim habeatis, velim, *periodum* Antichristianam, et quo tempore fluxit, fuisse publice notam, et nunc nemini, nisi historiarum imperitiissimo, esse in obscuro positam: quae criteria si desiderentur, pro Antichristiana periodo non habeatur, equidem nullus intercedo. Quid enim? tam immanis bellua quaquaaversum ruet, et terrores ac caedes circumferet, et in omnium oculos non incurret? quis est, qui, ut id credat, a se impetrat? Non nimis fidenter loquor, adversariis latus nudum non praebeo, nec eos, quibuscum nobis haec controversia intercedit, sperno: sed causae luce sua fulgenti quin fidam, non possum. Ipsi, velim, judicetis, nec vel severissimos refugio iudices.

§. XIX. Quis, quaeso, primus est, qui se supra quicquid sanctum et sublime est in civitate et Ecclesia, elevavit? quis qui praetensa Ecclesiae jura hostili manu adgressus est vindicare? cui, nisi qui de haeresi Hildebrandina ne fando audivit, Gregorius VII, alias Hildebrandus, non mox in mentem venit; papa superbus, et terribilis, ab a. 1073 ad 1086. utique ipse primus, ut nomina *Papae* et *Episcopi Universalis*, ad solos Episcopos Romanos restrinxit; sic supremum et *αὐτοκρατορικὸν* in temporalibus et spiritualibus imperium sibi adseruit, et exercuit; fundavitque primatum, dicam, an *Totatium*, sedis Papalis, eo etiam usque, ut, quicquid ipse defini-
verit, quicquid *judicaverit*, pro jure et lege habeatur, ne exceptis *libris canonicis*, non nisi accedente auctoritate ejus regulae ac normae vim habituris. Praeterea inobedientiam sedi Apostolicae nihil minus esse quam *scelus idololatriae*, sancivit primus; ipse regum et principum exauctorandorum, et subditos a juramento fidelitatis absolvendi, potestatem sibi primus adrogavit. Denique ad jura sua, sub specioso libertatis Ec-

clesiasticae praetextu tutanda, *Investituras* vi hostili Imperatori eripuit primus, bella propterea concitavit, subditos in Henricum IV, vinculo juramenti solutos, armavit, orbem totum conturbavit, omniaque sceleribus, rapinis et caedibus, foedavit: idque reapse praeftitit, quod per somnium ipsi narratur visum; ignem sc. *ex ore ejus exiturum, qui totum mundum igniret.*

§. XX. Hujus qui est animi, haec qui molitur, ille ne negabitur sese *supra quicquid dicitur Deus aut numen efferre? et in Templo Dei sedere instar Dei alicujus*, sive, quod idem est, *oracula fundere divina in Ecclesia*: respicitur enim, ut id obiter observem, 2 Thess. II. ad inhabitationem Dei supra arcam in Templo, et summo sacerdoti, Urim et Tummim vestito, respondentis, eumque instruents, &c. seseque bestiae similem praebere, cujus insigne est, *magna et nefanda loqui, et cum sanctis*, sive religionis causa, bellum gerere? Quid hic deficit? quid ergo impedit, quo minus *Antichristi* titulo inustus incedat? Suntne, quae perstrinxi, falsa, aut dubia? quis, qui *Dictatum* ejus, *registis* ejus insertum, et capita 27. complexum, legit, qui ad litem ejus cum Henrico animum advertit, cujus ad aures quid de Haeresi Hildebrandina pervenit, hoc adserere ausit? Detur mihi ante hunc vel unus, qui in haec superba et nefaria prorupit, qui ad simile quid audendum se adplicuit; Antichristum ante fuisse, fatebor. Sed desunt fortasse vel aequalium, vel haud longe remotorum testimonia, quae, jam eo tempore hanc ipsi notam fuisse adfixam, evincant? nihil minus, cum publica hoc tempore tulerit fama, et communis circumsonuerit vox, Antichristum esse natum, et Satanam solum: ut multis ab Usserio et Mornaeo est comprobatum testimoniis; *Venericus*, Ep. Vercellensis, ex gr. scriptor aequalis, id, quod Jes. XIV: 13. de Monarchis Assyriis et Babylonis profert, *tu dixeris animo tuo, conscendam coelos, supra stellas Dei omnipotentis efferam solium meum ---- ad similitudinem altissimo*, ad hunc Papam transfert. Ipse *Gerochus*, factionis Hildebrandinae, pronunciare non veretur, *Rom anos sibi*

Divinum

Divinum usurpare honorem. Alia mitto, sed quid vetat, ipsum Gregorium, ut de se testimonium dicat, citare? quippe sub vitae finem, si vera narrat *Sigebertus*, confessum, *se suadente Diabolo contra humanum genus odium et iram concitasse*: quid hoc aliud est, ac se esse *Antichristum*? Habemus itaque regni Antichristi et Bestiae epocham; ex sola historia eductam; quam et aliunde petitis argumentis firmare, in facili foret, ut, ex gr. quod post *hominem peccati* h. e. luxu et libidine diffluentem, qui Paparum character fuit Sec. X et XI. usque ad Gregorium fere, sit, teste Paulo, manifestandus, quod characteres periodorum, historia et libro sigillorum concinentibus, nec citius nec tardius Antichristum quaerere permittant: sed, ne limites mihi politos migrem; in historiae filo pertextendo, et Antichristis in lucem proferendis, pergamus.

§. XXI. Quid quaeso sequentibus seculis, a XII ad medium XVI, quamdiu Periodus Antichristiana ex mea opinione duravit, vehementiore studio et majore molimine factitatum est in Ecclesia Papali, quam per anathemata, bella, et publicas persecutiones, cum Imperatoribus, Regibus et Haereticis de summa religionis et regiminis decertare: in vulgus notae sunt funestae admodum collisiones Paschalis II. et Callisti II. cum Henrico V. Hadriani IV et Alexandri III. cum Frederico Barbarossa, Sec. XII. Quid vulgatius bello Innocentii IV. cum Philippo Suevo, et Gregorii IX. cum Frederico II. Sec. XIII? nec minus famosum est Sec. XIV. per gravissimas concertationes Bonifacii VIII. cum Philippo Pulchro, Clementis V. cum Henrico VII. trium denique Paparum, Joh. XVII. Benedicti XII. et Clementis VI. cum Ludovico Bavaro. Haereticorum, ut audiunt, dicamus veritatis studioforum, et nihil aliud merentium, ac quod societatis dominantis mendacibus oraculis conscientiam praetulerint, persecutiones adeo fuerunt faevae, continuae et publicae, ut et tunc horrorem incusserint, et nunc a nemine, nisi totus intremiscat, recolli possint. Seculo XII. ut singula secula tantummodo percurramus, cum *Waldenses*, et *Albigenses*, grassanti superstitioni

et corruptioni, quae Ecclesiam inundaverat, capita objicerent; mox sanguinaria in eos sunt cusa decreta Synodalia et Papalia; quae rigide mandata executioni infinitas dederunt strages: ex gr. Oxoniae a. 1160 in eos lata est sententia, *ut ferro candenti notarentur in fronte, et urbe expulsis nemo hospitium vel cibum praeberet* &c. Unde factum est, ut partim urente frigore, partim fame dira, perierint ad unum omnes, nemine eorum miserto. Synodus Turonensis in Gallia a. 1163. sub Alex. III. omnibus interdixit, *receptaculum aut praesidium ipsis praebere, aut in emtione et venditione aliquid cum iis habere commercii*, quo vel ad litteram est impletum, quod Ap. XIII: 17. habetur. Synodus Laterana III., quae *Oecumenicis* solet adnumerari, eodem Papa ad clavum sedente, fidelibus injunxit, ut in Waldenses et Albigeneses, indulgentia ipsis aequae ac Cruciatibus promissa, arma sumant, praeterea omne cum iis praeccludit commercium; imo ipsos *fautores* eorum esse bonorum confiscatione et servitute plectendos statuit. Quid nunc de *Bruissis*, Petro et Henrico, illo ignis supplicio adfecto, hoc vel perpetuo carceri mancipato, vel clam interemto? quid de Synodi Tolosanae a. 1119. praefide Callisto II. decreto, sectatores eorum per potestates exteras esse coërcendos? quid de Arnaldo Brixienfi, Hadriani IV. jussu ad rogam dampnato, et combusto, cineribus in Tiberim sparsis? quid de innumeris aliis dicam? tempus deficeret, si cuncta vellem coacervare Martyria.

§. XXII. Et haec tamen initia tantum malorum fuerunt, si cum Sec. XIII. comparentur: hoc enim seculo adeo inmaniter saeviit furibunda bestia, ut, unde trium annorum et dimidii spatium, quod bestiae datur, si totidem annorum centuriæ vel secula intelligantur, quod tamen non adfirmo, repeteri possit, habeant qui conjecturis indulgere gestiunt. Hoc enim Seculo 1. Publicum bellum a Cruce signatis est cum Tolosanis, aliisque Albigenensium fautoribus, jussu Innocent. III. iniquissime et crudelissime gestum, ab a. 1209 ad 1227. in quo immanes stragis acervos fecerunt hostes, in sola Bituren-

si urbe 60 millibus plusquam ferina saevitia trucidatis, et per solam Galliam purioris confessionis hominibus ad *decies centena millia*, (a) 2. Horrenda et plusquam barbara condita sunt et ab Ecclesiasticis et a Politicis, bestiae sese submittentibus ad omnem saevitiam, decreta, et publica fancita est persecutio. Infame illud concilium Lateranens. IV. sub Innocent. III. haereticos *damnatos et excommunicatos*, si Clerici fuerint, etiam *degradatos*, decrevit *secularibus potestatibus*, ut poenis temporalibus adfligerentur, tradendos, praeterea, ut potestates illae, nō excommunicari et exauetorari velint, se adcingant ad haereticos in terris suis exstirpandos, constituit: denique, ne aliquid saevitiae praetermittere videatur, catholicis, qui crucis signo sumto sese ad haereticorum excidium paraverint, eandem, quae omnium erat liberalissima, promittit indulgentiam, quae cruce signatis in terrae sanctae subsidium concedi solebat: quinimo, *fautores, receptores et defensores* haereticorum, vel qui iis delendis minus invigilant, severissimae censurae addixit. Quid demum est *belluam* agere, si hoc non est? Subacto Comite Tolosano, ut ad Principum edicta sanguine tincta veniam, ipse Raymundus Comes, ut fidem Papae, dum absolvebatur, datam praestaret, praecepit, ut *omnes in comitatu suo haeretici caperentur*: nec sacro huic officio defuit Ludovicus, Galliae rex; sed omnibus hac parte palmam praeripuit Fredericus II. Imperator; qui se adeo dedit Papae, ut execrabile in historia nomen acceperit. Quatuor ab ipso emanarunt constitutiones contra haereticos, quibus praecipuas poenas; in Tribunali inquisitionis usitatas, haereticis imposuit, et *vivicomburium* primus, quanta infamia! lege lata sancivit. Recepit insuper Inquisitores, et, ut Magistratus ac Iudices ab eorum nutu penderent, iussit. Denique, cum per Insubriam in primis floreret haeresis, *omnes criminis illius convictos flammis tradi, vel, si ad aliorum terrorem vitae viderentur reservandi, linguas, quibus blasphemata evomuisse, amputari voluit.*

Gg 2

§. XXIII.

(a) Vid. Ufferius de Success. Eccles. c. X. et Medus ad Ap. XIII.

§. XXIII. 3. Vidit hoc ipsum seculum Inquisitores extraordinaria cum potestate canum instar haereticos investigandi, e latebris educendi et dilacerandi, a Papis collata, per totam terram, instar Satanae, gradientes: quorum primus fuit Rainerius, insignis apostata Waldensium, ab Innocentio III. delegatus, quem excepit famosus ille *Dominicus*, ab eodem Papa missus, idem ipse, qui truculentum ordinem ex orco protulit, eum in finem institutum, ut *haereticos retundat*, et *perdat*; qualem ordinem Ecclesia nunc demum vidit, ut diserte tradit *Thomas Bozius* de signis Ecclesiae (a): a quo tempore varias in terras introducta est Inquisitio, donec separatum illud *Tribunal* sacrum ex inferis erupit, Papa Innocentio IV. obstetricante a. 1251. Hoc autem Concilium quam sit horrendum, saevum et immane, quanta omnis iniquitatis officina; quam dira humani generis pestis, verissima Satanae imago, cujus est instar Leonis rugientis circumire, ut ventrem latrantem repleat, quid dixisse et demonstrasse adinet? Quid etiam necesse fuerit, vos in conspectu tot malorum, quibus innocui fidei suae confessores, per proscriptiones, exilia, carceres, tormenta, caedes et vivicomburia, sunt per totum Occidentem pressi, et tantum quod oppressi, collocasse? ubi enim inciperem, ubi desinerem? si vel indicare vellem, oratio in immensum extraheretur.

§. XXIV. Haec si vera, si testatissima sint, apud omnes in confesso, ut sunt, quis, cui de charactere Antichristi necum convenit, vel de tempore, quo tyrannidem exercuit, vel de charactere periodi, in persecutionibus sito, amplius dubitaverit? Estne etiam, qui homines hujus temporis tantam bestiam latuisse, praesumat? utique nihil hisce seculis fuit vulgatius, nihil quod orbem magis personuit, quam Antichristum in Ecclesia dominari. Ne nunc Waldenses et Albigeneses, quorum haec constans et recepta fuit doctrina, ad partes vocem; *Ayentinus* in annalibus testatur; *plerosque omnes bonos, apertos, justos, ingenuos, simplices esse professos*, Sec. XII. *Antichristi*

(a) Apud Ufferium l. c. cap. IX.

tichristi Imperium coepisse: sic Fluentius, vel Florentinus, Episcopus fertur circa a. 1106. publicis concionibus docuisse, jam natum esse Antichristum. Norbertus, celebris nominis vir, professus est, teste ipso Bernardo, qui se id ex ore ejus audisse adferit, ea aetate revelandum esse Antichristum, et generalem in Ecclesia futuram persecutionem. Joacimus Calaber, abbas Florensis, Antichristi jam nati, et in Ecclesia Apostolica sublimandi, characteres ex Apocalypsi jam eruit. Imo exstat luculentus tractatus de Antichristo, qui a. 1120 censetur scriptus, quem publicavit Perrinus in hist. Waldensium. Ipse Gulielmus Malmesburiensis, Bedae continuator, in carmine Jambico, historiae ejus inserto, canit.

*A modo siquidem possum adserere,
Quia Antichristus creditur vivere.*

§. XXV. Sec. XIII. in aulam Pontificiam, ut profligate depravatam et tyrannicam, tantus undiquaque clamor insurrexit, ut exitum non reperiret oratio, si ea, quibus Petrus de Vineis, Abbas Urspergensis, Johannes Semeca, Nicolaus de Bibrach, Gulielmus et Johannes Parisienses, Gulielmus de S. Amore, celebris auctor libri de periculis novissimorum temporum, Petrus Joh. Olivus, Robertus Grossetest, Matth. Parisiensis, alique, in Ecclesiam Romanam tanquam Antichristianam, meretricem Apocalypticam, Babylonem, detonuerunt, proferre vellem. Nec silentio esset premendus Germanus, Patriarcha Constantinop., qui in epistola ad Gregor. IX. et Cardinales sedis Papalis tribunal Tyrannicum diserte notavit. Quid, quod ipsos Papas sententiam contra se dicentes citare in promptu foret. Innocentius III. in sermone panegyrico se jactavit, *Vicarium regis regum, et se solum retinere plenitudinem potestatis, ut de ipso post Deum alii dicere possint, et nos de plenitudine ejus accepimus &c.* sic alibi sese supra hominem efferens, se Deum inter et hominem esse medium, illo minorem, sed hoc majorem. Paschalis II. Sec. XII. eo arrogantiae venit, ut in haec verba os impendens resolvere non erubuerit:

Spiritus et corpus mihi sunt subjecta potenter,

Corpore terrena teneo, coelestia mente.

Unde tenendo Polum, solvo ligoque solum.

§. XXVI. Seculo XIV, quemadmodum per humanas strages inhumano incessit animo Antichristus, et ferinam plane potentiam exseruit in *Fratricellos*, Minoritarum sectam, *Lollardos* et *Turlupinos*, Waldensium propagines, ac *Wiclefitas*, Martyrum sanguine plenis alveis fluente: sic Minoritae non tantum, et reliqui modo memorati, sed et alii in Ecclesia Antichristiana depingenda operam posuerunt. Litterae Eduardi III. Angliae regis, ex communi regni consilio scriptae ad Clementem VI. inter alia habent, *vineae progeniem degenerasse in labruscas, et singulares feras eam depascere*. Longum foret, si viros singulares, ut sunt, Dantes Aligerius, Fr. Petrarcha, Gul. Ockam, Nic. Oresmius, Joh. de Rupercissa, Arnoldus Villanovanus, Matth. de Cracovia, aliosque ad testimonia dicenda vocare instituerem: quare edicti Ludovici Bavari, comitiorum Reginoburgensium consensu publicati, meminisse suffecerit, in quo inter alia de Joh. XXII. dicitur, *ipsum Satanae spiritum sibi sumere, se similem Altissimo facere &c.* Quam truculenta fuerit bellua, ut gesta, sic testimonium, quod vitae ejus a Veneto aliquo conscriptae, additum est ab anonymo apud Baluzium testatur; illud enim ita incipit. *Iste Venetus adulator nihil dicit de Tyrannide gesta per Papam istum, de trucidatione Christianorum facta suo jussu &c.*

§. XXVII. Seculo XV. sicut Tribunal Inquisitionis in Polonia confirmatum, in regno Valentino et per totam Hispaniam erectum est, ita et per totum Occidentem immaniter saeviit, in Delphinatu in Waldenses, in Flandria et Artesia in Magiae et occulti cum Satanae foederis temere accusatos, in Gallia in Picardos, et Waldensium reliquias, in Germania et Bohemia in Hussitas et fratres Bohemos, posteaquam duo testes Joh. Hus, et Hieron. Pragensis, in *platea magnae civitatis* essent flammis traditi, universali concilio Constantiense jubente, et hoc spectaculo se oblectante, nec non per bellum Hussi-

Hussiticum ingentes essent strages factae: ne de Burgino aliquo Beguino, circa tempus Synodi Pisanae combusto, Hieronymo Savonarola, in foro Florentino primum strangulato, dein in flammis immisso, jussu Alex. VI. aliisque dicam. Seculo XVI. Reformatis sese majore studio, et successu, opponentibus, verum esse poëtae dictum adparuit,

----- *Bacchae bacchanti si velis adversarier?*

Ex insana insaniorem reddes, feriet saepius.

quoque propius ab eo aberat, ut nihil reliqui habeat, nisi sine viribus iram, eo magis feritatem exasperavit, et, cum propediem tanquam foeta canis sine dentibus latraret; omnem suam rabiem induit, et, acsi sitim sanguinis humani explere vellet, largissime bibit. Dies deficeret, si omnem saevitiam, si vivicomburia, si lanienas, si carnificinas, per *Angliam, Scotiam, Galliam, Belgium, Bohemiam*, aliasque terras vel indicare adgrederer. Lanienas Merindolensium et Cabrieriensium, Parisiensem et Hibernicam, qui vel solas ad animum retulerit, Antichristum et Bestiam quaerere non habuerit opus.

§. XXVIII. Nullum praeterea fuit seculum, quo Papae in titulis et epithetis, quae Divinam spirant majestatem et auctoritatem, sumendis, et Catholici, qui ambitiosae majestati quicquid potuerunt titulorum congefferunt, in dandis, fuerunt impudentiores; acsi Antichristi notam vel solis radiis Paparum frontibus inscribere voluerint. Quis non stupore corripitur, qui ex. gr. audit: *Paulo III. Optimo Maximo in terris Deo. Paulo V. vice Deo, Christianae reip. Monarchae invictissimo, et Pontificiae omnipotentiae conservatori acerrimo. Julio II. altero in terris Deo, universis populis adorando. Quid? quod, ne alia, quae possem, adferam, Papales Casuistae non fuerint veriti definire; honorem, qui debetur Christo, secundum quod Deus est, deberi Papae; quia honor debetur potestati; sed unā est potestas Christi, secundum quod Deus est, et Papae. Sic Leoni X. adplicatur illud Ps. 72. omnes reges terrae adorabunt eum, et servient ei; omnes reges terrae sciunt, quāenam potestas Tibi data sit in coelo et terra. Ad haec accedat,*

infallibilitatem, antea ignotam, hoc demum seculo Papis fuisse vindicatam, quod verbo tetigisse suffecerit.

§. XXIX. Quid ad haec omnia, quae tantum levidensi brachio perstrinxi, reponent Pontificiae Sectae addicti? facta negabunt? qui salva historiae fide poterunt? dicentne, *haereticos* fuisse, in quos illa fulmina deciderunt? sed, ne hoc ipsum esse regeram, in quo character Antichristi positus est, quales quaeſo haereticos? nonne, qui summi Pastoris vocem audire, eamque vita et moribus exprimere maluerunt, quam in hominum placita sacramento dicere, nullius criminis, ac humanarum traditionum et definitionum verbo Dei postpositarum, reos. Quibus praeterea illi haeresios dicam scribunt, illi et sibi et aliis veritatis audiunt testes et praecones. An denique telum in Protestantibus retorquebunt, ut aliquando faciunt, eosque et Pontificiae sectae hominibus violentas manus injecisse, et singulas sectas suos haereticos haud absimili modo tractasse clamabunt? sed, quid passi sunt Pontificii, nisi cum vel imminerent, vel bellum indixerunt *libertati* religionis, et Protestantes, ut se in libertatem vindicent, vel eam factam tectam conservent, ad arma provocarunt? Ubi et quando Protestantes propria viscera dilaniarunt, et haereticorum suorum sanguine manus foedarunt, quod vel minima cum specie cum Pontificiis comparetur? Rara sunt, nisi in perturbata civitate, persecutionum fidei causa exempla, rarissima ad mortem. Verum enim vero, quod vel solum os Pontificiis obstruat, ubi *doctrinae* illae sanguinariae, tanquam leges et canones fidei, vigent inter Protestantes, quae inter Pontificios? Canon Ecclesiasticus, qui, ut Leonis Allatii (a) os, hac utique parte impudens, eum effudit, habet: *haeretici proſcribendi sunt, exterminandi sunt, puniendi sunt, et pertinaces occidendi, cremandi*, apud quam Protestantium sectam est receptus, cui non est horrore? quod si Zelotae aliqui sint, fuerintve, quorum peccatus facer hic ignis hausit, aut sub eo coquit; si in primordiis reformationis, cum tempora erant turbulenta, tenebrae
omnes

(a) De Consensu Or. et Occid. II: 13.

omnes nondum discussae, leges publicae contra haereticos, una cum longa consuetudine, oculos adhuc nonnullorum fascinauerint, quid hoc ad ipsas societates? quid ad Protestantium principia, ad fundamenta reformationis, quae convellunt? relegentur itaque ad Antichristi gregem, si qui adhuc sub ejus signis militare gestiant, et bestiae signum in frontibus ac manibus recipiant.


§. XXX. At enim, licet causa Protestantium sese hac ratione bene tueatur, et inconcussa consistat: vellem tamen, A., quid ni fatear? me huic objectionis ne speciem quidem relinquere necesse habere, adeoque fundamenta, quibus innixa est Reformatio, ita integre semper et sancte fuisse conservata, ut ne vel minimum impetum fuissent passa. Quid enim indignius, quam ut Protestantes Martyres suos, ex quorum rogis modo capita allevarunt, quibusque libertatem fidei, inaeestimabile bonum, acceptam ferunt, jure a Pontificiis esse concrematis exemplis suis, vel ad speciem, confiteantur? imo hostibus fidei suae arma in manus dent, quibus fratres sui, sub eorum jugo adhuc gementes, legitime opprimantur? Estne ferendum, eos propria vineta caedere, et principia sua, tot libris ab ipsis defensa et demonstrata, quod Pontificii nullo modo per argumenta possunt, proprio exemplo destruere? quid turpius, quam trito hoc dicto a Pontificiis, non sine dedecore, repelli,

Quis tulerit Gracchos de seditione querentes.
Mala itaque grassentur extrinsecus, ne in visceribus ardeant;

Procul a mea tuus sit furor omnis domo.
Inquisitio et persecutio quid sit, non nisi ex Antichristi schola addiscatur; apud Protestantes, meliora edoctos, inauditum sit nomen.

§. XXXI. Sed, ut in viam redeam, est aliud, illudque solum, quod ne Antichristi titulus Ecclesiae Papali imprimatur, impedire videtur; rei nimirum *Incredibilitas*, ex duplici fonte educta, quippe quam et *duratio* sedis Papalis, et religionis Christianae indoles, quae, ut talis hostis in ea se ostendet, pati non posse videtur, suppecditat. Ea enim sedes a Sec.

XI. jam Antichristiana, cum ad hoc usque tempus firmo steterit talo, nec everisionis spes adfulgeat; cui non portenti instar videatur tantum temporis spatium? sed haec difficultas non est ex maximis, quin facile evanescet, cum observavero, periodum Antichristianam inter et sedem Papalem probe esse distinguendum: haec quidem perseverat etiamnum; sed illa in reformatis Ecclesiis, stabilem sedem nactis, finita est: unde nova initium sumsit periodus, quae libertatem fidei et religionis restitutam, et vim Antichristi repressam, pro charactere dominante habet; periodus est, qua martyres vindictam clamant, et requiescunt stolis albis amicti, in signum triumphi, vel impetratae libertatis, pro qua certarunt, et sanguinem fuderunt; ut *quintum* habet Sigillum. Periodus viget, in qua *est*, et *non est* Antichristus, ut ejus aenigma tenet Ap. XVII. qua finita denovo ex abyssu prorumpet, ut ib. dicitur: de quo plura verrat tempus proferre. Altera difficultas, quae, si ad Christianae religionis naturam referatur, prorsus est insolubilis, multum imminuetur, si principia, ex quibus orta est sub religionis praetextu tyrannis, eorumque principiorum progressus per omnia secula, ad animum revocentur: in quem campum si vos immittere vellem, excusatio *prolixae* orationis, quam ne nunc quidem ab aequitate vestra mihi promittere ausim, plane ridicula fieret et odiosa. Sit itaque haec *novae Orationis* materies; et loco *Perorationis*, si taedii deprecationem, quod incommutus et longe protractus sermo vobis peperit, aequis animis acceperitis, praeclare mecum censeo actum, et laetus ac alacer ad solemnitatem hujus diei progredior; eoque etiam alacrior, quod fasces, de quibus quod dicitur, *fasces sunt fasces*, in me verum non fuit, cum ne leviter quidem strinxerint manus, deponere liceat: quod in vestram laudem dictum accipite, optimi juvenes! quorum diligentiae et compositis moribus hoc otium, quo me in magistratu fungendo frui licuit, acceptum fero. Id agite in posterum, ut successor meus in easdem laudes vestras desinere queat; si de vobis ipsis, quid enim de nobis dixerim? bene mereri velitis.



SERMO ACADEMICUS

T E R T I U S.

DE FRAUDULENTA ET VIOLENTA RELIGIONIS
TUENDAE VEL PROPAGANDAE METHODO,
VERO CHARACTERE SATANAE.

§. I.

Antichristum et communem humani generis hostem,
Satanam et *Diabolum* dictum, nec non utriusque
A *Regnum*, Scriptura tam arcto copulat nexu, ut
utriusque *characteres* iidem plane sint oporteat.
Praeterquam enim, quod *Antichristi* adparitio ef-
ficaci *Satanae* operationi adtribuatur a Paulo
2 Theff. II. *Draco*, ipsissimus *Diabolus*, Johanni, Ap. XIII,
visus est *suum solium*, *suamque potestatem* dedisse *Bestiae*, alias
Antichristo. Bellum quoque, quod, ut ibid. occurrit, *Bestia* cum
sanctis gerit, illud ipsum est, quod *Draco*, coelo dejectus, ani-

mo voluisse dicitur Ap. XII. Quid? quod ipsa illa *Bestia*, quam magna meretrix, seu Pseudo-Propheta Antichristianus, inequitavit, Ap. XVII, ipsissimus sit *Draco* et *Satanas*. Quae et quorum similia licet de Antichristo Diabolum, sive incarnatum, sive specie humana indutum, quod nonnulli Veterum opinati sunt, non faciant; *Satanæ* tamen imaginem in ipso refulgescere, huncque ejus esse vivum simulacrum, organum et in terris *Vicarium*, unum idemque esse illorum criterium, *Antichristianamque* societatem pro regno *Satanæ* esse habendam, extra controversiam ponunt.

§. II. Cum autem Antichristum, vero suo conspectu, Ecclesiasticum vel Religiosum esse Tyrannum, eumque initio ab Hildebrando, alias Gregorio VII, circa fin. Sec. XI. sumto, per *quinque* fere secula fuisse in Ecclesia, variis vicibus licet subinde interceptis, grassatum, duobus praecedentibus *Sermonibus* demonstraverim: in *Satanæ* et *Satanici* regni religiosi genuinum characterem et propriam faciem inquisivisse, ejusdemque plane esse naturae evicisse, abs re minime fore visum fuit, cum ut Antichristi characteristica qualitas Tyrannica in clariore luce collocetur, tum ut ad *originem* et *principia*, ex quibus natus est, planior sternatur via. Quae disquisitio sicut ad pleniorum Antichristianismi intellectum, ita ad fidem meam liberandam superest. Memini enim, et vos forte mecum, A. me, ubi de *tempore* orti Antichristi, ejusque *periodo Historica*, verba novissime feci, hanc ipsam tractationem de *origine* et *principiis* ejus vobis solenniter promississe. Benigna praeterea eorum de superioribus orationibus judicia, quibus vel *verbis Prophetici*, aut *Historiae Eccles.* notitia adcuratior, vel veritas, libertasque debita, curae cordique est, me, quidni verum fatear? haud parum accenderunt, ut serena conscientia fretus in opere suscepto pergerem. Quod hac ipsa hora, Vobis, A. H., vacivas aures praebentibus, quod etiam atque etiam peto, instituo; de *fraudulenta et violenta Religionis tuendae aut propagandae methodo*, vero *characterem Satanæ*, dicturus, eoque sermone fasces Academicos, licet vix strinxerint manus, laetè tamen depositurus.

§. III.

§. III. *Satanas*, cujus characterem animus est in lucem proferre, quis, quidve sit, quid, quove modo, in hominibus et inter eos operetur? ut exponam, et in communem, eumque, post tot de nobilissimo hocce spiritu conscriptos libros, jam taediosum locum excurram, nemo vestrum, scio, a me expectat; nemo etiam tantus est in Script. hospes, qui nequissimum hunc, simul potentia vel super ipsos sui generis Spiritus eminentem, Principem potestatis aëris, et hujus seculi, sive spiritualium nequitiarum caput, qui cum incredibili sociorum turba domicilium reliquit, Dei et hominum seu *veritatis*, in qua non perstitit, *virtutisque* professum et terribilem hostem, *Diabolum* et *Satanam* adpellari solitum, ignorat. Illud tamen ne vos lateat, mea interest, me hic non de Dæmonibus, quorum diversi sunt characteres, qualitates variae, sed de uno illo, quem designavi, quemque Script. singulari semper numero *unum* esse studiose inculcat, agere; praeterea me distinguentem ejus qualitatem, quam definire adgredior, non *absolute* sed *restrictè*, et ad Religionem, religiosamque societatem relate, intellectam velle. In quaestionem itaque mitto, quid *illud sit in Religione, quod Satanus in primis intendit, agitque?* Quid illud in re Religionis sit Diabolicum, quod eam ad Satanae imaginem conformat, et ejus subjecit dominio? quid, quod regnum Satanae in societatem religiosam introducit? quid, quo posito, ponitur, sublato, tollitur Satanae dominium? denique, ut verbo absolvam, quae qualisve sit dominans societatis Ecclesiasticae qualitas, in qua *thronus Satanae est erectus?* ut stylo Apoc. utar.

§. IV. Satanicum esse Divino oppositum, adeoque in eo quaerendum, quod nec Deo, tanquam auctori, acceptum ferendum, nec voluntati ejus manifestatae congruum est, sponte sua in oculos quidem sese ingerit, nec in conjectura positum est. At enim sitne illud, quod non est in Religione Divinum, eo ipso Diabolicum, et aliquo si sit dicique queat sensu, sitne *tale*, quod Diaboli, ejusque Regni veras lineas ducat? id ipsum est, quod determinari velim. Deum inter et Satana-

nam, Divinum inter et Diabolicum, cum medium quid sese offerat, ex hominum vel infirmitate vel cupidine oriundum, *humanum* verius et mundanum, quam *Diabolicum* adpellandum, Satanam quoque cum multum redolet, quod ipsi volupe est, et ad quod suam confert operam, in quo tamen expressa ejus imago sese conspiciendam non praebeat; eminentibus et illustrioribus coloribus, qui ipsum distinguunt, et omnium oculis exponunt, nativis et suis coloribus, quid demum est, quod eum pingat?

§. V. Per partes quidem ire, et *doctrinam*, *cultum*, *regimen* et *mores*, ex quibus societas Ecclesiastica constat, distincte contemplari, ut ad characteristicum regni Satanici adtributum veniamus, in facili foret. *Errores*, etiam capitaliores, *superstitionem*, etiam idololatricam, *illegitimam* regiminis *formam*, *moresque* corruptos, de Satanae coloribus nihil saepe trahere, et in proprio inbecillis, vel depravatae, humanae naturae fundo nasci; *studium* vero errandi, et odium veritatis, *detestandam* idololatriae speciem, *moresque* quoscumque *inhumanos*, partem quidem imaginis hujus terribissimae facere, non tamen characteristicam, adeoque in nullo eorum regni Satani ci criterium esse situm, latius deducere, et clare adfirmare, quod non foret difficilius operae, maximopere quidem vellem. Sed, cum haud uno nomine mihi operam esse dandam sentiam, quam maxime potero, brevis ut faciam, in rem mox venio, *fraudentam* et *violentam* religionis tutandae et promovendae *methodum*, posteaquam levidensi brachio ejus *explicationem* perstrinxero, exstantius ejus esse criterium evicturus.

§. VI. *Fraudulenta* ratio religionem aliquam aliis persuadendi, a *prudente*, quae nihil vitii, multum boni habet, probe distinguenda, ex multiplicibus fraudibus artibusque mendacibus contexta, ut rem in pauca contraham, et ornamentis oratorii sepositis nude proponam, *primo*, Divinae originis vel adprobationis ficta et falsa signa comprehendit, sive sint revelationes aut inspirationes, in somniis visionibusve praetensae, sive sint miracula, aliave dona extraordinaria; vel excogitata,

cogitata, vel adulterina; *secundo*, varias artes *judicium* hominum corrumpendi, eique imponendi, sive Divinis autoribus spuria scripta inscribantur, sive *vera* vitientur data opera, sive *traditiones* a primis originibus alte repetitae fingantur, sive contortis interpretationibus, et subtiliter contextis ratiociniis, animi magna probabilitate fallantur, sive Divinae autoritatis prerogativae in rebus fidei aut religionis uni aut pluribus in Ecclesia adfingantur, sive grandisonis, sed vanis, verbis et titulis oculi praestringantur, sive, per sinistram aliquam *arcani* disciplinam, interiora religionis mysteria oculis subducantur, per falso et fucato colore illita dogmata oculi fascinentur, sive aliae sint fraudes vix enumerandae. *Tertio*, varia media, astute excogitata, *adfectus* hominum excitandi, et in favorem religionis flectendi, sive per fictam devotionis speciem fallant, sive per verba publica, intimi adfectus benevoli spuria signa, dictis verbisque phaleratis, ducant, sive per rationes moventes a multitudine, antiquitate, splendore societatis religiosae, a multivaria commoditate, utilitate, delectatione, a promissis, aliisque ex fontibus lutulentis et venenatis petitas, animi occupentur.

§. VII. Verum enim vero cum doctrinae alicujus propagatio oppositae destructionem secum trahat, ejusque ruinis sit superstruenda; et illae artes hic in censum veniunt, quae adversae religioni nervos succidunt, eo in primis collineantes, ut illa praejudiciis adgravetur, simul contemptui et odio una cum cultoribus ejus exponatur; sive *novitatis* nota inuratur, sive ab *hominibus* recentioris aevi, tanquam *autoribus*, denominetur, sive cum odiosa haeresi, antiqua vel nova, comparetur et confundatur, sive falsa ei imputentur dogmata, aut vera reticeantur, fucatoque colore obducantur, et sinistris interpretationibus pervertantur, sive invidiosis consequentiis maligne oneretur, sive varia crimina per eam committi improbe venditetur, et pravi rumores sedulo spargantur, sive cum Regum aut Principum edictis, saepe emendicatis, et Praelatorum decretis insidiosae committantur, sive denique ridiculis,

odiofisve nominibus, ineptis narratiunculis, mordacibus dictariis, aliisque modis fiat, ut hominum animi eam horrescant. Sed quis omnes fraudes enarraverit?

§. VIII. *Violenta* religionem defendendi et provehendi, diversamque subruendi, methodus, quae innumeris fraudibus quoque cōmitata incedit, a legitima ejus tutela, cum damno licet violentorum hostium, qui in eam impetum faciunt, conjuncta, omnino separanda, omnes illas *injustitias*, quae debitae libertati, et verae conscientiae, vim inferunt, ambitu suo continet, quibus vel via ad veritatem cognoscendam unice apta obstruitur, *vel* ita difficilis et periculosa redditur, ut alii ab ea absterreantur, *vel* veritatis agnitae intimus vix sensus, nedum professio, relinquatur libere et impune, *vel* fidei denique et religionis, qua nec civitati nec ejus membris nocent, siue causa, siue praetextu, hostiliter invaduntur et opprimuntur, siue in fama et honore, siue bonis, siue personis suis per exilia, carceres, tormenta et caedes. In quibus enarrandis si versari vellem, vix exitum reperiret oratio. Nemo etiam vestrum, opinor, A. tantus est in Hist. Eccles. hospes, tam incredibili societatum persecutricium laborat ignorantia, jurium, privilegiorum, conscientiae et libertatis, quibus nec potest nec debet renunciare, adeo imperitus, tantove eorum contemtu ducitur, ut vel quid sit in re religionis violentia, vel quantum cum ejus studiosis gestum sit ab Antichristianis et Paganis bellum, ipsum fugiat. De quo alias.

§. IX. In hac fraudulenta et violenta cum hominibus agendi ratione ubi proprium Satanae hac parte characterem colloco, non illud tantum volo; nihil Divini humanive eam habere, Satanaeque indoli recte convenire, sed 1. nativam et characteristicam ejus qualitatem absolvere, eumque 2. id praecipue in religione intendere, id in primis moliri, non tam ut nulla vel falsa vigeat, quam ut ejus causa vel praetextu partim sese omni ejus fructu privent, omnem vim enervent, partim sese mutuis odiis, discidiis, vexationibus et caedibus discerpant, in propria viscera saeviant, et in exitium praecipitent
miseri

miseri mortales: adeoque 3. in ea societate Regnum Satanæ et esse, et sese ostentare, in qua hæc artes, hæc violentiæ, primas tenent; illamque Religionem, qualem qualem etiam alias, Diabolicam vibrare faciem, quæ eas vel admittit, vel fovet, vel imperat. 4. Cum vero Divina religio ejusmodi mediis nec opus habeat, nec uti soleat, falsa, vel corrupta, ut inter homines sedem figat, omnem navat operam, eique patrociniatur. Quæ quamdiu sese a fraudibus et violentiis in se tutanda et diffundenda abstinet; tantum abest ut in Diabolicam degenerasse haberi debeat, ut in vera alias et divina Ecclesia Satanæ thronum suum erexisse censendus sit, si hanc viam infisteret.

§. X. In dominante hocce Diabolico caractere, cuius summas duxi lineas, demonstrando, vobisque de eo convincendis, ut rite et ordine verber, *primo* et ante omnia ad generalem Satanæ qualitatem moralem, omnium ejus moliminum fontem et normam, quam cum nomina ejus et epitheta, tum evidentia Scripturæ loca depingunt, animos adverti velim. Nomina, sive propria, sive figurata, quibus sacer hic spiritus in Script. venit, animum fraudibus et violentiis immersum, et in homines hominumque societates hostilem, exprimunt. Quid enim aliud *Satanæ* et *Diaboli* nomina, illud Hebræum, hoc Græcum, quibus nefandus hic spiritus solus, nullus alius, tanquam ipsi propriis, insignitur, sibi volunt? quid, nisi *fraudentum* et *violentum* adversarium? Prius, שָׂטָן *Satan*, quod in *ferventissimo rancore* et odio *inusto* sedem habet, animo et vultu obstinatissimo adversari denotat. Posterius διαβολος *diabolus callidum luctatorem* simul, simul *calumniatorem* et *falsum* accusatorem signat. Utrumque Principem ob oculos ponit, qui fraudibus, calumniis, infestationibus et destructionibus hominum unice delectatur, et in iis totus est. Nec aliam fuscitant ideam, quotquot occurrunt nomina emblematica, *Serpentis* antiqui, *Draconis*, *Leonis rugientis*, et quæ sunt alia. Quid? quod ὁ πονηρὸς *malus ille* absolute et solus adpelletur.

§. XI.

Consulite nunc mecum Script. loca, quæ genuinas

nuinas ejus qualitates repraesentant, et nullae fere praeter memoratas sub manus venient. Fraudibus et mendaciis totam imbutam indolem primum ejus elogium, quo *Serpens astutior* dicitur *omni bestia agri*, vividissime depingit, *voxalta, βαθυ, μεθοδισται*, excogitata consilia, profunda, astutae artes, fraudulentae circumventiones, quae ei in Script. vindicantur, clare enunciant: sed quid clarius Domini nostri testimonio, quo, sicut a *veritate* descivisse; ita *nulla* in ipso esse dicitur *veritas*, adeo ut *mendax* et *Pater mendacii*, et *ubi mentitur*, ex sua propria *indole* agere declaretur. Ad *malitiam* et *malitiosam* ejus indolem pertinet, quod *peccatum* Diaboli, ejusque *opera* in ea ponantur a Johanne, *mendaces* et *osores* proximi *Filiorum Diaboli* titulo ornentur ab eodem; *Spirituales nequitiae* ei aptentur a Paulo, qui et eo digitum intendit, ubi monito de *ira*, vel non admittenda, vel mox deponenda, subjungit, *ne locum date Diabolo*; iram et odium constantem et proprium esse ejus characterem insinuans. Sed, quid multa? sententiam pronunciet, et litem finiat, idem ille magnus Apostolus, ubi *Elymae Magi* picturam fecit, ipsique in os dicit: *o omni fraude ac scelere referte, Diaboli fili, omnis justitiae hostis: non desines rectas Domini vias pervertere?* Vultisne adhuc ipsum Diabolum indolem et agendi rationem, quam in regnis mundi occupandis et sibi devinciendis tenere solet, prodentem? en verba; quibus Domino nostro viam ad supremam monarchiam in terra monstravit in historia tentationis ejus; *quod si Tu me coram adoraveris, erunt omnia Tua*. Sensus est, ni fallor, si meam placeat induere indolem, teque ad meum numen et placita componere, mendacia, fraudes, flagitia, caedes patrare, et per fas et nefas graffari; hanc Tibi certissimam spem facio, Te Regna mundi subiecta habiturum. Hac via ipse supremum inter homines dominium adeptus est; hac eadem ad ejus exemplum, et ejus ope, regnorum et populorum famosissimi, sed et injusti, debellatores.

§. XII. Haec cum sit Satanae indoles, propria et characteristica qualitas: *fraudentam* et *violentam* religionem, seu

ſeu quicquid in quacunqꝛe religione ex fraudibus et mendaciis eſt complicatum, quicquid tyrannice agitur, veram ejus imaginem referre, ejusque genuinum eſſe foetum, facile cernitur. Quod illuſtrius ex *operum* et *moliminum* ejus notitia, quam Script. dedit, adparebit. Quod *ſecundo* ad animum revocari velim. Quemadmodum in primis mundi incunabulis primos homines *mendaciis* ſefellit; unde *Pater mendacii* adpellatur apud Joh. VIII. *Abelem* quoque naeci dedit per Cainum, unde *homicidae* nomen retulit ibid. cui *ſola fratris* juſtitia bilem moverat: ita continuam et apertam cum *ſemine mulieris*, teſte primo oraculo, perrexit gerere *inimicitiam*. Quicquid Lucifer, coelo deturbatus, in poſterum patraſſe legitur in Script. illud omne eo exiſſe deprehendimus, ut homines ſeſe mutuis odiis et caedibus laceraverint; religio fraudibus et violentiis ſuperaedificata, vel oppugnata, veritas et virtus oppreſſa ſit, veri inprimis et probi ſtudioſi mille malis excruciat, et inſidiis petiti ſint. Satanas, a Deo rogatus, unde *advenerit*? reſpondit in libro Jobi, *a diſcuſſando per terram, graſſandoque in ea*. Quod Petrus delineavit emblemate *Leonis rugientis*, qui *circumcuſat*, ut *aliquem devoret*. Ecce ſummam curarum, occupationum et moliminum ejus! Dominus noſter eundem plane characterem conſignavit, ſi vulgata interpretum opinio, quod non putem, vera foret, ubi Matth. XVI. *portas inferorum Eccleſiae non eſſe praevalituras*, promiſit, Satanae molimina eo tendere omnia ſignificans, ut Eccleſia qua arte qua marte expugnetur. Nec aliae ſunt callidae et hoſtiles adgreſſiones, quibuſcum Credentes, ſpirituāli armatura muniti, certandum habent, teſte Paulo Ephes. VI. quam *Spirituales nequitiae* et *perſecutiones*, tela maligni Spiritus ignita; ut ex toto textu manifeſtum eſt: unde etiam vera pendet explicatio armaturae ſpirituālis, ibi memoratae. *Opera* quoque *Diaboli*, quae Chriſtus deſtruſtum venit, regnum juſtitiae, pacis et charitatis erigendo, teſte Johanne, ex lege oppoſitionis oportet ſint *injuſtitiae* et *oppreſſionum* facinora; quod Ap. ibid. egregie firmat, cum filiorum Diaboli hos ſolos ſignaverit charac-

teres, *non facere justitiam, et fratres non diligere.* Cui concinit, quod Christus in Ep. ad Hebr. cap. II. morte sua Diabolum abolevisse, *qui imperium mortis habet*, eosque liberasse legatur, *qui Mortis metu erant servituti obnoxii* id est, qui vi et metu suppliciorum, et mortis, in ejus servitute continebantur. Quod Satanae regnum religiosum luculenter pingit. Nescio an aliud quid Paulo in mente fuerit, ubi Timotheo vetat *novitium* ordinare Episcopum, *ne inflatus in crimen vel judicium Diaboli incidat*, id est, ut exemplo illustrem, ne alter *Diotrephes* fiat, de quo Johannes testatur eum *primatum adfectasse, Johannem ipsum recusasse, nec fratres admisisse, et ex Ecclesia ejecisse.*

§. XIII. Intuemini nunc, *tertio*, mecum in facinorum Satanae specimina, in Script. obvia, tanquam in totidem specula, quae faciem ejus conspiciendam praebent nativam; et ex ungue leonem, quod dicitur, recognoscite. Praeter vaserri-
 mas artes, obtrectiones, oppressiones veritatis et virtutis, hominumque earum studio ductorum, nihil quod in nobilissimi hujus spiritus rationes eximie transcribitur, invenietis. De Protoplastis deceptis, Abele occiso, Jobo misere vastato, dicta ne repetam; quis *Achabum* in ruinam praecipitavit? *Spiritus mendax!* quis *Saulum* in Davidem incitavit? *Spiritus malus!* Cui Judaeorum, ab exilio Babylonico reducum, infestatio per vicinos populos imputanda est? nonne Satanae, qui Josuae Pontifici dexter adstitit, tanquam accusator, in viso Zachariae, cap. III. et ab Angelo Jehovae est increpitus? Qualem sese Christo praestitit? aliumne ac mendacem tentatorem et truculentum hostem? qui, quod arte non poterat, dein per carnifices id effecisse visus est, quare tunc *potestas* et *hora* tenebrarum vim suam exeruisse dicitur, quum Christus crucifixus est. In *Juda* quid operatus fuerit, quidve eum fecerit *Diabolum*, si quaesiveritis; quid, praeter Christum prodere, eum in manus persecutorum tradere, offendetis? Discipuli Christi; ubi igni coelesti, tanquam fulmine, istos voluerunt Samaritanos, dubiumne reliquit, quo acti fuerint spiritu.
 Dominus

Dominus, ubi, eos objurgans, eos nescire dicit, *quo impellantur?* Nec alium sese erga Discipulos gessit, ubi eos *vexare* et *discutere* quaesivit, tempore passionis, *instar granorum*; pro quibus Christus oravit, ut Deus eos *a malo illo liberaret, ne fides eorum deficiat*. Estne denique quid aliud ac *mendacium*, quod in Anania et Sapphira produxit, ubi *cor eorum implevit?*

§. XIV. Vertite quaeso mecum oculos, ut, *quarto*, ad populos persecutores Christi et Ecclesiae veniam, eosque in *parabolam* Christi, qua Judaeam gentem, antea idololatricam, tunc purgatam, vivis coloribus depingit, defigite. *Spiritus*, dicit, *impurus*, domo sua relicta, ad eam nitidatam rediit, septemque *malignioribus* spiritibus stipatus eam intravit et incohit. *Impurus* ille est Idololatericus et carnalis, qui Judaeos ad exilium Babylon cum usque occupatos tenuit. Sed, illo expulso spiritu, progressu temporis a malignis arrepti Judaei, religionis suae tuendae ergo in Christum, ejusque Discipulos, minas caedemque spirantes, *eos* devastare adgressi sunt. *Maligniores* audiunt spiritus, ut de Satanae, qui καὶ ἑξοχὴν seu eximie *malus ille* adpellatur, satellibus cogitaremus. Judaeis utique notam *filiorum Diaboli* inussit studium Christum fraude circumretiendi et occidendi: ut ex Johannis Evangelio notum est. Quae mens quoque Paulo fuit, ubi, *Principem potestatis aëris nunc efficaciter operari in filiis inobedientiae*, adserit; illos contumaces a Satana actos indicans, qui, ut ipse antea fecerat, quod mox addit, Evangelio violenter repugnant; quos alibi, in Ep. ad Rom., *importunos* et *malos* vocat, et in Ep. ad Thessal. repraesentat tanquam qui *Dominum Jesum, suosque Vates, interfecerunt, Apostolos exagitant, et Evangelium Gentibus adnunciare vetant*. Quam ob causam Satanae mox adtribuit, quod sibi nondum Thessalonicenses adire licuerit.

§. XV. Eodem pede inter Gentiles incessit Satanas, Ecclesiam Christi partim calumniis obruendo, partim omne genus vexationibus et caedibus devastando, Gentilem vero religionem fraudibus et vi tuendo. Periodum persecutionum, quas

Christiani a Romanis passi sunt, adtendite quaeso, quibus verbis Dominus in Apoc. consignaverit. *Ecce, verba Epistolae ad Smyrnenfes auditis, cap. II. daturus est Diabolus nonnullos vestrum in custodiam, ut exploremini, feretisque decem dierum afflictionem.* Quae cum in eos ingruit, thronum Satanae fuisse erectum, Dominus in sequente Ep. ad Pergamenos declarat, *novi tua facta, dicens, et ubi habitas, ubi Satanae solum est.* Cujus character ne in obscuro esset, in haec verba pergit: *tenesque nomen meum, nec fidem meam negasti, etiam iis temporibus, quibus Antipas, fidus ille testis meus, apud vrs interfec-tus est, ubi Satanias habitat.* Quid regni Satanici in societate religiosa proprios vel solis radiis conscribit colores, si hoc non facit? Nec, minus in rem praesentem illustre est bellum Satanae, primum cum Michael, Principe Angelorum, Johanni in coelo visum, quo coelo est deturbatus, dein mox cum muliere vel Ecclesia, quam, *fluvio ex ore emissò, inundasset, ni terra succurrisset, et fluvium absorpsisset.* Quid hoc emblemate, recte intellecto, elegantius, quid aptius? Cuncta enim Satanae in Ecclesiam molimina per tria priora secula, usque ad tempus Constantini M., ordine et clarissime repraesentat, nec tamen alia, ac *fraudentam, violentamque* religionis receptae Gentilis defensionem, Christianaeque oppugnationem, comprehendit. Ferte quaeso me, A. luculentae hujus picturae intellectum tribus, ut ajunt, verbis pandentem. Satanas, qui, ne propriam, quam hic gerit, personam ignoraremus, partim a Serpentinis fraudibus, et diabolica malicia, nominibus *Serpentis* et *Draconis* describitur, partim in scenam prodit, *tertiam stellarum partem cauda trahens*, et in terram praecipitans, ne nos lateret, illum a destructa rep. et Ecclesia Judaica recentem esse, sive illam, proxime factam, pone se habere, quod ad ejus indolem cognoscendam et temporis notam figendam haud parum facit; Satanas, inquam, primum in Ecclesiam Christianam, in Romano Imperio, tanquam ejus respectu deserto, degentem, alasque suas indies extendentem, imperum fecit per *calumnias* in primis, et crimina falso impacta, per sacrificulorum

cu'orum et sophistarum imposturas. Quo belli cum Michaelē in coelo tendit pictura. Figuratam enim hanc descriptionem si ad nudam redigas veritatem, pugnam religiosam et spirituales inter Gentiles et Christianos hoc velo involutam videbis, qua illi per fallacias et convitia, calumnias et delationes, hi per patientiam, virtutem, et apologias, veritatisque demonstrationes, certarunt. Quae utriusque partis arma ipso illo in cap. XII. haud obscure exhibentur. Hujus pugnae eventus cum Satanae fuisset fatalis, religione Christiana magis magisque prosperante, et de imperio Romano brevi, ut videbatur, triumphatura, quod Satanae de coelo in terram dejectio expingit; serpentinam larvam exuit, et Diabolicam indolem palam ostentavit. Draco enim, posteaquam per duo et dimidium seculum, usque ad tempora Deciana, spirituales suas nequitias frustra exercuisset, Christiana vero religio mirabiles et stupendos fecisset progressus, quod ipsum est periodi usque ad medium Sec. III. dominans criterium, fluvium persecutionum in eam evomit, Ecclesiam aperto Marte per publicas; edictisque Imperatorum munitas, persecutiones adortus. Quod a Decio initium sumsit, et ad Const. M. usque duravit, istiusque *seculi* periodi Ecclesiae characteristicam notam figit. Quod ipsum quam male ipsi successerit, ex historia liberationis Ecclesiae per Const. M. nemini non notum est. Tunc enim terra fluvium hausit. Quae fusius explicuisse, nihil adinet.

§. XVI. Nec alia desunt loca, quae eandem Satanae, in Gentilismo dominantis, personam deformant, ante in medium proferenda, quam ad Ecclesiam Pseudo Christianam Satanicam pergam. Paganismum ubi Paulus *potesatem Satanae*, in Actis Ap., adpellat, has ipsas imposturas, et vi armatas potestates, quibus, tanquam fundamentis, illa religio innixa fuit, vel vehementer fallor, vel praecipue in oculis habuit. Utique illud palam declarat Petrus Emblemate *Leonis rugientis, qui circumcursat, ut quemvis devoret*, quod cum ex ipsa illa imagine, tum ex versu seq. ubi *easdem adfectiones reliquis in mundo fratribus incumbere dicit*, extra controversiam est. Quo

Paulus quoque respicit, ubi *se ex ore Leonis esse ereptum* refert 2 Tim. IV. Nec aliud ipsi animo fuit obversatum, cum *Deum pacis Satanam brevi sub pedibus eorum contritum esse*, in eorum solatium, praenunciat, *pacem et persecutiones*, Deumque *pacis et Satanam*, egregie sibi invicem opponens. Eandem denique characteristicam Satanæ qualitatem inculcat, quod tanquam *totius orbis deceptor*, dum inter Gentiles regnum obtinuit, describatur in Apoc. c. XII. quo quid intelligatur, ipsa alio loco dicat, Apoc. c. XX. ubi *Satanas*, tanquam tuba et signum belli Gogi et Magogi, hac ipsa phrasi notatur, *solveretur Satan*, ita sonant verba, *exibit, ut decipiat Gentes--- ut congreget eos in proelium cum sanctis.*

§. XVII. Posteaquam *Satanas*, qui antiquam suam aulam doctis dolis, atrocibus astutiis, et potentissimo dominio, tanquam veterator, fortissimusque bellator, diu tenuisset tranquillam, ut est in parabola apud Luc. XI. quod ipsum ejus characterem confirmat, a potentiore oppugnatus esset in orbe Romano, et superatus, vasis ipsi ereptis: nihil de indole et proposito remisit, nec animo, vindictæ cupido, et dominandi ardore flagrante, concidit. *Iratus enim mulieri Draco*, sic enim, bello cum Michaële et muliere narrato, pergit Apocalypsis, *ivit illatum bellum reliquis ejus seminis, qui Dei praeceptis obedirent.* Attamen aliam induit speciem, sese in *Angelum lucis*, quod de ipso adfirmat Paulus 2 Cor. XI. *transformando*; eaque sub persona, praetextu ipsius religionis Christianae, eandem fabulam alio nomine, magis etiam quam unquam antea, egit. Principiis enim jam ipso illo seculo *quarto* aliquatenus jactis, et progressu temporis firmatis et ampliatis, falsa quoque religionis specie externa in Ecclesiam inducta, ne materia flammae persecutionis suscitandae deesset; rem tandem eo adduxit, ut in ipsa Ecclesia Christiana Princeps exortus fuerit, aequae ac ipse superbus, ambitiosus, vaser et truculentus, cui ipse potentiam et regnum suum commisit, quemque direxit, vexit, et animavit. *Antichristum* innuo, *cujus adventus Satanæ opera est cum omni falsorum prodigiorum,*

rum, portentorum, miraculorumque genere, cumque omni scelerum fraude conjunctus: ut Paulus 2 Theff. II. ipsis verbis praedixit. Qui in religione tutanda et propaganda ad vim adcommotus in dissentientes haud minore, si non majore, impetu quoque per multa secula irruit, et immanem in modum defaevit. De cujus caractere, et domini periodo, duobus praecedentibus in sermonibus fufius dixi. Ad hos ipsos nomine, non re, Christianos, qui religionem Christi, varie contaminatam, improbis suis moribus et factis cum Satanica permiscunt, intus lupos, foris oves, non errabitis, si mecum adplicueritis parabolam Domini de *Zizaniis*, a malo illo in agro mundi feminatis, hic, dum excreverint, quidem, velint nolint veri Christiani, ferendis, non violenter eradicandis, sed suo tempore a Domino evellendis et in ignem conjiciendis. Ipse enim supremus Doctor, *offendicula* regni sui, et *operatores iniquitatis* repraesentari, docet in explicatione ejus.

§. XVIII. Antichristianismi regno in obscurum misso, et nova hac regni Satanici scena finita, Diabolus per *mille annos* legitur *ligandus*, ne decipiat *toto illo tempore gentes*; quando regnum *pacis*, quae vera est regni Christi indoles, et *charitatis*, fraudibus et violentiis omnibus cessantibus, in omni vigore suo florebit. Expletis vero mille annis, *solvetur Satanas e carcere suo, et exhibit, ut seducat Gentes, quae sunt in quatuor angulis terrae, Gogum et Magogum, ut congreget eas in proelium &c.* Quae eandem Satanae indolem spirant, et caracteristicam ejus, ubi dominatur, qualitatem stabiliunt, hic latius non deducenda.

§. XIX. Haec licet thesi, quam in principio posui, abunde sufficiant adstruendae, multum tamen lucis infunderet et ingens momentum adderet ipsa *fraudulenta* et *violenta* methodi in re religionis contemplatio. Quae vel luce meridiana clarius patefaceret, tantum abesse, ut quid Divini humanive habeat, ut Dei Christique naturae ac regno, hominumque conditioni, nihil magis adversetur; adeoque ad omnis veri, iusti et aequi, Dei et hominum hostem furibundum, quem *Sata-*

nam adpellamus, nihil adcommodatius. Quam in rem si orationem defigere, si in ea multis commorari, et per singula ire vellem, ubi inciperem, ubi finirem? si necessariam judicarem tractationem, de vobis male opinandi a suspicione vix liberari possem. Res luce fulget nimis *clara*, vos rectius instructi, et superiorum temporum memoria, nimis adhuc recente, melius edocti estis, A., quam ut solo Satana dignum esse illud institutum, vel ignoraretis, vel dubii haereretis. Ad ipsam eorum, qui in hisce Satanae castris militant, provocare ausim conscientiam, ipsum eorum iudicium, nihil dubitans, quin, si vel insitas animi notiones excutiant, vel impetus flagrantis animi ceciderit, vel et contra se adhiberi experiantur, secundum me sint pronunciaturi.

§. XX. *Deus*, ut carptim aliquid adstringam, ne sine peroratione cui nemo irascetur, nisi sui accusator, nimis abrupte et indecore finiam, cum ipsissima sit *veritas* et *justitia*, lux purissima, ipseque ex animo, in *spiritu* et *veritate*, coli velit, praecipua ejus cultus pars in imagine Dei exprimenda, et virtute colenda, sita sit, hominem praeterea ratione et libertate ornaverit, sibi quoque *credendorum* et *faciendorum* regulam conscientiae praescribendi, et de hominum judiciis et actionibus iudicium ferendi, potestatem reservaverit, homines denique hac parte aequales fecerit, illique, ut amice et pacifice secum agant, et felices sint, pro summa sua bonitate voluerit: quid, quaeso, a natura Dei alienius, quid scopo et relationibus ejus ad nos magis contrarium, quid ad religionem veram, ad regnum Dei e medio tollendum aptius hac methodo excogitari potest?

§. XXI. Christianam religionem, et societatem, quam *Ecclesiam* vocamus, quacunque parte contemplemur; *sive* ad ejus Autorem, unicum ac supremum Caput, missimum et optimum Doctorem, simul benignissimum omnium servatorem et Dominum, ejusque agendi rationem, quam inter homines tenuit ipse, oculos vertamus; *sive* regiam et characteristicam civium et membrorum ejus legem *charitatem*, ad ipsos *hostes* et *pers-*

persecutores extendendam, quae ne laeso quidem genuinum dentem infigere permittit in laedentem, ad animum revocemus, *sive* omnium regni ejus subditorum aequalitatem, mutuas ad ipsum unicum magistrum et Judicem relationes, quae dominio aut imperio in se invicem nullum relinquunt locum, quas ipse Dominus Matt. XXIII: 1---12. luculenter exposuit, et discipulis suis tam studiose inculcavit, intueamur; *sive* scopum omnium ejus dictorum, et operum, regnum scilicet veritatis et virtutis in hominum animis erigere, ob oculos ponamus, *sive* ad viam reflectamus, qua per arma spiritualia, demonstrationem ad conscientiam, et patientiam, regnum ejus sicut propagatum est, ita ipse rex propagari voluit, et suis expresse injunxit; *sive* denique ad supremum et infallibile judicium, cui soli stamus, cadimusve, ab ipso solo, suo tempore habendum, animum adhibeamus; verbo, si Regnum Christi ab omni parte circumlustremus, nihil magis hac mendace et tyrannica methodo in illud adversis frontibus arietare, nihil acerrimo ejus inimico magis convenire, luminibus orbus sit, qui non perspiat.

§. XXIII. Quid de *Veritate* et sana *fide*, qua quisque apud *animum suum persuasus* sit oportet, quae proram et puppim in regno Christi facit, dicam? cui fulciendae et dilatandae nihil ineptius, labefactandae et extirpandae nihil est fraudibus et violentiis aptius. Praeterquam enim, quod sua luce radiet, mendacio et vi non magis quam lux tenebris illustretur: summa non tantum ei, ejusque Auctori, quin et *homini*, ratione praedito, fit injuria, et insuperabile creatur praejudicium, ubi non suis, sed errori et mendacio propriis, mediis defenditur, hominesque obtorto collo in fictum ejus obsequium, qua arte, qua marte, trahi necesse habent. Quid? eam Divinam credam doctrinam, quae, ut vim et auctoritatem habeat, ipsas boni et justii notiones insitas in me delere, divina humanaque jura conculcare opus habet, meque omni libertate, privilegiis, bonis et vita privat? Ecquam quaeso in me producet subjectionem, haec methodus? veramne, quae ex intima convictione oritur,

folaque valet, an potius fictam falsamque, quae in ore volitat, a corde aliena? Veritas denique iisdemne fulcris innixa stabit, quibus error? eodemne modo sese commendabit, quo potest mendacium? Religio, si ejusmodi pro ea certandum sit armis, primas teneat necesse est, sive vera sive falsa, ubi potentiores fuerint fraudes, violentiaeque, quae adhibentur.

§. XXIII. *Pietatis et virtutis*, sine qua fides inane nomen, religio nulla est, si ratio habeatur, quid quaeso ad eam funditus evellendam vel fingi potest validius? sicut enim virtutes *veracitatis*, *justitiae* et *beneficentiae* per fraudes et vim directe violantur; ita Ecclesia, vel societas, quae adprobat et adhibet, hypocritis et scelestis hominibus scatet ita tota, lataque aperietur quibusvis sceleribus et facinoribus porta; ipsa religio, omni virtute cassa, in puram degenerabit superstitionem, vel larvam, hominumque mutuum adferet perniciem. Religio- nis studium si viam ad imperium et dominium sternat, si alios circumveniendi, spoliandi, affligendi et occidendi, jus faciat; si sanctissimas aeterni juris leges migrandi, arctissimaque socie- tatum vincula rumpendi, in quoscunque dissentientes grassandi licentiam praebet; ambitionis, avaritiae, odii, libidinis, crude- litatis, aliorumque vitiorum quam foecunda sit officina, quid exponere adinet?

§. XXIV. Ex quibus, quanta sit humani generis, om- niumque societatum pestis, quanta omnium artium clades, eru- ditionis et scientiarum obstaculum, vel ruina, infernalis haec methodus, cui, nisi qui omnem sensum perdidit, et bonam mentem ejuravit, non patet? Hominum enim societatibus quid, ea dominante, fiet? Homo homini erit lupo, nec hos- pes ab hospite tutus, *filius dissociatur a Patre, filia a matre, et nurus a socru*: hominisque inimici ipsi *eius domestici*, ut Dominus ipse dixit; *nec credendum sodali, nec fidendum du- ci, nec marito uxori, in sinu ejus cubanti, optimus est instar spinæ et rectissimus deterior dumo*; quae Michae c. VII. est descriptio; omnium manus contra omnes, nulla pax, nulla tran- quillitas, nemo vitae possessionumque securus, nulla benevolen- tia,

tia, nulla animorum nisi *factiosa conjunctio*; ubique metus, ubique lacrymae, ubique humanam vitam circumstrepentes minae, inter malleum et incudem, quod dicitur, semper esse, et multiplex mortis imago. Quo quis nequior, astutior, truculentior, potentior, eo melior, et religiosior. Probus quisque vel opprimetur, vel fugabitur, silentio et tenebris nisi sese involvat, sibi, musisque, canat prudenter, ne hoc semper sub tegmine tutus; nisi personam vulgatam induat, aliud pectore clausum, aliud ore promptum habens, et conscientiae carnifex fiat. Quid praeter ergastulum, ubi nulla libertas, praeter speluncam latronum, societas? ubi omne jus et fas religionis causa vel praetextu spernere licet: o miserum humani generis statum! genuinum non Dei, non hominis, sed Diaboli, ejusque filiorum, ferarum in hominum forma, regnum! ô servum pecus! sed quo me justa abripit indignatio?

§. XXV. Digitum adhuc intendamus ad *fontem*, ex quo fraudulenta haec et violenta methodus emanat. Quid quaeso planos hosce et hominum laniones agit? quo feruntur spiritu? Dei, putabimusne, et religionis, hominumque salutis studio? Praetexant, se Deo gratum facere officium, discipulos Christi, homines, nullo crimine, nisi veri rectique studio, notabiles, maclando; sibi fortasse et devotae plebi, sui similibus, et vel nullius virtutis fociis, fucum faciant: longe alia principia, quae nihil divini habent, *Satanica* verius, quod et ipsum cum orci-tenente spiritu habent commune, lyncaeis haud opus est oculis, ut detegantur. Discipuli Christi, qui, ubi Samaritanos voluerunt fideratos, sese gloriae Divinae et pietati in Christum litare sibi videbantur, sese inveterato Judaeorum in Samaritanos odio, et vindictae ob denegatum hospitium, vere inservire non adtendentes, *quo spiritu* raperentur ignorarunt. Pejores longe sunt Zelotae Antichristiani, quos *vel ambitio*, qua *magistri* salutari, et numen suum ab omnibus adorari gestiunt, velut oestro exagitat, vel *dominandi*, aliisque inquitandi, legesque scribendi, libido inflammat, vel *sectae*, ad quam, tanquam ad saxum adhaerescunt, quae ut duret, caputque ad astra tollat, sua in-


teresse norunt, studium dementat, *vel avaritia*, qua aliorum bonis inhiant, occoeat, *vel invidia*, *vindicta*, qua dolorem suum expiare, et aliorum splendori obstruere, conantur, aut indolis austeritas acuit ad crudelitatem; aut alia inhumana vitia praecipites agunt. Antichristus, qui in Templo Dei sedere, ejusque causam, tanquam Christi vicarius, agere vel praetexit, vel sibi videtur; qualis sit, quibusque agitetur principiis, si perspectum habere velitis, eum tanquam *flagitiosum*, *hominem perditum*, ad insaniam usque ambitiosum et superbum, qui sese supra *quicquid Divinum et Augustum est* elevat, a Paulo depingi pectoribus hauriatis velim. Nec aliae sunt lineae, quibus Satanam ejusque ministros, qui terram tremefaciunt, et regna concutiant, suo penicillo adumbrat Jeshu. *Quomodo excidisti coelo Lucifer, fili aurorae?* ita de Babylonio, ejusque exemplari Satana, Jeshu *tu vero dixeras animo tuo, conscendam coelos; supra stellas Dei omnipotentis efferam solium meum &c.*


§. XXVI. Infamem hanc et terribilem, orcinis incudibus formatam, equis nostrum est, A. qui adtendeit methodum, qui summum Dei beneficium, quo, nos libertati adserendo, et Satanam sub pedibus nostris conterendo, mactavit, grata dies noctesque non recoluerit mente, exoptatissima haec conditio ut perennet, ardentibus non contendat precibus? Quis etiam nostrum est, qui Sirenium cantibus aures non obturet, et Diabolo non resiltere conetur, ne aut ipsi apud Sirenios scopulos consenescamus, aut alios vel specie tenus adhaerescere, quantum pote, sinamus. Sed si mala grassentur extrinsecus, ne in visceribus ardeant, nelaudi ducatur zeli praetextu humanitatis leges violare. Quod si qui sint, qui puram nostram fidem, sanctamque religionem urbare, eique vel insidias struere, vel vim inferre, vel haereses, sed eo nomine dignas, contra jus et fas introducere manibus, quod dicitur, pedibusque laborant, eos ad exemplum Domini, instar Satanae, *post nos abire cogamus.* Utinam beata illa tempora adlucere, quibus *lupus cohabitabit cum agno &c. nec nocebunt, neque injuriam inferent in toto monte Dei sancto &c.*

Super-

Supereſt, ut ſolemnibus hujus diei pro more jam tandem defungar, faſcesque antea aliquando graves, nunc leves, in Succefforem meum transferam. Tertium Academiae Rector altera vice, mihi in veſtram, Optimi Juvenes, laudem deſignare licere, mihi, et Academiae, quin vobis iſtis impenſe gratulor. Diligentiam veſtram, moresque compoſitos, quibus mihi altum feciſtis otium, publice in laudem veſtram celebroy; vosque per omnia jura obteſtor, ut eandem laudis veſtrae materiam ſuccellori meo praebeatis, noſtrumque Lyceum per vos etiam, ut in aliis rebus multis, ita et in hac pace et tranquillitate ſupra reliqua emineat.

D I X I.





SERMO ACADEMICUS

Q U A R T U S.



DE PERICULO, ECCLESIIIS PROTESTANTIUM A PA-
PISMO, SED QUA ANTICHRISTIANO,
IMMINENTE.

§. I.

F Afces Academicos, *quantum* gestos, *oratione* dicam
more Majorum, an *sermone*? deposituro, variasque
circa materias magis quam unquam distracto,
adeo etiam ut longo tempore anceps haeserim,
haud unam in manus sumserim; tandem, nescio
quo fato, Magni viri verba, olim ante 7 lustra
lecta, sese improvise obtulerunt, et relecta in animum tam
vehementer penetrarunt, ut volentem nolentem in hoc, quod
mox proferam, defixerint argumentum. Verba, quae in ocu-
lis habeo, sunt Cl. Vitringae P., nostis quanti viri! quibus
sub

sub finem praefationis Methodi Homileticae, discipulos, inter quos et ipse paulo ante adhuc fueram, in hunc modum adlocutus est: inter alia autem officia, vobis nota, vos serio monoo, ut greges, ex dispensatione Domini vobis committendos, diligenter instruatis adversus tentationes fidei et afflictiones ac luctum ejus causa subeundas, si forte haec sit voluntas Domini. Verbum Propheticum nos ad hujus Sententiae προληψίῃ omnine ducere videtur; et, licet Deus, pro summa in Ecclesias longanimitate, nobis adhucdum in hac Belgio indulgeat halcyonia, circumstantiae tamen temporum et rerum, hic non recensendae, prudente oculo inspectae, ejusmodi sunt, ut eventus a nostris temporibus alienus non videatur. Interim certum est, Patrem tempora et tempestates in sua posuisse potestate. Vos, quidni enim reliqua pia monita adjungam? suis temporibus et locis edocete Ecclesias de apostasia Romana, ejusque religionis foeditatibus et abominandis: animate eas, si ignis propius accedat, ad constantiam, patientiam, exemplo quoque petito ex martyribus prisci et recentioris aevi, et in primis date iis in manus arma, quibus tela Satanae repellant, et orate Patrem coelestem, ut, quatenus per justitiae et sapientiae ejus leges licet, tempestatem a nobis depellat vel mitiget.

§. II. Prudentis profecto Viri, quis neget, salutare admodum consilium! cum sapientis sit praevidere malum, et Deus quoque fata Ecclesiae eum in finem per Prophetas revelaverit, ut fideles sese ante pararent ad ea digne excipienda vel ferenda; quorum itaque officium etiam est, saepe ipsis inculcatum, ad signa temporum adtendere: digna, inquam, magno viro admonitio! modo vera sit hypothesis, cui innixa est, ejusmodi tentationem et afflictionem esse ab Ecclesia Romana Antichristiana, quam intendit, expectandam, nec a nostris temporibus longissime remotam. In verbo Prophetico cum ad miraculum usque versatus fuerit, Princeps in hoc studiorum genere omnium calculo, et Jesaiae ac Apocal. commentatoris elogium, tanquam sibi proprium meruerit, prudens quoque temporum indagator et historiae peritissimus, singulari de-

nique pietate conspicuus: tanta ejus hac in re est autoritas, ut, si non persuasionem, quod non decet, favorable saltem praejudicium parere apta nata sit tam fidens ejus adfertio. Cui rationi si adjunxero, magni esse hanc quaestionem momenti, a cujus recta decisione multiplex nostrorum officiorum dependet exercitium; ne de noxiis, falsa si sit, dicam effectis, quae in oculos facile incurrunt, dignam mecum quin judicaveritis materiam, quam in publica hac corona, praesentibus quoque Ecclesiae pastoribus, quibus Cl. Autor hoc insinuaturn voluit, tractem, vix dubitaverim. Placuit eo quoque nomine, quod cum superioribus, simili occasione, sermonibus aliquam habeat connexionem. Sicut enim periodum Antichristianismi, in bello Papali, a Papis, tanquam supremis in Ecclesia, et eo nomine in Civitate, Dominis, publice gesto cum Imperatoribus vel Regibus, nec non haereticis et Infidelibus, fidei suae et religionis, vel rectius eo praetextu omnipotentiae suae fundandae et vindicandae ergo, sitam esse, eamque, a Sec. XII. ad usque Reformationem stabilitam Sec. XVI. sub exitum, fluxisse demonstravi *duobus in sermonibus*, ita eandem periodum, per Reformationem, quae novam produxit Ecclesiae reformatae periodum, interceptam, suo tempore sese denuo in omni vigore suo exserturam, sed ad longe brevissimum tempus, et in propriam perniciem, nunc suscepi probandum. Dicam itaque, A. ne ambagibus utar, de periodi Antichristianismi ultima parte renovanda, seu, *de periculo Protestantibus a Papismo Antichristiano impendente*, et fundamentum, cui summi Viri superstructa est adhortatio, verum et solidum esse evincam ex *Apocalypsi*, harmonia Verbi Prophetici, et viarum Dei, denique utriusque partis adversae, Papisticae et Reformatae, statu, prudente oculo considerato. Tristis licet ex parte et ingrata videatur materia; utilis nihilominus, et necessaria, simul respectu eventus laeta, nec a persona, quam gero, aut aetate, quam adtigi, aliena. Favete itaque, si potestis, auribus, et sedete iudices.

§. III.

Thesis, quam probandam sumsi, habet, Ecclesias

clesias Protestantium, cujuscunque sectae, Papismo adversas, novam, eamque saevissimam, metuendam habere persecutionem, sed brevissimi temporis, et cum longè laetiore eventu; seu, Papismum Antichristianum nova et ultima vice impetum in Ecclesias illas facturum, inque eas multiplici violentia grassaturum, per excommunicationes et anathemata non tantum, sed in primis inquisitiones, carceres, tormenta, confiscationes bonorum, bella, et quaevis supplicia alia ac caedes, sed ad breve tempus, et in totalem sui ruinam. *Scenam* itaque, quae Reformationem peperit, esse longè vehementius denuo agendam, at in excidio Antichristianismi, et consummata reformatione, terminandam: adeo ut duae proxime praecedentes Ecclesiae periodi, *altera* Antichristiana, *altera* Reformata, sint revocandae et perficiendae, indeque duae ultimae Ecclesiae aetates oriturae, *prior* Antichristiana saevitura et peritura, *posterior* Reformata, afflictione finita, gloriosissime instauranda, et consummanda in terra. Quae duae sunt periodi *sexta*, et *septima*; sicut praecedentes, Antichristiana *quarta*, et Reformata *quinta*, fuerunt. Plura ad thesin explicandam non addo, cum Papismi Antichristiani characterem et *periodum* superioribus in sermonibus satis depinxerim.

§. IV. Thesios fundamentum in *Apoc.* Johannis cum praecipue sit situm, in ea ex hoc libro adfirmanda mihi dari postulo, Divinam ejus esse originem, et ad Ecclesiae Christianae fata, usque ad finem seculorum, spectare. Quod minime iniquum esse postulatum, Christianorum, paucos si exceperitis, minus audiendos, consensus, et plurimorum certa demonstratio extra dubium collocat. Cum vero per cunctas hujus libri partes, *Epistolas*, *sigilla*, *tubicinia* et *phialas* excandescantiae Dei, ex quibus *Apoc.* maxime constat, sparsa sit thesis, duobus visis c. XI et XVII. expresse et fusiùs exposita, nec circa eas conveniat inter Theologos; *duobus* adhuc aliis mihi in hac demonstratione rite instituenda opus est postulatis: quorum *alterum* est, Ecclesiae *casus* característicos, sibi ordine succedentes ab initio ejus ad finem, qui *septem* periodos faci-

unt, in *Epistolis* et *Sigillis* repraesentari, hoc tantum cum discrimine, quod *Epistolae* ad statum Ecclesiae moralem, ex virtutibus vel vitiis notabilioribus aestimandum, *Sigilla* vero ad statum Ecclesiae exteriorem, regimen in primis et disciplinam, luctam cum haereticis vel infidelibus persequentibus, incrementum vel decrementum in orbe, pertineant: *tubicinia* vero, *septem* quoque numero, totidem singularia Dei judicia, temporis characterem ducere apta, eaque sonora sibi ordine successura, depingere, quibus non tam Ecclesiae, qua tales, quam civiles societates, quarum tamen arcta est ad Ecclesiam relatio, adfligerentur; adeo ut *Epistolae*, *sigilla* et *tubicinia* septem periodos Ecclesiae definiant; sed *Epistolae* respectu *interni* et *moralis* status, *sigilla* *externi*, *tubicinia* societatis et status civilis respectu. Alterum postulatum est, *bestiam* Apocalypticam esse Papatum, non qua talem, absit! sed Antichristianum Sec. XII. et sequentibus maxime dominantem. In quibus hypothesebus ut veris adstruendis, nec hora nec patientia vestra permittit; fecerunt et alii, in primis Cl. Vitringa, fecimus et nos ipsi in Sermonibus de Antichristo.

§. V. Figite nunc mecum, ut in rem, quam ago, veniam, adtentionem in *quintum* sigillum Ap. VI: 9--11. quo, quod probe adverti velim, *tria* secundum *tres* temporum differentias sistuntur conspicienda, *praeteritum*, *praesens* et *futurum*; quorum *primum* et *ultimum*, *illud* praecedentis, seu *quartae*, hoc sequentis seu *Sextae*, *medium* vero *quintae* periodi seu reformationis characterem ducit. *Primum* exhibet *animas* Martyrum, evangelii causa, durante periodo Antichristiana, praecedente sigillo, seu viso *equi pallidi* et *equitis*, cui nomen *mors* et *infernus*, quartam terrae partem occidentis, delineata, occisorum; tanquam quae longo tempore quasi neglectae et sepultae jacuerant, vs. 9. *Secundum*, cum clamorem vindictae a Martyribus sublatum, *tum* stolae albae amictum, quo vestitae sunt. animae Martyrum, in scenam producit, tanquam characteristicum periodi *quintae*, seu reformatarum jam Ecclesiarum, criterium, in libera et publica fidei et religionis, ad normam

normam euangelii, professione situm, pro qua Martyres praecedentes sanguine suo certaverant, quamque nunc impetrarunt, ita ut causa eorum fuerit justificata et triumphaverit, ipsique quasi revixerint, seseque publice, voceque libera, ostentaverint in Protestantibus, in quibus Martyrii sui fructus carpserunt, quo *clamor* animarum, et *stolae albae* clare ducunt. Videamus nunc de *tertio* et ultimo, quod dictum Divinum comprehendit, de *vindicta*, a persecutoribus sumenda, aliquandiu differenda, donec *conservi martyrum compleantur, occidendi ut ipsi*. vers. 11. Primum et tertium cum periodum persecutionis pingat, secundum vero inter utramque illam mediam sistat, liberae et publicae vocis ac justificationis causae Martyrum, quae est Protestantium et Reformatorum conditio: persecutionem Antichristianam, quae praecefferat, eandem hanc reformationis periodum excepturam esse, adeoque novam Evangelicis incumbere persecutionem, quae novam constituet periodum Antichristianam repetitam, haud obscure elucescit. Sicut enim visum sigilli *Vti* characterem figit periodi *Vtae* in Ecclesiarum reformatarum libertate positum; ita ad praegressam periodum persecutricem digitum intendit, et de eadem repetenda in posterum admonet.

§. VI. Haud leve addit momentum, quod; Antichristiani et omnis adversarii regni destructione viso *sigilli Vti* exhibita, praeter conservationem multorum ex summis illis malis, quibus Deus in hostes Ecclesiae animadverteret c. VII: 1---8. adjungatur, tanquam judicii ejus consequens, triumphus coelitum et fidelium, in statu felici collocatorum, et inter eos maxima multitudine *stolis albis* amicti compareant, Johanni ignoti, sed ab Angelo descripti, tanquam qui *venerint ex magna illa afflictione* ib. vs. 13. Quae quaeso haec afflictio? illane, quae Martyres sub periodo Antichristiana dedit, cujus modo memini, an nova, qua *conservi* eorum consummarentur? non *ista*, quicquid Interpretes velint, sed haec; cum quod Martyres clamantes et stola alba induendi, in viso superiore Johanni monstrati, non erant ei amplius, ut hi,

ignoti, tum quod illi fuerint mactati, qui clamarunt, hi vero incolumes manserint, et cladibus illis superstites triumphum cecinerint. Nova itaque oportet intelligatur persecutio, ipsa illa periodo sexta futura, quae Antichristianismi excidium proxime praecederet.

§. VII. • Vertamus nunc ad verba Domini oculos in epistola ordine VI^{ta} ad Philadelphenos c. III: 10. *quoniam servasti verba patientiae meae, ego quoque te servabo ex hora tentationis, quae veniet in orbem universum, ad explorandos hujus terrae incolas: non tam faciendo, ut in eam non veniant, licet et illud, respectu multorum seu paucorum, non sit excludendum, quam ne succumbant a fide deficiendo, aut pereant. Ecquae haec est afflictio fidei causa? talem enim quoque comprehendere dubio vacat. Id quod ex prophetico Ecclesiae Philadelphinae conspectu, quem praesuppono, judicandum est. Periodi Epistolarum et Sigillorum licet secum comparandae sint, quatenus interior Ecclesiae status describi in Epistolis soleat respectu exterioris conditionis, ad quam sigilla pertinent: periodos tamen non est existimandum sibi exacte respondere, cum varia Ecclesiae, virtutum et vitiorum respectu, possit esse, eodem durante externae Ecclesiae casu characteristico, facies, et periodi ad res, non hae ad illas sint conformandae. Periodi itaque epistolarum et sigillorum secum sunt prudenter conferendae, nec uno eodemque filo decurrunt. Quod minus observatum periodorum patronos in varias conjecit angustias, et adversariis dedit haud unam eas oppugnandi rationem: de quo hic non est differendi locus, alibi exposui. Sexta vero periodus internae Ecclesiae conditionis, in Epistola hac delineata, si characteris ejus ratio habeatur, est Ecclesiae verae, seu purioris, sese a falsa seu depravata separare incipientis; cui plena Ecclesiae falsae promittitur subjugatio, sed non sine gravi lucta efficienda. Cujus subjectionis primordia in reformatione ubique publice stabilita sese praeberunt conspicienda. Ecclesia itaque a Sec. XII^{mo} hic repraesentatur ad Sec. XVI^{ti} finem, et periodo sigillorum partim Antichristianae, partim refor-*

reformatae, feu exterioris Ecclefiae faciei, *quartae*, et ex parte *quintae*, congruit. Ex quo, generalem illam perfecutionem, quae hic tanquam *futura* fiftitur, quaerendam effe adparet eo tempore, quod *reformationis periodum* fecuturum eft; adeoque adhuc expectandam. Confirmat fequens epiftola ad Ecclefiam *Laodicenam*, feu *feptimae* periodi internae Ecclefiae defcriptio, quae per *quintam* figillorum periodum usque ad *sextam* continuaret, et pro charactere habet Ecclefiae Proteftantium, jam confirmatae, a veritatis et pietatis studio remiffionem, cum vana de divitiis fuis opinione conjunctam. Cui tepidae Ecclefiae, quae nunc obtinet, et post adhuc magis tenebit locum, Chriftus minatur, futurum effe, ut pios *caftiget*, reliquos *ore fuo evomat*. Quae eodem tendunt omnia.

§. VIII. Aures jam *Tubiciniis*, feptem quoque numero, aperiamus, quae, ut fupra monui, totidem fingularia, sonora, et temporis notam figentia, Dei judicia in Ecclefiam refpectu ftatus civilis, repraesentant, quae eodem ordine in periodos figillorum inciderent, licet aliquando citius inciperent, citius finirentur, aut diutius durarent. Qua jacta hypothefi, *sextum* tubicinium periodo figillorum *sextae* oportet refpondeat, feu ultimo Antichrifti conatui in Ecclefias Proteftantium, in ejus ruinam exituro. In quod ipfum tempus quadrat notabilis prophetia Ap. XI: 1---13. quae inter duo poftrema tubicinia locum occupat: in qua 1. exterioris atrii Templi feu Ecclefiae proculcatio a Gentibus, feu Antichriftianis, occurrit per *tres annos et dimidium*. 2. Illuftrium praeconum, qui feffe Antichriftianismo opponerent, praeclara toto illo tempore facinora. 3. Impetus *bestiae*, ex abyffo efcedentis, in eos plane hoftilis, quo occiderentur sancti, fed brevi post refufcitandi. 4. Antichriftiani regni destructio, mox fecutura.

§. IX. Singulare hoc vaticinium, quod interpretibus crucem fixit, totum, ex mea hypothefi, ad ultimum Antichrifti impetum in Ecclefiam ei adverfam directe fpectat, cum quod in *sextum* tubicinium, feu sextam periodum cadat, tum quod *bestia*, ex *abyffo adfcendens*, vs. 7. memorata, fit Satanaf, qui

ultima vice in Christianos saeviet per Antichristum, ut ex cap. XVII. mox patebit, probe ab illo, licet sit ejusdem generis, qui cap. XIII. in scenam prodit, distinguendus, licet nonnullae prioris lineae in posteriorem rectius quadrent; quod probe adverti velim: *tum*, quod quae de *duobus testibus*, novo Elia et Elisa, eorumque qualitatibus et factis referuntur, non in quoscunque, sed singulares Doctores, a Deo suo tempore fuscitandos, et donis miraculorum praeditos, quadrent, *tum* denique quod eodem tempore Antichristianismus sit penitus exscindendus.

§. X. Docemur, hac admissa hypothese, inter alia
1. Ecclesias praecipuas Protestantium, secundum exteriorem suam formam, salva interna, quae est verorum fidelium, a Deo circumscriptorum, ab Antichristo occupandas et conculcandas esse: respicitur enim manifeste ad Ecclesiam Judaicam, et Hierosolymam ab Antiocho Epiphane, emblemate bestiae, oppressam et profanatam, 2. duraturam eam afflictionem dies 1260, seu mens. 42, annos 3 et dimidium, quot etiam Epiphonica olim, respectu Templi, duraverat. Quod temporis spatium si non proprie sit sumendum, cui tamen nihil obstat, breve designetur necesse est; utique non 1260 annos, ejus nulla ratio est; contra, dies, menses et anni in hoc libro clare distinguuntur; 3. Toto hoc temporis spatio insignes praecones, Divino spiritu actos, qui spiritum Eliae et Elisae praeferrent, causam evangelii fortiter et intrepide contra Antichristianos tuituros, plagas quoque quascunque iis immittendi potestate gavifuros esse. 4. Qui, triennii et dimidii spatio finito, tandem occiderentur ad ingentem hostium laetitiam; at post breve admodum tempus, quo vehementer saeviret bestia, quod ad *tres dies et dimidium*, non sine adlusione ad durationem mortis Christi restringitur, resuscitandi, et in coelum sublevandi, in Ecclesia gloriose instaurata, quando Antichristianismus e medio esset sublatus. Quae ad generalem tristissimae hujus periodi penultima conspectum non abs re fuit visum observasse.

§. XI.

§. XI. Ad eandem hanc periodum plagae per *phiolas* excandescientiae Dei in Antichristianismum effundendae cap. XVI. si non omnes, pleraeque tamen, ex mea opinione referendae sunt; cujus rationes, praeter alias, sunt, quod *ultima* plagae adpellentur, quodque ad plagas a testibus duobus c. XI: 5, 6. infligendas respiciant, praeterea *vindicta* Dei, de Antichristo sumenda, ad illud usque tempus dilata sit in Sigillo Vto, ut supra vidimus. Quo etiam refero *septem illa tonitrua*, quae cum Johannes scribere vellet, iussus est id non *nunc*, sed *postea* facere cap. X: 4. secundum veram *ultimi* membri lectionem, quam Mss. exhibent, καὶ μετὰ ταῦτα γράψῃς vel γράψῃς et *postea* scribes aut *scribe*, id quod a Johanne fuisse, cum *septem phiolae effusae* sunt, peractum, ex cap. XVI. patet. *Sexta* vero plaga, per Heroas a Deo suscitandos, qui Antichristianos magna strage adficerent, inferenda, antequam locum haberet, Antichristiani, a Clero, sed Monachis in primis, per *ranas* in aulis regum depictis, excitati, Ecclesias Christi omnibus viribus adgrederentur: quo tempore piis cum maxime vigilandum erat; ut fidem et pietatem, *vestimenta* sua, retinerent; secundum expressum Dei monitum c. XVI: 15. argumento, terribilem tunc grassaturam persecutionem, quae ultima foret, cum excidio Antichristianismi proxime connexa. Verba ita sonant: *ecce venio ut fur, beatus, qui vigilat et custodit vestimenta sua* &c. Videbat Spiritus, ut in rem Cl. Commentator, hoc tempore *gravissimae calamitatis* multos esse *vacillaturos*: *ultimam enim hanc Ecclesiae liberationem praecederet magna calamitas* &c.

§. XII. Superfunt duo praeclara visa, cap. XIV et XVII, in rem, quam ago, egregia. In quorum *priore* fata et qualitates confessorum veritatis evangelicae, ordine successivo, luculenter repraesentantur, initio a Waldensibus et Albigenibus purioribus Sec. XII. factis, qui per 144 millia hominum, cum agno in monte Tzionis stantium, depinguntur, quemadmodum, Hussitae et Bohemi fratres per chorum *Citharoedorum*, et Reformatores per *Angelum*, evangelii aeterni praeconem publicum,

M m

quos

quos primus Babelis mysticae, et plenarii excidii praenuncius, lapsus, cum reformatio itabilem ubique nata est sedem, secutus est: in quo, ut supra observavi, character est periodi *Vtae* sigillorum. Dein succedit Angelus, qui fideles, ne se illecebris et blanditiis Antichristianismi in ejus societatem trahi patiantur, admonet; cujus adhortationis ratio erat, quod nova iis ab Antichristo objiceretur tentatio per diram et terribilem persecutionem, quam denuo intentaret: ad quam digitus intenditur vs. 12. his verbis: *hic tolerantia sanctorum est; hic, qui observant praecepta et fidem Jesu! beatos mortuos qui in Domino moriuntur ab hoc tempore!* Quando mox, cum res videretur desperata et cum Ecclesia actum, praenunciatur, Deum per *heroas*, qui armata manu Antichristi impetum retunderent, ingente illi inflata clade, opem ei laturum esse. Quo mandatum de *messe* et *vindemia* instituenda nos ducit. Quae omnia a Cl. Commentatore in clara sunt posita luce.

§. XIII. Pedem tandem figamus in omnium illustrissimo viso et vaticinio c. XVII. quo Johanni nova bestia coccinea, septiceps et decicornis, ob oculos ponitur, eique insidens *meretrix* speciosa et truculenta, mystice Babylon dicta, et mater scortationum ac abominationum terrae, ebria et illa sanguine Martyrum Jesu; quae per decem reges, *cornua* bestiae, pugnaret cum agno et sanctis, sed eo eventu, ut vinceretur, et ab ipsis illis regibus defereretur et prostitueretur, quando exitio traderetur. Bestiae vero aenigma proponitur, *quod erat et non est, licet sit*, quodque *adscensura* sit ex abyso, et in exitum abitura. De *septem* capitibus habetur, *quinque* cecidisse, *unum* esse, aliud seu *septimum* nondum venisse, et quando venerit, *brevi mansurum*: cui dein ipsa *bestia* succederet, tanquam *octavum* caput, et ex septem illis, sed in perniciem mox praecipitanda. Quantopere haec Ap. pars torferit interpretes, et in partes sciderit, dici nequit, nec tamen haecenus, quod a vera hypothese eam exponendi aberraverint, eam expedire potuerunt. Fusiolem tractationem cum locus et tempus respuant; patimini quaeso, ut in generalem vos ejus

ejus mittam conspectum. Sententia enim nostra, ut extra dubium collocetur, hoc requirit.

§. XIV. *Prima thesis* nostra est, Antichristianismum papalem, de eo enim hic agi, quod a Protestantibus abunde est demonstratum, mihi dari postulo, hic non, qualis per omnia tempora, quibus dominatus est, fuit, depingi, sed, quemadmodum sese in ultima periodo, in qua adstruenda verbor, exhiberet, paulo ante destructionem suam. Cujus indicium inter alia, quae mitto, in eo non tantum est, quod post *phiolas* effusas, et ab uno Angelorum effundentium, monstrata fuerit haec imago; sed quod scopus expresse dicatur fuisse, ut Johanni ostenderetur *judicium meretricis illius magnae*, quodque mulier illa sistatur jam *ebria sanguine fidelium*, quod praeterea *quinque* capita jam ceciderint, *unum* sit, *septimum* nondum venerit, et brevi mansurum, reges quoque *decem* nondum existant, denique *mulier* mox destruenda sit.

§. XV. *Secunda hypothesis* est, *bestiam* non esse directe regnum *Antichristianum*, ut putatur, sed *Satanicum*, a Papis Antichristis infessum et directum, ac in Antichristianismo Papali conspicuum: regnum itaque *draconis* c. XII. quod *bestiae* c. XIII. legitur traditum. Distinguitur enim haec bestia ab illa cap. XIII. ut et a *muliere*, ei insidente, hoc ipso in viso. Adpellatur quoque bestia *coccinea*, sicut Satanas *draco rufus* c. XII. Praeterea, *septem* capitibus delapsis, *ipsa* bestia, tanquam *octavus* rex, adeoque proprio cum capite, tanquam *Draco*, denuo in scenam prodiret vs. 8. Denique proprius ejus character in eo ponitur, quod, quo tempore *scena* visi ageretur, bestia post denuo *ex abyssu* ascenderet, in *exitium* abitura. Quod c. XX. de Satana in abyssum coniecto et ligato per mille annos, ad breve tempus solvendo, et mox e medio tollendo, explicatur. Accedit, mysterium bestiae faciles hinc nancisci explicatus, *bestia, quam vidisti, erat et non est, et tamen est*, id est, *erat* haec bestia Satanica olim, tanquam *draco* Ecclesiam sub Imperio Romano gentili oppugnans, sed non ita *est* amplius, attamen *est* alia sub specie,

cie, tanquam in aliam bestiam mutata, aliisque cum capitibus et cornibus, a muliere etiam nunc infessa scortatrice: qua specie abolita, *bestia*, iterum, sicut ante sub *paganismo* fuit, sese, ex abyſſo prodians, in publicum dabit, Gog et Magog contra Ecclesiam, sed irritò successu, incitatura, mox in perniciem abitura. Quo etiam pertinet, quod, *septem* illis novis capitibus destructis, ipsa bestia, tanquam rex *Octavus*, sit surrectura.

§. XVI. *Tertia thesis* fert, regnum hoc Satanicum, sicut sedem seu metropolin haberet *Romae*, cum *septem* capita ad totidem *montes* quoque referantur, et mulier ei insidens *urbs illa magna* dicatur, ita conspicuum fore et dirigendum, ac vim exerturum, per Papas, cum qua *doctores*, quo *mulieris* emblemata ducit, tum qua *Dominos* in spiritualibus, ut dicitur, et temporalibus, quod per *capita* bestiae in primis repraesentatum est. Sed temporis, quo haec scena instrueretur, notam figit, quod de *septem* capitibus *quinque* jam ceciderant, *unum* esset, et *septimum* adhuc oriretur, sed pro brevissimo tempore. *Capita* bestiae Satanae cum sint illustriores Antichristi persecutores, quod alias probatum nunc adsumo; quo tempore haec bestia tyrannidem exerceret, *quinque* tales jam ante fuerint, *unus* sit, *ultimus* adhuc venturus, oportet; quorum *ille*, in principio, *hic* sub finem periodi, de qua agimus, grassabitur. *Quinque* vero, qui fuerant, ex historia, si id ageretur, haud difficulter monstrari possent.

§. XVII. *Quarta thesis* habet, *decem reges*, cornua bestiae dictos, quatenus per eos ventilaret ac prosterneret adversarios suos, non esse *regna*, aut regum sibi succedentium feriem, quae vulgata est opinio, sed totidem regnorum rectores politicos singulares, eo tempore, quo saeviret haec meretrix, futuros, nondum existentes, sed uno eodemque tempore cum bestia orituros, qui *potestatem* suam *bestiae* darent: ut ipsis verbis declaratur, vs. 12, 13. Regna quidem existant, sed *reges* nondum. Quo ipso ad certum tempus adhuc futurum manu quasi ducimur. Regna, quae bestiae cap. XIII. memoratae interfuerunt, et a Cl. Commentatore recensentur,

hic

hic non repetenda, partim sub periodo Reformationis Bestiae nuncium miserunt, partim ipsi quidem etiamnum adhaerescunt, sed reges et rectores publicam non adeo urgent persecutionem; sive per Protestantes naqueant, sive et ipsi nolint, vel ab ea sint alieni; sicut nostro tempore vere esse videntur: sed postea suo tempore, quod hic intenditur, id omnibus agent viribus, qui tunc fuerint reges Pontificii, cum potestatem suam, Deo permittente ac dirigente, ut populum suum castiget, ac probet, pro *momento*, seu brevi tempore, *mulieri*, bestiae insidenti, sint tradituri: uti diserte traditur Ap. XVII: 12, 13.

§. XVIII. *Quinta* denique hypothesis est, eosdem reges, posteaquam bestiae Satanae et mulieri Antichristianae, in Ecclesiis adversariis adfligendis adfuerint, ei renunciaturus, scena mirum in modum per singularem Dei providentiam mutata, ac mulierem trucidaturus esse, vs. 16, 17. Ubi notari meretur, non tam bestiam, quam meretricem, ei inequitantem, ab ipsis oppugnandam dici; argumento, inter *bestiam* et *mulierem* esse distinguendum; uti supra observavi. Antichristianismo itaque deleta, Satanas in abyssum praeceps agatur, et mille annos ligabitur, quando, tanquam draco, bestiae mysticae persona deposita, rursus, ut olim sub Gentilismo, in mundo caput exferet, Gog et Magog excitaturus ad bellum cum sanctis; ut cap. XX. traditur. Quo, ut supra notavi, digitus in aenigmate bestiae intenditur, *erat, et non est, licet sit, et ascendet ex abyssu, et in exitum ibit. vs. 8.*

§. XIX. Thesin, ex Apoc., ni fallor, clare demonstratam, Prophetiae V. T. non quidem directe et primo sensu, at indirecte et sensu penitior, et mystico, seu allegorico-prophetico, intellectae, confirmant, *partim* quod regni Messiae gloriosam erectionem, non nisi sub finem saeculorum futuram, cum praegressa populi Dei corruptione, et gravi afflictione, connectere soleant, ut Jes. LVIII. -- LX. Zach. XIV. Dan. XII. et alibi saepe; *partim* quod, in persecutione Epiphonica depingenda, colores quoque, tanquam in emblemate, duxerint

ultimae persecutionis Antichristianae, in destructionem regni adversarii, et regni Messiae consummationem terminandae. Quae methodus verbi Prophetici interpretandi tanta a Cl. Vitringa perfusa luce, ut omnium oculos perstringere debeat, pro hypothese quoque harmoniam factorum utriusque Ecclesiae V. et N., seu Judaicae et Christianae, habet. Quam si, tanquam in tabella, vobis conspiciendam praebere vellem, quod, initio ab exitu Israelitarum ex Aegypto facto usque ad Messiam, facili possem negotio, ne taediosus vobis fuerit sermo, vereor. Tribus quod ajunt, verbis, insinuari vobis patimini, Israëli in exilio Assyriaco Christianos in oriente respondere, sub Turca gementes; *Judae* vero in Babylonico eosdem in occidente sub tyrannide Antichristiana, sicut Roma mystice adpellatur in Apoc. *Babel*. fata denique Judaeorum ab exilio liberatorum et Christianorum reformatorum secum comparanda esse; adeoque, sicut Judaei depravati sunt et ab Antiocho, Epiphane oppressi, indeque per Maccabaeos gloriose vindicati, quando Messiae regnum condi coepit, ita et Reformatos, a veritatis et pietatis studio deficientes, in novam Antichristi persecutionem esse delapsuros, sed et simili modo liberandos, ac gloriose instaurandos, regno Antichristi destructo, et Christi in pleno suo vigore erecto. (a)

§. XX. Verum enim vero, qui ordinarias Providentiae Dei vias respectu Ecclesiae, quas huc usque tenuit, et historiam factorum Ecclesiae, memoria recoluerit, is profecto sponte sua observaverit, eam multis cum afflictionibus fuisse inter Judaeos et Gentes fundatam, per gravissimas tentationes et persecutiones propagatam in orbe Romano, post omnium vehementissimam et atrocissimam oppugnationem triumphasse sub Constantino M., nec alia ratione, exorto Antichristianismo, statum suum durante illa tyrannide a Sec. XII^{mo}. tuitam fuisse, eodem denique modo libertati adsertam et reformatam; cum Reformatio in nullo fere regno sine afflictione processerit.

(a) Comparationem illam in hoc tractatu supra per omnes periodos institui.

cesserit. Hac itaque eadem via Ecclesiam esse consummandam, adeoque novam subituram persecutionem, ecquis est, qui in dubium ausit vocare? maxime si secum simul reputaverit, hoc ipsum medium, sicut Deo gloriosum, ita Ecclesiae probandae, purgandae et propagandae, esse, teste omnium temporum experientia, aptissimum: *Trita sane et oppressa, verba sunt Cl. Spanhemii in oratione de Christianismo degenerare, semper surrexit laetior: ast rebus plerumque fracta secundis fuit, lascivientibus ex copia, otioque, animis. Crevere cum pace pacis mala, ac profligata simplicitate, quae Christianismum distingueret, successit in vultu simulatio, in corde dolus, in verbis fallacia, in affectibus gloriae, vel auri, non sacra fames, sed profana sitis, qua sacris non tam officiis, quam beneficiis, inhiatum fuit.* Ne dicam, fieri non posse, quin Ecclesia tepida et depravata, qualem Reformatam esse omnes agnoscunt, virgam Dei castigatricem provocet: sicut Dominum in Epistola Laodicensi supra audivimus declarantem.

§. XXI. Statum Ecclesiarum Pontificiarum et Reformatarum, durante periodo Reformationis hucusque, prudente oculo si denique consideraverimus, varia, nec vana, sese facile prodent sinistra, et Protestantibus noxia, auguria, futuram hanc inundationem et persecutionem, quam demonstravi, portendentia. Quae si in lucem proferre instituerem, vobis taedium, mihi nimiam crearem molestiam. Summa capita levius brachio nunc tantum perstringam. Ecclesiam *Papisticam* si intueamur 1. *primum*, quod mentem ferit, est, eam tantum abesse ut reformationi succubuerit, sicut, si consummanda fuisset reformatio, videri potuerit debuisse, ut dominans in Europa manserit, et magis firmata sit, adeo etiam, ut contra omnia Protestantium conamina purius in eam introducendi euangelium munitam sese reddiderit et securam; quemadmodum adhuc est.

§. XXII. Invincibilia vero illa munimenta sese offerunt, ut praecipua obiter recenseam, 1. in Synodo Tridentina, ejusque anathematibus. 2. Ordinibus Monachalibus, Do-

minicanis et Franciscanis, jam ante, Capucinis, et in primis Jesuitis, Sec. XVI. ortis. 3. In *autoritate* Papali valde aucta per *Infallibilitatem*, fedi post Synodum Tridentinam demum adscriptam, et deinceps per Jesuitas non tantum valide adfer-tam, sed et ad quaestiones *facti*, non solum *juris*, extensam. 4. Cleri immensa multitudo, potentia, et independentia a potestate seculari, nec non divitiis et opibus. 5. Regum et Principum arcta cum ea sede conjunctione, sive politica, sive religiosa. 6. Populi ignorantia et devotione superstitiosa, omni modo foveri solita. 7. Denique in singulari *lenitate* ac indulgentia erga membra Ecclesiae suae, sed severitate erga eu-angelicos et haereticos. Fruuntur enim in ea societate, hac etiam parte reliquis societatibus prudentiore, dicam an astutiore, multiplicibus praerogativis, quae ambitioni, avaritiae et libidini, favent, facili quoque salutem consequendi via per fidem implicitam et coecam, per ritus, Sacramenta, indulgentias, satisfactiones aliorum, purgatorium, et praeterea *libertate* sentiendi omnimoda, et loquendi magna, modo Papam et Matrem Ecclesiam debite venerentur, nec *missam* penitus negligant. Unde est, quod multiplices inter membra ejus dissension-nes et disputationes, quanto etiam animorum fervore agitatae, *schismata* producant nulla, nec saepe a Papis aut Synodis decidantur. Quae singularis ejus *unitas*, semper salva, multum ad eam firmandam facit. Haeretici vero, vel omnes, qui *saluti Ecclesiae*, seu *Cleri*, adversantur, nec Divini, nec humani, juris habita ratione, inhumaniter et crudeliter per carceres, exilia, infamiam, confiscationes bonorum, tormenta, denique sup-plicia capitalia, tractantur: cunctis vero metus per diabolicum illud *inquisitionis tribunal* incutitur. *Vulneratum* itaque qui-dem est *caput unum bestiae*, et corona papalis concussa, per Reformationem, sed illud *sanatum*, et haec firmius quoque stabilita est: uti Ap. XIII: 3. praedictum est. Evangelici itaque pro Schismaticis, apostatis, et rebellibus ea in societate habiti, non possunt non quaevis mala sibi augurari.

§. XXIII.

Qui metus haud parum. 2. crescit, per Pon-tificio

tificiorum in medio Protestantium immensam copiam. Longe maximam enim Europae partem non tantum retinuerunt, in qua soli dominantur, ut modo notavi, sed et in ipsis illis regionibus, in quibus euangelici primas tenent, manserunt, et statum suum, majore licet minoreve cum libertate, constanter tuentur; uti in Britannia, Belgio, Borussiae regno, et aliis regionibus, in spem contra erecti, et omnes intenti occasiones, veterum possessionum recuperandarum, adeoque, non obstante unius civitatis vinculo, passim irreconciliabiles et occulti eorum hostes, quoad religionem, a peregrino, et reformatis infensissimo Domino, Romae residente, toti pendentes, et ad jussa ejus praestanda per conscientiam obligati paratique. Sherlocus, (a) ut unius tantum mentionem in re satis nota faciam, coram domo *Communium* concionatus a. 1685. adseverare non fuit veritus, *fuisse quidem aliquos aliquando Papistas bonos cives, et esse posse, at certum se esse, papisticam religionem non docere fidelitatem, nec certos nos esse posse de eorum fidelitate, quorum religio quodam casu docet rebellionem.* Ferant itaque Protestantes in medio sui Pontificios, nec eorum religionis exercitium impediant, tractentque eos tanquam cives; non abnuo, quin laudo, cum ut suo exemplo eos civilem in re religionis tolerantiam, juri divino et humano congruam, doceant, principiaque Antichristiana ipsis detestationi esse efficiant, tum ut animos eorum sibi et civitati, ubi degunt, devinciant; adeo ut, per tam mitem et benevolam gubernationem etiam permoti, religionis suae exercitio, ac statui sui securitate, contenti, pacem ac prosperitatem istius civitatis quaerant, sicut Judaeis vel in exilio Babylonico tam serio, nomine Dei, injunxit Jeremias cap. XIX. nec aures rebellionis suasoribus, praetextu religionis, praebeant, Domini monito, Caesari quae Caesaris, Deo quae Dei sunt, danda esse, obsecundantes. Interea id sedulo operam dent Protestantes, ut intra limites suos se contineant, et si qui seditiosum animum, verbis aut factis, patefaciant, severe coerceantur,

N n

ne

(a) In continuat. Hornii Hist. Eccles. p. 770.

ne alios decipiant, et in partes trahant. *Cavenda nostris Rebusp. est religio Romana, ejusque publicum patrocinium, propter ejus seditiosa et tyrannica axiomata*; inquit Cl. Hoornbeekius, in Examine Bullae Innocentii X. (a) qui plurima hanc in rem produxit documenta ibid. (b)

§. XXIV. Accedit 3. societatem papisticam, durante periodo reformationis, pomperia ditionis suae, sec. superiore et praesente, stupendum in modum ampliassse, nec non in eo esse totam, ut quascunque terras occupet. Quantopere alas per utramque Indiam, in primis occidentalem, expanderit, Galliam reformatis multum vacuaverit, ut et Hungariam, Bohemiam, Poloniam, aliasque regiones inundaverit, (c) in ipsa Germania multos principes, etiam quibus reformatio debet originem, et incumbere videtur, in suas traxerit partes, cui, nisi in historia hospiti, demum ignotum est. Ipsi utique illi, quibus reformatio debet originem, et cum maxime inniti videbatur, ut Saxoniae Elector, Palatinatu quoque in ejusmodi manus delapso, Palatinus Neuburgicus Wolfgangus Wilhelmus eam publice professus est religionem, et populares *partim* persuasionibus, *partim vi*, secum traxit a. 1613. Palatinatus superior post pacem Westphalicam penitus cessit Pontificiis; dein Carolo, Electorum Reformatorum ultimo, defuncto, successit Pontificiis. In utraque Alsatia reformatio est a Gallo oppressa a. 1686. Possem Principum et illustrium virorum, qui ad castra Pontificiorum transierunt, contexere catalogum satis longum, si temporis ferret ratio, aut res ignota esset. (d) Illustriores sunt, praeter modo memoratos, ne Christinam Suecorum reginam memorem, Christianus Gulielmus Marchio Brandenburgensis, Ernestus Hassiae Princeps, et nuper ipse Princeps Hassiae haereditarius, nunc Landgravius, Joh. Fredericus Dux Brunsvicensis, Antonius Uricus Dux Brunsvicensis Guelferbitanus cum

(a) P. 204. (b) p. 195 et seq.

(c) Vid. Urbanus Cerry secretarius societatis de *propag. fide* sub Innocent. X^{mo}.

(d) Vid. Hackius Jesuita in via regia, ad calcem.

cum nepte Elisabetha a. 1707. Christianus Princeps Mecklenburgensis, Carolus Alexander Wurtembergiae dux, Mauritius Adolphus Princeps Saxonico-Neostadiensis, Ernestus comes de Metternicht, Rakozius Princeps Hungariae; alii Viri quoque eruditione celebres; uti ex. gr. P. Bertius, Befoldus, Milletierius, Hunnius, Pfeifferus, Holstenius, Lambecius, Nesselius, Nihufius, Praetorius, Kusterus, alii (a). Quid? quod, magna copia ad Papismum quotannis redire Britannos, testatur Bower, autor historiae Paparum, in *Apologia sua*. Quanto vero in religionem suam promovendam, ac reformatam labefactandam, studio ferantur, neminem latet, qui vel aliquam habet notitiam *societatis de propaganda fide*, sec. superiore Romae erectae, *seminariorum* multiplicium per varias terras, nec non *emissariorum*, quibuscunque in oris degentium, in primis *Jesuitarum*, per orbem disperforum. Ecquis est, qui, ad hunc progressum, ad hoc studium, adtendens, in eam non incidat suspicionem, orbem Protestantium maximam partem a Papismo esse inundandum? maxime, quum fucatam ad speciem ejus externam, quae nunquam pulchrior, et ad quoscunque fascinandos aptior fuit, animum adplicuerit; cujus nonnullas tantum paucis lineas ducam.

§. XXV. Paparum mores sunt honestiores, Praelatorum ac Monasteriorum fama integrior, *Religiosorum hominum emendata castigataque vita et exacta ritus doctrinae disciplina squalorem nostri seculi non mediocriter exornant*, inquit P. Marca Conc. Sac. et Inper. l. III. c. 16 fin. Ordinum utique omnium pulchrior species, per *collegia*, inter eos *reformati* dicta, novae etiam *societates*, seu *sodalitates*, conditae, quae multiplicem merentur laudem; uti S. Mauri inter Benedictinos Gallorum sub Gregor. XV. *Jansenistarum* ad antiquam simplicitatem redacta societas, cui *Portus regii* nomen a. 1618. et ad ejus aemulationem *sodalitas Bernardinorum* reformatorum Trappensium, autore Armando Abbate Trappense a. 1664. *Familia*
N n 2 Patrum.

(a) Vid. G. Arnold, Kerk- en Ketter-Histor. p. II. l. 27. c. 2
Weisman. Hist. Eccles. sec. XVII. p. 738.

Patrum oratorii S. Jesu a Berullo instituta a. 1613. quam Theologiae *sacerdotalis* scholam recte adpellaveris. Alia mitto. Praeterea studia Theologica magis sunt exulta et purgata: *conformatio* ad Ecclesiam, non quidem *primaevam*, at *antiquam* tamen, post Sec. *Vtum* vel *Vltum*, nec in omnibus, attamen in multis, nec in abusu deinceps inveceto, sed primis principiis, per antiquitatum Ecclesiasticarum investigationem nunc magis illustrata &c. *Quaestiones* denique cum Protestantibus multiplicatae, majore arte pertractatae, et ad *Scholasticas* controversias redactae, quas Politici et populus minus curant, et in quibus majore specie ventilandis versari possunt: *novae* quoque *methodi* excogitatae, sive ad quaestiones, aut Ecclesiae verae, ex certis *notis* cognoscendae, autoritate, aut ipsis Script. S. verbis, omnibus missis ratiociniis et consequentiis, decidendas, quales sunt *illa* Richeliana, *haec* Veroniana et Walenburgica, sive ad *unionem* Ecclesiarum Pontificiarum ac Reformatarum efficiendam variis colloquiis et libris tentatam, vel ab utraque parte quid concedendo, vel quaestiones ad Generale Concilium referendo, vel molliore dogmatum et rituum Ecclesiae Romanae *expositione* instituta: quo Bossueti *expositio fidei* colineat. Addantur *blanditiae* et artes variae, quibus in Protestantium animos se insinuant, ex gr. per commodam, saepe fraudulentam, dogmatum interpretationem, per multiplices Protestantium divisiones et *variationes*, tanquam incertitudinis indicia, imo per ipsorum Protestantium *exempla*, quibus *fraudentam* et *violentam* agendi rationem in re religionis excusant, et defendunt: sicut et Protestantium judicia de dogmatibus fundamentalibus, in Ecclesia Pontificia salvis, de possibilitate salutis in ejus communione efficienda, denique de quaestis et controversiis per Ecclesiae autoritatem in *Synodis* definiendis, et alia in usum suum astute vertunt. (a)

§. XXVI. Sed, ne parum a Papismo ubique invalescente, terras aliquas etiam Protestantium occupante, periculi

(a) Vid. 24. methodi Missionariis in Gallia sub Lud. XIV. commendatae apud Leidecker, in Continuat. Hornii Hist. Eccles. p. 710.

culi, aut persecutionem non esse amplius instituendam, quis opinetur, is 4. sciat, eodem hoc Spiritu Antichristiano, quo ante reformationem et ejus tempore, agi in genere Papismum; iisdem uti fraudibus, eadem violentia, eandem ubique tenere viam, eandem methodum Satanicam, fraudulentam et violentam (a). De quo ut convincamini, bullam *coenae* Domini, solemnibus quotannis *coenae* Domini diebus, in haereticos promulgari solitam, tribunalis inquisitionis continuum nonnullis in locis exercitum, in primis persecutiones et lanienas seculo superiore institutas, nec hoc nostro insolitas, ad animum modo revocate. Plures sunt, quam ut possim, notiores, quam ut necesse habeam eas recensere. Vetant etiam temporis angustiae praecipuarum prolixam dare notitiam.

§. XXVII. Recensebo tantum praecipuas; licet historia-
rum prorsus inperito non ignotas. In memoriam modo revocanda est Persecutio Bohemica seculo superiore, quae, praeter Bohemiam, Evangelicis eripuit Moraviam et Austriam, Palatinatus vastationem, bellumque illud terribile Germanicum *tricennale* peperit, et Germaniae fere vastationem secum traxit, Protestantibus et Pontificiis jam ante occasione Donawerdae, male ob processionem Pontificiam turbatam mulctatae, et controversiae Juliacensis, divisae in *Ligistas* et *Unistas*, quorum capita erant, *illorum* Bavarus, *horum* Palatinus. Quem latent lanienae, plusquam barbaricae et tartaricae, *Volturinenfis* in valle Grisonum *Telina* a. 1620. *Hibernica* a. 1641. qua, intra paucos menses, inquit autor vitae Usserii, *ducenta hominum millia infanda strage* --- *nec alia de causa, quam quod religionem reformatam profiterentur, occisi sunt: Pedemontana* a. 1632. mox a. 1655. rursus 1686, 1687. quando gravi bello afflicti et patria expulsi sunt, *triennio* tamen post revocati: *Hungarica* per 10 annos 1671---1681. Denique *Gallicana*, primum sub Ludov. XIII. qui reformatos, sumto a Bearnia initio, deinde ducibus eorum, Roanio et Soubisio fratribus, pro libertate religionis arma sumentibus, superatis, protrivit, muni-

N n 3

menta

(a) Vid. etiam Weisman Hist. Eccles. Sec. XVII. p. 772.

menta et privilegia iis eripuit, et Rupellam ad deditionem coegit; absque tamen ut *Edicto Namnetensi* manus injecerit: quod fecit Ludov. XIV. posteaquam illud mille artibus infirmasset, unde varia fuit reformatorum orta vexatio et persecutio. De persecutione a. 1684 et 1685. vid. quaedam apud autorem Gallicum *Vti imperii*, in primis Claude in libello, cui titulus, *les plaintes des Protestantes &c.* Equis etiam ignorat *conspirationem* in Anglia sub Jacobo *pulverariam*, dein sub Carolo II. in regem et regnum: a. 1678. Hoc ipso vero *seculo* nostro, quot non eorum vexationes et persecutiones a Pontificiis exstiterunt? De continuis injuriis et infestationibus, quibus in Germania sunt adfecti, *gravamina* eorum satis testantur, quarumque originem, seu praetextum, in primis prae-buit famosa illa adpendicula *articuli IVti pacis Ryswicensis*, artificiose a Catholicis inserta. In *Palatinatu* occasione quaesiti 80mi Catechismi Heidelbergensis variis modis vexati, multi coacti sunt alias in regiones migrare. In Archiepiscopatu *Salisburgensi* ob atroces persecutiones plusquam 30 millia patriam deseruerunt a. 1731. In *Bohemia* latitantes tanta sunt passi, ut plures aufugerint a. 1728. In *Hungaria* tristissima saepe fuit eorum conditio, durior futura, nisi Cleri molimina fuissent ab Imperatore impedita. De ann. 1674 et 1675. vid. Schelhorn in Mus. Helv. part. XXV. De decennali vexatione ab a. 1671 ad 1681. Vid. Hist. diplom. de statu relig. Euang. in Hungaria. Imo a. 1730--1733. ad 200 fere Tempia ipsis sunt erepta, nonnunquam violentas manus passi fuerunt. Quam opere Austriaca Aula, initio a Car. V. facto, ad hoc usque tempus, in id incubuerit, ut Protestantes ubique terrarum debilitaret, imminueret, vel frangeret et destrueret, si quis in tabella velut ordine videre depictum, is legat libellum lingua Belg. scriptum, et circa medium Sec. editum, (a) Utinam hodiernus Imperator spem, quam omnes boni de ipso conceperunt, non fallat, seseque, qualem se futurum dixisse fertur, *Catholi-*

(a) Cui titulus, *Vertoog der Ongelyken van de Protestanten, geleden door de Vorsten van het Huis van Oostenryk.*

tholicorum quidem defensorem, sed non aliorum oppressorem, semper praestet! In Polonia et Lithuania quantopere exagitentur, libellus eorum supplex, Regi et Ordinibus oblatus (a) in Comitibus a. 1718. clare ostendit. Thorniensis caedes, tragica illa et Tyrannica a. 1724. in recenti est memoria. Auget ibi miseriam, quod querelas non ausint Exteris exponere Principibus, poena capitali criminis laesae Majestatis ab Augusto II. inposita absteriti. In Gallia saepe severe sunt tractati, indeque ortum fuit bellum Cemmienorum, arma pro religionis libertate sumentium, varia quidem gestum fortuna, sed multa cum Reformatorum caede. Dein sub Ludov. XV. sacris eorum interdictum est, a. 1724. et varie in eos saevitum per carceres, exilia, trirames et mortem (b). Tandem quam saepe fuerint Pedemontani infestati, Litterae satis docent, quibus Rex Borussiae a. 1725. et 1731. pro iis intercessit. Vid. et P. Gilles Hist. Wald. c. 48. Vallis Pragelae plane est ab iis relicta, ipsique per Helvetiam et Belgium dispersi sunt. Vid. Rev. Martinet in Historia Waldensium; nov. edit.

§. XXVIII. Figit denique 5. quaeso vos, in duos notabiles *Seculi* superioris casus adtentionem vestram, quibus universa Evangelicorum Ecclesia parum a totali excidio auit, et mirabili Dei providentia liberata est; indeque quid moliantur Papistae, quidve nobis intentent, vobiscum statuite. *Alter* est, quo Ferdinandus II, princeps ad infaniam usque Papismo devotus, et Zelota, qui, teste Lamormaino *in ejus vita*, coram Lauretana Imagine voverat, ut data occasione omnes Protestantes e Germania, Stiria, Carinthia, Austria, Bohemia, Moravia et Silesia, pelleret, voti quoque magna parte compos factus centena millia ad Papatum traxit, ut fertur; hic

N n 4

inquam

(a) la Bibl. Brem. Cl. III. p. 662. Vid. et Regensvolsch Hist. Eccles. Slavoniae lib. III. c. 15.

(b) De tristissimo Reformatorum in Gallia statu legendus est egregius libellus, cui titulus: *le Patriote François et impartial*, a. 1751. editus, ad refutandam Epistolam Episcopi d'Agens.

inquam, Ferdinandus, impetum in Protestantes Germaniae et vicinarum regionum, fecit tanto cum successu, ut, nisi Gustavus Adolphus singulari Dei directione fuisset suscitatus, tyrannidem simul, et libertatem Germaniae opprimendi studium adiecisset Ferdinandus, quo ipsi Catholici fuerunt irritati, Galus denique in partes venisset, de Ecclesiis Euangelicis conclamatum fuisset. *Alter* est, quo Ludovicus XIV. Ecclesiae catholicae instaurandae invidendum titulum ambiens, in oras nostras irruit, et Angliae rex ad Papatum revocandum animum adplicuit, quo tempore Grenonvillius, Legatus Gallicus, aulae Viennensi infusurravit, Gallum, nidum illum Calvinianum, Belgium, dissipare velle, Anglum proin armorum in societatem venisse, quia et is Romanam religionem, cui secreto jam erat addictus, palam professurus sit, cui vicissim, Belgio subactō, Galus promiserit opem, ut in Anglia solum legibus inperium invadere queat, (a) quid Ecclesiis Protestantium, nisi Gulielmus III, heros noster, potente Dei dextra armatus, sese huic torrenti objecisset, et thronum M. Britanniae sibi vindicasset, factum fuisset, equis est, qui non sponte sua intelligat? Cui similem scenam, sicut facile potest, ita vere esse renovandam, verbum Propheticum evincit, et harmonia fatorum Ecclesiae V. et N. T. confirmat. Quod ipsum viso Zach. II. *quatuor cornuum*, quae Judaeos arietarent et dissiparent, sed a totidem fabris retunderentur, haud obscure adtendenti dijudicandum praebetur, si sensu mystico ad Ecclesias Protestantium, Judaeis e Babele reducibus respondentes, adplicetur. Praeter duo enim memorata cornua *unum* jam ante fuerat in Carolo V. Smalcaldico foedere junctos opprimente, sed a Mauritio Saxone represso. Superest itaque, ad numerum *quaternarium* supplendum, novum *cornu* per Antiochum Epiphanem delineatum, simili etiam modo frangendum et conculcandum.

§. XXIX. Novus ejusmodi in Protestantium aliquas regiones impetus, tantum abest ut a statu Europae abhorreat, ut eo res e longinquo spectare ac praeparari videantur, sive ad

(a) Vid. Jaeger Hist. Sec. XVII. a. 1672.

ad Machinationes et molimina continua in Protestantes Germaniae, vicinarumque regionum, adtendamus, sive ad Galliae statum a Ludovici XIV. temporibus haud parum mutatum, reflectamus: cum enim reformatorum, ibi degentium, per edictum Nannetense securitas, et Catholicorum cum sede Romana lites acerrimae causa concilii Tridentini, Jansenistarum, et Regalium, ac juris asylorum Legatis competentis Romae, spem alicujus reformationis in hoc regno praebuerint, ea deinceps plane decolavit, et cum metu oppressionis Reformatorum, inde initium habiturae, mutata est, Papis ibi magis quam unquam, ipsis Gallis prudentioribus fatentibus et conquerentibus, concessio dominio, et privilegiis Ecclesiae Gallicanae susque deque habitis: utique ad speciem externam, et politice magis quam vere, Rege Galliae quidem subinde Papis favente et adulante, attamen majestatem suam, ubi opus est, bene et prudenter tueri, qui, dum *pedes Papae osculatur, manus ejus tenet*, sive denique Cleri et Monachorum perpetuas instigationes, quibus reges et principes in Protestantes accendunt, dum vel *hos* quibusvis artibus reddunt odiosos, vel eorum debellatores summis ornant elogiis, ad animum revocemus. Quantomore ex. gr. Ludov. XIV. cujuscunque ordinis Viri, etiam Docti qualescunque, in coelum extulerint ob hanc solam etiam rem, *Dedicationes* et alii testantur libri. Papa quoque Innocentius heroica haec ejus facinora, et in Consistorio, et in Litteris ad Regem, summis celebravit laudibus.

§. XXX. Romano-Catholica non dicam, sed Papistica Antichristiana Ecclesia, ut de orbe Christiano triumpharet, et haeretici in primis apostatae, quales habentur Protestantes, omnium odio ac persecutioni exponantur, operam in primis dederunt illustriores quatuorviri, meritis suis alias celeberrimi, Baronius et Bellarminus primum, dein Maimburgius et Bosluetus. *Baronius* in *Annalium Ecclesiast.*, rectius, ipso Pithoeo judice, de *potestate Papae*, opere; *Bellarminus* in controversiis cum Protestantibus tractandis, invidiose passim ac subdole, majore adparatu quam soliditate, in Papali dominio extollen-

do, et persecutoribus laudandis, ac excitandis, adeo ut, *bella, arma, minas* spirando, sese vere *Bellarminum* praestiterit: *Maimburgius* in variis libellis *historicis*, artificiose ac dramatice exornatis ad lectores adliciendos et fascinandos, nec alio consilio, quam ut reges et principes ad haeresin, quam vocant *Aquilonarem*, extirpandam, inflammaret; *Bosluetus*, denique, in *expositione fidei*, et libris *variationum* Protestantium, eo scopo, ut omnium animi in eos tanquam religionis hostes, schismaticos, et per continuas *variationes* nusquam pedem figentes, accenderentur. Adjungam ipsum Cornelium *Fansenium*, unde *Fansenistae*, qui meliorem Ecclesiae Pontificiae partem passim censentur constituere, sub ficto nomine *Armachani*, scripsisse a. 1636. libellum, quo evincere conatus est, Galliae regem inopia inivisse foedera cum Batavis, Suecis, et Protestantibus Imperii, contra Caesarem et Regem Hispaniae, imo evangelicam religionem Turcismo, Judaismo, Gentilismo quoque, deteriorem esse declarat nullibi ferendam, sed quovis modo excindendam. Possem plura similia proferre; sed quid pluribus opus est? Concludam itaque verbis Archiepiscopi Cantuariensis in Epist. ad Palatinos a. 1720. scripta: *Romanensium erga nos omnes, religionis evangelicae professores, odium plusquam vatinianum satis novimus, Jesuitarum audaciam et perfidiam experti fuimus. Ipsius, quem vocant, summi pontificis indignationem, superbiam, dominandi denique etiam in Principes libidinem, totu orbis Christianus nobiscum et agnoscit et horret. Vires tantum his omnibus desunt, quo minus, primo quoque tempore, ad nos omnes penitus absorbendos sese adcingant. Dum haec Romae immota stabit sententia, ut verba Cl. Moshemii (a) addam, Deum Ecclesiae Rom. ejusque capiti totius generis humani dominatum credidisse, sperari nullo modo poterit, fore, ut securis et tutis vivere liceat illis, qui ejus leges respuunt. Cives nimis semper videbuntur improbi, in quos omnia justis et legitimis dominis liceant.*

§. XXXI.

(a) Hist. Eccles. Sec. XVII.

§. XXXI. *Foedera* vero si quis mihi opponat, quibus partim libertas religionis in Germania est sancita, partim cum Pontificiis, five regibus, five Principibus, conjuncti sumus; is ad mentem referat, velim 1. Ejusmodi foederum pro libertate religionis multiplicium five publicam et manifestam, five occultam violationem, in Gallia, Pedemontio, Germania, Hungaria et Polonia, ne aliorum foederum, tam facile fractorum quam factorum, mentionem faciam. Quid sanctius ac firmitus fuit, ex. gr. edicto Nannetensi perpetuae observantiae? et illud tamen primo infirmatum, dein publice est abolitum. *Securitas dissidentium in Polonia*, dicunt Ipsi in libello, (a) in Comitibus a. 1718. oblato, tot Regum juramentis, tot legibus publicis firmata, primum conniventia, et promissae emendationis nimia dilatione, luxata est, dein libertatis restrictione, maxima post abdicationem Casimiri, a. 1668. violentius quassata, denique infestarum legum sanctione convulsa. 2. Protestationes Paparum contra talia pacta, quemadmodum ex. gr. *paci Westphalicae*, seu *Monasterio-Osnabrugensi* a. 1648. cui Germaniae libertas unice fere innititur, sese vehementer et insolenter opposuit Innocent. X. famosa illa edita *Bulla*, quam recensuit et acriter perstrinxit ex Reformatis Cl. Hoornbeekius in peculiari libro. 3. Principia denique Papistica, cum de juris cessatione, ubi causa religionis agitur, seu haeresi, omnem nexum naturalem et civilem tollente, tum de potestate Papae ab omni solvendi obligatione, tum denique de *fide* haereticis non praestanda: sicut in concilio Constantiense Sec. XV. haud obscure definitum est, Hispani absque ulla dissimulatione adfuerunt. Imo jam dudum antea vixit in Ecclesia Papistica Antichristiana horribilis illa doctrina: de quo ex Innocentii III. facinore, quo Raymundi, Albigenium fautoris, subditos *fidelitate* absolvit, abunde constat; haec enim datur ratio; *quia juxta S. Patrum canonicas sanctiones ei, qui fidem Dei non servat, fides servanda non sit*: quae verba sunt Petri Vallis Cernai in Hist. Albigenium. Hosius ipse (b) Cardinalis hortatus

O o 2

est

(a) Bibl. Brem. cl. VIII. p. 251. (b) Epist. 193, 202, 220.

est Henricum regem Poloniae, *ne unquam patiat, ulla se ratione ad ea, quae promiserit Haereticis, praestanda tener, q a juramentum vinculum iniquitatis esse nequeat.* Denique Wendecius Canonicus in libro, cum Caesaris privilegio a. 1620. edito de *haeresibus extirpandis*, eo venit impudentiae, ut adseruerit: *Catholicos eo tantum fine nonnunquam cum Sectariis transigisse, ut, interea reliquis negotiis expediti, unum hoc bellum contra eos administrarent, et omnem ejus molem in ipsos converterent* (a).

§. XXXII. Denique a statu Protestantium ejusmodi oppressiones et persecutiones non esse alienas, ut persuadeam, multum operae non foret impendendum. Cui enim, ad rem serio adtendenti, non mox vires eorum debilitatae, limites ditionum per Papistas coarctati occurrunt, et numerus variis in regionibus imminutus, (b) ut in Gallia, Germania, Hungaria, Polonia, et aliis terris; *sectarum* praeterea, in quas scissi sunt, haud exiguus non tantum numerus, sed et mutua, plusquam vatiniiana, odia, vexationes quoque, fere Antichristianae, multiplices, quales Germania experta est, Britannia et Helvetia; lites denique, rixae, discidia et contentiones, unius quoque sectae variae; veritatis interea et verae ac sanae pietatis studia, ut plurimum vel nulla vel tepida, factiosa ac hypocritica: Atheorum, Deistarum, fanaticorum et carnalium hominum greges copiosi; vitiorum tandem et criminum, inter quae clamantia, ut perjuria, adulteria, injuriae qualescunque in civitate et Ecclesia, cursus identidem crescens, nullis mediis, nullis judiciis Divinis sistendus. In quibus vel recensendis vel adstruendis, si versari vellem, ubi inciperem, ubi finirem? Virorum, peritia, pietate et auctoritate, conspicuorum testimoniis corroborare quoque possem; si necesse foret. Provocasse nunc tantum suffecerit ad Heidegger. l. c. Witzium in oratione de *felici an infelici Reip. Litter.* statu. Vitringam ad
Jes.

(a) Alia vid. apud Hoornbeek. Exam. bullae Innocent. X. p. 265.

(b) Vid. Heidegger. Myst. Babyl. M. t. II. p. 811. et de Polonia in Bibl. Brem. cl. VIII. p. 261.

Jes. LVIII et LIX. Gurtler. Syft. Prophet. ubi depravationem Ecclesiarum Protestantium depingit. Weisman. Hist. Eccles. Sec. XVII^{mo}. p. 1271 &c. ubi statum Ecclesiae Lutheranae describit.

§. XXXIII. Equis itaque est? cui mirum accideret, *arcam* Domini, tot paleis frumentum opprimentibus refertam, ventilabro ejus purgari? *Zizania* in agro ejus, tam excelsa; tantopere diffusa, tandem eradicari? *Vineam* tanta cum cura et bonitate Dei in terris Protestantium et Reformationum plantatam, tot tantisque bonis et donis cumulatam, nec expectationi divinae respondentem, quin ingratam, corruptam, et loco varum labruscas proferentem, a Deo visitari, et partim vastari, partim purgari. Protestantes denique, quorum alii alios mordent, alios ab aliis consumi, secundum regulam Pauli Gal. V. et regnum in se divisum, secundum Domini dictum; destrui: imo Spiritum Antichristianum ex parte admittentes, et bestiae imaginem, in fraudulenta et violenta fidei tuendae methodo adoptata, aliquatenus adorantes, ejus plagas quoque participare: sicut Dominus Ap. XIV. loco valde notabili, minatus est. Utique Pontificiorum institutum de *haereticis*, sic dictis, *coercendis*, eorumque scitum, *hostem patriae judicari debere, qui Dei hostis judicatus est*, a Lutheranis suis admissum esse Sec. XVII^{mo} fatetur Mosheimius, (a) qui tamen deinceps (b) adferit, *postrema seculi parte paulatim per coetus Lutheranorum pervasisse dogma hoc, religionis rationem unumquemque Deo unice reddere debere, neque justum esse, ut errorum suorum poenas aliquis civitati pendat, modo nihil in ejus tranquillitatem tentet; addit, eam libertatem quo quis aequior est, tanto ferre facilius. Dum Christiani se invicem mordebant, verba sunt Eusebii de Ecclesia sui temporis, ut hoc uno exemplo nunc defungar, alter alteri invidebat, alter alteri derogabat, alter in alterum convicia jactabat, dum principes cum principibus committebantur, populus cum populo, sacerdos cum sacerdote, veniebat Diocletianus, et saeva persecutione premebat co-*

Oo 3

tum

(a) Hist. Eccles. recentior. p. 568. (b) Ibid. p. 571.

tum inter se collisum. Conf. etiam Cl. Spanhemii oratio de *Christianismo* degenerare.

§. XXXIV. Nec noster hic tantum metus est, sed, praeterquam quod omnium Christianorum per omnia secula fuerit, et etiamnum sit, ipsorum etiam Pontificiorum hypothesis, Antichristum, in quo definiendo licet errarint, sub finem seculorum in Christianos pro brevi tempore saevituros esse, fuerunt et sunt multorum prudentum hae justae de Ecclesiis Protestantium formidines et quaerelae; ut ex Reformatis Usserii, Heideggeri, Hasei, aliorum, ex Euangelicis Speneri, Weismanni, et aliorum, qui meliora tempora, et regnum milenarium expectant. Quorum testimonia aliqua repraesentabo. J. Usserius, aliquo vaticinandi spiritu, haud uno dato specimine, praeditus, *saepius*, inquit Bernardus, intus ejus socius, (a) *ingentem animi sui sensum aperuit de independente Ecclesiis Reformatis a Papistis saevissima persecutione*. Cl. Hasei, (b) haec sunt verba; *vivimus illa tempora, quibus maximae autoritatis Principes, amplissimarum ditionum Domini, in quibus praecipuae Protestantium fortunae ac spes collocatae erant, relictis eorum castris, ad partes se conferunt Pontificiorum. Plena hinc sunt omnia metus, plena querelarum: neque id immerito. Tametsi enim vel amplissimis verbis, et solenni juramento suis conservationem sacrorum polliciti sint, tristis tamen tot seculorum experientia plus satis, eheu! docuit, quam parum adseverationibus eorum fidendum sit, qui spiritu Cleri Romani agitantur, cui quidem, si jus violandum sit, religionis causa violandum esse, atque haereticis non esse habendam fidem, persuasum est*. Audiamus nunc Heideggerum, (c) *superfunt ejus conatus ultimi, qui in extremo annorum ejus actu, ante tragicum ejus exitum, haud dubie omnium erunt acerrimi et vehementissimi ——— et quidni superesse putemus? cum Ecclesiam, adhuc in miseriarum caucaso haerentem, lugeamus omnes; cum terrorem nobis bestiae tot diademata, tot cornua, tot a draconis potentia*

(a) Vita Usserii p. 79. (b) Bibl. Brem. cl. II. p. 521. (c) *Myster. Babyl. M. t. II. p. 232.*

potentia et throno derivatae praerogativae, incutiant ———
 Inminet proxime, fati divinatorum oraculorum jam plane maturatis, et expressis ubique parturientis naturae et Ecclesiae vestigiis, decretorium illud tempus, quo, ——— devictis sanctis ac testibus Jesu Babylonii paeana canent, ignari ——— factorum suorum, quibus post consummata domus Dei ——— judicia praecipitanti-
 bus horribiliter ab ipso Deo judice potente obruentur &c.

§. XXXIII. Nec parum intrest nostra, inquit Weismannus, (a) eruditus, simul modestissimus, inter Lutheranos autor, ut et ex illis proferam exemplum, meditari, an non eadem Divina, sed vindex providentia, potentem adeo hostem, cum exercitibus suis servet in instrumentum irae suae, ad poenam degenerantis et ingratisimi Protestantismi, et vetere gratia, sibi collata, et novissima, turpissime in plerisque membris suis abutentis, ac plenam judiciorum Dei mensuram, paratis illius pholis, quasi extorquentis. Frequens haec meditatio fuit, ita pergit, Speneri in omnibus fere scriptis; nec alia desunt monumenta gravia et probabilia. Subjungere tandem liceat praeclari inter Reformatos Theologi Fr. Spanhemii (b) pia et seria vota, ac lamenta. O si mihi omnia corporis membra verterentur in linguas, ac si deferri in omnes oras, qua late patet Protestans orbis, nostra lamenta ac suspiria possent! saltem si qua medicina, quam admittit raro mali pertinacia, totum jam corpus pervagati, adesse possem auxiliator laboranti etiam nunc hodie Ecclesiae, ejusque sistere praeceps quasi fatum, ex contracta non una labe, quales aut videmus universi, aut sentimus, et quae felicitatem Ecclesiae ac triumphum solae remorantur.

§. XXXIV. Quae licet, cum tristitia tum laeta, sint expectanda tempora, ab iis tamen determinandis cuncti, qui sapiunt, sibi sedulo cavcunt, quippe non ignari, tempus, quo regnum Dei et Domini nostri gloriosum condetur, non esse nostrum nosse, uti Dominus expresse dixit Act. I. absternti quoque per tot frustraneos conatus, quos ipsa refusavit experientia; quamvis nec nostro desint tempore, qui perversa verbi

O o 4

prophe-

(a) Hist. Eccles. Sec. XVII. p. 749. (b) l. c.

prophetici interpretatione, et falsis hypothesebus decepti, imaginatione quoque, loco divinae revelationis, delusi, tempora futura ausi sunt definire. Quales temerarias sententias ultra 360, quarum *trecentae* circiter jam ab eventu sunt refutatae, reliquae quum diffideant refutandae in posterum, sese collegisse, testatur Cl. Nonnen in bonae frugis oratione *de signis temporum cum maxime praesentis seculi, felicioris antea-*
bulonibus, Bremae habita a. 1744. Nec temporis tantum, sed et *locorum*, in quibus grassabitur persecutio, quod in omnibus Protestantium terris non videtur futurum, aliarumque *circumstantiarum* respectu, hoc monitum velim, et insculptum, ne in arcana Dei consilia penetrare velle videamur. Attamen ad illustres hos eventus cuncta videre nobis videmur praeparari, et signa nonnulla sese prudentibus, eo ducentia, offerunt, quorum aliqua digito adtingam, non tam ex politico Europae Systemate, aliam quam olim faciem obtendere incipiente, quod politicis dijudicandum relinquo, quam ex utriusque Ecclesiae adversae statu.

§. XXXV. 1. Tam foeda est *Italiae* et *Romae* facies, in carnali splendore aulae Papalis, in conclavium seu electionum Pontificum artibus et fraudibus, in, probroso nomini Christiano, jure praetenso Monarchiae et infallibilitatis, in regimine aulae Romanae politico et tyrannico, in avaritia, ambitione et dominio conscientiarum, in rerum fidei et religionis ignorantia inter omnis ordinis homines clericos et laicos, in famosis libidinibus et impuritatibus obscenis, in turpissimo asylorum abusu, in dispensationibus reliquiarum scandalosis, in canonizationibus, et aliis rebus, ipsis melioribus catholicis fatentibus, tam a ratione et regno Dei aliena in Ecclesia papistica vigent principia, et fraudulenta et violenta, tanta innocui sanguinis effusa est copia, tantus et diuturnus martyrum Jesu clamor ad vindictam, tam notorii sunt istius Societatis excessus in cultu inprimis et regimine, et opinionibus circa ea, tantus dissentientium, nullo facto discrimine, contentus, tantum odium in ea viget, tanta denique pertinacia et incorrigibilitas, quae
omnem

omnem respuit medicinam, ab ipsis Papis et melioribus Catholicis saepe tentatam; ut per haec et horum similia plenam iniquitatis mensuram fere censi possit adtigisse. Interea legi de his omnibus, ne alios citem, Weismannus (a) meretur.

§. XXXVI. 2. *Autoritas Papalis* tam lubrico hodie statulo, unice quippe, ut diserta habent verba Paridis de Grossis, magistri quondam caerimoniarum aulae Papalis, in *diario curiae Romanae*, (b) *ex animis opinionibusque principum et praelatorum pendens*. Pontifices quidem religiose colunt, sed aulae Romanae auctoritatem ac potestatem, praecipue in rebus politicis, parvi faciunt et deprimunt. Excommunicationes tanquam bruta fulmina respuunt: quare Papae ab iis etiam ab aliquo tempore jam abstinerunt. In regno vero Galliae, praecipuo fulcro religionis Pontificiae, multis contradictionibus obnoxia est, nec a regibus, nisi secundum politicas rationes, tolerari ac gubernari solita; cultus imaginum, sanctorum, et reliquiarum tantopere apud plurimos Catholicos in contemptum venit, principia denique Antichristianismi, proprie dicti, seu fraudes et violentiae in re fidei, doctioribus et prudentioribus eorum, adeo sunt odio, optimo quoque, teste Casaubono, (c) inter Gallos Pontificios, diem Domini expectante, et cum anilium superstitionum, tum Romanae tyrannidis, defensores ex animo detestante; ut, ne alia memorem, posteaquam Deus, qui pro momento regibus unam cum Papis Antichristis dabit mentem ad opus suum cum Protestantibus absolvendum, hoc consilium fuerit exsecutus, regni Papalis destructio ab ipsis etiam regibus Pontificiis brevi futura, uti Ap. XVII. supra vidimus praedictum, nemini accidere possit mira. Addi potest, *ordinem* Jesuiticum omnipotentiae Papalis praecipuum fulcrum, fuisse nuper per ipsum Papam abolitum. Praeterea reges et Principes Catholici nostro quoque tempore sese a per-

Pp

secutione

(a) Hist. Eccles. Sec. XVII. p. 753.

(b) Apud Hofman in nov. collect. monumentorum t. I.

(c) Confer. Moshemius H. E. recent. p. 454.

(d) Ep. ad Grotium a. 1612.

secutione alieniores praestant, uti in Portugallia, Hispania, Gallia, Subaudia, Imperio German., Hungaria, Polonia: Clero frustra incitante, et classicum canente.

§. XXXVII. 3. Quemadmodum Judaeorum per orbem dispersio euangelii propagationem praecessit, et viam aliquatenus ad eam stravit: ita Christianorum, cujuscunque licet sectae, inter Gentiles et Muhammedanos dissipatio, superiore seculo et nostro, magis, quam unquam, facta, nec non Societates, ubique terrarum, uti in Britannia, et Dania, inter Pontificios, ipsos etiam Protestantes erectae, hic non recensendae, erigenda quoque, ut spero, in Belgio, ad euangelium, magis minusve licet purum, promovendum, spem facere videntur conversionis Gentium et Judaeorum universalis, quae ultimam persecutionem, et Antichristianismi, invincibilis ejus impedi- menti, destructionem, excipiet, secundum Christianorum per omnia Secula spem, in verbo Prophet. fundatam.

§. XXXVIII. 4. Denique generalis Christianorum plurimo- rum per omnes sectas, et Pontificiorum et Protestantium, *par- tim* terribilis per opiniones et sectas divisio et confusio, *par- tim* inveterata et insanabilis in vita et moribus corruptio, *par- tim* ab ipsa fide Christiana manifesta, vel occulta, ex toto vel parte defectio, prudentibus non sine ratione ansam praebet cogitandi, judicium Dei, quod a *domo* ejus incipere solet, haud diu amplius esse differendum. De quibus omnibus fu- sius disserere, et alia proferre possem, sed finiendum esse sen- tio. Duo tantum superioribus addere liceat testimonia, unum ad Lutheranos, alterum ad Pontificios spectans. *Illorum* de- ploratam conditionem vivis coloribus depinxit autor *conti- nationis* Hist. Gothanae, ubi inter alia taxatur *fanaticismus*, hinc illinc *Atheismus* et *Epicureismus* (a), *triumphum* agens. De Ecclesia Pontificia dicit autor Pontificius, *Julius Clemens Scotus, Italus* (b): *licet concedatur, minora vitia tum contra ca- stita-*

(a) Tom. III. p. 154.

(b) In not. ad Pallavicin. hist. Concil. Tridentini, Vid. Hei- degg. hist. Pap. §. 291.

stuitatem, tum contra temperantiam nunc patrari in Ecclesia ab Ecclesiasticis, in primis post concilium Tridentinum, quam ante; non minus tamen spiritualibus vitiis superbiae, avaritiae, invidiae, detractioni, susurratori, dolosae simulationi, fidei datae violationi, malevolentiae, hypocrisi, aliisque similibus, deditos esse Catholicos animos. Addit, Politicorum Christianorum, seu Atheorum, seu Deistarum, majorem esse numerum, quam Lutheranorum, Calvinistarum, et aliorum sectariorum.

§. XXXIX. Non possum tamen, quin 5 addam, nonnulla sese mihi, statum Christiani orbis adtente consideranti, offerre, quae viam ad meliora illa tempora sternere, seu praeparare videntur. Ad quae ex. gr. referre licet 1. Scientiarum, non steriliū, seu etiam eruditā simpliciter, sed quae homines reddere possunt sapientiores, meliores et vere religiosos, incrementum. 2. Religionis Christianae, respectu essentialium ejus partium, et veri scopi, fidei in Deum et Christum unicum servatorem, amoris Dei ac proximi, masculaeque omnis generis virtutis, majorem illustrationem et instillationem; reliquis accidentalibus et difficilioribus, quae Christianos dividunt, et in se armant, cujusque judicio relictis. 3. Ejus quoque religionis contra Atheos, Deistas et Scepticos, accuratorem ac certiorē defensionem ac confirmationem, quam unquam antea fuit factum. 4. Libertatis fidei et religionis, mutuaeque tolerantiae, professionem ac adfirmationem majorem, solidiorem et diffusiorē. 5. Media et motiva ad vitiorum et criminum, societatem civilem deturpantium ac destruentium, cursum sistendum non sine fructu, per conciones Ecclesiasticas, passim in meliorem redactas formam, *leges bonas, judicia justa et aequa*; magis magisque adhiberi solita. Quae, et quorum similia, hic clarius et latius non deducenda, per omnes, aut plurimas, Christiani orbis societates, majore minoreve copia, a paucis pluribusve, viva voce, scriptis et exemplis, coram oculis expōita, considerari possunt, tanquam *semina*, quae nunc adhuc, *zizaniarum* copia nimia, pressa quasi et impedita jacent in agro Domini, deinceps suo tempore, maxime post

zizania per Dei judicia evulsa ac igni tradita, in laetam ac copiosam segetem excreverunt, regnumque Domini, quod est veritatis, pietatis et virtutis, quale in fine temporum expectamus, condere apta videntur. Antichristianismo enim in Christianismo penitus extirpato, fieri non potest, quin, studio veritatis pectora inflammante, ope Spiritus S. veritas et virtus caput sit erectura, sectaeque dispariturae sint.

§. XL. Utinam, in vota enim quin tandem erumpam non possum, *omissis novarum et periculosarum controversiarum et opinionum*, addo, etiam saepe inutilium et non necessariarum, *scrupulis*, verba auditis, quibus Saxo-Gothani, viri Docti, historiam suam Ecclesiasticam claudunt, *in id sedulo incumberet Christianus orbis, ut fides ex verbo Divino cordibus hominum instillata verae pietatis fructus posset producere; neque magno cum damno et dedecore nostro in iis versari temporibus deprehenderemur, in quibus venturus Iesus, Dei filius, vix inventurum se fidem, dudum praedixit!* Utinam Theologi Protestantes secum infensis disputare animis, rixari, et in propria saevire viscera, desinerent! o! si consilia vel unionis, vel pacis et tolerantiae, a Viris Doctis et moderatis, seculo superiore et nostro, suppeditata, et saepe inculcata, tandem admittant! Hanc etiam animorum moderationem commendarent, foverent, suaeque auctoritate urgerent et tuerentur, Politici! Principes denique Protestantes, quod sapientis politici, Oliverii Protectoris, monitum olim fuit in Epist. ad Carolum Gustav. Sueciae regem, *communium religionis hostium importuna consilia, variasque artes intueantur, et quam necessarium orbi Christiano, quamque salutare, sit futurum, considerent, quo facilius adversariorum artibus obviam iri possit, protestantium principes et reges secum artissimo foedere conjungi.* Addere liceat, eos tempore pacis respublicas ita curare debere, ut, tempore ingruentis calamitatis, malis sese cum spe successus opponere possint. Ex illis enim orientur novi Maccabaei, quales sese Sec. XVI et XVII. praestiterunt, inter alios, Belgii nostri Principes, qui Syro-Macedonas novos reprimunt, et, *fabri quarti Zach. II. instar, cornu illud retundent.*

Hac

Hac utique via si inevitabile malum evitare nequeant Protestantes, superabunt tamen, et de Ecclesia persecutrice, secundum promissâ Dei, triumphabunt per Dei potentiam et gratiam. Utinam etiam *Domino*, ad ostium stanti, et pulsanti, aperirent, (a) ad fervens veritatis ac verae pietatis et virtutis studium reverterentur, ut promissi a Domino dati fiant participes, et *tentationi*, quae orbi eveniet, eripiantur (b), *seddeantque cum Christo in throno ejus*. (c)

§. XLI. Verba denique Apostoli, utinam in multos Protestantes quadrarent! animis vestris patimini inscribi, de temporibus vero et tempestatibus non opus est, ut vobis scribatur; cum ipsi praeclare sciatis, Domini diem esse venturam, ut furem in nocte (plane sicut Dominus de periodo ultimae persecutionis Ap. XVI. ecce venio ut fur &c.) Cum enim dicent homines, pacem esse et securitatem, tum, repente, ut dolor uterum ferenti, sic iis instabit interitus, quem non effugient: vos, fratres, non estis in caligine, ut vos dies illa, tanquam fur, opprimat: omnes enim lucis, dieique, estis homines; non sumus noctis aut tenebrarum, ne dormiamus ergo, ut caeteri; sed vigilemus sobriique simus, ----- induti fidei charitatisque lorica, ac galeam spei salutis. Possidete animas vestras patientia, nec nimia sollicitudine ac metu persecutionum concutiamini. Audiat Augustinum (d), subinde eloquentem, et animos flectendi arte peritum. Quid times vias duras passionum et tribulationum? transiit ipse (Christus) respondes forte, sed Ipse! transferunt Apostoli, adhuc respondes, sed Apostoli! accipio, responde, transferunt et postea multi viri, erubescere, transferunt et foeminae. Senex venisti ad passionem? noli timere mortem, vel quia vicinus es morti. Juvenis es? transferunt et juvenes, qui adhuc vitam sperabant. Transferunt et pueri, transferunt et puellae. Quomodo adhuc via aspera est, quam multi ambulando linierunt. Haec ergo est, ita pergit, solennis et assidua communitio nostra ad vos, fratres! ut solennitates martyrum non va-

Pp 3

na.

(a) Ap. III: 20. (b) Ib. vers. 10. (c) Ib. vers. 21. (d) Serm.
206 fin.

na solennitate celebremus, sed quos in suis solennitatibus amamus, etiam fide simili imitari non reformidemus. Quales solennitates, pie et sine superstitione agendas, liceat et nostris commendare Ecclesiis. Praestiterunt et per omnia secula antiquiora ingentem utilitatem, praebent et hodie Graecis, sub servitute gementibus, hac una praecipue re durantibus inter Muhammedanos. (a) Ceterum, *estote fortes in Domino, ejusque virtutis robore: induite divinam armaturam, ut possitis adgressiones sustinere Diaboli — ut adverso tempore resistere, et confectis omnibus stare, possitis: state igitur adcincti latera veritate, et justitiae lorica induiti, pedibus calceatis firmitate evangelii pacis, adsumto in primis clypeo fidei, quo omnia tela mali illius ignea exstinguere poteritis: Item salutis galeam sumite, et gladium Spiritus verbum Dei.* (b) Sintne illa tempora longius aut propius a nostra aetate remota, anxie non inquiramus, sed Deo relinquamus, qui sibi futura illa reservavit: vigilemus nos tantum, et id curemus, ut, cum Dominus advenerit, eum digne excipiamus, ipseque nos invenerit paratos. Interea, in nostram consolationem, animis alte infigamus, afflictionem illam fore brevissimi temporis, et in longe maximam ac perpetuam prosperitatem et felicitatem exituram esse, qua Ecclesia Christi omne genus bonis terrestribus et coelestibus copiose adfluet. Pastores tandem saluberrimo Viringae monito aures praebent, quocum sicut incepti, ita et finiam, *vos ergo suis temporibus et locis edocete Ecclesias &c.* Sed, ut unum alterumve monitum, pace Ipsorum, addam. 1. Faciant illud sapienter, prudenter, tempestive, et solide, ne rudiores, aut adfectibus magis quam rationi litantes, abutantur ad sui, aut pacis reip. et Ecclesiae perturbationem, ac damnum. 2. Doceant suos, inter Romano-Catholicismum et Antichristianismum probe distinguere, *illum* quidem erroribus et superstitione esse infectum, sed *hunc* abominabilem, *illum* misericordia, *hunc* odio dignum, ab *illo* parum, ab *hoc* multum metuendum, *illius* professores ac observatores, modo fidem veram

(a) Vid. Smith de statu hodierno Eccles. Graec. (b) Ephes. VI.

ram in Christum, quoad essentialia ejus, cum pietate ac virtute conjunctam, teneant, *profunda Satanae ignorantes*, Ap. II: 24. Christianos esse posse, *hujus vero Satanae mancipia*; illos probos posse cives esse, sed *hos* reip. ac Ecclesiae pestes. 3. Inculcent suis, afflictiones fidei et pietatis causa non esse viam insolitam, potius ordinariam, ad regni Christi conservationem, ac propagationem, omnium fere temporum teste experientia, utilem, et adcommo- dam, nec adeo asperam ac calcatu difficilem, cum Christi et Spiritus S. potentissima manu sustententur, qui eam incidunt, et gloriose omnia superent obstacula, ac tandem coronentur. 4. Animis quoque non desinant imprimere, hanc ultimam, simul brevissimi temporis, fore persecutionem, in Antichristianismi totalem extirpationem, ac regni Christi in pleno suo vigore erectionem, exituram esse. 5. Praeparent denique eos ad persecutionem animose suscipiendam et digne ferendam, Christique illud regnum pro virili erigendum et honorandum, docendo, ac inculcando, *cum fundamentalem illum fidei articulum, Jesum Christum, Filium Dei, crucifixum, et unicum fervorem, tum regiam illam charitatis legem, quae omnia involvit pietatis ac virtutis officia, per quam fides vera actiuosa est, et sine qua mortua ac inutilis, tum in specie coelestem illam sapientiam, quae casta est, seu pura et sancta, pacifica, obsequiosa, aequa, plena misericordiae et bonorum operum, non discernens* (seu homines secundum studium partium, aut carnalia principia alia dijudicans et distinguens) *infucata*, sincera et integra. Jac. III: 17. Regnum utique Christi est *justitia, pax et gaudium* per Spiritum S. Rom. XIV.

§. XLII. Quod superest, laetus ad solemnitatem hujus diei progredior, et eo alacrior, quod fasces ne leviter quidem manus strinxerint, quod in laudem vestram, optimi Juvenes! dictum accipite; quippe quorum diligentiae, et compositis moribus hoc otium, quo frui licuit, acceptum fero: in quo elogio mihi jam *ter* desinere, per Dei gratiam, datum est: agite in posterum, si vobis et Academiae vere consultum cupitis, ut successor meus in has easdem laudes vestras sese effundere queat.

CORRIGENDA et ADDENDA.

Pag. 14	lin. 17	—	leg. repraesentantur
— 24	— 9	—	— et post יוכל comedet
— 34	— 14	—	— III: in fine
— 191	— 3	—	— XII: 23. ubi Ecclesia primogenito- rum (e mortuis, uti Col. I: 18.) est coetus eorum, qui jam e mortuis resuscitati Matth. XXVII. recensiti praeterea dicuntur in coelis, tan- quam praesentes: quem sensum verbum ἀπογεφεσθαι hic et alibi habet.
— 209	— 5	—	— leves
— 241	— 10	—	— objectioni.
— 283	— 4	—	— alii.

